

**ЎЗБЕКИСТОН РЕСПУБЛИКАСИ
ОЛИЙ ВА ЎРТА МАХСУС ТАЪЛИМ ВАЗИРЛИГИ
АНДИЖОН ДАВЛАТ УНИВЕРСИТЕТИ**

ТЎЛАНБОЙ ОРТИКОВ

**ФАЛСАФА
(ЭТИКА)**

(барча бакалавр таълим йўналиши талабалари учун тайёрланган

Андижон - 2020

ТҮЛАНБОЙ ОРТИКОВ

ФАЛСАФА

(ЭТИКА)

Кўлланма юксак ахлоқийликка зид бўлган ёлғончилик, хасад, кибр, бошқаларни менсимаслик, ҳаёсизлик, чақимчилик, баҳиллик, ғийбатчилик, ҳақорат, ғазаб, мунофиқлик, адоват каби қатор салбий, ҳамда шириңсўзлик, тилга эҳтиёткорлик, ихлос, ростгўйлик, ҳаё, иффат, риёсизлик, ҳалоллик, сабрлилик, омонатга садоқат, раҳм-шафқат, олийҳимматлик, шукроналик, кечиримлилик, адолатпарварлик, тавозелик, меҳрибонлик каби ижобий хусусиятларни фалсафий баҳолаш, изоҳлашга бағишиланган. Кўлланма ўқувчи-ёшлар, алабаларга ва ёшлар тарбияси билан шуғулланувчи мураббийларга мўлжалланган.

Тақризчилар:

Мухиддин Назаров

**Андижон машинасозлик институти доценти,
фалсафа фанлари номзоди**

А.Эгамбердиев

**Андижон Давлат университети доценти,
фалсафа фанлари номзоди**

СҮЗ БОШИ

Талабалар эътиборига ҳавола қилинаётган фалсафа (этика)дан тайёрланган қўлланма Республика Олий ва ўрта махсус таълим вазирлиги тасдиқлаган намунавий дастурнинг “Ахлоқнинг пайдо бўлишига оид диний,илмий қарашлар таснифи ,”иҳтиёр эркинлиги ва ахлоқий танлов”, ”Оила номуси ва шаънини сақлашда ота-она ва фарзандлар маъсулияти”, ”Ажралиш ва унинг ахлоқий камолатга салбий таъсири”, ”Давлатнинг оила тинчлиги ва барқарорлигини таъминлашдаги ўрни”, ”Соғлом турмуш тарзининг баркамол авлод ахлоқий тарбиячидаи аҳамияти”, ”Оммовий маданият”нинг ёшлар дунёқарашига таъсири”, ”Замонавий ахлоқий тарбияда космополитизмга мойиллик”, ”Амалий этиканинг назарий асослари” каби қисмларига мос келади. Ўқув қўлланмасида “Зикр ва ахлоқ”, ”Ғийбатчилик ва иғвогарлик”, ”Рахмат ва шафқат”, ”Ҳаё ва ҳаёсизлик” ”Иффат”, ”Ихлос ва тилга эҳтиёткорлик”, ”Қиморбозлик ва ўғрилик”, ”Чақимчилик ва адват”, ”Ёлғончилик ва ростгўйлик”, ”Хасадгўйлик ва ичиқоралик”, ”Фосиқлик ва баҳллик”, ”Сабрлилик ва сабрсизлик”, ”Олийжаноблик, шириңсўзлик, тилга эҳтиёткорлик”, ”Таъма, ҳақорат, диёнат”, ”Ғазаб ва қаноат” каби мавзулар орқали ахлоқ ва ахлоққа зид масалалар ҳам ўрин олган. Ўқув қўлланмасида гўзал ахлоқнинг сифатлари баён қилиниб, мутафаккирлар меросидан кенг фойдаланилган. Имом Бухорий, Имом Термизийларни ахлоқ ҳақидаги муҳим хуносалари хозирги ёшлар учун зарурдир. Ўқув қўлланма Олий ўқув юртларида Фалсафа (этика, эстетика, мантиқ) предметини ўқитишда фойдали манба бўлади деган умиддамиз.

ОЛИЙЖАНОБЛИК, ШИРИНСЎЗЛИК, ЗАҲАРХАНДАЛИК.

Кўплаб уламолар эътирофича ислом яхшилик дини, эзгулик ва энг яхши фазилатларни инсонда бўлишлигини хоҳлайдиган ва тарғиб қиласидиган диндир. Аввало, халқимиз бу сифатларни энг қадимдан бошлаб эъзозлашини эсласак, исломнинг юртимида устивор бўлиши худди узукка кўз қўйилганидек ҳолат эканлигини ҳис қиласа бўлади. Исломгача устивор дин бўлган Зардўштийликда ҳам эзгу ният, эзгу сўз, эзгу амал-учлиги ўзининг чиройли ифодасини топган эди. Зардўштийлар эътиқоди туфайли ахлоқ, илм, эзгулик юртимида илдиз отди ва ривожланишга сабаб бўлган эди. Зардўштийлик одамларнинг бир-бирларига ёрдам беришлари, самимий ва ўзаро хурматда бўлишлиги заруратини тарғиб этган эди. Кейинчалик, Марказий Осиё тамаддуни туфайли Кўплаб аллома-мутафаккирлар етишиб чиқди. IX-XV асрлар эса Марказий Осиё тариҳидаги юксалиш ва тамаддун чўққиси сифатида эътироф этилган.

Моида сурасининг иккинчи оятида “Яхшилик ва тақво йўлида ҳамкорлик қилингиз, гуноҳ ва хаддан ошиш ёўлида. Ёмонлик ва душманлик йўлида ҳамкорлик қилмангиз”, - дейилган. Ушбу кўрсатма бутун инсониятга айтилган буйруқ эди. Инсониятнинг фақат эзгулик йўлидан бормоқлиги яна бошқа кўплаб яхшиликларга сабаб бўлади. Миллий ғоя ва миллий мафкурамиз таркибида ижтимоий ҳамкорлик деб аталувчи қисм ёки ғоя мавжуд. Бу нафақат инсонларнинг ўзаро муносабатлари, балки жамоалар, бирлашмалараро ҳамкорлик ва ўзаро ёрдам, деганидир. Яхшилик ва эзгулик, яхшилик ва тақводорлик йўлидаги ҳамкорликни тангри ўз каломида баён қилмоқда. Демак, миллий ғоямизнинг бу ерда ўхашлиги, яъни каломдан келиб чиқадиган ўхашлиги, мавжуд экан. Қуръон душманчиликдан ва ёмонликдан қайтармокда. Душманлик эса ошкора золимликдир. Яхшилик нима? Яхшилик аслида одамларга фақат саодат келтириш йўлидаги ҳамкорликдир. Навоий ўз даврида “бир хаста кўнгилга шодмонлик баҳш

этмоқлик, вайрон бўлган Каъбани қайта тиклаб қўйганинг савоби кабидир”, - деган ўхшатишни берган эди. Олийжаноблик бирор бир ёрдамни, тасалли, маблағни, шириңсўзни ўзидан ташқари бошқаларга раво кўришликдир. Ҳамма нарса фақат ўзимда бўлсин, демоқлик очкўзликдир. Мазмунан, яхши инсон, иймон соҳиби тақводорликдан ташқари олийжаноб ҳам бўлиши керак экан. Олийжаноб одам химматли, кўнгли очиқ инсондир. Комиллик даражаларига интилувчи одам яхшиликни ўзига ва бошқаларга, ҳатто энг аввал бошқаларга сўрайди. Фақат сўзда яхшиликнинг ўзи етарли эмас. Унга молиявий, иқтисодий, жисмоний яхшиликларни ҳам қўшиш керак. Бу маънавий сифат жамият аъзолари орасида ўзаро хурмат ва эҳтиромни зиёда қиласи. Худбинлик бунинг зиди: кишини беэътибор қиласи, обрўсини тўқади, одамлараро ғазаб ва нафратни зиёдалаштиради. Олийжаноблик, доимо, саодатни чақиради. Бошқаларга фидоий бўлмай туриб, инсон олийжаноб бўла олмайди. Масалан, дори воситаси, ширин овқат, яхшиликларни аввал шу нарсага муҳтожларга беришни хоҳлайди. Агар ўзига етмай қолса ҳам, майли, - дейди.

Хашр сурасининг 9 ояти, “гарчи ўзларида эҳтиёж бўлса-да, ўзларини қўйиб ўзгаларни ийсор – ихтиёр қилурлар. Кимки ўз нафсининг сақланана олса, бас, ана ўшалар нажот топқучи зотлардир” деган маънога эга ҳам бошқаларни ўзларидан устун қўядилар. Кимки худбинликдан сақланган бўлса катта ютуқقا эришган бўлади”, деган маънога эга. Бир киши Пайғамбар хузурига келиб овқат сўради. У ўз ҳонадонидан сўраб кўрсаки, ҳеч вақо йўқ. Шунда ул зот саҳобаларга юзланиб “ким Аллоҳнинг раҳматига сазовор бўлишни хоҳлайди”? “- деб савол қилди. Абу Талҳа исмли саҳоба “мана мен” - деди. Шунда аввалги оч кишини меҳмон қилишни ул зот Абу Талҳага буюради. Саҳоба ўз хотинидан уйда нима борлигини сўрайди. Уйда болаларга тайёрланган овқатдан бўлак ҳеч нарса йўқ эди. Улар, яъни эрхотин келишиб, Расулуллоҳнинг меҳмонини меҳмон қиласи. Болаларни эса бир амаллаб ухлатиб, овқатни меҳмонга беришди. Шунда юқоридаги суронозил бўлди: Қарангки, бу ҳолат исломнинг жамият манфаатини ўз

манфаатидан устун қўйиши тарбиянинг асоси қилиб қўядиган таълимот эканлигига далилдир.

Ислом қадриятларидан бири ширинсўзликдир. Оилада дағал ва қўпол сўзлар устивор бўлса, ҳар куни жанжал ва тўполнон бўлиб турса, болалар тарбияси қай аҳволда қолади? Жанжалнинг охирги топган манзили бўлган қўйди-чиқдиларгача етиб бораётган оилаларни тахлил қилсангиз, ўша жанжаллар умуман арзимаган баҳонаи-сабаблар туфайли келиб чиқаётганига амин бўласиз. Оилада эрнинг ўз ўрни бўлиши ва оила бошлиғи доимо якунловчи сўзнинг эгаси бўлишлиги олтин қоида эмасми? Албатта, уadolat томонида қолгани яхши. Хотин бир гапдан қолса нима бўлади? Жанжал босилади. Ёки эр кўчага, биз озга чиқиб кетса аёл ҳам эс-хушини топиб олган бўлармиди? Шу боис оқилона жамият ёки оқилона оилани кузатсангиз, у ерда секин гапиришади. Ҳар бир нарсани бир имо билан тушунадилар. Бир художўй қўшним, доимо хотини ва болаларига, қизларига “овозинг кўчага чиқмасин” деб танбеҳ берар эди. Чунки у олимлар сухбатида жуда кўп бўлган. Ўзи саводсиз бўлсада, Қурон ва ҳадислар маърифатини яхши кўрар эди. У киши қирқ йил аввал оламдан ўтди. Ўғиллари вояга етди, меҳнат қилдилар ва ота айтганидек ховли-жой эгаларига ҳам айландилар. Тарбия илмида барчага (ёшидан қатъий назар) ширин сўз бўлиш талаб қилинади. Бир сўз билан айтилса, сўз билан даволаш ҳам мумкин, ўқ теккандай касал қилиб, ётқизиб қўйиш ҳам мумкин. Ширин сўзлик билан дўстлар кўпаяди, аксида эса, бор бўлган дўстлар ҳам тил захридан қочиб қоладилар.

Туркман шоири Махтумқули:

Махтумқули сира топмади омон,
Ёмон тилнинг захри тиғлардан ёмон,
Ёмон тил олдида захри кўп илон
Чақсада бир чивин чаққанча бўлмас, -

деб ёзган эди. Демак, сўз ухлатади, сўз яралайди, сўз даволайди. Сўз оғаниларни юз кўрмас қиласди. Яхши сўзлар, мулоимлик, халимлик билан

инсон обрўга эришади, дўстлари кўпаяди. Муқаддас китобда тангри “Бандаларимга айтинки, улар энг гўзал сўзлардан сўзласинлар” (Исро, 53), - деб уқтиради. Кўпол ва беҳаё сўзлар эса шайтоннинг таъсири дейилган. У орага душманлик ва адватни солиб туради. “Ва одамларга яхши сўзлангиз” (Бақара, 83). “Юрганингда ўртача юргин ва овозингни паст қилгин” (Луқмон, 19). Одамлар ўзаро сўзлашганларида очик юзли бўлсин, қўпол бўлмасинлар. Расулуллоҳга қаратАллоҳ: “Аллоҳ берган раҳмат туфайли уларга мулойимлик қилдинг. Агар қўпол ва қаттиқ бўлганингда эди, улар атрофингдан тарқалиб кетар эдилар”(Оли-имрон, 159). Демак, инсон доимо муомалага эътиборли бўлсин, яхши сўзларни сўзласин. Ислом манбалари буюк ахлоқ ва одоб экан.

Араб мақолида “Калом-ур-рожиули, мезонул ақлиҳи”, яъни, инсонни сўзларига қараб, унинг ақлига баҳо берадилар, дейилган. Инсон сўзлаган сўзига эҳтиёт бўлишининг сабаби гапирилган гапдан унга ёмонлик қайтиши эҳтимоли бор, гапирилмаган гап эса хали ичида қолади ва ундан хавф-хатар йўқ.

ИСЁНКОР ҚАЛБ ВА МУСАФФО ҚАЛБ

Бағрикенглик қаерда жойлашган? Дунёни ҳеч кимдан қизғанмаслик нима? Шукур қилиб яшамоқлик қалбий хотиржамликка сабаб бўладими? Мутафаккирлар асарларида қалб мусаффолиги, қалбий нотўғри ҳислат ва ғоялар ҳақида маълумотлар учрамайди. Иймон бирор таълимотга қаттиқ ишонмоқлик бўлса, унинг жойлашадиган манзили инсон қалбидир. Инсон ўз қалбига қулоқ солиши керак, деймиз. Сабаби қалб инсонни алдамайди ва химоялайди. Қалбига қулоқ солмайдиган одамлар қўпчиликни ташкил қиласди. Баъзан бирор ишни бошлишимиздан олдин бирор одам тўғрисида ёмон фикрга борганимизда қандайдир ички туйғу бизни “бу қанақаси”, “уят эмасми”, деб ўша ишдан, нотўғри фикр ёки холосадан қайтаради. Қайтариқлар қалбимизнинг исёнлариidir. Хидоят, гўзал ахлоқ , эзгулик сари

қадам қўйсак қандайдур ички мамнуниятни сезамиз. Қалбимиз хурсанд, “хайриятэ, барака топ” демоқчи бўлади. Моғор босган қалб сўзини ишлатувчилар анчагина. Аслида қалбнинг доимий уйғоқлиги унинг доимий назоратчи эканлигига этибор қилмайдиган одамга, тушуниш учун саъи харакат қилишни тўхтатиб қўйган одамга нисбатан “моғор босган қалб” иборасини қўллаймиз. Демак, қалб нидосини у ҳақир санаб, уни менсимайдиган, унга қулок тутмайдиган одамга нисбатан ўша терминни қўллаймиз. Демак, қалбимизга нисбатан “моғор босган” - сўзини ишлатишadolatsizlikning ўзидир. Муҳаммад (с.а.в)нинг болалик пайтларида савдогарлар карвонида тужа етакловчи бўлиб ишлаб Шом мамлакати сафарларида қатнашганини кўпчилик билади. Йўлдаги черковда яшовчи Баҳиро исмли яхудий роҳиб карвондаги бола билан учрашиб саволлар беради. Амакиси Абу Толибнинг руҳсати билан у томонидан болага иккита савол берилди. Лот ва Уззо исмли бутлар ҳакида сўралганда ул зот бутларга нафрати баландлигини билдириди. Иккинчи саволда: Қандай ухлайсан, дейилди. Савол атрофдагиларга ғалати туюлди. У зот: кўзларим ухлайди, лекин қалбим уйғоқ, рухим уйғоқ, - деган жавобни берди. Одамлар бирбирига маънодор қилиб қараб қўйишади. Ўзингиз ўйлаб кўринг: қалб қачон дам олади? Албатта, юрак ҳеч дам олмайди, доимий ҳаракатда. Юрак тўхташи мумкин эмас, агар у ҳол юз берса, ўлим етиб келди, деган гап. Аллоҳ ҳам мангу уйғоқ зотдир. Ўз вақтида Ғаззолий таъкидлаганидек дил, рух, жон бир хил нарсаким, қалб ҳам улардан ташқарида эмас. Ғаззолий таърифида “ва жумлаи баданнинг подшоҳи дил - қалбdir. Ва ҳамма аъзои бадан дилнинг лашкаридир. Ва бадан ҳамма ахволда анинг тобеидур. У бизнинг саъи-ҳаракатларимиздан ё рози ёки норози ҳолатда бўлади. Демак, қалб бизга эмас, биз қалбимизга бўйсунишимиз керак. Агар бирор иш қилиб турганимизда, қалбимизда фақат ўша иш бор, бошқа гап, сўз, ўй, ҳаёл йўқ бўлса, қалбимиз биз бажараётган ишга ҳозирланган бўлади. Масалан, намоз ўқиб турган кишининг қалбида намоздан бошқа нарса бўлмаса, қалби ҳозир бўлган бўлади. Айниқса, ибодат пайтида бизлар ёлғиз Аллоҳ билан ҳозиру-

нозирликда қолишимиз керак бўлади. Шайх Мұхаммад Содик намозда қалб ҳозир бўлишининг уч омилини баён қилган:

1. Намозда фотиҳа сураси ва зам сура қилинаётган каломни мазмунини билиш ва тушуниш қалб ҳозирлигига олиб келувчи омиллардан биридир. Ҳаёлни олиб қочадиган нарсалардан узилиш жуда мухим. Бу ерда ташқи омил, қулоқ ва кўзни машғул қилувчи нарсалардир. Масалан, радио овози, телевизор овози, ташқаридаги одамлар овози кабилар. Кўзни сажда нуқтасидан узмаслик, керак. Кўз расм-нақшлардан узоқда бўлиш, иложи бўлса меҳроб гулсиз, нақшсиз, оддий бўлгани маъқул. Ички нарсалар, яъни ҳаёлни олиб кетадиган нарсалар анча кучли бўлади:

Дунё ғами, ечилмаган муаммо, бошга тушган савдо. Мана шу уч нарса Намозда хушуъ ҳолати бўлишига ҳалақит беради. Хушуъга олиб келувчи омиллар: барча ишларни битириш, намозга яхши тайёрланиш, охиратни эслаш, ҳозир мени худо кўриб турибди, деб ўзини хокисор ҳисоблаш, дунё ташвишларидан ҳол и бўлишдир. Хушуъ - намоз ўқиётганидан қувонишдир.

2. Аллоҳнинг таъзимини эслаш ҳам қалб ҳозирлигига сабаб бўлади: Улуғлиги ва азамати, ҳайбати, ҳавфини ҳис қиласи. Буни сезган одамнинг қалби Аллоҳда бўлади.

3. Умидворлик. Айнан у қўрқувдан устун туради. Шу сабаб ўқиган намоздан умидвор бўлиш керак. Булардан ташқари, намозга оид амалларда ҳам қалб ҳозирлигини хосил қилиш мумкин. Абу Хурайрадан ривоят қилингани ҳадисда Мұхаммад (с.а.в)деди: “Вақтики мусулмон банда таҳорат қиласа, яъни юзини ювганда кўзи билан қилинган хатолари тўкилади, икки қўлини ювганда эса қўли билан қилган хатоси тўкилади, сувнинг сўнги қатраси билан эса барча хатолари тўкилади. Вақтики икки оёғини ювса ўша сувнинг охирги қатрааси билан икки оёғи билан қилган хатолари тўкилади”. [01,67]. Бу ҳадисни имом Муслим ҳам ва имом Термизий ҳам ривоят қилишган. Қарангки таҳорат ҳам катта ибодатлардан экан. Чунки таҳорат пайтида инсон Аллоҳ билан боғланадида ҳар бир аъзосини ювганда “илоҳо ушбу аъзолардан содир бўлган гуноҳларин тўкилган бўлсин”, - деб сўрайди.

Шу боис таҳорат пайтида чалғимайди, бошқалар билан гаплашмайди. Шошапиша чала таҳорат ҳам ибодатни нуқсонли бўлишига олиб келади. Боз устига таҳорат кичик хато ва гуноҳлардан фориғ бўлиш учун имкониятдир, қулай вақтдир.

Азонни тингламоқлик ила қиёмат сахросидаги хайқириқни эслайди, савол-жавобни ҳаёлидан ўтказади. Намозда покиза кийим кийганда одамлардан уят жойларини тўсгани ва энг асосийси тангри олдидағи шармандалиқдан тўсинаётганини ҳис қиласи. Ўша шармандалиқдан тавба, ҳаё уят ҳамда умидворлик тўсишини ҳаёлимиздан ўтказамиз. Қибла - Байтиллоҳ томон юз буришдир. Ўша томонга юзланганда “ҳозир мен Аллоҳ билан мулоқот қиласман” - деб атрофдаги ҳар қандай нарса, икир-чикирларни унутамиз. Ҳаёлан ердан узилиб безавол зот билан боғланамиз. Икки қўлни кўтариб “Аллоҳу акбар” дейишимиз билан унинг улуғлиги ва хайбатини ҳис қиласмиз ва тилимизда айтган бу сўзни дилимиз билан тасдиқлаймиз. Кейин тилимиз билан “Аъзу биллаҳи”ни айтамиз, яъни Аллоҳдан шайтон васвасаси, алдови хуружидан паноҳ тилаймиз. Қироъатни маъносини тушуниб ўқиганга нима етсин. Ўтмишда яшаб ўтган салафи солиҳлар (яъни, худога етишган зотлар) шу даражада намозга киришганларки, қироатнинг маъносини чуқур ҳис қилиб, хушидан кетганлар, ҳатто жон таслим қилганлари ҳам бўлган экан. Намоз ибодати рукусида худога бениҳоя тавозуни ва бош ерга текканда унинг олдида ҳеч ким эмаслигимизни ҳис қилишимиз лозим. Тасбех, дуо, такбирларни юракдан чиқариб бажарилса қандай яхши. Ибодатга интилевчи ундан улкан руҳий мадад оловчи ва ўзини хокисор сановчи қалб мусаффо қалбдир. Бекордан бекорга намоз тарбияловчидир, деб айтилмаган, намоздан намознинг фарқи бор. Намоз учун савоб берилади ва ҳамма ҳам намоз ўқийверади, дейишимиз мумкин. Бу албатта сиртдан айтилганда шундай. Аслида ихлос ва хушу қандайлигига қараб ажр ва савоб берилар экан. Ким уни жойига қўйиб, баланд ихлосда бажарипти, савобни ҳаммасини олибди. Муоз ибн Жабал исмли саҳоба “Кимки ўнгу сўлида ким турганлигини билса намози намоз эмас” – деган.

Банда намозини ўқиб бўлганидан кейин қанчасини эслаб қолса, савобда шунча қисмигагина эга бўлади. Бир оила бошлиғи ўғлига шом намозидан чиқаётганлар ичидан намоз ўқиганларни эҳсонимизга бошлаб келгин, деди. Ўғли улардан қачон ва қайси ракатда қайси зам сурани ўқиганларини сўраб, тўғри жавоб берганларинигина бошлаб келди. Отаси “нега жуда озчилик” - деди. Ўғли: “фақат шуларгина намоз ўқиди” деди [3(1),70].

Қалб ҳозирлиги кимда амалга ошган бўлса, намоз ўқувчидан талаб қилинаётган фарз бажарилган бўлади. Намознинг намоз бўлиши талаблари ичida қалбнинг тайёрлик ҳолати намознинг руҳи ҳисобланар экан. Юқоридаги фикрлар ибодатга тегишли бўлсада қалб мусаффолиги Аллоҳга бағищланган ибодатдан бири десак бўлади. Одамларга тавозеъли бўлиш, ҳалол бўлиш, рост сўзлаш ғийбат-бўхтондан узоқ бўлиш, барча ҳаракатим Аллоҳга маълум, ундан уяламан, ҳаё қиласман деб яшаш ҳам мусаффо қалбнинг белгиларидандир. Мусаффо қалб инсонни чалғитмайдиган, алдамайдиган қалбdir, унинг соҳиби ўз қалбига хиёнат қилмаслиги керак. Қалби билан доим маслаҳатлашуви керак бўлади. Рисоланинг бу қисмидаги сўзлар, хулосалар Шайхнинг “Рухий тарбия” китобига тегишлидир.

МАҒРУРЛАНИШ ВА ВИҚОР

Мағрурланиш деб инсоннинг ўз куч-қудрати, амали, қурган иморати, болаларининг қўплиги, ўғил фарзандига ва мол дунёсига ўзи маҳлиё бўлишига айтилади. Инсон бу дунёга ялонғоч ҳолда келди, яшади ва юқоридаги нарсаларни худо бергани учун қўлга киритди. Мағрурланиш шайтоннинг иши, тавозе ёки камтарлик раҳмон иши, дейди халқимиз. Камтарлик соҳиби бўлишга қаноат ҳам киради. Қаноат бошига мусибат ёки зиён етганда ҳам, баҳт қуши қўнганда ҳам сабр қилувчи одамнинг фазилатидир. Кибр ва ғуурдан келиб чикувчи мағрурланишни зиди виқордир. Кибр ва ғуурдан, манманликдан ўз нафсини сақламоқликнинг номини виқор деб аталади. Виқор ахлоқ ва ҳикмат юзасидан энг аҳамиятли,

инсон учун зарур хулқлардандир. Виқори йўқ одам нобакор бойга, мутакаббир инсон эса иллат тўла девонага ўхшаб кетади. Қадр ва эътибори баланд инсонда виқор юқори бўлади. Виқори баланд одам кибр ва ғуурга яқин йўламайди. Уч нарса кишини хор, халқ орасида беътибор қиласди. Ҳатто у илм ва мол-давлат эгаси бўлса ҳам. Улар **-мағурланиш, манманлик, тақаббурликдир.** Ўз-ўзини осмонда деб билувчи ва риёкор одам виқорсиз ҳамдир. Ёмон хулқлардан ҳоли, иши ва сўзи тўғри, шафқати баланд, марҳаматли, миллат дарди билан яшовчи, қалби пок, шерюрак инсон виқорли ҳам ҳисобланади. Виқор сохиби, албатта, кибранд ва ғуурдан ҳоли, инсонийликка мадор, ватанига ифтихор, инсонлар ахлига хомий ва дастёрдир. Номус, орсабот, қаторида турувчи виқор кейинги 30 йил ичида эътиборсиз қолгандек. Йигиту-қизда виқор сифатларини шакллантирсан ҳақиқий юртпарвар инсонларга эга бўламиз. Нажот икки нарсада (тақво ва ният) бўлгани каби ҳалокат ҳам икки нарсада (ноумидлик ва мағурланишда)дир. Ғуурнинг тескариси ва зиди инсон ўзини ҳақир ҳисоблашидир. Ривоятларда умрининг 70 йилини ибодат билан ўтказган одам ҳақида ҳикоя бор. Ўша инсон ҳар хафтанинг олти кунида рўзадор бўлар эди. Бир куни у худодан йўл қўйган ҳатосини ва ҳожатини сўради. Ҳожати раво бўлмади. Шунда, у ўз нафсини койиди, гуноҳ ишлар қилганлиқда айблади. Унга фаришталар орқали етказилдики, ўзини ҳақир санаганининг ўзи етмиш йиллик ибодатдан афзалдир. Расуллулоҳ ҳам мағурланишдан қайтарганлар. Чирой-чимматга мағурланиш кўпинча аёлларда учрайди. Ташқи гўзалик туфайли ҳам, ички гўзалик билан ҳам мағурланмаслик лозим. Саҳобалардан бири: “Тавбанинг чиройли бўлиши гуноҳларингни билишинг билан, амалингни тўғри бўлиши, мағурланишдан воз кечишинг билан бўлади” - деди, Яна бир саҳоба: “Кечаси ухлаб қолиб пушаймон ҳол да тонг оттиришим, кечани ухламай, мағурланиб тонг оттиришдан афзалдир”, - деди. Аллоҳга яқин бўлиши учун эса ғуурни синдириш лозим бўлади, унинг учун ўша инсон:

1. Шукур қилиб, нафсига мағурланмайди;

2. Аллоҳ неъматларидан ибрат, хулоса чиқаради ва қилган ишига мағрурланмайди;

3. Амали (ибодати) қабул бўлмай қолишидан жуда қўрқади, хавфсирайди, нафсига мағрурланмайди;

4. Қилган гуноҳларини эслайди. Гуноҳи савобидан оғир келишидан қўрқади;

Олим бўлиши учун ҳаракат ва худодан қўрқиш, илмиз қолишига эса амалига мағрурланиши кифоя қиласи. Имом Журжоний ўз китоби “Тарифот” да ғуурни нафси хавосига мослик ва табиатига мойилликдир, деб таърифлайди [3,401]. Бошқа бир ислом алломаси ғуур хатони тўғри деб хаспўшлашдир, деган.

Фотир сурасининг 5-оятида: “Эй инсонлар! Албатта, Аллоҳнинг ваъдаси ҳақдир. Бас, сизларни дунё ҳаёти сира алдаб қўймасин. Яна алдамчи (шайтон) алдаб қўймасин!” - дейилган. Мулк сурасининг 20-оятида “(Эй мушриклар!) Раҳмондан ўзга сизларга ёрдам берадиган қўшнингиз ким экан ўзи?! Кофирлар фақат мағрурликдадирлар” дейилган. Мен зўрман, менга ҳеч ким бас кела олмайди – деб ўйлашлик ғууррга кетишидир. Баъзилар ўзаро суҳбатда иккинчисига, фалончини мен ундай дедим, мен бундай, дедим – деб тушунтиради. Бу билан, у ўзини ҳаммадан зўр ва ақлли эканлигини исботламоқчи бўлади. Бу ҳолат айниқса, ўсмир ва балофат ёшидан ўтганларда кўпроқ кузатилади. Айрим ҳонадонлар ўз фарзандларини ғууррга кетиб қолганини ҳатто тушунмайдилар ва ташвишга ҳам тушмайдилар. Расуллулоҳ (с.а.в.)дан қуийдаги ҳадис Абу Хурайра (р.а.) орқали ривоят қилинган (Термизий ривояти): “Охирги замонда дин ва дунёни бирваракайига талаб келувчилар чиқади. Тиллари шакардан ҳам ширин. Қалблари худди бўриларнинг қалбларидек. Аллоҳ: “Мен ила ғууррга кетдиларми ёки менга журъат қилдиларми? Бас, ўзим қасам ичиб айтаманки, албатта ўшаларнинг бошларига уларнинг ўзларидан фитна юбораман”, - дейди. Тўғри, дин ила дунёни талаб қилишга ўтганларнинг ҳаммаси ҳам хайрон қолдирадиган фитнага дучор бўлавермайдилар. Дин билан, у орқали дунё талаб қилишга

яқин йўламаган яхшидир. Шайх Мухаммад Содик ғуурни етти заарини санаб ўтади:

1. Мағурланиш нафси бузуқлик ва ичи қораликка далил бўлади.
2. Ғуурга кетиш халокатга олиб борар экан.
3. Билимлилар, уламоларнинг ғуурга кетиши уларни амалдан чалғитади.
4. Ғуурга кетиш куфрга, түғёнга, фужурга олиб боради.
5. Бу дунёда ҳасрат, охиратда азоб кимга керак бўлса мағурланаверсин.
6. Ғуур халқларни халок, одамларни бемор қилади.
7. Ғуурли одамда кибр тез томир отади.

Ғуурга кетишининг кўп тарқалгани динни менсимасдан ғуурга кетишидир. Шайх ҳазратлари динсизларнинг ғуурга кетишлирига бу дунё ҳаёти сабаб, - деган фикрда. Улар дунё ҳаётига маҳлиё бўладилар-да, охиратни унутадилар. Нақд-насиядан афзал деб ўзларини овутадилар: “бу дунё нақд, унга эришиш учун ибодат керак эмас. Нариги дунё эса насия, у ердаги яхшиликларни тинимсиз мاشаққатларни босиб ўтиш билан қўлга киритилади”. Яна бир ғуур тури гуноҳга ботган мусулмонларнинг ғуурга кетишидир. Худо меҳрибон, гуноҳларни кечираверади, даргохи кенг. Имонимиз бор, у етади- деб ёлғондан умид қилади. Бу ҳам ғуурдир. Учинчи тури ҳам савоб, ҳам гуноҳдан қайтмаганларнинг ғуурга кетишидир. Бу тоифалар учун ҳадислар бор. Расул Акрам (с.а.в): Доно нафсини тергаган ва ўлимдан кейинни қўзлаб амал қилган одамдир. Аҳмоқ эса нафси-хавосига эргашган ва худодан умидвор одамдир - деганлар. Хасан Басрий: Амал қилмай жаннатни талаб қилиш гуноҳлардан бир гуноҳдир - деган фикрни берган. Бу тоифа инсонлар бир сўмни садақа қилиб, одамларни ўн сўмини зулм ила қўлга киритган одамлардир. Бу жаҳолатнинг каттаси бўлиб, савоб-гуноҳни аралаштириб юрганлардир. Гуноҳлар қилишдан тавба қилган, ундан юз ўгирганлар улардан эмас. Илмли кўп, илмига амал қилмайдиганлар кўпчилиқдир. Жадидлар ҳаракатининг вакили Абдулла Авлоний ўз миллати

ҳақида қайғуриб илм ўрганмакни вазифа қилиб қўяди ва илмгина инсонни жаҳолатдан қутқаришидан огоҳлантиради: “Илм инсон учун ғоят ва муқаддас бир фазилаттур. Зеҳнимизни, фикримизни қилич каби ўткир қилур. Савобни-гуноҳдан, ҳалолни-ҳаромдан, тозани-мурдордан айириб берур. Тўғри йўлга раҳномалик қилиб дунё ва охиратимизни чиройли қилур, Илмсиз инсон мевасиз дараҳт кабидир. Илм бизларни маданият, инсоният, маърифат дунёсига чиқарур, ёмон феъллардан, бузук ишлардан қайтарур. Яхши хулқ ва одоб соҳиби қилур. Аллоҳ таолога муҳаббат ва эътиқодимизни ортдирур, жаноби Ҳақнинг азамати ва қудратини билдирур. Алхосил, бутун ҳаётимиз, саломатимиз, саодатимиз, сарватимиз, майшатимиз, ҳимматимиз, ғайратимиз, дунё ва охиратимиз илмга боғлиқдир. Пайғамбаримиз: илмга амал қилувчилардан бўлингиз, нақл ва ривоят қилувчилардан бўлмангиз демишлар .

Илм бир дарё ичи тўлмиш дуру гавҳар билан,
Киймату-қадрин қачон билғай они жохил илон!

Шунинг учун ўқимоқ, билмоқ замонларини қўлдан бермай вужудимизнинг душмани бўлган жаҳолатдан қутулмакка жонимиз борича саъи харакат қилмоғимиз лозим. “Илм ўқимак ҳар бир мўмин эру-хотинга фарздур” демишлар. Ажабо Қуръонимиз, Пайғамбаримиз ўқингиз деб амир қилғон ҳолда, бизлар не учун ҳаракат қилмаймиз, қимиrlамаймиз, бошқа миллатларнинг ўғиллари, қизлари кеча демай, кундуз демай, ёз демай, қиши демай илм йўлида жонларини фидо қилиб, қовушиб, югуришиб, кўзларимизни қамаштириб турган бир замонда бизлар ҳамон уйқудан, ғафлатдан жаҳолатдан бошимизни кўтармаймиз, ибрат олмаймиз. Пайғамбаримиз: “олим бўл, илм талаб қилувчи бўл, ёки илмни эшитувчи бўл, ҳеч бўлмаса шуларга муҳаббат қилувчи бўл бешинчиси бўлма, халок бўласан, демадиларму?” [1. 22-23]

Ўйлаймизки, Авлонийнинг юқоридаги сўzlари ҳозир ҳам аҳамиятини йўқотмаган. Лекин, ўша ўгитларни маҳкам тутиб, юртимиздан ҳам дунёвий илм, ҳам диний илм соҳиблари етишиб чиқди. Илмли ёшлар кўпайди,

мамлакат қисқа вақт ичида жаҳон иқтисодиётида, маънавиятида ўз ўрнини топди. Гап ғуур ҳақида кетар экан, илмга амал қилмайдиганларнинг ҳукми қандай бўлади, деган саволга жавоб бериш керак. “Фотир” сурасини 28-оятида “Албатта, Аллоҳдан бандалари ичидан фақат олимларгина қўрқарлар” - дейилган. Олимларнинг баъзилари шаръий ва ақлий илмларни эгаллаган бўлади, лекин, уларда илмга амал қилиш, гуноҳдан ўзини олиб қочиш йўқ. Менинг илмим худонинг ҳузурида баланд бўлса керак, сабаби 20 йил шу илм ўрганмоқдаман, деб ғууррга боради. Абдуллоҳ ибн Маъсүд дейди: Худодан қўрқиши илмнинг аломати бўлса, Аллоҳ ила ғууррга кетиш жаҳолатнинг аломатидур. Яна бир хил ғууррга кетган гуруҳ-илми ва амали бор, лекин ахлоқи бузуқ кишилардур. Уларнинг қалбларида ахлоқий нуқсон бўлади. Кибр, ҳасад , риё, шуҳрат ва мансаб кетидан югуришдек қалб касалликлари ин қурган бўлади. Ибодатига маҳлиё бўлиб ғууррга кетганлар деб фарзвожибни ўз ҳолига ташлаб, нафл ибодатни чукур бажариб хаддан ошувлардир. Баъзан нафл рўзанинг ғуурига алданиб нафл рўза тутаётгани билан мақтанади. Лекин, у тоифа одамлар тилини ғийбатдан, қилиқларини эса риёдан ва нафсларини ҳаромдан асрмайди. Фарзвожибни тарк этиб нафлни бажармоқчи бўладилар. Хаж ва бошқа нафл ибодатларда ҳам шундай ҳолат кузатилади. Ғуурни уч нарса ёрдамида (ақл, маърифат, илм) билан даволаш мумкин. Бу ерда тажрибали устоз ёрдамга келади.

ИЛМ ТАЛАБ ҚИЛМОҚЛИК ВА ИЛМИГА АМАЛ ҚИЛМОҚЛИК.

Инсонга берилган нарсаларнинг гултожи илмга муҳаббат ва ўргангандан илмига амал қилмоқдир. Устоз шогирдига илмдан-да бебаҳо нарса бера олмайди. Худди ота-она ўз фарзандига тарбиядан аълороқ мерос қолдира олмагани каби. Илм инсонни яхшилик, эзгулик томон етаклайди ва ўзгартиради. Инсонга яхшилик илм орқали сингдирилади. Илм олишда

мўъжиза юз бермайди, яъни илм олмоқлиқ мاشаққат ва қунт, ўзни фидо қилувчи саъи-ҳаракат билан амалга ошади.

Ҳўш исломдаги илмга нисбатан даъватда қайси илм назарда тутилади?. Фақат диний илмми?. Асло, бу шундай илмки, ҳар қандай билимсизликни йўқотади. Яъни ҳам дунёвий, ҳам диний! Баъзилар ўйлаганидек, маънавий юксалишга фақат ижтимоий-гуманитар фанларгина сабаб бўлмайди. Табиий-илмий, техника фанлари ҳам инсонни ўзгартиради, яхшилик томон судрайди. Илм сўзи араб тилида бирор нарсани бошқа бирор нарсадан ажратувчи сифат белгиси, деган маънони англатади. Таълим олувчининг илмдаги таъкидлашлар, такрорлашлар туфайли шахсияти ҳам ўзгариб боришини тушуниш қийин эмас. Араб олимларидан бири Ибн Манзур [3(1),29]: “Илм жохилликнинг акси бўлиб, у бир нарсанинг бошқалардан ажратиб турувчи томонларини билиб олишдир”, - деган экан. Журжоний эса “Илм воқеликка мувофиқ бўлган жазмли эътиқоддир”,-деган. Газзолий эса “Илм бир нарсани худди ўзидек идрок этишдир” - деган фикрни билдирган. Илм ва унинг маънолари баён қилинган оятлар сони 379 тадир. Ислом таълимотида Пайғамбар (с.а.в): Илмни Аллоҳ беради, мен эса тақсимловчиман, ҳолос,-деган, ҳадисда илмни илоҳий хилқат эканлиги баён қилинган.

Ўзбек халқида илмни сўраб-сўраб ўрганган олим, уялиб сўрамаган ўзига золим, деган нақл бор. Илмсизликдан уялмаслик лозим, аксинча, илмсизлигимни бирорлар билиб қолмасин, деювчи нотўғри йўлдадир. А.Авлоний бобокалонимиз ўзининг “Туркий гулистон ёхуд ахлоқ” китобида “Илм деб ўқимак, ёзмакни яхши билмак, ҳар бир керакли нарсаларни ўрганмакни айтилур. Илм-дунёнинг лаззати, охиратнинг шарофатидур, у инсон учун ғоят олий ва муқаддас бир фазилатдур. Зехнимизни, фикримизни қилич каби ўтқир қилур” деб ёзган эди. Шунингдек, фақат бир томонлама, ё диний билим соҳиби, ё дунёвий илм соҳиби бўлмоқни танқид остига олган эди:. Диний киши бўлмак учун улуми диния ўқимак ила баробар ҳисоб, хандаса, тарих, ҳикмат, кимё, тиб, зироат илмлари каби фанний илмларни ҳам билмак, чин олим бўлмак лозимдир. Чунки бу илмларнинг иккиси ҳам

дунё ва охиратимиз, ҳаёт ва саодатимиз учун энг керакли нарсалардир. [1,22-23]. Расулуллоҳ ҳадисларида: Илмга амал қилувчилардан бўлингиз, нақл ва ривоят қилувчилардан бўлмангиз, - деб огоҳлантирганлар. Абдуллоҳ ибн Маъсур (саҳоба): “Икки очкўз ҳеч тўймайди: толиби илм ва дунё талаб қилувчи. Улар баробар эмаслар. Илм толиби худони розилигини зиёда қиласверади, аммо дунё талаб хаддидан ошишни”, - деди.

Яна ўша зот: “Сизлар амал қилиш замонидасизлар, бунда амал қилиш илм олишдан афзалдир, яқинда илм замони келади, илм унда амалдан афзал бўлади”, дедилар. Юнон файласуфи Демокрит “битта илмий исботу - далилни қўлга киритишим мен учун форс салтанатига ҳокимлик қилишдан аълороқдир” - деган. У яна “Коинотнинг ибтидоси атамалар ва бошқадан иборат. Қолган барча нарсалар фикран мавжуддир”. “Билишнинг икки кўриниши мавжуд. Уларнинг бири туйғулар воситасида билиш, иккинчиси тафаккур илингандир”.

Яна бир юнон файласуфи Антисфен (мил. авв. V аср) “Илмларнинг энг зарури нокерак нарсаларни унутиш илмидир” – деб жавоб берган. Цицерон эса илм ҳақида: “Нодонлар орасида саодатмандлар, донолар орасида эса баҳтсизлар бўлмайди”, -деган. Яна: “фалсафа фани ақлий маданиятдир, шубҳали нарсаларни – қўллаб қувватлашдан ўзини тийган файласуфлар доноларча йўл тутадилар” - деди. Сенека (4-65 й) илм ўрганиш ҳақида “Ўргатиш асносида ўрганаман”, “менимча дағалликнинг ҳам, журъатсизликнинг ҳам илдизи илмсизликка бориб тақалади”, - деб ёзди. Эйнштейн илм ҳақида гапириб “Аллоҳга бўлган имон илмий изланишларнинг энг улкан самарасидир”, - деган эди. Демак ҳақиқий илм кишиси худога ишонувчи бўлади. Париждаги тиббиёт факультети декани Витос (кимёгар) деди: Агар менинг иймоним бироз бўлсада-сустлашганини сезсан, уни қувватлашим учун фанлар академиясига шошиламан, дейди [12,45]. Артур Шопангаузер биринчи бўлиб “рухий ҳаловат” атамасини қўллаган. “Энг олий даражадаги турфа ва давомий хузур-ҳаловат рухий ҳаловатдир, деб таъриф берган. Рухий ҳаловат туфайли ёзган асарингиздан

кўнглингиз тўлади. Бироз хотиржам тортасиз. Илм ўрганиб, кўз олдингизда янги ҳақиқатлар бўй кўрсатса бир олам рухий озуқа оласиз. Бу ҳолат ибодатингиз сўнгида ҳам ўзини билдиради. Шу боис бизлар доимо илм сари ва ибодат сари юзланишни ёқтирамиз. Фақат ибодат билан ёки фақат илм билан қолмоқлик эса маъносиз, мантексиз ҳолатдир. Шу боис қўплаб мутаффаккирлар ушбу икки буюк хилқатни ўзаро боғлиқликда деб тушунганлар.

Янгилик кашф қилган одам бу нарсани илғаб илдизига етиб борганида ва уни хал қила олганида эди, буюк яратувчига ишончи яна ортар эди. Сабаби бизни ўз паноҳига олгувчи ҳам, ўтга ташлагувчи ҳам унинг ўзидир.

Худосизлик инсон мохиятига, хотиржамлик изловчи қалбига, ҳатто яратилишига зид тушунчадир. Демак, қалбига қулоқ тутувчилардан кўра унга эътиборсизлар қўпчиликни ташкил қиласи. Анас ибн Молик исмли саҳоба Пайғамбар Мұхаммад (с.а.в.)дан эшитганини ривоят қилган: Ким илмни Аллоҳдан бошқаси учун талаб қиласа, бу оламдан кетмасидан унга шундай илм келадики, у Аллоҳ учун бўлиб қолади. Ким илмни Аллоҳ учун талаб қиласа, кундузлари рўзадор ва кечалари қоим туриши кабидир. Албатта, илм олинадиган эшик Қубайс тоғидек тиллани Аллоҳ йўлида садақа қилишдан яхшироқдир”, - дедилар. Яна бир саҳоба “илмсизлик кишига ҳусн эмас. Ким билган нарсасига амал қиласа, у одамларнинг олимроғидир. Ким билган нарсасига амал қилмаса, у жохилдир. Шунинг учун ҳам олимнинг битта гуноҳи кечирилгунча, жохилнинг етмишта гуноҳи кечирилади, дейилган”. Одамларнинг қайсиси ёмон? Бу саволга Расулуллоҳ деди: “бузилган олим”, чунки олим бузилса, унинг бузуқлигидан олам бузилади.

Имом Ғаззолий ёзади:

Эй, мамлакатнинг тузи бўлган қорилар,

Туз айниса унга борми дорилар?

Ҳазрат Али (қ.в): “Илм молдан яхшироқдир, илм сизни қўриқлайди, сиз эса молни қўриқлайсиз, илм нафақани поклайди, нафақа эса молни камайтиради. Уламолар дунё қанча турса илм шунча туради, уларнинг

жисмлари йўқолган бўлсада, мисоллари қалбларда сақланади”. Олим билан илм олувчининг ажри(савоби) тенгдир, одамларда икки тоифадан – олим ва таълим олувчидан бошқасида аълороқ яхшилик йўқдир [2, 415].

ИХЛОС ВА ТИЛГА ЭҲТИЁТКОРЛИК.

Ихлос сўзи “ҳолис бўлди” сўзига яқин маъно бериб, мусафро бўлди, тоза бўлди каби таржимий маънолар ҳам касб этади. Бирор нарса (аралашган)ни тозалаш ёки унинг янги ҳолатини ҳолисланди, деб таърифлашга ҳам яқиндир. Ихлос аслида бирор ишни бажаришга сидқидилдан киришмоқлик, ўзини баҳшида қилмоқлиқдир. Унинг зиди ишни қўл учида, лоқайд бажармоқлиқдир. Имом Кафавий: Ихлос мутлоқ зотнинг ёлғиз ўзини ибодат билан дил, тил ва амал мусаффолиги ила топмоқлиқдир, деган фикрни беради. Ихлос нарсани қандайдир ёқимсиз нарсадан халос бўлишга ёрдам берувчи истак, саъи-ҳаракатдир. Оятларда динни ҳолис қилган ҳолатда ибодат қилиш буюрилган. Ихлоссиз ибодат - ибодат эмас. Ихлос ибодатнинг мағзидир. Бамисоли ибодат қилаётган одам худони кузатиб турибди, кўриб турибди деб ҳис қилиши керак бўлади. Дин масаласида инсон фақат яратганинг динигагина ибодат қилиши зарур. Даосизм, буддизм, синтоизм каби, оташпастлик, қуёшпастлик каби, тотемизм, анимизм, аниматизм, магия, фетишизм каби ботил эътиқодларнинг ўзи ихлос қилишга лойиқ эмас. Шариат ҳам фақат унинг шариати бўлиши керак. Тангри хузурида чин дин ислом ҳисобланади. Парвардигор ўз каломида ихлосли бандаларига алоҳида аталган ризқ, наим жаннаттидан жой берилишини хабарини берган. Мухлис мўъмин бандалар учун маълум ризқ (мева- чева, хузурланган ҳолда пардали сўрилар ва эъзоз-икромда) берилиши исломнинг юксак даражада яхшилик тарафдори ва ёмонликка қарши дин эканлигидан далолатдир. Демак, ихлос билан қилинган амалнинг ажру савоби юқори бўлади. Бир хил ният билан қилинган бир хил амални бажарган кишиларни биттасига ўн ҳисса ва яна биттасига 700 ҳисса ёки

ундан кўп савоб ёзилиши ихлоснинг даражасига қараб бўлади. Ихлосни баланд қилган банда ибодат лаззатини топади, қалби ёки ичи нурга тўлади, мусаффо бўлади. Ихлосли инсон ваъз-насиҳат ва ибратлардан ўзига тезда фойда олади. Қолаверса, ихлос ҳам солих, одамга тангри томонидан бериладиган мукофот ва неъматдир. Ихлосли инсон хурсанд бўлгани яхши, чунки ҳадиси кудсийда яратганнинг ўзи “кимга муҳаббат қилган бўлсан, ўшани қалбига ихлосни жойлаганман”, - деган. Ихлосни гўё тангрини кўриб тургандек, ёлғиз ўзи унинг ўзига ибодат қилгандек бажармоқлик дуруст бўлади. Агар бизда ихлосга озгина рағбат бор бўлса, бунга қувонишимиз керак, чунки, биз унинг диққат эътиборида эканмиз. Бунинг акси бўлса, хулоса қилмоқ керакки, жуда кўп қилаётган ишларимизда унинг розилиги йўқ экан. Бу ўз-ўзимизни тафтиш қилиш демакдир. Ҳар кеч, ётишдан аввал инсон ўтган кунини тафтиш қилишни одат қилса яхши: бугунги куним қандай ўтди? Одамларга нафим тегдими? Кимнинг дилини оғритдим ёки кўнглини кўтардим? Гуноҳга ботмаяпманми? Савобли ишларим анча кам экан. Демак, эртанги кунимни энди бошқача ўтказмоғим керак. Бизларга куч қувват ҳам, ақл-заковат ҳам, берилган ризқ, мартаба ҳам қибрланиш учун эмас, балки одамларни қўллаш, заифларни химоя қилиш ва уларга ҳам моддий, ҳам маънавий ёрдам кўрсатишмиз учун берилган. Ўша неъматларни бизда бўлиши зўрлигимиздан эмас, балки ақл билан уларни мурувват йўлида, тангри розилиги йўлида сарфланиши учун гаров ниятида тортиқ қилинган. Демак ихлоснинг баландлиги ҳам бизга кўрсатилаётган эҳтиром ва ахлоқий эътибор экан-да! Унинг сустлиги, иймон сустлигининг бир кўриниши халос. Шайх Муҳаммад Содик ҳазратлари ихлос ҳақида уламолар хулосаларини келтирган: Жунайд Бағдодий: “Ихлос банда билан Аллоҳ орасидаги сирдир. Унга шайтон хуруж қила олмайди, фаришталар ҳам у сирни билмайди”. “Ихлос ва иқтидосиз амал худди қопини қумга тўлатиб кетаётган ва фойда олмаётган мусофирга ўхшайди”,- деган эди, Ибн Қаюм исмли ислом уламоси: “Банда ихлосни кўймаса, тарқ қилмаса унинг қалби ва тилидан ҳикмат булоқлари ҳам отилиб чиқаверади”- деган фикрни берган.

Ихлоснинг олий шакли тангридан бошқа ҳамма нарсадан қутулмоқлик, ҳалос бўлмоқликдир. Аввало ихлос амални, яъни ибодатни, лисонни риё, ёлғон ва алдовлардан ҳалос этмоқликдир. Амални одамлар учун эмас, бирор билмайдиган тарзда фақат унинг (худо) учун бажармоқликдир. Амални аъло бажариб, шубҳа билан хижолатда бўлмоқлик ҳам чинакам ихлосдир. Уламолар одамлар учун амални тарк қилишни риё деганлар. Улар учун амал қилиш эса ширк. Демак, ана шу икки нарсани тарк қилиш керак. Ҳар қандай шахсдаги ихлос тўрт қисмдан иборат бўлади: Гап-сўздаги ихлос; ишамалдаги ихлос; тоат- ибодатдаги ихлос, ҳол ёки қалбдаги ихлос. Шайх ҳазратлари [3,34] эътирофича ихлос тасаввур ёки ҳаёл эмас, балки амалдир. Шу сабаб у давомли, тўлиқ илм асосида ва даражама-даражада бўлиши мақсадга мувофиқдир.

Ихлос дуолар қабул бўлишга сабаб бўлади. Инсоннинг икки дунёда мартабаси кўтарилишига ихлос сабаб бўлади. Инсоннинг ижтимоий мавқесини мустахкамлигига олиб келувчи восита ихлосдир. Ихлосли одам хотиржам инсондир. Инсоннинг бошига келган яхшилик ёки ёмонликларни ихлос енгиллатади. Ихлос билан иймонимиз кучаяди. Ихлос дунё ва охиратдаги бизнинг қалбимиздаги эзгулик учун хужжатдир. Фахш ишлар инсонга ихлос туфайли хуруж қила олмайди. Ихлос шайтондан омонлиқдир.

Тилга эҳтиёткорлик ҳам жаннатий инсоннинг сифатларидандир. Тил туфайли инсонга оқиб келувчи оғатлардан барча Набий ва Расуллар одамларни огоҳлантирганлар. Тил қўйиб берса заҳарли илонга айланади. Тил оқил одамда инсонлар учун шифо воситаси бўлиши ҳам мумкин. Шифокорнинг икки сифати 50 фоиз касалликни даволаб юбориши мумкин экан. Биринчиси қўркам кийиниши ва чиройи бўлса, иккинчиси ширин тили - сўзидир. Ширин тилли шифокорни беморлар яхши қўрадилар. Шифокорлик деонтологияси, яъни, касаллик ҳақида беморга гапиришдан тийилишлик ҳам тилга эҳтиёткорликни талаб қиласи. Абу Хурайра ривоят қилган ҳадисда: “Ким Аллоҳга ва охират кунига иймон келтирган бўлса, кўшниси ва меҳмонини ҳурмат қилсин, яхшиликни гапирсинг ёки жим турсин”, -

дайилган. Мусулмонни гўзаллиги эса маъносиз сўзларни тарк қилишлигидир. Халқимизда, “Кўл югуриги ошга, тил югуриги бошга” деган мақол бор. Инсон ўзининг бошига келувчи яхшиликми ёки ёмонликми, унинг тилидан эканлигини ҳам таън олсин. Айтилган сўзга жавоб беришга тўғри келади. Айтилмагани эса хавф-хатарсиздир. Инсон қалбидаги нур иймондан бўлса, юзидағи нур тилига мустахкам эгалик қилишлигидадир. Оқил инсонда тўрт сифат борки, уларсиз уни оқил деб бўлмайди. Ўзига юклатилган вазифани ҳалол бажармоғи, замон ахлини билмоғи, ҳурматламоғи, харомдан сақланмоғи ва тилини сақламоғи.

Инсонга икки нарса омонлик келтиради, биринчиси оёғини билиб босмоқлиги, иккинчиси эса тилини эҳтиёт қилмоқлигидир. Зеро жим туришлик чарчоғи йўқ ибодатдир. [2,218].

Ўтмиш мутаффаккирларимиздан бири инсон жасади уч бўлакдир деган, яъни бири қалби, иккинчиси – тили, учинчиси – бошқа аъзолари. Учала бўлак мусаффо бўлса, у икки яхшиликка эга бўлади. Биринчи яхшилик тангрининг розилигидир, иккинчиси эса унинг ахли ва дўстлари розилиги, хурсандлигидир.

ИЧКИЛИК, ҚИМОРБОЗЛИК ВА ЎГРИЛИК

Шундай инсонларни сухбатида бўлдимки, улар ичсам ўзимни пулимга ичдим, сеникига эмас, деб ўзини “оқлаб” олмоқчи бўлган эдилар. Хўш, ичкилик иқтисодий жиноятми ёки маънавий?

Оила бюджети, норасида гўдак ва оқила уй бекаси ризқига хиёнат бўлган ичкилик ичишни оқлаб бўлармикин? Бир дўстимизга (синфдош) унинг заарини тушунтиrsак у “ичмасам тура олмайман”, “нега айнан сенлар менга насиҳат қилишларинг керак”,-деб саркашлик қилди.

Улфатчиликни, баъзилар, ичкилик билан боғлаб тушунадилар. Ичкилик ичишни эса бошқа миллатлардан бизга ўтиб қолган деб, важ-карсон тўқийдилар. Улфатчилик деганда майшатга берилиш эмас, балки яхшиликка

бошлаш, ё иқтисодий ё маънавий бир бирини ўзаро қувватлаш эмасми?. Бошига мушкуллик келганларга далда беришлиқ эмасми? Ёинки, яхшилар сұхбати эмасми? Улфатчиликта албатта, хазил мutoиба, асқия бўлиши яхши ҳолат. Лекин улфатчилик кимнингдир камситиш ёки иқтисодий жихатдан қийналаётган дўстига (кўнглига ўзи билган-билмаган ҳолда) маънавий озор беришга айланмаслиги керак. Бу шундай сұхбат бўлсинки, яна одамлар бир бирларини излаб келишсин. Кўплаб гашт-гаштакларда, ёзда, салқин жойларда, дам олиш ҳолатларида, қимор ўйновчи давралар ҳам йўқ эмас. Бошланишида арзимаган пул тикиш билан бошланган қимор ўз домига катта бой беришларни ҳам тортади. Натижада ўз улфатлардан бирининг бўйнига катта маблағ “илиб” қўйилади. Оила, машиналар ва ҳатто ховли жойлар ҳам тикиб юборилган ҳолатларни эшитганмиз. Бунинг учун жиноят кодексида жазо белгиланган. У билан тегишли идоралар шуғулланади. Биз эса ўша “кўнгил очарлик” деб бошланган давра қандай маънавий зарар келтираётганини эслатмоқчимиз, ҳалос. Оила бузилади, ховли жойлар бой берилади, болалар ночор ахволда қолади. Қимор ўйновчи эса барча иллатни шайтонга юклайди, адашдим дейди. Аслида ақл устуворлиги, харомдан жирканиш, гуноҳ ишдан юз ўгириш, яратгандан қўрқиш бўлганида эди, ўша инсон юқорида зикр этилган иллатли ҳолатга тушиб қолмаган бўлар эди.

Ахлоқнинг гултожи бўлган Қуръони Карим бу ҳақда шундай дейди: “Эй, иймон келтирганлар! Албатта май (маст қилувчи ичимликлар), қимор, бутсанамлар ва (фол очадиган) чўплар шайтонни ишидан иборат ифлослиқдирки, ундан четланингиз! Шояд (шунда) нажот топсангиз”. “Шайтон май билан қимор (ёрдами)да ўрталарингизга адovat ва нафрат солишини ва сизларни Аллоҳнинг зикри ҳамда намоздан қайтаришни хоҳлайди. Бас, энди, сизлар (май ичишдан қайтишдан тийилувчимисиз?”. Бу нарсалардан четланингиз, тоинки, нажотга эришсаларингиз. Шайтон ароқ ва қимор орқали сизларнинг орангизга адovat ва нафрат солмоқчи бўлади ва яна сизларни Аллоҳнинг зикридан ва намоздан тўсмоқчи бўлади. (Моида, 90-91) Ўша икки бузуқ нарсадан қайтарилмоқда. Шу икки нарсадан фасодлар ва

ёмонликлар хосил бўлади. Инсон охирати яхши бўлишидан умидвор бўлса, ана шу жирканчликлардан хазар қилиши яхшидир. Яхшилик ҳам, ёмонлик ҳам унинг мулки бўлган зот одамлар иймонини, эътиқодини синаш учун ёмонликларни инсон қаршисида пайдо қилди. Ўша икки жирканчликка яқин бўлишлик икки дунёнинг омадсизлиги, мувоффақиятсизлигига сабаб бўлади. Ароқ ва қимор яхшиликлардан, савоблардан тўсувчилик. Шундай ўлкалар борки, у ерда эркак-аёл, ўспирин учун ароқ, баб-баравар одатдаги истеъмол матоҳига айлантирилган. Оила муқаддас эмас. Тарбия ҳақида гап бору-амалда ҳеч нарса йўқ. Юртимизда чиройли ҳолат устивор экан, бунинг учун бизлар исломдан қарздормиз. Халқимиз менталитети, оқилона сиёsat, иймон эътиқодларимиз меваси бу! Ароқ ичувчи уятсиз ва сурбет бўлиб қолади. Виждон бундай одамда мудрайди. Жамият бундай инсонлардан азият чекади. Ароқхўр учун одоб – ахлоқ бир тийин, у уятни эсдан чиқаради, ёмонликлардан жирканмай қўяди. Ароқнинг касофати туфайли кўплаб оилалар бузилаётгани, зино ва оилавий жиноятлар юз беряётгани ҳеч кимга сир эмас. Кўплаб тўпалон, ўғрилик, одам ўлдиришлар, бироннинг молига хиёнатлар ароқ туфайли юз бераяпти, десак хато қилмаган бўламиз. Энг ёмони ароқ инсонни тангри зикридан ва ибодатидан тўсади. Ибодат ақлга боғлиқлигини ҳисобга олсак, ароқдан мастилик пайтида ақл ишламайди. Яъни ақлсиз одам ибодат қила олмайди. Аллоҳ шу боис вахий орқали ароқни ҳаром қилди. Ичувчини эса аламли азоблар борлигидан огохлантириди.

Ичкилик ҳақида сўз... Аслида уни эслашнинг ўзи ҳам нохушлик келтиради. У кимни юксакка, маънавият поғонасига, одамлар мамнуниятчилигига кўтарди ёки сазовор қилди? Охирги соатларини яшаётган одамлардан қайси бири: мен зўр яшаб олдим, ароқдан қайтарувчиларни бопладим. Уни ичиб роҳат фароғатга эришдим, - деб айтган? Ривоят ва афсона, ҳикояларнинг қайси бирида ароқ мақталган? Қайси муқаддас китобу қайси пайғамбар ароқ ичишга буюрган? Расулуллоҳдан ҳикоятда у зот: “қиёмат кунида ароқ ичувчи қабридан ўлаксадан ҳам сассиқроқ бўлиб чиқади. Кўза унинг бўйнига осилган, қўлига пиёласи

боғланган, унинг бутун эти ва терисини орасини илон ва чаёнлар тўлдириб олган. Оловдан этик кийган ва бош мияси қайнаб турибди. Уни жасадини дўзах чукурлигидан ҳам чукур бир қабрдан топадилар. Дўзахда Фиръавн ва Хомонлар билан яқин бўлади”. Ароқ ичувчи кишининг бетлари қора ҳолатда келтирилади. Кўзлари қўкарган, тупуклари оққан, тили кўкрагигача тушган ҳолда туради. Унинг ҳидининг сассиқлигидан кимни олдидан ўтса жирканади. Ароқ ичканга салом берманглар, касал бўлса бориб кўрманглар. Ўлиб қолса жаноза ўқиманглар” [2,145-147].

Буддавийликда ҳам, христианликда ҳам бундай гап йўқ. Исломга тангри ана бундай муҳим вазифани юклади ва ислом учун бу шараф ва фахрdir. Чунки руҳий тарбия ва иродани мустаҳкамловчи дин Исломdir. Шу боис “иннад дийна Индаллаҳил ислам” яъни Аллоҳ ҳузуридаги чин дин Исломdir, деб бу динга катта вазифа буюрилди. Энди қиморга ўтсак: Қимор ва ароқ эгизакка ўхшайди. Хар иккиси ҳам жаҳаннамни ваъда қиласди. Иккиси ҳам барча фахш ишларни онасидир. Ютган ҳам, ютқазган ҳам бир хилда гуноҳкор бўлади. Қиморда ўз биродарини маблағи ва молини тортиб олади. Қарангки, қимор кўпинча пешона тери билан топилган маблағ ҳисобига ўйналади. Қийналиб пул топган ҳар ҳолда (агар адашиб кириб қолмаса) қимордан ўзини тийиши мумкин. Ҳатто катта маблағни бой берган одамлар, кўпинча енгил пул топувчи, ёинки бирорнинг пулини ўзлаштириб олганлардан бўлади. Ўзини жонига қасд қилганлар ҳам борлиги тез-тез қулоққа чалиниб қолмоқда. Давлатимиз, хуқуқни химоя қилувчилар қиморбозларни орқасидан тутиб, уларни қўлга ҳам олмоқдалар. Баъзи ҳолларда қиморбозлар тинч жой қидирадилар. Тоғли қишлоқларда исломдан бехабар ҳонадонлар уларга шароит яратиб беради ҳам. Шундай экан ҳаром нарсани нега одамлар барибир ўйнашни давом эттирмоқда? Мақсад содда ва гўл ёшларни қиморга тортиш ва бу учун наркотик моддалар истеъмолидан фойдаланиш ва жиноят устига жиноят усулини қўллашдир.

Гиёхвандлик ва қимор ажralmas оғу бўлиб бутун башариятни ўйлантирмоқда. Бу оғатларни зарари диний экстремизм ёки экологик

тангчиликдан кам эмас. Бу кетишда гиёхвандлик глобал муаммога ва жаҳонда инсон зурриётига хуруж қилувчи давоси йўқ балога айлананиши муқаррар.

Ўғрилик эса қадимий оғат. Моддий етишмовчилик ўғриликни келтириб чиқаради, деювчилар ҳам йўқ эмас. Аслида у илоҳий ҳақиқатларни билмаслик ёки тангри маърифатига ишонмасликдан келиб чиқади. Ишсизликни ўғриликка сабаб қилиб кўрсатадиганлар тафаккур қилсалар яхши бўлар эди. Бир инсон учун нима етишмайди? Ҳалол йўл билан ҳозирги Ўзбекистонда миллионер бўлиш имконияти яратилган. Ҳалолликка нима етсин. Еган овқатинг ҳалолликда яхши хазм бўлади. Ҳаром йўл билан топилган пул доимий ҳадикда бўлишга, ўзига эса ҳеч нарса хазм бўлмаслигига сабаб бўлади. Катта ўғирлик қилувчилар, аср ўғриси деб ном олганлар. Ўғирликлар инсонга нима беради? Ахир Кўхинур олмоси қанча-канча одамларни ёстигини қуритгани тарихдан маълумку. Шуниси аниқки ўғирлик хоҳ катта бўлсин, хоҳ кичик, барибир ҳаром ишдир.

ЧАҚИМЧИЛИК ВА АДОВАТ

Афсуски, одамлар орасини бузишда, ўч олишда чақимчиликдан фойдаланишади. Муборак динимизда одамлар орасида келишмовчилик ва жанжалларни келтириб чиқариш қаттиқ қораланганд. Абу Лайс Самарқандий, Абу Хурайрадан ривоят қиласи: Расулуллоҳ айтадики; “Аллоҳ наздида одамларнинг ёмони чақимчиидир”. Яна бир ҳадисда “Чақимчи жаннатга кирмайди”- дейилган. Чакимчиликни бу даражада қораланишининг сабаби, у билан одамлар юз кўрмас бўлиб кетадилар. Ака-ука, опа-сингиллар орасига совуқлик тушади. Зоро банданинг гуноҳ ва қамчиликларини тангри беркитади, банда эса уни биридан эшитиб, иккинчисига етказади. Натижада юқоридаги гуноҳ содир этилади. Яратган, одамлар ўзаро самимий, очик кўнгиллик, ўзаро меҳрибон бўлишларини, ўзаро бири-иккинчисига ёрдам қўлларини чўзишларини хоҳлайди. Инсонлар жамоасида тангрини ғазабини

келтирадиган ҳолатга ўрин бўлмаслиги керак. Чақимчилик туфайли ота-ўғил, ака-ука, қариндош уруғчиликка ҳам жиддий путур етади. Баъзан инсон фожеасига ҳам сабаб бўлади. Андижон вилояти архивида тадқиқот ўтказилаётганида 1930-йилга тегишли қатағон ва адолатсизлик юз берган воқеа хужжатига қўзимиз тушди. Андижон шаҳрининг Сой маҳалласида икки қўшни орасида арзимас низо бор эди. Иккинчи қўшни биринчисидан ўч олмоқчи бўлади. Биринчи қўшни иймон-эътиқодли, вижданли ва ҳалол инсон эди. Ҳасад гўй қўшни эса араб имлосидаги бир китобни топиб келиб қўшни девор оша биринчи ховлига ташлаб қўяди. Эртасига шаҳар НКВД (ички ишлар ҳалқ комиссарлиги) бўлимига “фалон одам араб тилидаги диний китоб ўқимоқда, ишонмасангиз, тинтув ўтазинг”, - деб мурожат этади. Ислом дини қаттиқ таъкиқланган йиллар эди. Ички ишлар ҳодимлари тинтувда китобни топиб оладилар. Ҳонадон эгаси қамоқقا олиб кетилади ва отувга ҳукм қилинади. 2-3 кун ўтгандан сўнг ўша НКВД бўлимида араб ёзувини ўқиши биладиган ҳодим китоб билан қизиқиб қолади ва уни кўриш нияти борлигини айтади. Китоб кўрсатилди ва не кўз билан кўрсинки, у Карл Маркснинг “Коммунистик партия манифести” китоби бўлиб, унда шўролар идеологияси баён қилинган эди. Кирил ёзувини билмаган ҳалқقا коммунистик идеологияни тушунтириш учун китобни араб ёзувида чоп этилган эди. Чақимчилик ва душманлик бегуноҳ инсонни ёстигини қуритди. Иккинчи жаҳон урушида, оммавий қирғин шароитида чақимчилик туфайли ҳалол инсонлар жабр кўрганлар. Шўролар даврида ОБХСС (социалистик мулкни талон-тарож қилувчиларга қарши курашиш бўлими) номли ташкилот бор эди. Бозорда ўз одамларидан бошқалар бирор нима сотмоқчи бўлса, улар ўз хуфялари орқали билиб олиб, уларни қўлга туширап эди. Уларнинг ўз одамлари хуфялик вазифасини ҳам бажарап эди. Қиши пайти Боғишамол бозоридан иш билан ўтиб кетаётсан икки ҳодим бошимдаги телпакка ёпишдилар ва мени бозор идорасида ўтирган рус аёли (кейинчалик, судья Самойлова деб айтишди)га рўбарў қилдилар. У эса ҳеч нарса сўрамади ва олдидаги қоғозга телпакни мусодара қилиш ва ўзимни эса “15 сутка”га деб

“қўлбола” ҳукм чиқарди. Яхшиямки шаҳар ИИБ бошлиғи Аблаходжаевнинг аралашуви билан мен у ердан чиқиб уйимга кетдим. Бозор фақат чақимчилик асосида фаолият юритаётган экан. Тарих китобларида чақимчилик туфайли икки буюк давлатлар уруш бошлаганига ҳам мисоллар кўп. Турк султони Йилдрим Боязид билан Амир Темур орасидаги жанг ҳозирги Чеченистон худудидаги дарада бўлиб ўтган эди. Соҳибқирон билан Боязид ўртасига хуфиялар “Сизни менсимаяпти, биз у ердан сизнинг ҳузурингизга қочиб келмоқдамиз”, “У сизни ёмон қўради, ҳар бир сўзида сизни сўқади”, каби ёлғон важ-карсонларни айтиб, адоват солдилар, Нихоят, Боязид Европага юриш бошлаш нияти билан йўлга чиққанда Соҳибқирон уни таъқиб этади ва жанг бўлиб ўтади. Боязид енгилди ва Темур ғалаба қозонди. Лекин, Боязиднинг мақсадларидан бири (тадқиқотчиларнинг фикрича) Ислом динини Европага олиб бориш ҳам эди. Кўз олдингизга келтиринг: иккала саркарда бирлашиб Европага динни етказганларида бугунги тахликаларнинг пайи қирқилган бўлармиди? Соҳибқирон “Темур тузуклари”да ўзини Мұхаммад (с.а.в.)дан кейинги исломни тарқатувчи саккизинчи подшоҳ, деб атаган.

Бири иккинчисига адovati бор қўшнилар, бир идорада ишловчи ходимлар, ҳаттоқи, давлатлар ҳам борки, уларни қандай куч билан тўхтатиш мумкин? Адоватга жадидларнинг буюк вакили Абдулла Авлоний ўзининг “Туркий гулистон ёхуд ахлоқ” китобида алоҳида бўлим ажратган. Адоват бировга душманлик ёки хусумат қилиш бўлиб виждонни бехузур қиладиган ёмон хулқлардандир - деб таъриф беради. Адоватли одам ўз азиз жонини аламлик азобга мубтало қилувчидир. Адоват билан оила бузилади, болалар етим қолади, чунки душманлик ақл ва билимли кишининг иши эмас. Ўз вақтида Суқрот: “мен ҳатто душманимга ҳам адovat қilmайман, зеро менинг адovатим душманимнинг хусуматини зиёда қилур. Мен адovатга қарши дўстлик ила муқобала қилиб хусуматимни муваддатга айлантириб, душманларимни ўзимга дўст қиласман” деган экан. Афлотун эса: “Дилдаги адovат темирдаги зангга ўхшар, Занг темирни егани каби адovат қалбни

азобга солади”, - деган. Уламолардан Авлоний “Ёмон хулқларнинг ёмони бўлган адоват шундай ёмон сифатдурки, барча бузук ишларни туғиб, катта бўлиб чиқадиган нарсадир. Адоват нафсониятдан пайдо бўлур. Нафсоният эса фаришталарнинг устози бўлган, Азозилга “шайтонур рожим” исмини берган шоёни ихтиroz бир сифати замимадур. Адоват билан нафсоният иккиси тарбиясиз дилга хосил бўладурғон бир иллати жисмониядурки бунинг биринчи иложи виждон ва инсоф узра ҳакимона тадбир ва ҳаракатимизга боғлиқдур. Ҳаммага очиқ ва ойдиндурки адоват дарахти хусумат мевасини чиқарур. Агар адоватни кесиб ташлаб ўрнига муҳол асат новдаси уланса ва бу сояда муҳаббат ва улфат меваси нишона қилур. [1,49] Расулуллоҳ: Аллоҳ таолони сўймаган одам хусумат ва давосинда қаттиқлик қилган одамдур ”,- деган экан.

Адоват балоси бизларни нетди,
Адоват қилма деб ҳақ бизга айтди,
Зидлик қилдик мол давлатлар кетди
Молдан ўтиб, охири жонларға етди [ўша жой]

Чақимчиликка келсак, уни илм тилида намимат дейилади. Саид Қатода (p.a.) айтди: Аллоҳ бандалари ичиди энг ёмони таъначи, лаънатни кўп айтувчилар ва чақимчилардур”. “Қабр азоби сабаблари учта хисобланади: биринчиси гийбатдан, иккинчиси либосга теккан сийдикдан, учунчиси чақимчиликдан”

Абу Лайс Самарқандий ёзади: Чакимчининг амали шайтоннинг амалидан заарарлироқдур. Чунки шайтоннинг амали ҳаёлан ва васваса билан бўлади. Чакимчиликнинг амали эса юзма-юз келиш ва қўриш билан бўлади. “Масад” сурасида тангри “Ҳамма латал Хатоб”, - деди. Тафсирчилар буни чақимчилик ҳақида айтилган, яъни уни ўтин деб номлади. Сабаб чақимчилик душманлик ва урушни келтириб чиқаради оловнинг, ёндирувчи нарсанинг ўрнидадур. Чакимчи, билгилки, сенга гап етказдими, демак сенинг гапингни ҳам бошқаларга етказади.

Мўътабар Каломи Шарифда: “(Эй, Мухаммад!)” Хар қандай тубан қасамхўрга (Валид ибн Мўғийрага) итоат этманг! (У) ғийбатчи, гап ташувчи, яхшиликни маън этувчи (бахил), тажовузкор, гуноҳкор, ёлгон гувоҳлик берувчи, қўпол ва бенасаб, ҳароми кимсага итоат қилманг”! (Қалам, 10-12) дейилган.

Бир киши бошқа илмли уламодан етти ҳақиқатни эшлиши учун етти фарсаҳ масофани босиб келди ва сўради: Менга осмондан ҳам оғирроқ нарсанинг, ердан ҳам кенгроқ нарсанинг, тошдан ҳам қаттиқроқ нарсанинг, аёздан ҳам совуқроқ нарсанинг, денгиздан чуқурроқ нарсанинг, етимлиқдан ҳам заифроқ нарсанинг хабарини бергин, - деди.

Жавоб: Покдамон кишига тухмат қилишлик осмондан ҳам оғирроқдир. Ҳақ мулки ердан ҳам кенгроқдир. Қаноат қилувчи қалб денгиздан ҳам чуқурроқдир, бойроқдир. Жасаддаги хирс оловдан ҳам иссиқроқдир. Яқин қариндошига иши тушиб, ундан нажот топмаслик аёздан ҳам совуқроқдир. Кофирнинг қалби тошдан ҳам қаттиқроқдир. Чақимчилик, агар унинг эгаси тайин бўлса, етимдан ҳам заифдир. Шунингдек, чақимчилик ошкор бўлиб қолса чақимчига хорлик насиб этади[2,175].

Соҳобалардан Абдуллоҳ ибн Умар ривоят қилган қудсий ҳадисда жаноби Ҳақ саккиз нафар инсон жаннат ҳидини ҳидлсамаслигидан одамларни огоҳлантирган. Улар: доимий ароқ ичувчи, зинокор, чақимчи, даюс, қурумсок ёки зиқна, йўлтўсар, ўзини хотинга ўхшатган кимса, қариндошлийкни узувчи, ваъдасига вафо қилмаган кишилар.

Бир зиёфат пайтида мезбонга бир меҳмон мезбоннинг дўстини салбий сифатларини гапириб берди. Шунда мезбон, зиёфатни тўхтатинг, бекор қилинг, - деди. Меҳмонга деди: Сен учта жиноят қилдинг: биродаримни ёмонладинг, бўш қалбимга ғашлик олиб кирдинг, ўзинг чақимчига айландинг!

Абу Лайс Самарқандий Қаъб ул-Ахбор ривоят қилган ҳадисда Бани Исроил қабиласига қахатчилик келганини баён қиласиди: Мусо(а.с.) қабила билан бирга 3 марта худодан сув сўраб мурожат қилди. Лекин ёмғир ёғмади.

Шунда Мусо (а.с.) Аллоҳга мурожат этиб, сув берилмаганини сабабини сўради. Аллоҳ Мусога: Эй Мусо, сенинг қабилангга сув берилмайди, чунки қабила ичида чақимчи бор. У анчадан бери чақимчиликни давом эттироқда, деди. Мусо: Эй парвардигор, у ким ўзи? Биз уни қабиламиздан хайдаб солайлик, деди. Жаноби Ҳақ айтдики: яна ўзим чақимчилик қилайми? Яхшиси бутун қавм тавба қилсин, Бутун қавм тавба қилди. Кейин осмондан сув берилди.

Чақимчилик ёки Намимат тўғрисида Абдулло Авлоний қуйидаги эътиборли фикрларни билдиради: “Баъзи адovat ва ҳасадчи кишилар бировни шаънига унда йўқ сўзларни ифтиро ва бўхтон қилиб, ул кишини қадр ва обрўсини тўқмак ва эътибордан туширмак ниятида ҳар кимга сўзлаб юурулар. Мундай кишиларни шариатга шаҳодатлари мақбул эмасдур, ҳамда уйдирма сўзларининг ҳақиқати билиниб қолиб, бировга қазиган чуқурларига ўзи йиқилиб, халқ орасида чақимчилик исми или ёд олинур, тезгина қадр ва эътибордан тушиб қолур. Қалби пок, виждони саломат, буюк инсон, бу каби хийла ва макрдан тилини тияр. Чунки мундай фасод ахлоққа мубтало бўлган арбоби нифоқ факат халқ қошида эмас, жаноби Ҳақ назаринда ҳам суюмсиздир” [1,50].

Бировни ёмонламоқ, ёлғон сўзламоқ, ҳақиқатни беркитмоқ мудохана йўлиға кетмак, шаръян харом бўлган, ғийбатни иртикоб қилмоқ бўладир [1,50]. Шундай қилиб чақимчилик ва адovat инсоннинг тубанликка судрайдиган иллат. Уни тарқ этиш учун маънавий жасорат зарур. Гуноҳ ва савоб алифбосини ўрганмоқ билан бизлар ўша жасоратга эга бўламиз. Масалан, чекишни ташлаш учун кучли ирода керак бўлгани каби. Чақимчилик ва адovатдан ҳеч ким фойда кўрмаган. Интернет тармоғи ҳам баъзан адovат ва чақимчилик майдонига айланиб қолмоқда. Унга бирор бир давлатни обрўсизлантириш, бирор машхур шахсни обрўсизлантириш учун ёлғон маълумот киритишади. Бу эса сиёсий онги паст кишиларни гап ташувчига, чақимчилик қилишларига олиб келади. Юксак маънавиятли инсонлар эса бундай алдовни тезда сезиб оладилар ва ўша хабар йўлловчига

нисбатан нафратда бўладилар. Биронинг ёлғонини рост деб айтиб юришдан чиппа-чин ёлғончи бўлган афзалдир.

ЁЛГОНЧИЛИК ВА РОСТГЎЙЛИК

Ёлғон деб одамларни алдаб, нотўғри нарсани тўғри деб ишонтиришга ва шу билан ул одамга зарап етказишга айтилади. Ёлғон билан оиласарга ҳиёнат, ғам-ташвиш оқиб киради. Ёлғон аралашган тўйни тарқаб кетиш эҳтимоли бор. Ёлғон ишлатувчини охирги ҳолигавой. Лекин, ёлғонни муқаддас Қуръони Карим қораласада, уч ҳолатда фикҳ илми рухсат беради. Икки дўстни яраштириш учун, бузилиб кетаётган оилани яна тиклаш учун ва касал инсонни касаллигини яшириб, яхши бўлиб кетиши ниятида ёлғон ишлатиш мумкин. Демак, охири эзгулик, яхшилик билан тугашини таъминланадиган ҳолатларда ёлғон ишлатилади. Урушда ҳам хийла, ёлғон ишлатишга рухсат бор. Луғат китобларида ростнинг тескарисига ёлғон дейилади. Арабларда эса “Кизб”. Шайҳ Мұхаммад Содиқ Мұхаммад Юсуф: “Ёлғон сўзда бўлиши билан бирга амалда ҳам бўлади. Бунда ёлғончи бўлмаган-бўлган қилиб кўрсатиш учун ҳийла қилади. Ёки аксинча бўлган нарсани бўлмаган қилиб кўрсатишга уринади... Ёлғон ишлатишга беш нарса сабаб бўлиши мумкин.[3,200]”

1. Фойдани кўзлаш (Молини йўқ сифатлари билан мақтайди)
2. Заарни даф қилиш (Ўзига етиши мумкин бўлган заарни қайтариш учун ёлғон тўқииди)
3. Сўзини чиройли ва гапни гўзал чиқариш мақсадида ёлғон ишлатади. Баъзиларда ёлғон ишлатиш одат тусига ҳам кириб қолган. Ёлғон ишлатмаса туролмайди.
4. Душмандан ўч олиш учун ёлғон ишлатадилар.
5. Ёлғон билан обрўга эришмоқчи бўлиб ёлғон гап ишлатадилар. (судни чалғитиш учун ҳам ёлғон ишлатувчи бор)

Ислом таълимотида ёлғон қаттиқ қораланади. Ислом таълимотида номи чиққан саҳобалардан Абу Бакр Сиддиқнинг номига Сиддиқ қўшиб айтилиши ҳам уни ростгўйлиги, ёлғон гапирмаганлиги, ҳатто барча ислом ахлида “Абу Бакр Сиддиқ” айтдими, “демак у рост сўзляпти” деган сўзни тарқагани манбаларда зикр қилинган.

Ибн Маъсуд ривоят қилган ҳадисда Расулуллоҳ: “ўзларингизга тўғри сўзликни лозим топинглар, чунки у яхшиликка йўллади. яхшилик эса жаннатга! Ёлғончиликдан сақланинглар! Чунки ёлғончилик фужур ишларга йўллади, фужур эса жаҳаннамга”, деганлар [2,156]

Абдуллоҳ ибн Маъсуд (р.а) айтган: Сўзларнинг тўғриси- Аллоҳнинг каломи; гапнинг улуғроғи - Аллоҳни зикр қилиш; Кўрликнинг энг ёмониқалб кўрлигидир. Пушаймоннинг энг ёмони қиёмат кунидаги пушаймондир. Бойликнинг энг яххиси нафс ва қалб бойлигидир. Озуқанинг энг яххиси тақводир. Ароқ гуноҳларнинг жам қилувчидир. Касбларнинг энг ёмони – судхўрлик касбидир. Хатоларнинг улуғроғи тилнинг ёлғончилигидир [2,161]

Тўғрилик, аслида комил инсоннинг зийнатидир, ёлғончилик эса инсонни бадбаҳтлиги аломатидир. “Ваз-зориёт” сурасининг ўнинчи-ўн биринчи оятида яратган зот ёлғончиларни лаънатлади ва ёмонлади: “(Хақ пайғамбарни “ёлғончи сехгар шоир” деювчи) ўша ёлғончиларга – (жахолат) гирдобида адашўлим-лаънат бўлгай” эсиб юрувчи бўлган кимсаларга ўлим-лаънат бўлгай”.

“Тавба” сураси 119 оятида “Эй, иймон келтирганлар! Аллоҳдан кўрқингиз ва (иймонда) содик кишилар билан бирга бўлингиз!” – деди. Гапни муҳтасар қилганда, инсон ростгўй бўлсагина унга нажот бор, чунки ростгўйлик ила тангри розилиги ва одамларнинг розилигига эга бўламиз. Бу икки розилик ортида, давлат ва қонун бирлиги олдида ҳам розилик ёруғ бўлади. Жамият қонунларини бузмаслик ҳам ростгўйликдир. Демак зикр қилинган икки розиликни менсимасдан ёлғоннинг ёлғон оҳанрабосига алданиб, ёлғон тўқиб ҳаёт кечириш аслида фожеадир.

“Нахл” сурасида: “Аллоҳнинг номидан ёлғон тўқиб, тилларингизга келган ёлғонни гапириб: “бу халол, бу харом” – деявермангиз! Чунки Оллоҳ шанига ёлғон тўқийдиган кимсалар сира натож томагайлар”. Ана ўшалар ўзлари ёлғончилардир”, - дейилган. Бу дегани савоб ва гуноҳни фарқига бормайдиган одамлар ёлғон тўқийди, деган: идир. Исломда фақат яхшиликни кўзлаб одамлар орасини ислоҳ қилиш, урушда ғалаба қилиш, оилани сақлаб қолишида (болаларни ўйлаб) ёлғон ишлатишга рухсат берилди. Расулуллоҳ: одамлар аразлашиб юрганларида яраштириш учун ёлғон ишлатган каззоб эмас, хайрни айтади ва хайрни етказади,- дедилар.

Уламолардан бири: одамлар орасидаги дўстлик, улфат, муҳаббатни ўғирлайдиганлар мол ва ашё ўғриларидан кўпроқ зиён етказувчилардур, деб айтган.

Пайғамбарларимизнинг ўсмирлик пайтлариданоқ уни “Аль-Амин” деб чақириш расм бўлган эди. Бу - итоатли Муҳаммад, ростгўй Муҳаммад, шижаатли Муҳаммад, деган маъноларни билдиради. Ростгўйлик барча пайғамбар ва валиуллоҳларда бор бўлиб, ёлғончилик бошқа китобда, яъни ростгўйликка умуман тескари экан. Ростгўйлик туфайли олам яшнайди, уни соҳибиға фаришталар тасбех айтади. Ёлғончига эса барча жанзот, фаришталар лаънат ўқийди. РасуллULOҲ ёлғондан қайтарганлар.

Ўғирликни одат қилган кимсалар ўғирликка бирор нарса топмаса ўз молини ўғирлар экан. Шунга ўхшаб, каззоб ҳам ёлғон топилмай қолганда рост гапиради, - деган халқимизда гап бор. Ёлғондан қочинглар, ёлғон иймонни кеткизади (ҳадис). Ёлғон ҳеч қаерда, ҳеч қачон ютмайди, ютқазади.

ТИЛ ВА ДИЛ НОМУВОФИҚЛИГИ

Халқ орасида дилдаги тилга чиқади, деган гап бор. Тил, албатта, қалбимизнинг таржимони бўлиб, у орқали ташқи дунё билан мулоқот қиласиз. Тил аслида Навоий айтганидек “Инсонни айлади ҳайвондин жудо”. Аслида тил ва дил ўзаро мувофиқ бўлиши керак. Акс ҳолда инсон юзи шувут

бўлиб қолади. Фақат қалби қорайган инсоннигина тили бошқа ва дили бошқа бўлиши мумкин.

Ислом манбаларида тилга эҳтиёткорлик ҳақида пандлар кўп. Сабаби инсонни кўкларга кўтарадиган, маънавий юксалтирадиган ёки тубан кетказадиган ҳам тилдир. Тилда оғат ҳам, саодат ҳам яширинган. Меҳмонни зоҳирига қараб кутиб олинади, ботинига қараб кузатилади, - деган ҳикматли гапда ҳам тилга бўлган ишора бор.

Абу Саид Худрий ривоят қилган: Расулуллоҳдан бир одам васият қилишликни илтимос қилди. У зот “Аллоҳга тақво қилгин. Жидду жаҳдни маҳкам тутгин. Ва Аллоҳнинг зикри ва Қуръон тиловатини қилгин. Яхшилиқдан бошқасидан тилингни сақлагин”, - деди. Тилингни сақлагин дейилганда фақат эзгулик ёки яхшилиқдан гапир, ғийбат ва иғводан ўзингни сақла, - дейилгани назарда тутилган. Ёки бўлмаса бир оз жим тургин, саломат бўласан, - деганидир. Чунки жим туришлилик билан инсон шайтон ҳамласидан омонда бўлади. Унинг вассасасидан қутулмоқ учун доим яратгандан паноҳ тилайди. Ким тилига эҳтиёткор бўлса Аллоҳ унинг уят ишларини беркитади ва эҳтиёт қиласи. Ким ғазабини тангри учун ютса, тангри уни азобламайди. Яна бир ҳадисда (Абу Хурайрадан): “Киши мўминлигининг гўзаллиги бефойда сўзларни тарқ қилишлигидир”.

Бир мажлисда йиғилганлар Луқмони Ҳакимга савол бердилар: Бундай улуғ мартабага қандай эришдингиз? У деди ; Тўғри сўзлик, омонатга содиқлик, бемаъни сўзларни гапирмаслик орқали шундай бўлди. Зеро инсон ўзи айтмаган сўзлардан пушаймон емайди. Балки айтган сўзидан пушаймон ейди. Сўзламаган сўзга мен хўжайин, сўзлаган сўз эса менга хўжайин. Яхши сўз ҳам, ёмон сўз ҳам бир оғиздан чиқади, деган мақолларда ҳам ёмон сўзлар маъносиз сўзларни тарқ этишлик вазифа қилиб қўйилмоқда. Ривоятларда айтилишича дили ва тили бир бўлишлилиги зоҳидларнинг амалларидандир. Уларда тилга эҳтиёткорлик елкага юклатилган. Расулуллоҳ: Эй одамлар жамоаси ўз ўзингизни ҳисоб-китоб қилинглар, ҳисоб китоб қилингунигизга қадар, - деган эдилар. Сабаби бу дунёning ҳисоб-китоби, охират ҳисоб

китобидан енгилдир. Охиратдаги пушаймонликдан дунёдаги пушаймонлик енгилдир. Исо (ас) дан ривоят: Ҳар бир сўзда, гапда Аллоҳнинг зикри бўлмаса, у бекордир. Ҳар қандай сукутда фикрлаш бўлмаса, у ғафлатдир. Ҳар қарашда ибрат бўлмаса, у бехудадир. Расулуллоҳ эса; “Беш нарса мунофиқда бўлмайди; динни билишлик, тил билан тақво қилишлик; юзида табассумлик, қалбида нур ва мўминларни яхши кўришлик” – деб огоҳлантирганлар.

Расули акрам (с.а.в)дан яна ривоят: “тилига эгалик қилган, уйидан ташқарига чиқмаган, ва ҳатосига йиғлаган киши қандай яхши”. Машхур саҳоба, Пайғамбаримиз (с.а.в)нинг дўсти Абу Зарр Ғиффорий сўради: Эй Аллоҳнинг элчиси, Иброҳимнинг сахифаларида нима бор? Ул зот деди: “Унда мисоллар ва ибратлар бордир, ақлига енгилмаган кишига тилини сақламоғи, замонни билмоғи ва ўз ишига юзланган бўлмоғи лозим, бўлади. Чунки ким сўзини амалидан ҳисоб қилса, фойда берадиган жойдан бошқасида сўзини камайтиради [2,217]. Инсоннинг жохиллиги нимадан билинади? Бизнингча дили ва тили бошқалигидан ташқари, қайсарлиги ҳам борки, у доимо панд беради. Унга маърифат, айниқса илохиёт маърифати ёқмайди. У доимо нега айни сен менга йўл йўриқ кўрсатишинг керак? - деб ўзини қўярга жой топа олмайди. Жохилнинг жахли ҳам тез тез чиқиб туради. Ўзини доимо осмонда тутади. Афуски, айрим инсонлар бебаҳо ва бир марта берилган умрни жохиллик билан тамомлайди. Натижада ўз моҳияти, нега бу дунёга келганлигини сабабини, алал-оқибат нимани йўқотдию, нимани қўлга киритганини тушунмай дунёдан кўз юмади. Тўғри, ҳаёт бир марта берилади. Оқил инсон эса ўзини танийди ва ҳаётни туб илдизи-моҳиятини ҳис қиласи. Охират учун захира таёrlаб улгуради. Солих фарзандлар қолдиради. Ота-она ўз фарзандига гўзал тарбиядан-да қимматлироқ, мерос қолдира олмайди, - деган ҳадисга риоя қилиб яшайди. Асосийси, одамлар қалбидан жой олган бўлади. Савобларни кўп қиласи ва уларни доимо кам деб ҳисоблайди.

Тилига эҳтиёткорлик, умрига ва ризқига эҳтиёткорлик эканини яхши билади. Унинг ҳаёт тарзи фикриллоҳда зикриллоҳда, шукруллоҳда бўлмоқлиkdir. Уламолар жохилликнинг белгиларини олтита деб таърифлайдилар.

1. Атрофдагиларга газабда, ҳаттоки, ҳайвонларга ҳам газаб қилиб яшайди.

2. Фойдасиз сўзларни кўп сўзлайди. Дунё ва охиратда фойда берадиган сўзлар билан зарап қиласидан сўзларни фарқига ҳам бормайди.

3. Мол дунёсини нолойиқ жойга сарфлайди, бу сарф унга ҳеч қандай фойда бермайди.

4. Ҳар кимни олдида сирини очаверади; у ерда дўсти эшитяптими, душманими - фарқига бормайди. Дўст ва душманни ажрата олмаганидан душманидан зиёнлар оқиб келаверади

5. Асосий душман шайтон ва одам қиёфасидаги шайтонлар эканлигини тушунмайди. Охират учун нима асқотадио, нима асқотмайди? Бу савол жохилни қизиқтиrmайди.

Яна оқил киши учун ўз ишига қарамоғи, замон аҳли билан муроса қилмоғи, фаржини ва тилини ҳаромдан сақламоғи керак бўлади. Ота боболаримиз ўз фарзандларига тўғри бўл, эгри бўлма, деб насиҳат қилганларида дил ва тил тўғри келишилигини ҳам назарда тутганлар. Уларнинг мос келмаслигидан тилёғламалик келиб чиқади. Бир одам иккинчи одамни аслида ёмон кўради, ёки ўзининг иш жойидаги бошлигини ёмон кўради. Лекин бу ҳолатни билдирамаслик учун дилидагини яшириб, тилида нотўғри сўзлайди. Бошлиқни мақтайди, унга таъзим қиласи. Тилёғламалик қиласи. Пандавақи бошлиқ ёлғонгачув тушади. Тилёғлама инсон эса пайтни пойлайди. Нихоят, бошлиқ амалдан кетди шунда, тилёғлама инсон собиқ бошлиқ, обрўси устидан магзава тўкишга ўтади.

Абу Лайс Самарқандий келтирган ривоятга кўра; инсон жасади уч бўлақдир. Бир бўлаги – қалби, иккинчиси – тили, учунчиси – азолари. Тангри ҳар бир бўлакни ўзининг фазли билан икром қилди. Қалбни ўзини

танишлик ва таҳвид билан сийлади. Тилни “Ла Илаҳа Иллаллоҳ” ва китобни тиловат қилишлик билан сийлади. Аъзоларини намоз, рўза тақво қилишлик билан сийлади. Ҳар бир бўлакка кузатувчи ва қўриқчини вакил қилди. Қалбини кузатиш ва сақлашни Аллоҳ ўзи бажарадиган бўлди. Тилга эса фаришталарни вакил қилди. Аъзоларига ўзининг буйругларини ва қайтарувларини (яни Қурони Каримни) бошқарувчи қилди. Ҳар бир бўлакка вафо қилишликни буюрди. Қалбини вафоси иймонда событ бўлмоғи ва ҳasad, хиёнат ва макру ҳийла қилмаслиги; тилнинг вафоси – ғийбат қилмаслиги; Аъзоларининг вафоси, гуноҳ қилмаслиги ва бошқаларга зулум қилмаслиги. Ким қалдан кетса - мунофиқдир, тилдан кетса – кофирдир, аъзоларидан кетса осий бўлади. Луқмони Ҳаким ҳақидаги ривоятлар ичida қўйдагиларданда таъсирлигини топиш қийин; у киши аслида Эфиопиялик кул эди. Бир куни хўжайнини буюрди; “Эй Ғулом, бизнинг оиласизга манави қўйни сўйиб, энг мазали икки жойидан пишириб келтиргин, деди. Ул зот қўйни сўйиб, тили ва юрагини олиб келди. Бошқа бир куни яна буйруқ бўлди; Энди энг ёмон жойидан келтир, дейиши. Ул зот яна юраги ва тилини пишириб келтирди. Бунинг сабабини сўраганларида, жасадда бу икки аъзодан ширинроқ нарса йўқлигини, агар улар яхши бўлса!. Агар ёмон бўлса улардан ёмонроқ нарса йўқлигини айтди. Илк тасаввуф алломаларидан Хасан Басрий айтди: кимнинг сўзи кўпайса, хатоси қўпайибди, кимнинг моли кўпайса, унинг гунохи қўпаяди. Кимнинг хулқи ёмон бўлса азоби қўпаяди. Имомлардан бири; Ёмон тилнинг заҳарли сўзидан яраланганимдан кўра камон ўқидан яраланганим яхшироқдир.

Сабаби тилнинг отган ўқи асло хато кетмайди, камоннинг ўқи хато кетиши мумкин. Фақат битта жойга, тез тез давомли сўзни, узоқ сўзни тақрорлашга руҳсат бор. Бу Аллоҳга зикр айтганда, зикрни эслаб, тилда қўпайтиришга руҳсат этилади.

ҲАЁ ВА ҲАЁСИЗЛИК, ИФФАТ

Ҳаё айбдан ва ёмонланишдан қўрқиб ўзини паст олиш ва ўзгаришдир. Шайх Журжоний таърифича ҳаё нафснинг бир нарсадан тортиниши ва маломатдан ҳазир бўлиб, уни тарк килишидир. Ибн Ханбалийда эса ҳаё бир хулқки, гўзал нарсани қилишга, ёмон нарсани тарк этишга сабабчидир, деган фикр бор.

Шайх Муҳаммад Содик Муҳаммад Юсуф ҳаёни икки турга: касб қилинган ҳаё ва туғма ҳаёга бўлади. Касб ҳаёси шариатда иймоннинг шуъбаларидан ҳисобланади. Туғма ҳаё, аслида бор нарсадир. Касб қилинган ҳаёни киши ўзига яхши сингдирса, туғма ҳаё даражасига етиши мумкин [3,329] (2жилд).

Расул акрам (с.а.в) туғма ҳаёда чачвоннинг ичидаги киздан ҳам ҳаёлироқ эдилар. Араб олими Муновий эса икки хил ҳаё хакида гапириб, нафсоний ва иймоний ҳаёларга бўлган. Инсонни барча нафсларини назорат қилувчи ҳаё нафсонийдир. Иймоний ҳаё худодан қўрқиб ҳаромдан пархез қилишидир.

Ҳаё одамларни ёмон йўлдан қайтарувчи ва яхшилик сари ундовчидир. Кимда у бўлмаса, уяти ҳам йўқ. Уяти йўқда эса иймон оқсайди. Ҳадиси қудсийда ҳақ Субханаҳу ва таоло: “менинг қаломимни ўқиганларни дўзахга солишига ҳаё қиласман” – деб айтган.

Ҳаёнинг жойлашуви инсоннинг қалбида бўлади. Қалбнинг ҳаёт моддаси ҳаёдир. Гуноҳ устига гуноҳ қилиши инсондаги ҳаёни аста секин емира бошлайди. Ислом алломалари ҳаёни ўн хилга ажратганлар [3,330-331]

1. Жиноят ҳаёси. Инсоннинг бошқаларнинг жиноятидан уялиб ҳаё қилиши.

2. Нуқсон ҳаёси. Доимий ибодатда бўлувчи фаришталар ҳаёси мисолидир. Улар “Эй, Роббимиз! Сенга етарли ибодат қилмадик!” – дейишади.

3. Улуғлаш ҳаёси, яъни маърифат ҳаёси. Банданинг тангри ҳақида билган сари маърифати ортиб боргандаги ҳаёсидир.

4. Карамлилик ҳаёси. Мехмон ёки кетиши аниқ қариндошларга кетинг, деб айта олмай ҳаё қилишлигидир.

5. Истиҳола ҳаёси. Жинсий ҳаёт икир-чикирларини бошқалардан сўрашга уялганидан қилинган ҳаёдир.

6. Ўзини паст санаш ҳаёси. Инсон ўзини паст санаб, яратгандан бирор нима сўрашдан ҳаё қилади. У зот гуноҳларини қўп санаб сўрашга уялади. Ёки Аллоҳни буюк санаб, ўзини ҳеч ким эмаслигини сезиб ҳаё қилади.

7. Муҳаббат ҳаёси. Илохий муҳаббатда кузатилувчи ҳаёдир. Севган одамини эслаган ҳамоноқ ундан уяла бошлайди.

8. Бандалик ҳаёси. Маъбуднинг қадри бундан-да юксак эканлигини билиб хижолатга тушгандаги ҳаёдир.

9. Иззат ва шараф ҳаёси. Улуғ зотга лойик сарф-ҳаражат ва эҳсон қила олмадим, деб уялиш ҳаёсидир.

10. Кишини ўз-ўзидан ҳаёси. Инсон ўзига ўзи нуқсонлиман деб қиладиган ҳаёсидир. Ўз нафсидан ўзи ҳаё қилади. Бу энг баркамол ҳаё хисобланади. Ўзидан ўзи ҳаё қилувчи, албатта бошқалардан ҳаёда бўлади.

Шайх Муҳаммад Содик Муҳаммад Юсуфнинг юкорида келтирган ҳаё турлари ҳар бир инсоннинг ҳаё килишда бардавом бўлишга ундейди. Навоийда вафосизда ҳаё йўқ, ҳаёсизда вафо йўқ деган ҳикмат бор:

Яъни:

Қила олгунча таъзим ва одоб биносин йиқма

Ҳаё ва ҳурмат хилватидин ташқари чиқма !

Абдулла Авлоний эса: Ҳаё, номус имона далилдур. Ҳаёсиз доимо хору залилдур - дейди:

Яъна:

Иффатингни пардаси, виждоннинг ниқоби ҳаёдир...

Ҳаё пардаси ила ўралмиш инсонларнинг иффат пардаси йиртилмас, дейди .

Юсуф Хос Ҳожибининг “Қутадгу билиг” асарида:

“Шарм-ҳаё ҳамма ярамас ишлардан тияди.

Уятсизлик киши учун жуда ярамас иллатдир

Шарм-хаё-уят бирикса, бу севинч демакдир, яна бири софлик ва рост феъллик бўлар.

Икки оламда кишини бахтиёр қиласди”, - дейилган [6,161]

Яна:

Уятли киши одамларнинг сарасидир,

Уятсиз киши кишиларнинг тубани.

Уятсизни тили тўғри сўз сўзламайди

Уятсиз кишидан йироқ, тур, йироқ.

Уятсизни кўзи қаттиқ бўлади.

Ор номуссиз кишилар юзи гўштсиз.

Ор номуссиз кишилар ўзи битмас мараздир.

Одамлар орасида етуги уятли кишидир, - дейди буюк мутафаккир.

Ҳазрати Навоий эса:

Карам ва муруват ато ва анодурлар

Вафо-ҳаё икки ҳамзод фарзанд. [6,161] деган фикрни берган

Хусайн Кошифий, дейди: Агар орадан шарму-ҳаё кўтарилса ва киши кишидан уялмаса олам низомига ҳалал етади. Ҳадиси шарифда эса бу хакда:
Ҳаё билан камсуханлик иймоннинг икки бўлагидир, - дейилган.

Ҳар бир мавзуда, ҳар бир масалада шарқ алломаларида жавоб бор. Хусусан ҳаё ва ҳаёсизликда ҳам маромига етган доно фикрларни ўқиймиз. Афсуски, ғарбча индивидуализм бу нарсага эътибор бермайди. Нотўғри турмуш тарзини танлаб у билан ҳамнафас бўлиб оламдан ўтиб кетмоқлик - фожеадир. Хўш тарбиянинг илдизи, ҳаё ва ҳаёсизликнинг илдизи каерда? Гарбдами ёки Шарқда?

Машрабнинг икки катор байтига этибор беринг:

Бошинг гардунга етса, бўлмагил зинхор хурсанд,

Ўзингни ҳар хасу хашакдек, эй бандар, камтар тут!

Иффат ҳақида гап кетганда кўпчилик инсонлар у хотин-қизларда бўлади, деб ўйлайди. Ҳаёлик ва беҳаёлик аёлу-эркакка бирдай алоқадор бўлгани каби ҳаёнинг маҳсус қўриниши бўлган, иффат ҳам баб-баравар

ҳаммага таалуклидир. Расулуллох “ҳаё факат яхшилик келтиради”, - деганлар. Демак, яхшилик келтирувчи ҳаё ҳақиқий ҳаёдир. Ҳаёнинг пайдо бўлишига сабаб нима? Ҳаё хато ва камчиликларни англаш, бизга берилган неъматларни яхши билишдир. Ислом олими Абдул Фидо Исмоил Ҳаравий: Ҳаё муҳаббат ила ўралган улуғлашдан туғилади - деб айтган. Ҳадиси шарифда - ҳаё иймоннинг олтмиш нечта шўъбаларидан биридир дейилган. Иймоннинг энг афзали “Калимаи тойийбани” айтиш бўлса, енгили йўлдаги озор берадиган нарсаларни олиб ташлашдир. Афзали ва енгили орасида “олтмиш ёки етмиш турдаги иймон” бор. Юқорида зикр этилган “рухий тарбия китобининг 2 чи жилдида Расулуллоҳнинг масжиддаги сұхбати пайтида, устига уч киши кириб келгани ҳақида ҳикоя килинган: Улардан икки киши давра устига келиб тўхтади. Учинчиси эса бурилиб чиқиб кетди. Иккисидан бири бўш жой топиб ўтирди. Икинчиси орқага бориб ўтирди. Набий (с.а.в) ибодатдан бўшагандан кейин деди: “улардан бири Аллоҳдан бошпана сўради ва унга бошпана берилди. Бошқаси эса ҳаё килди ва Аллоҳ ҳам ундан ҳаё қилди. Яна бошқа бири юз ўғирди Аллоҳ ҳам ундан юз ўғирди, - дедилар.

Саҳобалардан бири Набий (с.а.в)га авратларини кимдан тўсиш ҳақида савол берди. У зот авратигни энг яқининг (ахли аёл) дан бошқасидан мухофаза қил, - деди. Якка ўзимиз ҳол и бўлганимизда кимдан тўсамиз, деган саволга Расулуллоҳ “одамлардан қўра Аллоҳдан ҳаё қилинмоғи ҳақлироғдир” - деб жавоб берди. Машхур саҳоба Абу Хурайрадан ривоят килинган ҳадисда Расулуллоҳ: ҳаё – иймондандир, иймон жаннатдадир. Ҳаёсизлик жафодир, жафо дўзахдадир, дедилар[3,346].

Кези келганда маърифатни хуш кўрмай шу нарсаларни нима кераги бор, мен фалончиман-ку!. менга ҳамма инсонлар икки қўлинини кўксига қўйиб турган холда, иши тушганларни сони беҳисоб, деювчилар ҳам топилади. Уларга нисбатан жавобимиз шуки, икки дунёда комилу мукаррам ва азизу мукаррам бўлишни хоҳламайсизми, дўстим? - деб айтгимиз келади. Ҳаёли одам ҳам ўзига барча яхши нарсаларни раво кўряптими, демак, бошқаларга

ҳам уларни илинади. Салмон Форсийдан ривоят килинган ҳадисда Расулуллоҳ: “Албатта Роббингиз ҳаёли ва кариймдир. Бандаси унга икки қўлини кўтарса, у зот уларни бўш қайтаришдан ҳаё қилади”, - дедилар. Ибн Аббос (р.а) ривоят килади: Расулуллоҳ ҳар бир диннинг ўз хулқи бордир, исломнинг хулқи ҳаёдир, - дедилар.

Яна: “Фахш нимада бўлса, албатта, ўшани шарманда қилади. Ҳаё нимада бўлса албатта ўшани зийнатлайди”, - дедилар:

Яна бир маъно шуки, ҳаё инсон хилкатининг безаги, у билан инсон янада гўзаллашади. Ҳаё Аллоҳ олдидағи ваъдадир яъни, бандалик ваъдаси. Шунинг учун ҳаёли одам худога ёқимлидир. Ваъда ҳақида шоирлардан бири ёзади:

Тутай десанг яхшилар йўлин
Ваъда қилсанг айлагин вафо!
Ваъда қарздир, ҳар инсон учун
Фарздир қарзни айламоқ адo!

КИБРЛАНИШ ВА ХОКИСОРЛИК

Кибр... Такаббурлик. Икки сўз ва бир хил маъно. Ким бу икки сўздан фойда қўрган ва қайси инсон ўша нарсалар билан қайси погонага кўтарилди? Надоматлар бўлсинки кибр эгалари, ё келиб чиқиш шажарасини, ё қўлга киритган ҳалол ёки ҳаром бойлигини мартаба деб хисоблайди. Агар қодир Аллоҳни чин маънода танисак, бизда ҳаё бўлар эди, ҳаё иймонга боғланган, иймон эса хокисорликка туташган. Умр бўйи такводор мусулмон кибрланмайди, чунки унинг тақвоси қабул бўляптими ёки йўкми? Демак, ислом ва такаббурлик улар ҳеч качон келиша олмайди.

Ахмад Югнакий: Кимда ким менман деб ўзини баланд тутса, уни на ҳалқ, на танги севади. Ҳакимлар айтади: кибр ва ғуурдан узоқ бўл, кибр кишини эл орасида хор, бекадру беътибор килади.

Муиннидин Жувайний ўз байтида :

Кибринг либосини ечгил устингдан

Бир кун килмасин зор ила ҳайрон! – деган экан.

Хусайн Воиз Кошифий айтди: Такаббурга салом берма, саломга жавоб қайтариш унга оғирлик қиласи, жавоб бермагани эса сенга оғир туюлади. Кибр деб аталувчи сифатни ҳақни инкор этиш ва одамларни ўзидан анча пастда деб санаш, деса тўғри бўлади. Инсон ўзини осмонда ва ўз қадри кимматини бошқалардан устун кўйиш туфайли кибрга ўтиб колади. “Хужжатул ислом” деб ном олган Фаззолий кибрни бадбаҳтлик калити деб атайди. Шайх Муҳаммад Содик эса, “куфр ва маъсиятдан каттарок бало - оғат йўқдир. Мазкур икки нарсага чақиришда қалб кўрлиги ва жаҳолат зулматидан бошқа нарса йўқдир”, - деб ёзди. [3(1), 358]

Шунингдек, ўша зот кибринг сабабларига батафсил тўхталган. Яъни етти хил сабабга кўра инсон кибрга бориб қолади. Сабаблар икки хил, диний ва дунёвий бўлади. Илм ва амал диний сабаб бўлса, насаб, жамол, қувват, мол-дунё тарафдори кўплиги кабилар дунёвий сабаблардир. Мана улар:

1) Илм ахлида ҳам такаббурлик касали учраб туради. Бундай кибр ахлининг билими ҳақиқий эмас, агар ҳақиқий бўлганида эди тавоъзули бўлиб ўзини ва тангрини яхши таниган бўлар эди. Яна бошқа сабаб илм эгаси нафси ёмон ва у туфайли бадхулклашган инсон бўлади. Илми унинг ҳаётини ўнгламагани учун ёмон сифатлар уни тарк этмаган бўлади .

2) Кибр сабабларидан ибодат ва амал туфайли келиб чикувчи кибр бўлиб кўпроқ обид ва зоҳидларда учрайди. Одамлар факат уларни зиёрат қилишини давво қиласи яъни , хизматида бўлиши, улуғлашлари , уларни тўрига ўтказиб жой бўшатишларини , ҳар бир масалада уларни тилга олиб, мадх этиб туришларини хоҳлайдилар .

Ибодат ва амал сабаб кибрга бориш сабабларидан яна биттаси ўша обид ёки зоҳидлар бошқалар нотўғри йўлда ва албатта жазо оладилар, деган давода бўладилар .

3) Насаби юқори бўлган одам ҳатто илми ва амали юқори инсонга такаббурлик кўзи билан карайди. Пайғамбар (с.а.в) кишининг амали ортга

сурса, насаби олдинга сура олмайды, деганлар. Кишининг насаби эмас, амали тангри ҳузурида голибликка сабаб бўлади .

4) Кўпроқ ўз чиройи, чиммати билан ғурур ва кибрга бориб колиш аёлларда кузатилади. Бошқалар чиройи камситилади, ғийбат қилинади. Бу ҳолда ҳам кибр ҳам ғийбат туфайли гуноҳ қилинади .

5) Моли билан, пули билан кибрланувчи одам исломдан узок кимсаларда кузатилади. Камбағалларни эса менсимайдилар. Ҳатто, менинг ақлим зўр, шу сабаб мен бойман, - дейди. Бу уларни имо ишора, сўз охангига сўзидан сезилади.

6) Ўз куч-қуввати билан билан “мен зўрман” - деб кибрга берилади Куч-куватини ким берганлиги унутилади.

Суҳбатдоши ёки жисмонан заифроқ одамга дўқ ҳам уради. Бу ўсмирлар, ёшлар орасида ўсиб етилаётган кибр бўлиб, катталарнинг этиборсизлиги туфайли илдиз отиши мумкин бўлган кибрdir .

7) Ўз тарафдорлари, шогирдлари, хизматчилари, кариндошлари, уруғаймоқлари, оила азолари билан кибрланадилар.

Кибр даражалари Ибн Кудома Мақдисий қаламига мансуб эканлиги хабарини “руҳий тарбия” китобидан топиш мумкин. Ўз-ўзини тили билан мақтаб кибрланувчилар, насаби билан кибрланувчилар бор. Исломдан бехабар инсонда баландпарвозликни, одамлар орасида пешкадамликни ўз ҳақки камситилмаслигини тез-тез таъкидловчи инсонларнинг ҳислатларни кузатиш мумкин. Албатта, бунинг даъвоси камтарлик, хокисорлик. Энг аввало, инсон ўзини “бошқалар мендан аъло, улардан анча пастдаман”, - деб фикр юритиши маъқул ҳолат. Баъзан шундай бўладики, хурматга нолойик одамни билмасдан хурматини жойига кўясиз. Уни иззат-икром киласиз. У эса талтайгандан талтаяди. Бундай ҳолатларда ўша кимсага яратгандан инсоғ тилаган маъқул. Ким ҳақ , ким ноҳақлигини исботлашдан фойда йўқ . Кибр турлари ҳақида шайх ҳазратлари Аллоҳ таолога, Пайғамбарига, одамларга кибр қилишни ўз асарида баён қилган. Фиръавн, Намрудлар кибри Аллоҳ

таолога эди. Макка мушриклари Абу Жахл ва Абу Лаҳаблар “у ким бўпти” деб Расулulloҳга кибр килган эдилар .

Кибрни энг ёмони яратганинг лаънатига олиб борувчисидир. Эсланг, Азозил исмли илми юксак фариштани, мутакаббирлик уни кофирга айлантириди. Аллоҳ буюрган нарсаларни танъ олмайдиганлар мутакаббир кимсалардир. (Луқмон,18)

Хокисорлик кибрланишнинг зиди, яъни бошқа қутбдагиси бўлиб, тангри севадиган ҳолатдир. Чунки унда кибран асар ҳам йўқ, доимо ҳаёда, зикрда бўлади. Қуйидаги ҳадисни Хориса ибн Вахб (р.а) ривоят қилган бўлиб кибланишни ҳам, хокисорликни ҳам ўз ичига олади: жаноби Пайғамбаримиз: Сизларга ахли жаннатнинг хабарини берайми? “Ҳар бир заифҳол саналган, лекин Аллоҳга қасам ичса, у зот, қасамини юзага чикаради. Ахли дўзахни хабарини берайми? Ҳар бир қўпол саркаш ва мутакаббирдир”, - дедилар. (Имом Термизий)

Кибран ҳеч ким фойда қўрмагани каби синик, тавоъзулилиқдан ва хокисорликдан ҳеч ким зарап қўрмайди. Кибр худонинг ғазабига етаклайди, кибр инсонни пасткашликка ва юзтубан кетишига сабаб бўлади. Кибр туфайли худодан ҳам, одамлардан ҳам узоқлашилади. Ниҳоят, кибр билан азоблар сотиб олинади, инсон ҳалокат томон силжийди. Кибр сохиби тоат завқидан ва яратганинг раҳматидан бенасиб қолади. Одамларни ўз ортидан эргаштириб юриш, ўзи ўтирган ҳолда мажлисда ҳонасидаги одамларни тик тургизиб қўйиш ҳам кибрнинг белгиларидандир. Али (к.в) ким дўзахини қўрмокчи бўлса, ўзи ўтириб олиб олдидаги одамларни тик тургизиб қўйган одамга назар солсин. Кеч колган аввал келиб ўтирганларга, отдаги одам пиёдаларга, ёш одам ёши улугларга биринчи бўлиб салом бергани маъқул холат. Лекин “салом бердик”, “привет”, “чао” каби миллатимизга ёт оҳангда салом бериш ҳам кибрга, ҳам беодобликка киради. Абдуллоҳ ибн Умар табиатан мубтало одамларга (мохов, пес, хидланувчи) дастурхонидан жой берар эди. Бировни зиёфатига қастдан бормаслик, қимматбаҳо уловсиз

бормаслик, пойгақдан юқорига интилиш каби аломатлар кибрининг кўринишларидир .

Нега хокисорликни аъло кўрганлар мутафаккирлар эдилар? Тўфон барча нарсани остин-устун қилиб ташлайди, иморат-дараҳтларни бузиб улоқтиради, лекин юмшоқ майсага тегмайди .

Болта катта дараҳтлардан, ўрмондан чўчимайди, уларни уриб пачоқлайди, лекин майсага тегмайди. Фофур сурасининг 60-оятида “Албатта, менга ибодат қилишдан кибр-хаво қилган кимсалар яқинда тубан ҳолатда жаханнамга киурулар [4 (1),275]. Пайгамбар (с.а.в): жаҳаннам ахли: золимлар, такаббурлар ва мол йиғиб атрофдагиларга фойдаси тегмаган хасислардир. Жаннат ахли эса камтарин, кам сукумлар ва мол мулкини жамият хайри учун сарфлаганлардир”. Ҳисоб-китоб кунида гўзал ахлоқлиларни Расулуллоҳ севади ва ёнига чорлайди, сафсатабоз, бемаъни, вайсақи, такаббурларни ёнига йўлатмайди.

Демак, такаббурлик инсонни у дунё ва бу дунёда хор қиласди. Такаббурликни қандайдир бир инжиклик деб қарашиб ҳам мумкин. Инсон дунёга келди, яшамоқда ва унга ҳеч ким эътибор бермаяпти. У эса ўзини борлигини билдиromoқчи, яъни мен ҳам одамлар эътиборига тушай дейди. Ўз ўрнини топмоқчи ! Шунда у фалончи ким бўпти? Фистончини ўзи ким,- деб уларни яхши ва ёмонга ажратса бошлайди. Ўзини юқори олиб, ўзгаларни факир санай бошлади, демак, у ҳаёт формуласи сифатида одамлардан ўзини устун кўя бошлади, яъни тугёнга, кибрга кетди. Эзгулик деб аталувчи илмни ўрганмади. Хокисорлик, камтарлик ё жисмонан, ё руҳан заифлик эмас. Қудратнинг ҳақиқийси унинг сифати бўлгани боис, бундай инсон ҳеч қачон мутлоқ зўравон бўла олмайди.

Инсондаги кибр қанчалик катта бўлса , аклидаги камчилик ҳам шунга катта бўлади. Кибрлик одамнинг қилган эҳсони, ўқиган намози, гердаймоклиги, мактанчоқлиги, ахлоксизлиги, хавои нафси унга ин қурган шайтон тузокларидир .

Муқаддас китобимизнинг Исро сураси 37-38 оятларида: “Ер юзида кибрланиб юрма! Чунки сен (оёқларинг билан) зинхор ерни теша олмайсан ва узунликда тоғларга ета олмайсан . Буларнинг барчаси Роббингиз наздида макруҳ бўлган гуноҳ(лар)дир - дейилган. Шайтон кибрга берилиб Одамни менсимагани учун тангри раҳматидан маҳрум этилганди.

Бир яхши оиланинг фарзанди гўзал хирқа кийиб, гердайганча кетаётган эди. Сўфийлардан бири унга деди: Эй, Аллоҳнинг бандаси бу қандай юриш? Бундай юришдан худо ҳам, унинг расули ҳам ғазабланади-ку? Шунда гердайган йигит мени танимаяпсанми?, - деган эди. Суфий: Ҳа, танийман. Бошида бир ифлос маний эдинг, кейин аҳлат йифиндиси бўлдинг! Энди улар орасида аҳлат ташувчи ҳаммолсан , бошка нарса эмассан! Буни фикр этган йигит кибру-ҳавони бас қилди ва маҳзун бўлди, тавба қилишга ўтди. Ином Фаззолий ўзининг “қалблар кашфиёти” асарининг 1 жилд, 283-бетида куйидаги байтни ёзади:

Бичимидан кибрланган кимсаларга ҳайронман:

Билмасмилар, бўлганларин маний деган айрондан

Бугун улар кўркамдирлар, гўзалдирлар, албатта!

Аммо эрта мурда бўлиб ётмасмилар лаҳадда?!

Бир дўстим бор амалга ўч, керилади қишу ёз,

Гуноҳлари олам-олам, савоблари жуда оз.

Ўта қайсар, парвонадай ўзин ҳар ён уради,

Кимни кўрса, салом бермай, гердайганча туради.

“Тенгим йўқ!” деб гердайганда, унга дедимки Ошна,

Кўтарилган жойларингда одоб сақла озгина!

“Эй такаббур, гердаймагил, буюклик хос Аллоҳга!

Биз лойданмиз, унутмагил, кўп-да ботма гуноҳга !

Кимки ўз миясига кибрни жойлабди, ташқаридан ўзига танбех берган одамни душманим, деб ўйладиган бўлиб қолади. Мактаб партасида бирга ўқиган синфдошимни ёши 70-ни қоралаган бўлсада ичкилик ичишни бас қилмади. Бизлар бу ўта ёмон ҳолат, уйингда, набиранг олдига довдираб

кириб борсанг, улар сен билан фахрланади-ми? Қачон ўзинг, айнан ўзинг устидан ғалаба қиласан? Тарбия дегани бу ибратга асосланади, демак, сен ибратда кимсан? – деганимизда “Сенлар, нега айнан сенлар, менга насиҳат килишинг керак?” – деб саркашлиқ қилмоқда. Айб дўстимиз юрагига ин қурган кибрда эканлигини ҳис қиласиз. Шунинг учун айтадилар, кибр инсонни кўзини кўр қилиб қўяди. Камтарлик ва хокисорлик эса бандасига ҳам, унинг ўзига ҳам (Аллоҳга) суюклидир. Яхши сифатларимиз билан фахрланишга ҳам лойиқ эмасмиз. Сабаби яратилишимизнинг хокисор лойданлиги бизни хокисорликка ундейди. Уни сезиб ва унутмай яшамоқ қандай яхши! Самимий бўлмоқ қандай яхши! Бошқалар албатта мендан аъло, мендан устун деган ҳолат қалбимиз тўрисидан кетмасин.

РИЁКОРЛИК ВА РИЁСИЗЛИК

Риё қалб ҳасталиклардан биридир. Ҳаёсизлик ҳам шундай. Риё кўз билан кўриш, назар солиш маъноларни билдиради. Иморатни баланд қуришади, кўшним кўриб кўйсин, - дейишади Ёки тўйни шундай қилайки, кўрган душманларим куйиб ўлсин;- дейишади. Яхшилик қилган одам савобга эга бўлади, лекин, бошқалар кўрсин деса савоб гуноҳга алмашади. Аслида яхшилик қилиш учун ҳолис ният ва ихлос бўлгани маъқул. Саҳобалардан Ибн Хажар Асқалоний “Риё одамлар кўриб, эгасини мақташлари учун ибодатни изҳор қилишдир”, - деган эди

Баъзи уламолар, риё маҳфий ширкдир деб баҳо берганлар. Риё ҳақида дастлабки маълумотни олган ўқувчимиз, риё унчалик хавфли эмас экан, одамлар кўрсин, деса буни нимаси ёмон - деган ҳаёлга бориши мумкин. Чуқурроқ мушоҳада қилсақ, риёга алданиб қолиш хавфи ҳам борлиги келиб чиқади. Намоз ўқийдию лекин фитнадан, кибрдан, гийбатдан, ҳаромдан ўзини тиймайди. У риёкор ёки мунофиқ. Намозни Аллоҳ ризолиги учун ўқимаяпти, мени намозҳон, - деб ўйлашлари учун ўқияпти, маҳалла аҳли масжидда, улардан қолмай, масжидда мени ҳам одамлар кўрсин, - деди.

Ширк ҳам риё, яъни Одамлар Аллоҳ қолиб тошга, ҳайкалга, дарахтга булоқقا, туморга сифиняпти. Яъни, Аллоҳни юқорида саналган нарсаларга алмаштиряпти. Муслимлик ва куфр икки қутб бўлса, риёкор биринчи қутбга ўтиб мен ҳам сизлар билан биргаман, - дейди. Кейин иккинчи қутбга ўтиб ўша гапни такрорлади. Иккала қутбни ҳам алдаяпти. Солих амали билан худо розилиги учун амал қилинса, бажарса у риёдан ҳоли. Риёдан узок, мусулмон камтар, хокисор мулойим, тўғри,adolatli, доимо савобларим кам деб умрини хадикда ўтказувчи инсондир. Катта йиғинларда илмий даража, мансабни эълон қилиш ҳам, ўзини одамлар олдида саҳий кўрсатиш ҳам риёдир. Керак бўлса одамлар усиз ҳам ўша инсонни бошларига кўтаради. Албатта, у одамлар қалбидан жой ола билса. Ушбу риёда эълон қилувчи ёки тилёғлама одам ўзини эълон қилиш билан обрў олмоқчи бўлади.

Молни садақа қилишда ҳам баъзан риё аралашиб қолади. Садақа маҳфий, садақа килувчи кимлигини фақат Аллоҳ билса бўлди ва унинг розилиги учун қилинади. Садақа билан ўзини саҳий кўрсатувчилар ҳам йўқ эмас.

Ҳаж арконларини бажариб қайтганларнинг ҳаммасини ҳам хажини, ибодатини Аллоҳ қабул қилдимикан? Ҳажни қандайдир мартаба учун эмас, балки худо буюргани учун қилинса дурустдир. Маҳалла маросимларида тўрга чиқиш ёки исмига қўшиб фалончи ҳожи aka дейилиши учун ҳаж қилган инсон риёкордир.

Шарқ алломаларидан Жалолиддин Румий ҳаж масаласида бир ҳикоя келтиради: Бир мўътабар зот ҳажга бориш учун маблағ тўплади. Жўнаб кетиш куни ҳам аниқ, бўлди. Бир куни унинг кичкина ўғилчаси кўшнисиникидан йиғлаб чиқди. Ота ундан йиғлаш сабабини сўради. У эса анавилар гўшт еяётган эканлар, менга бермади - деб айтди. Ота ўғлини етаклаб кўшнининг ҳовлисига кирди. Ўз болаларини дастурхон атрофига олиб ўтирган аёлга қаратса: қўшни, бола экан-да унинг гўшт егиси келибди, сиз эса бермабсиз; Агар берганингизда мен сизга қўй сўйиб берган бўлар эдим. Аёл эса кўзларига ёш олиб деди: гўштдан сизларга бериб бўлмас эди.

Бир ҳафтадан бери болаларим туз тотмади. Ҳаммалари очлигидан силласи қурий бошлади. Шунда, худойим бирор нарсаны учратарсан, деб шаҳарга чиқиб кетдим. Кўп вақт ҳеч нарса топилмади. Ниҳоят, бир жойда от ўлиб ётган экан. Аллоҳ буни менга бекорга учратмади, бошқаларга ҳаром, менинг болаларимга ҳалол. Ўлган отдан бир парча кесиб олдим. Болаларга қовуриб бердим. Шу вақт ўғилчангиз кириб қолди. Ҳаром ўлган отни гўштини бера олмадим. Аёлнинг аянчли аҳволини кўрган қўшни қаттиқ таъсирланди: ён қўшним шу аҳволда бўлсаю, мен ҳажга борсам. Йўқ, бу инсофдан эмас, - деди. Шошманг қўшнижон деб ўз уйидан хаж учун йигиб қўйган пулни олиб чиқиб қўшни аёлнинг қўлига тутқазди ва атрофида айланиб талбия айта бошлади: лаббайка Аллоҳумма лаббайк.... Қўшнижон, шу маблагни болангиз билан ишлатинг, деди.

Бир муддат ўтди. Ҳажга кетганлар аста ўз уйларига қайта бошладилар. Кўчага чиқиб кузатиб турган, ҳажга бора олмаган инсонни ҳожилар сўроққа тутдилар. Эй фалончи, сиз қачон уйга қайта қолдингиз, намунча тез етиб келдингиз, каъба атрофида таъвоб қилаётганингизни кўрдим. Чақирсан жавоб бермадингиз, арафотда ҳам кўрдик, жамаротда тош отганда ҳам сизни узоқдан кўрдик! Саҳий инсоннинг ҳажи қабул бўлган эди .

Мухтарам ўкувчи, шундай қилиб риёкор гунохга ботар экан. Амални худо йўлида ситқидилдан бажарган инсонлар эса нажот топгувчилар экан.

Имом Муслим ривоят килган ҳадисда: дўзахдаги бир водий бўлган “жуббул хазан” деб аталувчи маскан амаллари ила риё қилувчи қорилар учун таёрлаб кўйилганлиги баён қилинади. [3(1), 328]

Шайх Мұхаммад Содик, риёning бешта тури ҳақида ёзади:

1) Бадан ила риё қилиш. Ўзидан озгинлик ва саргайишни дин йўлидаги ҳизмат деб одамларга тушунтиради. Дунё ахли (айниқса хотинлар) ўз қомати, ранги тозалиги, юзини гўзаллиги, баданини оппоқ, ва ёкимлилиги билан риё қиласи. Бадани кўз-кўз қилувчи алоҳида машқ тури ҳам ўйлаб топилган.

2) Ташқи кўриниши ва кийим. Ўзининг хушбичимлигига, кийим ярашадиган қомат устидан сочни тўзитади. Қўпол кийим кийиш ҳам кийимни покламаслик орқали риёга ўтиб қолади.

3) Ваъз ва иршодда, илмни мақташ, асарлар, байтларни ёдлаш билан, ҳикматли нутқ билан риёга йўл кўйилади. Одамлар тўпланган жойда лабини қимирилатиб зикр қилиш, безарурат амри-маъруф ва нахи мункар қилиш орқали риё қилинади. Иш кунларнинг бирида ўқитувчининг вафоти ва дафн муносабати билан одамлар қабристонга йифилдилар. Айтиладиган гаплар, маросимлар тугаганига қарамай ҳеч қандай руҳсат олмаган бошқа бир ўқитувчи амри-маъруф қила бошлади. Одамларга эса бемаврид маъруза оғирроқ туюлди, чунки ҳамма ўз ишига қайтиб боришлиари керак эди. Бу ҳам риёдир.

4) Амал билан хосил бўлувчи риё. Масалан намозхоннинг руку ва саждани узоқ қилиши орқали риё қиласади. Бир мударис иккинчи мударисни дарсига кирди ва кўпчилик олдида ўзини доно ва билимли қилиб кўрсатиб, танқидга ўтди.

5) Дўстлар ва зиёратчилар кўплигини айтиб риё қилиш. Бир вагонда икки ректор ва мен Тошкентга хизмат сафарига жўнадик. Улардан бири ўзи ёзган шеърни мажбуран ўқиб берди ва фикримни сўради. Мен эса ёқмаганини айтдим. У одам эса шахсан Абдулла Орипов ва Эркин Воҳидов билан таниш, ўртоқлигини айтди. Мен эса ҳазил аралаш “Мен Навоий билан дўстман (асарларини ўқиганман)” лекин ундаги даҳолик менга ҳеч юқмаяпти, қобилияят юқумли касаллик эмас, - дедим. Айрим инсонлар, баъзан фалон олимни ёки шоирни ўз уйига меҳмонга олиб келадида, у билан мақтаниб юради.

Риё ҳаромми, макрухми ёки мубоҳми !

1. Ибодатлардаги риё ҳаромдир. Риёкор эса гуноҳкордир.
2. Риё мол талабида бўлса ҳаром эмас, савдогар ўз молини чиройли реклама, чиройли қадоқлаш, замонавий кўриниш бериб бозорда мақтashi мумкин, инсон ўзи муҳтож бўлган молни талабида юрса, мақтовга эришиши

гуноҳ эмас, инсон баланд обрўга эга бўлди ёки обрў олиш йўлида мол дунё сарфлади. Халқ учун бино куриб берди. Унга нисбатан риё сўзи ишлатилиши мумкиндек, чунки ўзини мартабасини кўтартмокчи. Лекин унинг мартабаси халқقا яхшилик сари сарфланган мол дунё бўлгани учун ва Аллоҳни ҳам хурсанд қилгани боис ижобий ҳолат ва ижобий баҳоланади.

3. Чиройли кийинишни икки хил баҳолаш ҳам мумкин. Ўзини кўз кўз килиш яъни чиройли либос билан одамларга гўзаллик улашиш уларда ҳам ҳавас уйғотиш ижобийдир. Агар мақсад кимнидир дилини вайрон қилиш учун чиройли кийинилса, риё бўлади. Чиройли кийиниш туфайли одамларга маданият, гўзаллик хадя этиш эса тангрини хурсанд килади. Сабаб, Аллоҳ гўзалдир, гўзалликни яхши кўради, Имоми Азъам доимо чиройли кийиниб юрганлар. Сабабини сўралганда илмли киши кандай бўлишини шундай кийиниш билан кўрсатмокчи бўлдим токи одамлар илмга интилсинлар дедим, деб айтган. Бу ерда мақсад воситани оқлайди, деган тамоил жуда қўл келади. У кишининг иморати ҳам чиройли қурилган экан. Имоми Азъам эса мени қидираётган одам уни қийналмай топиши учун шундай қилдим деб жавоб берган. Бу ҳолат Аллоҳни ҳам рози қилади.

Шайх Муҳаммад Содик ошкора ва маҳфий риё сифатлари ҳақида фикр берган. Ўз амалини одамлар кўриши учун қилса ошкора риё бўлади. Маҳфий риё эса кўпинча зимдан амалга ошгани боис фақат аломатини билишимиз мумкин. Масалан, одамлар унинг тоати-ибодатидан хабар топса, ўша одамнинг хурсанд бўлишидир. Бундан ўша одам ҳузур топади. Одамлар мени шундай деб билсин, деб қилинган риё ва ундан роҳатланиш, тангри розилиги қолиб, одамлар эшитсин, кўрсин, деб бажариляпти.

Риёнинг сабабчиси обрў ва мартаба илинжидир. Табиатан комиллик ҳаммага ҳам берилавермайди. Демак, ноқислик деярли ҳаммага хос, табиатан уларда обрў ва мартабага интилиш бор. Ҳеч ким ўзини мен ундейроқман, демайди. Бу эса ўзликни билмасликдир. Агар ҳамма ҳам ўзини танигандা эди, риёга жой қолмас эди. Ўзликни танимоқлик Имом Фаззолий таъбирича ҳақни таънимоқликнинг калитидир. Одамлар менга ҳавас қилсин, деган

муаммони асли илм орқали ҳал қилинади. Лекин илмга ҳамманинг ҳам тиши ўтмайди. Натижада, инсон ҳар бир саъи ҳаракатида обрў ва мартабани қўлга киритишни қўзлайдиган бўлиб қолади. Саъи-ҳаракати тангри ризолиги бўлган инсонлар бундан мустаснодир. Риёning охиратда заарини билган инсон риёдан воз кечади. Яна риёning илдизларидан бири риё тўғрисида умуман тасаввури йўқ одам риёга қўл урадию, лекин қилаётган иши риё эканлигини билмайди. Ўзича, мен тўғри йўлдаман, дейди. Риёning яна бир сабабчиси таъмагирлик. Ўзида йўқ нарсани бор бўлишини жуда хоҳлади ва ўзини одамларга бошқача қўрсатмоқчи бўлади. Таъмагирлик йўлида риёкорлик қилаётганда худонинг ўзигина ризқ берувчи эканлигини ўйлаб кўрсин. Қуръони Каримда Аллоҳ ўз неъматини фақат ўзи хоҳлаган инсонларга мўл-қўл қилиб берур, деган мазмундаги оят бор. Бошқа бир банданинг давлатини қўлга киритган одамнинг бир кун келиб хору зор бўлиши турган гап. Риёдан кутилишнинг бир йўли ибодатни маҳфий қилишdir. Яъни, диний амалларингиз ҳақида ҳеч кимга айтманг. Ахир, ибодат ҳолис Аллоҳ учун бажариладику! Демак сизни уни бошқаларга билдириш истаги борми, у ҳолда сизда риёга рағбат бор. Ўша рағбатни йўқотиш учун Аллоҳни эслаш, азоби қаттиқлигини эслаш, ошкора ибодатдан маҳфий ибодат афзаллигини эслаш керак бўлади. Одамлар билдию, билмади нима? Ибодат бошида ҳолис Аллоҳ учун дедингизкү! Риё учун ибодат қилинмайди. Агар у керак бўлганида эди “ҳолис одамлар билсин учун” - деб деб ният, қилган бўлар эдингиз. Ибодатни маҳфий қилиш бошида қийин бўлади гўёки сизнинг ибодатингиз билан ҳеч кимни иши йўқдай туюлади. Кейин, якка ёлғиз ибодат орқали худо билан мулоқот қиласиз. Кундалик ҳаётингизда ҳам яхшиликлар кўпаяди. Дилингиз равшан тортади. Мақтовни ўта ёқтирадиган шахс бўлсангиз нафсингизга - риё офати, ўзингизга тангри газаби борлигини эсланг! Шунда риё рағбати сўнади. Юқоридагилар билан қалбимиздаги риёни томири билан сугуриб ташлаймиз, иншаоллоҳ.

ҲАСАД ГҮЙЛИК ВА ИЧИҚОРАЛИК

Ҳасад деб ўзида йўқ, лекин дўсти, таниши, қариндошларида бор нарсани кўра олмасликка айтилади. Инсон билимни охират учун эгаллаган бўлса ҳасад қилмайди. Агар мол-дунё учун эгаллаган бўлса ҳасад қиласди. Аллоҳ таоло Расул акрам (с.а.в.)га пайғамбарликни юборди. Шунда яхудийларга қарата “Ёки (улар) Аллоҳ ўз фазлидан берган неъматлари учун одамларга ҳасад қилишадими?” - деди (Нисо,54). Ҳасаддан ёмонроқ нарса факат ширкдир. Ҳасад қилинган кишини гуноҳи камаяди, қилувчиники эса кўпаяди. Ҳасад , уламолар этирофича, инсонга бешта азобни олиб келади.

- 1.** Ҳасад қилувчини ташвиши кундан кунга ортиб боради.
- 2.** Мусибатлар кўпайиб, савоблари эса камаяди.
- 3.** Ҳасад қилувчи бошига ёмонликлар ёғилади .
- 4.** Ҳасад гўй Аллоҳнинг ғазабига учрайди.
- 5.** Унга тангри ҳам одамлар ҳам яхшилик қилишни бас қиласди .

Ҳасад бойлараро тарқалишидан, илмлилар орасида кўпроқ тарқалгани билан аҳамият касб этади. Қобил ўз укаси Хобилни ҳасад туфайли ўлдирди. Бироннинг мавқеи, мол-дунёси, илмига ҳасад қилувчи Аллоҳнинг душманидир. Чунки у Аллоҳнинг ўз фазлидан ўша одамга берган нарсасига ҳасад қилди, ичиқоралик қилди . Абу Хурайра Пайғамбар (с.а.в) дан ривоят қиласди: “қиёмат куни олти тоифа киши олти нарсадан ҳисоб қилинmasдан дўзахга киради:

- 1.** Амирлар, жабр зулмлари учун;
- 2.** Мутаъсибликни касб қилиб олганлар;
- 3.** Бошлиқлар, кибрлари туфайли;
- 4.** Савдогарлар, хиёнатлари туфайли;
- 5.** Илм эгалари, ҳасад лари туфайли;
- 6.** Дунё талабида бўлган уламолар

Баъзи хакимлар айтган экан; “ҳасаддан сақланинглар, чунки ҳасад осмонда худога осий бўлишга сабаб гуноҳдир, ерда ҳам биринчи осийлик сабабчисидир. Ҳасаднинг бошланиши шайтондан (Азозил) бошланди ва у одамга ҳасад қилди, гуноҳкорлардан бўлди. Ерда эса Қобил тангрига осий бўлди. Саҳоба Ахнаф ибн Қайсни сўзини Абу Лайс Самарқандий келтирган: “ҳасад қилувчиларда роҳат йўқдир. Бахилларда вафо йўқ, чидамсизларда чин дўст йўқ. Ёлғончидаги мардлик йўқ, хиёнатчидаги соғлом фикр йўқ, хулқи бузукда бошлиқлик йўқ. Уч кишининг дуолари қабул бўлмайди:

а) ҳаром еювчи:

б) ғийбат қилувчи :

в) одамларга адовати ва ҳасадни бор киши”

Абу Лайс Самарқандий ўзининг аввал биз келтирган китобида саҳоба Солимдан ривоят қиласи: Расулуллоҳ икки ҳолатдан қилинган ҳасадни яхши ҳасад дедилар; бир кишига Аллоҳ Куръони каримни берган бўлса, уни кеча кундуз ўқиб турган бўлса ва яна Аллоҳ унга дунё берган бўлса ва у киши ўз бойлигидан кеча кундуз инфоқ (садақа) қилиб турган бўлса [2,182] биринчи инсонни кўриб, мен ҳам қанийди, шундай Қуръонни тинмай ўқисам, деб ҳасад қилсин. Иккинчисини кўриб, менда ҳам дунё бўлса тинмай садақа қилиб тураган эдим деб ҳасад қилса –яхшилиқдир. Нисо сурасининг 32-ояти: “Аллоҳ бирингизни-бирингиздан бирор неъмат билан ортиқ қилиб қўйган бўлса, сизлар уни (ҳасадгўйлик билан) орзу қилманг!”, - дейди. Яхши одам ҳасад ўрнига ҳавас қилгувчи бўлади. Насиҳат қилувчи одам эса Аллоҳ берганга рози бўлади. Ҳасад қилувчи яратганинг хукмига қарши турувчиidir. Боз устига, қарши тургани билан қўлидан нима ҳам келар эди? Ҳатто, диннинг насиҳат эканлигини баён қилган ҳадис мавжуд, демак, мусулмон ҳеч қачон ҳасад қилмайди. У ўзининг ҳозирги ҳолатини худони иродаси маҳсули деб билади.

Анас ибн Молик: “Мен пайғамбар хузурида саккиз ёшимдан хизмат қилдим. Менга бошида биринчи ўргатилган нарса, намозни тўлиқ адод қилиш сирлари эди. Охирида: Ё Анас агар уйингга кирсанг салом бергин оилангга,

уйингни баракаси кўпаяди. Агар кўчада бўлсанг, ҳар бир мусулмонга салом бергин. Шунда иймон тоти қалбингга киради. Ё Анас! Мусулмон кишининг биронтасига қалбингда душманлик бўлмасин. Албатта, бу менинг суннатим ва ким суннатимни ушласа мени яхши кўрипти ва ким мени яхши кўрса, у мен билан жаннатда бирга бўлади. Ё Анас! Агар айтилган гўзал ахлоқ қа амал қилсанг сенга ўлимдан яхшироқ нарса бўлмайди. Албатта унда роҳатда бўлишинг бордир,- дедилар” [2,184]. Яъни, хурматли сухбатдош қалбдан ҳasad ва адоватни чиқармоқлик амалларнинг энг яхшисиdir. Яна Анас ибн Моликдан ривоят қилинган ҳадисда Мұхаммад (с.а.в) огоҳлантирган эканлар: Мўмин одам ўз қалбida атрофдагиларнинг бирортаси учун ўзида ёмонлик топмайди. Уларга, Аллоҳ таоло яхшилик қилиб берган нарсаларга ҳasad қилмайди. Шу икки нарсани ўзиёқ тангрини рози қилиши мумкин.

Хурматли сухбатдош! Қарангки ҳasadдан ёмонроқ нарсанинг ўзи йўқ. У на дунёвий жиҳатдан ва на диний жиҳатдан бўлсин улуғланиши мумкин эмас. Машойихлар айтган хулоса: ҳasad қилувчи мажлисларда ёмон маънода тилга олинади. Фаришталар унга лаънат ўқийди, ғазаб қилиб туради. Хилватда қўрқинч ва ғамда қолади. Жони қаттиқлик ва қўрқитилган ҳолатда олинади. Ҳисоб-китоб куни шарманда ҳолатда бўлади.

Суқрот айтган ҳикмат: “ҳasadчи киши бирон ва бир замон роҳат ва фарогат юзини қўрмас. Дунёда қанча меҳнат ва мусибат бўлса, барчаси ул бечорани ўраб олмишдир”. Арасту эса: дунёда ҳамма нарсадан ҳasadнинг юки оғирдир, чунки у бечора бутун дунёдаги шод ва масрур одамларнинг қайғуларини ўз устига юклаб юур - дейди.

Бобокалонимиз Абдулла Авлоний “ҳasad деб одамга жаноби ҳақ тарафиндан берилган неъмат ва давлатнинг заволини тиламакни айтилур, ғийбат бўхтон каби ёмон хулқлар ҳasadдан туғулур “[1,52], деган.

Ох! Фалончининг мол ва давлати, иззат ва саодати манда бўлса, роҳат ва сафони ман сурсам эди, каби хаёлоти ҳарисонаси жаноби ҳақнинг ўлчаб берган ризқига қаноатсизликнинг нишонасидир, ҳолбуки жаноби ҳақ бир

неъматни бировга атай ва бекорга эҳсон қилмайдур. Расууллоҳ эса мўъмин ғибта қилур, мунофик эса ҳasad қилур, дейди [1,53]

Ғибта деб бир одамнинг даража ва молини заволини орзи қилмай “кошки мен ҳам шундай бўлсам эди”, - деган орзуда бўлмоқни айтилур. Ғибта эса қораланган эмас, мамдух бир сифатдир. Инсон дунёда яхши ишларга ғибта қилиб, ўрнак олиб ўзининг саодати агадиятга эриштирур. Ҳазрат Али: ҳasad инсоннинг адоватидан, кибр ва шақоватидан пайдо бўладиган ахлоқи замимадир. Шу боис ҳasad қилувчи доимо руҳоний азоб ичидя яшайди . Бирор одамни саодатини кўрган замон унинг ҳасади ўт олади. Инсонга шундан ортиқ жазо борми?, - деганлар. [ўша жой]

Пайғамбаримиз: ҳasad қилувчилар, гап ташувчилар, ғийбат қилувчилар, хабар берувчилар, (фол) очувчилар мендан эмас ва мен ҳам улардан эмасман, деган эди. Қарангки аввалги ўзбек тилида ичи қора одамни ҳасуд дейилган, яъни ҳasad сўзидан келиб чиқиб айтилган экан.

ҲАЛОЛ ВА ҲАРОМ.

Кўпчиликда шу нарсанинг нима кераги бор, деб эътиroz билдиришга рағбат бор. Ҳалол нимаю, ҳаром нима? Фарзандларга оқу-қорани танитяпмиз, деб кўнглимизни тўқ қиласиз. Ўша оқу-қоранинг таркибиға кирувчи мухум масала ҳалол ва ҳаром масаласидир. Барча уламолар ва мутфаккирларимиз ҳалолликнинг фазилатларини баён қилиб, ҳаромдан инсонларни қайтарганлар. Ҳадисларда: “ҳалол талаб қилмоқ фарзdir, ҳамма мусулмон эру-хотинларга” деб марҳамат қилинган. Ҳалолни талаб қилмоқ дегани ҳалол нинг умидида саъи-ҳаракат қилмоқдир. Лекин ундан аввал ҳалол ва ҳаромни таниб олмоқлиги ёки уларни фарқлай олиш даржасига етмоқ лозим. Ҳатто ҳалол ҳам топилди, ҳаром ҳам топилди ва тушунарли бўлади, дейлик. Лекин уларнинг орасида шубҳали, яни ҳалол ёки ҳаромлиги номаълум нарсалар жуда ҳам кўп ва уларни англаш мушкул. Шариат ахкомлари, муқаддас китобимиз ва ҳадислар уларни сарагини-саракка,

пўчогини-пўчоққа ажратишда беминнат ёрдамчидир. Баъзилар ҳаром деганда лойга, тупроққа тушган егуликни тушунади. Йўқ, ўша егуликни сувда ювиб ёки пуфлаб, чангини кетказиб еса бўлади. Ҳаром ва ҳалол масаласи эса у худонинг розилиги орқали топилган егуликми, кийим-бошми, машина, ҳовли жой ёки амал курсисими, деган масалани кўндаланг қилиб қўяди. Бирорнинг ҳаққи, давлатнинг маблағи, айниқса, етимнинг ҳаққи, ҳалқ маблағи, қинғир йўллар билан ўзлаштирилган бўлса-чи? Яххиси, шубҳали ишлардан инсон ўзини тийгани маъқул эмасми?

Бир ҳадисда Расулуллоҳ: Киши қирқ кун ҳалол еса ва ҳаромдан ҳеч нарса аралаштирмаса, Ҳақ таоло у кишининг қўнглини нур қилур ва ҳикмат чашмаларини унинг қўнглидан очур. Ҳалол яшаган одамнинг қўнглида молдунё мухаббатига ўрин йўқдир. Бишр Хофий (р.а.): Луқманинг камлиги, молдунёнинг камлиги, одамийликнинг камлигидан эмасдир. Ҳаромни ҳам, ҳалолнинг ҳам даражалари бор. Биз кўзда тутган ҳалол ва ҳаром ўртасидаги шубҳали оралиқда беш даража мавжуд: [10,62-67]

Биринчисига кўра, шариат ҳаром деган нарсадан узоқ бўлмоқ лозим. Бирорнинг молини мажбуrlаб ва бирорнинг молини рози қилиб олиш ҳам ҳаромдир. Агар ғазаб билан олинса, минг чандон ҳаромдир. Агар етим ёки камбағалдан олинса ашаддий ҳаромдир. Ҳаромлик даражаси қанча баланд бўлса, уни олмоқнинг гуноҳи ва зарари ҳам баландроқдир.

Иккинчи даража, ёлланма ишчилар хукмига оид бўлиб, муфтий ҳаромлигига фатво берган бўлса, муттақийлар (эрон) ундан узоқлашган бўлади. Шубҳали нарсалар 3 хил: биринчи хилдан қочиш вожиб, иккинчисидан узоқлашиш мустахаб, учинчисидан узоқлашиш тақво каби(яъни, вас-васдир)дир. Масалан, овда қўлга киритилган гўштни емайди, гўёки ўша ов (парранда) бирорнинг мулкидан учиб чиқсан деб!

Учинчи даража муттақийларга хос бўлиб, ҳалоли мутлоқ ҳисобланган нарса, лекин қаердадир ҳаромга ёндашган бўлганда ундан воз кечмоқликдир. Пайғамбаримиз (с.а.в.): Муттақийлар (худодан қўрқкан, пок луқма, ибодат, риёзат ва тақво йўлини маҳкам ушлагувчилар) шубҳали нарсалардан

ўзларини тутиб, пархезни мукаммал қилмагунларигача олий покликка мұяссар бўлмаслар, - деб айтган эди.

Ҳазрати Умар (р.а): “Ўн эҳтимолдан биричалик шубхали ҳалол дан ўзимни тияман. Буниси ҳаромга бошламаса деб доим қўрқувдаман” – деди. Биронинг 10000 сўм қарзи бор, уни қайтарар пайтида 1000 сўмини қоғози йиртилган банкнотдан қўшди ва 10000 сўм қилиб қайтарди. Уни қабул қилган чоғида ҳам, ўша одам розилик билан олмади, кўнглини бир четида “йиртиқ пул берди”, - деган шубха қолади. Ҳалоллик меъзони бу ерда бузилди, у одам қилган ишини енгил санади. Кейинги даврларда эса бундай ишлар унинг учун одат тусига айланади. Қиёмат куни ўша одам муттақийлар жумласидан бўла олмас, экан. Ҳазрати Умар ибн Абдулазиз замонида уришдаги ўлжа молдан ифор келтирдилар. У ифорни ҳидлаб туриб айтди: Ифорнинг бир қисм ҳидида барча мусулмонларнинг ҳақлари бордир. Улуғлардан бири ўз дўсти сакоротда (жон талвасасида) эди, уни кўргани борди. Кечадан бироз вақт ўтгач жони узилди. Улуғ инсон тез туриб чироқни ўчирди. Чироқ ёғида ворислар (меросхўрлар)нинг ҳаққи борлигини ва ўлим келиши билан чироқ тўла ворисларники бўлганини тушунтириди. Уларнинг ҳаққи борлигидан энди бу уйда ўтириб бўлмас, деди ул зот ва уйни бўшатди.

Бир куни ҳазрати Умарнинг кийимларидан ифорнинг ҳиди келди. Бир кун аввал Умар байтулмолдан ифор олиб келиб хотинларига бериб, деди: Ифорни сотиб, пулини етимлар ҳожатига сарф қилинглар! У кийимидан ниманинг ҳиди келганлигини хотинидан сўради. Хотини эса ифор идишини қўлига олган эдим, уни ҳиди қўлимга ўтиби, қўлим билан сизни кўйлагингизни силаган эдим, деди. Шунда Ҳазрати Умар кийимин тупроқقا суртаверди. Ниҳоят, ифор ҳиди йўқолди. У деди: ифор ҳидида ўзгаларни ҳаққи бор.

Факихлардан бири бўлган Ахмад Ханбал (р.а)га савол қилдилар: “Масjidда подшоҳ хазинасидан хушбўй тутатки тутатилди. Масjidда ўтирса бўладими?” У деди: “тутатқининг ҳиди ҳаромга яқинлигидан масжидда ўтирмаслик керак”.

Тўртинчи даража сиддиқлар тақвоси бўлиб фақат ҳалол ни яратилиши, тайёрланиши жараёнида зулмнинг асорати бўлмаслиги керак, дейилган. Бишир Ҳофий подшоҳ қаздирган ариқдан сув ичмас эдилар. Зуннун Мисрий исмли авлиё оч эди. Унинг тақволи хизматкор аёли бор эди. У очлик ҳолатини билиб ўзи йигирган ипни сотиб, уни пулига таом таёrlади ва шайхга юборди. Шайх эса таомдан овқатланмади. Хизматкор бунинг сабабини суриштириди. У эса: овқат золимнинг қуввати билан менга келтирилганлиги учун емадим, деди. Овқатни эса шайхга зинданбон келтирган экан. Ҳаромдан тарбият қилинган бадан қувватидан шайх тақво қилди. Сиддиқлардан бири деди: даштда оч қолдим ва сув лабига етдим. Майсалар ўсиб ётибди. Менга ҳалол керакми, демак майсадан ҳалол и йўқ, деб емоқчи бўлдим. Ғойибдан овоз келди: сен бу ерга қайси қувват билан келиб қолдинг? У ҳалол миди ёки ҳаром? Олдин ҳисоб бер, кейин майсанинг ҳалол лиги ҳақида гапир, деди. Уялдим ва истиқфор (тавба) айтдим.

Бешинчи даража худога яқинларницидир. Улар Худо рози бўлмаган нарсалардан пархезда бўладилар, улардан қочадилар. Улар емакда ҳам, ухламақда ҳам, сўзламақда ҳам ва бошқа ишларда ҳам доимо пархез тутарлар.

Бу тоифа инсонлар ўз вазифаси ва ишидан бошқа нарсага интилмайди. Таом еса оз егай, токи ҳаёт, ақл учун, ибодат учун етарли бўлса бўлди. Сўзласа фақат дин ва мазхабни қувватлантирувчи сўзларнигина сўзлар. Бу ҳолат муқарраб тақводорларнинг борлиғидир. Расулуллоҳ, айтган: “халқнинг энг ёмони фақат бадани талабидаги кийим, либос, турли таомлар истеъмол қилурлар, кейин сўз олиб, ҳақиқат ва маорифдан сўзамаонлик қилурлар. Аллоҳ шу тоифаларнинг фитнасидан сақласин” [10,67].

Ҳалол ва ҳаромни ажратишда турли тоифаларга эргашмай барча масалаларни шариат ахкомлари асосида масалани ечган маъқул. Бир инсон бор, зулми маълум эмас. моли ҳаром ёки ҳалол лиги номъалум, золимлиги

эса маълум бўлса, унинг молидан хазар қилмоқ тўғри бўлади. Амалдорнинг мусулмонлар даромадидан олган ришваси (пораси) бутунлай ҳаромдир, лекин аҳолидан 3-ҳолатда олинган мол ҳалол ҳисобланади:

1. Қарши томон билан жанг қилиб қўлга киритилган мол ҳалол (жанг пайтида аҳол идан зўрлаб олиш эса ҳаромдир)
2. Бирор мусулмон мамлакатда яшайдиган бошқа диндаги кишилардан олинган шаръий жизя ҳалол дир. Шариат хукми билан олинган мол ҳам ҳалолдир.
3. Меросчи топилмади, мерос қолдирувчининг моли ўша юрт давлатига қолдирилади ва у ҳалол дир [10,69].

Ғаззолий ҳазратлари амирларга мулоғим бўлган уламоларни ҳақ таоло наздида ёмонроғи ва душманроғидир, деб баҳо берган эди. Муҳаммад ибн Салама исмли саҳоба, “тавоқ, четига қўнган пашша, подшоҳ даргоҳидаги олимлардан яхшироқдир”, - деган, экан. Фақат икки ҳолатда подшоҳ хузирига борса дурустдир, қолган ҳолатларда рухсат йўқ. Подшоҳдан фармон бўлса, агар келмаса у кишига ранж алам етиш эҳтимоли бўлса, борсин. Икинчиси ўзининг ёки бошқа бир мусулмоннинг ҳожати бўлса, уни раво қилмоқ учун борсин, рухсат. Шу шарт биланки, ёлғон сўзламаса ва ҳушомад қилмаса; [10,71].

САБРЛИЛИК ВА САБРСИЗЛИК

Инсоннинг маънавий бойликларидан, гўзал ҳислатларидан бири сабрли бўлишлик бўлса, маънавий хасталикларидан бири эса сабрсизликдир. Инсонга умр бўйи фақат яхшилик, баҳт-саодат ҳамроҳ, бўлавермайди. Баъзан, балки синамоқ ниятидадир, бало- қазолар, хасталиклар хуруж қилиб туради. Ўшаларга чидамли бўлмоқликнинг номи сабрдир. Шу билан бирга бошига мушкуллик етиб борган инсон бошқаларга шикоят қиласериши ҳам яхши эмас. Сабаби, сиз шикоятингизни ҳикоя қилаётган ўзга одам сизнинг мушкулингизни ҳал қилиб бера олмайди. Инсон бошига келадиган балолар,

захматлар ва мاشаққатларга чидамади, ўзини уёқ-буёққа уриб кўрди. Бир сўз билан айтганда сабрсизлик қилди, бу билан жаноби ҳақнинг берадиган ажри ва савобидан бенасиб қолади, унинг синовидан ўта олмайди. Эсланг, шундай имтиҳон И smoil (c.a)га, Иброҳим Халилулоҳга, Аюб (a.c)га, Юсуф (a.c)га келганида улар қандай йўл тутдилар? Албатта, келган балони, тангликни сабр билан енгдилар ва тангри синовидан чиройли ўтдилар. Исломда иймон калимасини айтувчи “Хойрихи ва шаъррихий мин аллоҳу таоло”, яъни, яхшилик ҳам ёмонлик ҳам Аллоҳдан, - деб иймон келтирилади. Демак, яхшиликларни кутиб олганда шукроналик билан, ёмонликларни эса сабр билан кутмоқликдан бошқа йўл йўқ! Бесабрлик қилдингиз, норизо бўлдингиз; Хўш бу билан нимага эришасиз? Бесабрлардан бўлдингизми - демак, ютмайсиз, мукофотдан қуруқ қоласиз. Боз устига “Инналлоҳа массобирин”, яъни “Аллоҳ сабр қилгучилар билан биргадур”. Бесабр инсон билан Аллоҳ бирга эмас. Куръони карим лафзида айтилганидек, Аллоҳ сабр қилгучиларни яхши кўради. Зоро, барча нарса яхшилик ва ёмонлик Аллоҳдан эканлигига ишонмоқлик иймон таркибиға киради ва 40 фарзнинг биридир. Ҳар бир ишда инсонга сабр ва матонат керак. Сабр кетидан саодат, тинчлик ва роҳат келишини қалб билан ҳис қилиб яшаш қандай яхши!

Абдулла Авлоний бобомиз сабр ҳақида ёзган эдилар:

Секин борган киши мақсадга етгай,
Шошиб бесабрлар каж йўлга кетгай.
Агар сабринг бўлса нафсингга йўлдош,
Сени тавфиқи раббонига элтгай.
Ҳар кишида бўлмаса сабри жамил.
Нафс кўйина юриб соил бўлур.
Сабр қилсанг ғўрадин ҳол ва битар,
Сабрсизлар ўз оёғидан йитар. [1,24]

Нафсини жиловлаб, ҳар бир ишни шошилмай бажариш иймоннинг белгиларидандир. Сабр шундай куч-кудратки, шаҳватни- иффатга, ғазабни - шижаатга, шиддатни - хилмга, катталикни -камтарликка, ёмонликни - яхшиликка айлантира олади. Араб мақолларининг бирида: “Ас-сабру мифтохул фараҳ” ёки “сабр шодлиғнинг қалитидир”, - дейилган. Нафсни ҳар бир нарсада тия олмаслик бесабрликдир. Нафсни ақл ва шариат талаб қилган даражада ушлаб турмоқлик ёки ҳар иккиси талаб этган нарсада тутиб турмоқлик сабрдир. Сабр ҳиссий ва ақлий босимларга, аламларга чидамоқлиқдир. Бошқача қилиб айтганда сабр нафсни қайғу ва норози бўлишдан, тилни шикоятдан ва аъзоларни ташвишдан сақлаб туришдир. Бало етганда гўзал одоб бирла турмоқлик ҳам сабрдир. Ибн Хилмий исмли уламо сабрни уч хилга ажратади: Жабборнинг тоатига сабр, Жабборнинг масиятидан сабр қилиш, Жабборнинг имтиҳони синовларига сабр. Муқаддас китобнинг 114 сурасининг 103 тасида сабр зикр қилинган. “Сабр ва намоз ила ёрдам сўранг. Ва албатта, у нафси синиқлардан бошқаларга жуда катта ишдур” (Бақара, 45), иймонли киши ҳар бир ишга астойдил уринади ва ҳар куни тангридан мадад сўрайди. Мен сабр қиласяпман, деб ҳаракатсиз туриш, фаолият кўрсатмаслик, сабр эмас.

Машаққатлар бежиз келмайди. Умрнинг ортида ё сизга жазо учун, ёки синов учун юборилаётган ҳолат бўлиши мумкин. Инсон олдида доимо икки йўл туради: бири Хавойи нафс, роҳат-фароғат, мансаб йўлидан бормоқлик бўлса, иккинчиси, улардан юз буриш ва тангри айтган тамон юзланишдир. Бу сабр энг улуғ сабрдур. Ибодат билан банда худо билан боғланади, қувватланади, матонат, чидам ва бардошни қўлга киритади. Пайғамбар Муҳаммад (с.а.в) қачон қийин аҳволга тушиб қолсалар намоз ўқишни ихтиёр қилар эдилар.

“Тоҳа” сурасининг 132-оятига этибор беринг: “Ахлингни намозга амр эт ва ўзинг унга сабр қил. Биз сендан ризқ сўрамасмиз. Биз сенга ризқ берамиз, чиройли оқибат эса тақво қилувчиларни кидир”. Тақво дегани Қуръони карим буюрганини қилиб, қайтарганини қилмасликдир. Нега ахлингни намозга

амир эт деб буюриляпти? Сабаби бошқа оятларда оила бошлиғи ўз ахларига бошилқ, ўз қўл остидагиларга, подшоҳ эса ўз мамлакати ва халқига бошилқ, имом эса ўз жамоасига маъсулдур, - дейилган. Демак, риоя этмаса жавоб беришга тўғри келади.

Абу Сайд (р.а): Расуллулоҳдан эшитганман: “Ким иффат талаб бўлса, Аллоҳ уни иффатли қилур. Ким беҳожатлик талаб қилса, Аллоҳ уни беҳожат қилур. Ким сабр талаб қилса, Аллоҳ уни сабрли қилур. Ҳеч кимга сабрдан кўра яхшироқ ва кенгроқ ато берилмаган”-дедилар. Демак, ризқ Аллоҳдан, у ўзига берилган ризқ қанча бўлса, ўшанга рози бўлмоғи керак. Лекин, Аллоҳ беради деб ётавериш ҳам яхши эмас. У ўз турмушини яхшилаш учун ҳалол имкониятларини ишга солмоғи, меҳнат қилмоғи шарт. Инсон ўзига берилган озгина ризқка рози бўлишлiği ва кўп бўлса, ҳовлиқмаслиги уламолар китобларида келтирилган. [3(2), 203]

Юқорида иффатли қилиб қўяди, деган фикрни учратдик. Эр кишидаги иффат нима? Аввало бирордан ва уни молидан умидвор бўлишни ор билиш иффатdir. Яна кўнгли ва нафсини тўқ қилишлiği ҳамdir. Зоро, иффатли аёл деганда кўнглида ўз ёридан бошқага жой йўқ аёлга айтилади. Кўпчилик иффатни ҳаё билан айнан бир нарса, деб тушунади. Ҳар қандай қийинчиликка иффатли аёл чидайди. Ўша иффат бутун умрида устувор бўлган вафодорликни таъминлайди.

Хатто бошқа одамлар мол берганда ҳам, ўзини сариқ чақага ҳам эҳтиёжи йўқлигини айтиши маъқул гап. Назари тўқ, кўзи тўқ одам яратганга ҳам маъқул келади. Бу ерда назари тўқнинг, кўнгли ҳам тўқ деган мақолни таклиф қилса бўлади. Назари тўқ одам деб ўз ихтиёридан ортиқчасини талаб қилмайдиган одамга айтилади. Назари очлик-иллати билан инсоннинг бошига балолар ёғилиши мумкин.

Иффатли инсон назари тўқ бўлгани боис, унда ҳеч қандай очқўзлик содир бўлмайди. Кўпми ёки озми унга берилган неъматларга, ризқка рози бўлиши ҳам сабрнинг аломатларидан экан. Сабр кишиси тўқчиликка ҳам, йўқчиликка ҳам чидайди ва ўзини хор қилмайди, умид билан кун қўради.

Агар банда сабр талаб қилмаса, унга сабр берилмайди. Бундай банда ҳатто бутун дунёниг ярмига эга бўлса ҳам рози эмас. У очкўзликнинг кулига айлангани боис дунёни қолган қисмини ҳам қўлга киритиш пайида бўлади. Мол-дунёси кўп одам бой эмас, балки нафсини жиловлай олган одам бойроқдир. Яна бир ҳадиси шарифда (Термизий ривояти):

Расуллулоҳ (с.а.в.): “Одамларга аралашиб, уларнинг озорлариға сабр қилган мусулмон уларга аралашмайдиган ва озорлариға сабр қилмайдиган мусулмондан яхшидир”, -деганлар

Сабаб, мақсад, одамларга яхшилик қилиш, жамиятга аралашмайдиган одам эса бу мақсаддан ташқаридадир. Нариги эса доим яхшилик қилиб юрган бўлади.

Шайх Мухаммад Содик ҳазратлари ўз асарида “сабр-зиёдир”, -деган (Муслим ва Термизий) мазмундаги ҳадисни келтирган. [3 (2), 205]

Зиё тўғрисида физика фани ўзидан кучли ёруғлик чиқарувчи жисм ҳолати деб таъриф беради (масалан, қуёш). Нур эса бошқа бир жойдан келувчи ёруғликни қайтаришдир (масалан, ой). Демак, зиё нурдан ўта кучлидир. Сабр туфайли одам гуноҳлар оламидан савоблар оламига кўчиб ўтади. Яъни сабр туфайли у ўзида йигилган билимни зиё сифатида атрофдагиларга етказади. Бунинг учун дин ва тоатдаги қийинчиликларга бардош бериш керак. Аниқроқ айтилса ибодатлар, гўзал ахлоқ, одамларга меҳрибонлик, мashaққатларини роҳат деб тушуна олиш керак бўлади. Сабрни зиёга қиёсланишда ўша зиё инсон қалbidаги қусурлар, нотўғри ақидалар, нотўғри хulosаларни ёритади, инсон эса бу нарсани тушуниб етади, қалби покланади.

Ниҳоят, унинг олдида ягона йўл одамларга эзгулик бериш, хизмат қилиш орқали қўлга киритиладиган тангри розилиги қолади, ҳол ос. Агар сабр қилинмаганда у яна ва яна адашувлар, шошилиб атрофдагиларга озор бериб қўйишлиар гирдобида қолган бўлар эди. Айримлар сабрни бошқалар томонидан қилинаётган ёмонликларга жим қараб туришни тушунадилар. Шайх бу ҳолатни қурқоқлик деб атайди.

Динда покланган худонинг амрларини сидқидилдан бажариш, таъқиқларидан пархезда бўлишлик ва ўз нафсини мажбурлаш сабрdir. Ҳалол ва пок юрмоқлик, яшаш, меҳнат қилиш, қийинчиликларга чидаш ҳам аслида сабрdir. Яна унинг фойдалари:

1. Ўз нафсини жиловлашга ёрдамчидир.
2. Моддий маънавий ҳаётда шошилмай шу туришда асосий суюнчикдир.
3. Ғазабни боса олишда сабр асосий ёрдамчидир.
4. Сабр туфайли инсонларга ҳам, тангрига ҳам ёқимлидир.
5. Азобларни фақат сабр билан енгилади.
6. Сабр билан худонинг раҳматига ва розилигига эришилади.
7. Сабр иймон баркамоллиги ва гўзаллигига етаклайди.
8. Сабр ташқи ҳолат, ҳидоят эса ички ҳолатни хосил қилувчидир.
9. Сабр қилувчи билан Аллоҳ бирга бўлади.
10. Сабр қўрқоқлик эмас, мардлик ва яхши оқибатни қўлга киритиш сари етаклайди.
11. Қиёмат даҳшатларидан омонлик сабр билан қўлга киритилади.

Уламолар сабр деганда нафсни қайғу ва ачиқланишдан, тилни шикоятдан ва аъзоларни эса азобдан сақлаб туришни тушунадилар.

Ҳидоят, раҳмат ва маҳфиратлар тангрининг мукофотидир. Ҳадис шарифда сабр иймоннинг ярмидир, дейилган. Қолган ярми ибодат, таваккул, зикриллоҳ, шукруллоҳ ва фикриллоҳлардир. Сабр кишисига тангри ўз марҳаматига қўшимча қилиб учта нарсани тортиқ қиласди: [4(2), 165]. Биринчиси, тенги ва ўхшали йўқ охират неъматики, бирон жон уни билмайди. Иккинчиси, раббиси тамонидан берилган саломдир. Учинчиси, Аллоҳнинг розилигидир. (Ёсин, 58 оят): Аллоҳнинг розилиги эса ҳамма нарсадан улугроқдир.

Расуллуюҳ (с.а.в): бир жамоага иймонингиз аломати нимада кўринади деб савол қилди. Улар: Балоларга сабр, нематларга шукур қиласиз, бошимизга неки тушмасин, розилик кўрсатамиз! - дедилар. Пайғамбар

жаннат ахли деб аталган қавмдан сўради: қайси ҳислатларингиз билан, Аллоҳнинг лутфига сазовор бўлдингиз? Улар: Биз, танҳоликда ҳам, Аллоҳга исён этишдан йироқда эдик ва Аллоҳнинг бизга берган қисматига рози бўлар эдик, - деб жавоб бердилар.

Расуллулоҳдан иймон ҳақида сўраганларида у зот иймон сабр деб жавоб бердилар.

Шунингдек, сабрда ирода ҳам зарур. Ирода бу ерда тақво билан амал бажариш, Қуръон буюрган амрларни, таклифларни, диний буйруқларни ҳеч бир орқага сурмай, барча йўриқ ва қоидаларга бўйсуниб, тўлиқ ва мукаммал тарзда адо этмоқликни уddyалайди. Мана шундай комил ирода соҳибининг номи муттақийдир. Ахлоқ доирасида ҳам сабрнинг улуши бениҳоядир. Катта бир жамоа ўртасида Расул акрам буюрдилар: Жирканган нарсангга сабр қилишинг хайрлидир. Агар сабр бир инсонга айланганида, албатта, жуда кўп гўзал ҳислатли кимса бўлар эди. Аллоҳ сабрлilarни севади.

Сабр ҳам жисмоний ва маънавий сабрларга бўлинади. Биринчиси баданга етган оғир азобни енгиш билан бўлса (калтакка, оғир bemorlikka, жароҳатга чидаш), иккинчиси, табиати тортиб турса ҳам, ҳавоий нафс гулғула қилиб турганда ҳам юз ўтириш билан бўлади. Масалан, қорин жуда оч, емаса жуда абгор ҳолат бўлиши мумкин бўлган ҳолатда сизга чўчқа гўштини таклиф қилишяпти. Ёки фарж шахватидан ғолиб келиб покдомонликни сақлашдир. “Семизликни қўй қўтаради” деган мақолга кўра бойлик келди ва инсон босар-тусарини билмай қолмасдан ўзини чиройли тутиб олса жуда яхши бўлади.

Агар замон талабларига инжиқлик қилмай ўзини тутса сабр бағрикенгликка айланади. Агар оз насибага сабр қилиш бўлса қаноат дейилади. Сабрнинг З даражаси бор.

1. Халқ оммаси даражаси бўлиб тоатларни бажариш, гуноҳлардан парҳез қилиш;
2. Хос инсон даражаси: нафсни риёзатларда ва тақиқларда ушлаб туришдир.

3. Аъло хос даражасы: рухни мушоҳадада ва умид ҳолатида ушлаб туриш;

Уламолардан бири балога мўмин сабр қиласи, офицерларга фақатгина сиддиқлар сабр қиласи, - деган эди. Яратган зот ўз бандаларини мол дунё, аҳли аёл ва фарзанд фитнасидан эҳтиёт бўлишга чакирди. Мазкур дунё матоҳларига берилиб кетишдан эҳтиёткорлик зарур экан. Бу энг олий сабрдир. Ўша сабр соҳиби юқорида айтилган мақтovларга қаттиқ хурсанд бўлиб кетмайди, уларга муккасидан кетмайди, майшатга берилмайди, ўйин-кулгу, кўнгил ҳушликнинг кетидан қувмайди. У доим молидан садақа қиласи, жисмоний кучи билан одамларга ёрдам қиласи, тили билан рост сўзлайди, самимий бўлади. Берилган умрига, ризқа, иймон ҳаловатига қаноат қилмоқлик энг ёқимли сабрдир.

ОМОНАТГА ХИЁНАТ ВА ОМОНАТГА САДОҚАТ

Омонат деганда баъзилар факат бирор нарса ёки пулни фалончига бериб қўйиши илтимос қилиб ташлаб кетишга айтилади, деб ўйлайдилар. Омонат турларидан қуйидагилар мухимдир.

1. Аллоҳнинг омонати. Масалан, Қуръони карим, Инжил, Таврот, Забур Аллоҳнинг омонатлариидир. Ўша омонатларни тангри одамларга етказиши пайғамбарларга, олимларга амр этди. Демак, олимлар ва уламолар Аллоҳ омонатини одамларга етказувчилардир. Аллоҳ ўша диний манбаларни яратди ва одамларга тўғри йўлни баён этди. Турли даврларда яшаган олим, авлиё ва уламолар ўзига берилган умр давомида тангри омонатини эгасига етказувчи ҳисобланади. Сабаби, ҳақиқий етказувчи пайғамбар бўлса, унинг замонидан бошқа замонларда эса айни олимлар ва уламолар зиммасига омонатни адо қилиш вазифа қилиб қўйилди.

2. Инсоннинг инсонлар билан муомаласидаги омонатлар. Азхоб сураси 72-оятида Осмонлар, Ер ва Тоғу тошларга тангри омонатини кўндаланг қиласа, улар буни кўтаришдан бош тортгани ва ундан қўрққани баён қилинди. Инсон эса уни ўз зиммасига олди. Омонат сўзи иймон сўзидан ясалган.

Аллоҳ омонатини кимда ким муҳофаза қилса Аллоҳ уни иймонини муҳофаза қиласди. Ҳадисда: омонатни яхши сақламаганнинг иймони йўқдир. Аҳдида турмаганнинг эса дини йўқдир, - дейилган.

Газзолий келтирган байтда шундай сўзлар бор:

Хиёнатга қўрқмай борган ҳалок бўлгай,
Омонатни асрамаган, қурир гулдай.
Дини билан инсонлигини ташлаб кетгай,
Уни бир-бир мусибатлар таъқиб этгай.

ёки

Хиёнатга кўз юмишни қилсанг одат,
Ўзингдан ҳам кўз юмади баҳт саодат,
Мусибатлар кутар сени тоғдай оғир,
Аҳдин бузган ўнгланолмас бутун умр. [4, 61-62]

Ҳаётда кўрсак бўлади: Омонатга хиёнат қилганларни биламиз. Ҳеч қандай нарса омонатнинг хиёнатини оқлай олмайди. Актюбинск, Томск, Москва, Новосибирск шаҳарларига иш орқали ташриф буюрганимизда кўп одамлар билан ҳамроҳ бўлишга тўғри келган. Баъзиларда, меҳмонхоналарда ўз ҳамроҳининг нарсаси, товари, тижорат молига хиёнат қилганларни кўрдик. Ўша хиёнатчиларнинг бири икки бўлмади. Улар бу фаолиятини яна давом эттирилар. Кўплари эса аянчли вафот топдилар.

Инсонга берилган умр ҳам омонат. Бир кун келиб уни эгасига топшириш керак бўлади. Яъни жасадни ўзи яратилган тупроққа-ерга, руҳни эса унинг асли Аллоҳга топширамиз. Бу ерда яширилган ҳикмат нима? Агар жасадни фахш ишларга, инсонни хор қиласиган йўлларга, одам ўлдириш каби жиноятларга ишлатсак, омонатга хиёнат қилган бўламиз. Бундай салбий жиноятлар тирикликда бажарилгани боис, тана-қафасда вақтинчалик қарор топган руҳимиз безовта, ўзини худди қафас деворларига урган қуш каби азобда кўради. “Мени сенек нобакорга берилганидан, сенинг қилмишларингдан азобдаман”, - деб айтади. Аксинча, рисолада, гўзал

ахлоқда, шукронада, фикронада, зикронада бўлган ҳолда ҳаёт кечирсак руҳимиз осойиш топади. Айниқса, одамлар ташвиши билан яшаб, уларни қўллаб-қуватлаб яшайдиган бўлсак ёки қисқа айтганда тангри розилигини топиш, эл-юрт розилиги ва мамнуниятини топиш йўлида яшасак руҳимиз тинчланади ва роҳатланади.

Омонатга хиёнат деганда сирни фош қилиш, ўзига топширилган нарсани ё инкор этиш, ё эҳтиёт қилмаслик, ёки рухсатсиз фойдаланиш билан хиёнат қилинади. Омонатни эҳтиёт қилиш фаришталарга хос сифат, ёки тақво эгалари, ёки пайғамбарларнинг сифатларидир.

Нисо сурасининг 97-оятида “Албатта Аллоҳ, сизларни омонатларни ўз эгаларига топширишга ва одамлар орасида ҳукм қилганингизда адолатли ҳукм қилишга буюради”-дейилган.

Яъни тангри шу ишларга масъул шахслар елкасига қаттиқ вазифа қилиб қўймоқда. Омонатни эҳтиётлаб ўз эгасига бериб, таскин топган киши омонатга садоқат қилган бўлади. Ватан биз яшаб ўтадиган умрда жуда муҳим маскан. Уни ҳеч нарсага алмаштириш ёки унга хиёнат қилиш мумкин эмас. Бизлар бу дунёни тарк этсак ҳам, у ўз жойида қолади. Демак, биз учун у омонат. Ватан барча фуқароларники, унга қилинган хиёнат ҳам омонатга қилинган хиёнат ҳисобланади. Яратган зот ваъдага вафо қилганларни яхши кўради. Хиёнатчи ва ёлғончиларни эса севмайди. Ростлик ва хиёнат иккаласи келиша олмайди. Инсонда тўғрилика рағбат юқори бўлса, ҳар қандай очлик ва сувсизлик бўлса ҳам тўғрилик ўсаверади. Ёлғончи кимса ваъдани бузади, ўзини хижолатга ва бошқаларни оворагарчиликка ташлаб кетади.

Ҳазрат Али ўз фарзанди Ҳусайнга “Гапингда собит қадам бўл, ёлғончилар каби мунофиққа айланмайсан!”-деди. Тўғриликни севмоқ керак, чунки нажот тўғрилиқдадир. Сиртидан нажот қаби қўринса ҳам, ёлғондан қочмоқ керақ, чунки у халокатга етаклайди. Абдулла Авлоний қаламига мансуб тўртликка этибор беринг:

Сидқу сафойи ростлиғ бўлса қаробатинг,

Шулдир жаҳонда роҳат, файз, садоқатинг.

Оламда тўғрилиқдек йўқ одамнинг зийнати,

Қалбинг алифдек бўлдими, айни шарофатинг.

Қарангки омонатга хиёнат ҳам тангрини, ҳам инсонларни ғазаблантирар экан. Садоқат эса инсонни яна ҳам гўзаллаштиради. Бу ҳаёт ҳам инсонга омонатга берилган. Ҳеч кимга ҳаёт абадий берилмаган. Ота-она ҳам фарзанд учун бир омонатдир. Уни ҳам бир кун тақдир қўлига топширамиз. Жонимиз-омонат. Демак, умр дафтарини шоҳ ҳарфлар билан безамоқ керак.

Машриқ ерлари донолиги баён қилинганда омонатга хиёнат қилувчида иймон йўқ, ваъдасини унитувчида диёнат йўқ, дейилган. Бошқаларга айтма, дейилган сирни ошкора қилиш ҳам хиёнатдир. Кимнинг сири ичидаги экан, ўша сир унинг асиридир. Сир ташқарига чиқса, сен унинг асирисан. Хиёнат доимо кўплаб пушаймонларни келтириб чиқаради. Ҳаёти фақат пушаймонлардан иборат инсон омонатга хиёнат қилувчиdir.

Омонатни моҳиятини тушунган бир Араб ўзи яхши билган қабилани мақтади: Бу қабила омонатга эҳтиёткорликни севади, омонатни авайлаб асрайдилар, хиёнат қилмайдилар, бурчларидан қайтмайдилар. Мусулмон одамни ҳурмат қилишда қусурга йўл бермайдилар. Уларга қолдирилган омонат асло зое бўлмайди. Улар умматнинг энг яхшиларидир.

Бу хусусда Ғаззолий ёзади; [4,85]: Ўша тоғлиқ араб мақтаган инсонлар йўқ бўлиб кетишиди:

Инсон кимга айтсин ахир ўғриларни,

Қайдан топсин ҳол ис дўстни, тўғриларни?!

Тўрт ён боқиб инсон зотин тополмайди,

Кўярар фақат либос кийган бўриларни.

Хузайфа исмли саҳоба ривоят қилади: Расулуллоҳ (с.а.в) деган: Шундай замон келадики, омонатга риоя йўқ бўлади. Инсонлар олди-бердиларда бир-бирларига ишонмайдилар. Омонат ўз эгасига топширилмайди. Бирортаси уни

ўз эгасига топширса, “фалон оилада омонатга риоя қиласиган бир киши бор” – дейилади [4,86]. Ваъдага вафо қилмоқ, марднинг иши, ваъдани зое этмоқ номарднинг иши, дейди нуронийларимиз. Омонатни асрамоқ, тангрини хурсанд қиласиди. Аксинча, унга хиёнат эса эр кишининг иши эмас. Албатта, садоқат эр-аёлга бирдек зарур бўлганидек омонат масаласи жиддий масаладир.

РАҲМАТ ВА ШАФҚАТ

Бу бўлимда раҳмат ҳам, шафқат ҳам ижобий ҳислатлар эканлигини таъкидлаб уларни инсон ҳаётида мухим ўрин тутишини ҳам эслатмоқчимиз. Ислом динида инсонларни ўзаро раҳмдил, шафқатли, кечиримли бўлишга чақирилган. Ўч олишга рухсат берилса-ю уни ўрнига раҳм шафқат қилинса тангри розилиги ваъда қилинади. Дину-диёнатда илоҳий тарзда инсонлар меҳр оқибатли бўлишлиги энг гўзал ахлоқ сифатида мақталган. Лекин, усиз ҳам инсон одам авлодидан эканлигининг ўзи раҳм-шафқатни талаб этади. Сабаби, улар ақл-заковат соҳиблари дидир. Ёввойи табиатда зўравонлик тирик жонзодларга хос бўлиб, улар унинг асосида яаш қонунларини кашф қилганлар. Демак, инсон ҳар қандай жонзодларга раҳмдил ва шафқатлидир. Бу сифат унинг комилу-мукаррам эканлигини, коинотнинг гултожилигини таъминлайди. Ҳадиси шарифда расулуллоҳ: “Умматимнинг кейингилари намози ва рўзасини қўплиги учун эмас, балки қалбларининг раҳмати, қўнгилларнинг саломатлиги, нафсларнинг саҳовати ва барча мусулмонларга хос раҳмдиллиги боис жаннатга киради”, - дедилар.

Абдуллоҳ ибн Маъсүд (р.а); Агар биродарингизга жафо етган бўлса, уни лаънатламангиз, унинг устида шайтонга ёрдам бермангиз. Балки “Эй парвардигор, унга раҳм қил. Эй парвардигор! Унинг тавбасини қабул қил, деб айтингиз, дер эди. Яна ҳадисда: раҳмдиллик ҳар бир инсонга нисбатан хос эмас, балки ҳамма одамларга раҳм қилиш хосдир. Раҳм қилсалар ҳам Аллоҳ учун қиласидилар, - дейилади. Бир инсон чанқади. Кудуқни топди, сув

ичди. Ташқарида эса хансираб сув ичмоқчи бўлган итни кўрди. У тупроқни ялаётган эди. Ўша одам маҳсисини сувга тўлдириб қудуқдан сув олиб чиқди ва итни оғзига қуйди. Аллоҳ унинг гуноҳларини кечирди ва ундан рози бўлди. Бу ҳикояни Мухаммад (с.а.в.) саҳобаларига айтиб берди. Улардан бири ё Расуллуллоҳ, биз ҳайвонлар учун ҳам ажр оламизми? - деб сўради. У зот: “хар бир жигари бор жонда ажр бор” - деб айтдилар

Нўмон ибн Башир минбарга кўтарилилар ва Аллоҳга ҳамду сано айтдилар, сўнг Пайғамбар (с.а.в.): жасаддаги аъзолар мисолики, агар биттаси оғриса қолган аъзолар ҳам бедорлик билан ҳамдард бўлади, токи оғриқ кетгунча қадар, - деганларини эшитганман дедилар

Ушбу ҳолатни жамиятга қўллаган ҳолда худди шунга яқин хulosага келиш мумкин экан. Жамият азоларидан бирор киши ноқобил чиқса унга салбий муносабат билдирамиз, токи у ўзини ўнглай олмагунича. Агар у тўғри йўлга тушиб олса, кўнглимиз хотиржам бўлади. Кўплаб жамиятларда одамлар ўзаро лоқайд, “сен менга тегма, мен сенга тегмайман” қабилида иш кўради. Бунинг номини Ғарбда индувидализм - дейилади. Жамоавийликка зид бўлган ишлар кўкларга кўтарилимоқда ва уни нолиши “инсон хуқуқлари” деб, ўзларини овутадилар ҳам. Жамиятлар ранг-баранглигини плюрализмга йўямиз. Шарқнинг улугворлиги шундаки, ўзлигини, жамоавийлигини сақлаб келаётганидир, - дейишимиз мумкин. Жамоавийликни моҳияти шундаки, ўзаро ёрдам ва хабардорлик раҳм ва шафқат бу ерда устивордир. Жамоавийликнинг ўта ортиқча даражаси ҳам, унинг ўта паст даражаси ҳам яхши эмас. Мўътадиллик билан шарқ оиласиий муносабатларнинг дахлсизлигини таъминлаб келмоқда.

Пайғамбарларнинг ҳаммаси раҳм шафқатли бўлганлар. Уларнинг аксарияти подачили қилган. Бунинг ҳикмати шуки, подачи хайвонларга меҳрибон ва кечиравчи бўлади. Кимки хайвонларга меҳрибон бўлса одамларга ҳам меҳрибон бўлади. Демак тангри ўз набийларини аввал подачилик билан пайғамбарликка таёrlаган экан.

Хадисда айтилишича, ҳар бир иймон келтирган одамда мусулмонларнинг тўртта ҳаққи бор: уларнинг муҳтожларига ёрдам беришлиги, гуноҳларини кечириб юборишлиги, бошлиқларини дуо қилишлиги, тавба қилувчиларни яхши қўришилигидир. Мусулмоннинг ўз биродари устида олти ҳислат вожибdir. Чақирса, жавоб бериш, касал бўлса бориб кўриш, ўлса жанозасида ҳозир бўлиш, йўлда учраса салом бериш, насихат сўраса насиҳат қилиш ва акс урса раҳмат тилаш [2, 370].

Аммор ибн Ёсир(р.а) шундай деган: ким уч нарсани жам қилса иймонини ҳаммасини жам қилибди: камбағал ҳол ида ҳам инфоқ-эҳсон қилиш, инсофли бўлиш ва одамлар орасида саломни ёйиш .

Умар ибн Абдулазиздан ривоят: Аллоҳга севимли ишлар бор: биринчиси ўч олишга қодир ҳолатда кечириш, иккинчиси ғазаб келганда ўзини босиш, учинчиси Аллоҳнинг бандаларига юмшоқлик қилиш. Яъни ким бошқаларга мулојим бўлса, унга ҳам юмшоқлик қилинади.

Раҳм шафқат инсонга хос муҳим сифатлигига шубҳа йўқ. Инсон нафақат ўзаро шафқатли, балки тирик жонзотларга ҳам раҳмли бўлмоғи ота боболаримиз томонидан уқтириб келинган. Сўфийликда:

Шариат айтади, ўлдир илонни,

Тариқат айтади, оғритма жонни!

деган ибора машхурдир. Бугунги илм-фан эса ҳатто ўсимликка, тоғ тошга, тупроққа, қир-адирга ҳам шафқатли бўлмоқликни таъкидламоқда (экология). Сув, тупроқ ҳавони бизлар биринчи навбатта асранимиз даркор. Инсонни асраш ҳам, ҳаётни асраш ҳам энг муҳим вазифадир.

ФОСИҚЛИК ВА БАХИЛЛИК.

Маънавий касалликлардан яна бири фосиқликдир. Ўзини қадрини яхши билган ва мўминликка давогар инсон фосиқликдан ҳазир бўлиши керак. Фосиқлик “фисқ” сўзидан олинган бўлиб, қобиқни тешиб чиқиш деган маънони англатади. Гуноҳ ишларни қилувчи мусулмон фосиқдир. Қуръонда,

“албатта, мунофиқлар фосиқлардир” (Тавба, 67) - дейилган. Фосиқлик қилган одамнинг жойи дўзахлиги (Бақара 18) эслатилган. Сўкиш фосиқлиқдир, мусулмон билан уруш қилишлик эса кофирлик эканлиги ҳадисларда келтирилган. Яхши одамлар ҳақида ёмон гумонда бўлишни бадгумонлик дейилади. Фосиқлик эса катта гуноҳдир. Фосиқ одам жамиятга заарлидир. Одамлар тангридан дуо талаб қилиб, илтижода бўладилар. Агар ораларида фосиқ бўлса, жамоанинг дуоси қабул бўлмай қолиш эҳтимоли бор.

Шариат белгилаган чегарадан ўтиб гуноҳга ботувчилар ва фосиқлик динда қаттиқ ҳаром дейилган. Фосиқни имом бўлиб намозга ўтиши орқали намоз бузилган бўлади. (Ахмад ибн Ханбал мазҳаби). Фосиқни гувоҳлиги, фатвоси қабул эмас, у ҳадис ривоят қилишга ҳаққи йўқ. Фосиқлик тарқалса жамият бузилади. У заарли инсон. Унга йўл қўйган одам тезда тавбага шошилмоғи дуруст бўлади.

Яна бир жирканч касаллик баҳиллик бўлиб одамлар доимо уни қоралаб келишади. “Баҳилни бағри кўкармас” - дейилган машхур мақол ҳам бор. Саховатда сахийликка, қўли очиқликка зид хусусият баҳиллиқдир. У ёмон хулклардан бири бўлиб, ўзида бор нарсани бошқалалрда бўлишини хоҳламасликдир. Бериши лозим нафақани бермаётган одам ҳам баҳил саналади. Баҳиллик ўз молини маън қилишиликдир. Уни икки даражаси бор: ўзида бор нарсага баҳиллик килишлик ва бошқада бор нарсага баҳиллик қилишдир.

Фаробий таъбири бўйича энг ёмон баҳиллик ўзига ўзи баҳиллик қилишиликдир. Айрим ҳолатларда баҳил киши баҳиллик қилиб молини ўзига сарфламайди. Ҳатто, касал бўлиб юради. Пули бўла туриб дори-дармонга сарфламайди. Оли имрон сураси-180 оятида Ҳақ таоло: “Аллоҳ ўз фазлидан берган нарсага баҳиллик қилганлар буни ўзларига яхшилик деб деб ҳисобламасин, бу уларга ёмонликдир. Қиёматда баҳиллик қилган нарсалари бўйинларига ўралур. Осмонлару, ернинг мероси Аллоҳгадир”-деб огоҳлантиради, чунки инсон молини ҳатто ўзига ҳам, касалини даволатишга ҳам сарфламаса алал оқибат унинг моли ҳамма-ҳаммаси Аллоҳга қолади. У

эса дунёга устун бўла олмайди, мол мулкини тарқ этади. Бу ерда бир ҳақиқатни чуқур англамоқ керак: Инсоннинг қўлидаги мол-дунё Аллоҳ, ўз ихтиёри ила ўша бандага, берилган омонатdir. Демак, молнинг ҳақиқий эгаси уни яхшилик учун сарфлашни буюрмоқда. Вақтинча, яъни синовдагина ҳолатда унга эгалик қилаётган инсон ўша молни сарфлашдан бош тортмоқда. Бахиллик билан тўпланган мол-дунё яхшилик эмас. “Қиёмат куни баҳиллик қилган нарсалари ила бўйинлари ўралур” дейилмоқда. Ташқаридан бандани кўзига баҳиллик молни камаймаслигини кўзлаётгандай кўринади. Афсуски, бу мол қисқа дунёда тўпланган, ўлиб кетса бу дунёда қолиб кетади. Ундан қолган мол ўлган банда учун офат, ёмонлик бўлиб бўйнига ўралиши айтилмоқда. Кимда ким уни омонат билиб, хайр эҳсон қилса, тангри розилиги йўлида сарфласа нур устига аъло нур бўлади. Берилган нарсаларнинг ҳаммасига инсон эгаман дейиши нотўғри, чунки унда мискинларнинг, заиф инсонларнинг ҳаққи бор экан. Боз устига ҳеч вақосиз (яланғоч ҳол да) бу дунёга келган ва яна бу дунёдан ҳеч вақосиз (яланғоч) ҳол да кетувчи инсоннинг нимагадур эгалик қилмоқчилиги кулгули ҳолатку. Аслида инсон бу дунёning меҳмони, меҳмоҳонани тарқ этаётгандан унинг ҳеч бир матохини ўзи билан олиб кетишига йўл йўқ ва олиб кета олмайди ҳам. Баҳиллик ва иймон бир жойда жам бўла олмайди. Бойликка рағбати зиёда ҳамда ақли ўзига иш бермаган одам кўпинча баҳил бўлади. Баҳилни бу дунёда топгани гуноҳлар бўлса, охиратда топгани тангри ғазабидир. Баҳилликнинг даъвоси шариат шарт қилган миқдордаги молни (закот ва нафақаи ахли аёл) камайтирмасдан беришлик ва сидқидилдан муруватли бўлишликдир. Аёллар ва ҳонадон ҳақини бериб, ундан ортганини бермай қўйган одам ҳам баҳилдир. Рўзгорга торлик қилувчи, бола-чақага торлик қилувчи одамни баҳилга айланиб қолиш эҳтимоли бор. Рўзгорни қисиб, емоқ-ичмоқни қисиб иморат солувчилар ҳам учраб туради. Рўзгордан қисиб тўй қилувчи ҳам баҳилга айланиш эҳтимоли бор. Чунки у дабдабали тўй қилса, тўйдан кейин емак-ичмакни камайтириб қарз узишига тўғри келади. Барча нарса рисоладагидай бўлгани яхши. Лекин емак-ичмакни кўп

нарсаларни исроф қилиш ҳисобига ташкил қилиш ҳам қораланган. Исроф ҳам динда гуноҳ ҳисобланади. Шариат ва муруват ман қилмаган нарсаларга хасислик қилган одам ҳам бахилдир. Сахийлик эса чегара билмас муруватдир. Мол-дунёни ортиқча севиш, мухаббат қўйиш туфайли инсон бахил бўлиб қолади. Баъзи одам ўз ҳаётидан етиб-ортадиган мол-дунёси бўла туриб уни ўзига ҳам, бошқаларга ҳам сарф қилмайди. У ҳам хасис, ҳам бахилдир. Ўша одам моли камайиб қолишидан жуда кўрқади. Айниқса камбағал бўлиб қолишдан ёмон қўрқади. Ризқ - Аллоҳдандир, - деган ҳадисни билса ҳам уни тафаккур қилишни хоҳламайди. Бунга унинг бахиллиги йўл қўймайди. Сиз бир инсонни ёқтирасиз, у сизга бир элчини жўнатди. Элчини кўриб, яхши кўрган инсонингизни унутдингизда, элчини ёқтириб қолдингиз. Демак, сизни аввалги инсонни яхши кўраман деб айтган сўзингиз ёлғон экан. Бу мисолни “Рухий тарбия” китобидан келтирдик. Сиз Аллоҳни яхши кўраман деяпсизу, лекин у қолиб энди у сизга омонат қилиб жўнатган мол-дунёни яхши кўриб қолдингиз. Ўша мол-дунёни йўқотиб қўйищдан қўрқяпсиз. Бу ҳақиқатни тушуниш билан бахиллик қасаллиги даволанса ажаб эмас. Орзуни узун қилиш деб аталадиган қасалликни давоси ўлимни кўп эслаш билан бўлади. Шаҳватга берилишни давоси қаноат ва сабр билан бўлади. Ўзимизни бахиллигимизни сезиб қолсак, кўпроқ оят ва ҳадисларни ўқисак даъво бўлади. Сахийликни фойдалари ва икки дунё саодатига элтувчи амалларининг бири эканлигини тушунмоқ билан, бахилликни фойда-зарарини ақл тарозисида тортиб кўриш билан, ундан кутулса бўлади.

Тилга эҳтиёткорлик ҳам инсоннинг безагидир. Чунки бало ҳам, яхшилик ҳам ана шу тилдандир. Луқмони Хаким ўз ўғлига айтар экан: “Эй, ўғлим, ким ёмонлик соҳибининг сухбатида бўлса, у ҳам ёмонликка шерикдир. Омонликда бўлмайди. Ким ёмонлик кирадиган жойга кирса, тухматга учрайди ва ким тилига эҳтиёт бўлмаса, пушаймондан боши чиқмайди”. Тилига нима келса сўзлай бериш жохилнинг сифатидир. Сўзлаган сўзи тангрининг зикри, сукутида ўша зотни фикрлаш ва ахлоқ и эса ибратдан

иборат киши қандай яхши инсон экан. Тилини ғазабга бўйсундирган инсон нодондир. Тилини ақлига бўйсундирган одам олийжанобдир. Одам фарзандининг жасади тезда қариыйди, лекин унинг орзулари ҳеч қачон қаримайди. Орзу эзгу орзу бўлса яхши. Керагидан ортиқ нарсани орзу қилмоқлик инсонни тўғри йўлдан доимо чалғитади. Тил офати хақида ҳадислар бор.

Сахл исмли саҳоба Расулуллоҳдан ривоят қилган ҳадисда у зот деди: “ким менга икки оёғи орасидаги нарсанинг ва икки жағи орасидаги нарсанинг кафолатини берса, мен унга жаннатнинг кафолатини бераман”, - дедилар. Тил аслида одамларга яхшиликлар етказиши ва тангри зикрини адо қилиш учун берилган. Бу нарсаларни, хоҳламай, bemaza ва уятсиз сўзларни сўзлаган одам олтинни қўйиб гўнгни танлаган одам кабидир. Бемаза ва уятсиз сўзлар нодонга оҳанрабоси бордай туюлади, сабаб, хали уни қулфи дили эзгулик сари очилмаган. Бундан кўра гап гапирмаган одам кўпроқ фойда топади, тил офатидан омонда бўлади. Ҳазрати Умар бу ҳақда “кимнинг гапи кўпайса хатоси ҳам кўпаяди” - деган экан. Арабларда йигит тилининг тойилишидан ўлади, оёгининг хатосидан эмас”, - деган мақол бор. Оёқнинг хатосини тўғрилаш мумкин, тилникини эмас.

Маънавий зулмга қандай реакция бермоқ керак? Зулмга қарши зулм ишлатиш буюрilmаган, фақат қасос олишда ўша зулмдан орттириб юбормасликдан шариат огоҳлантиради. Гийбат учун яна фийбат билан жавоб берилмайди. Гап ташувчига қарши гап ташувчилик қилинмайди. Жосусликка қарши жосуслик қилинмайди. Сўккан одамга сўкиш билан жавоб берилмайди, балки унга инсоф тилаган маъқул. Лекин душман жонингизга қасд қилмоқда. Шу ҳолатда сиз уни қайтаринг, жонингизни сақлаб қолинг.

Одамлар орасидаги офатлардан каттароги хусуматдир. Илмсиз ҳолда илмлиларга хусумат қилиш, бечораҳол бўлиб бадавлатга хусумат қилиш учраб туради. Ваҳоланки, ўша хусумат қилинаётган одамлар ҳеч қандай ёмонлик қилмаган эдилар. Хусумат қалбни ҳасадга етаклайди, ғазабни

қўзғатади ва обрўсизлантиришга олиб боради. Ҳадисда: сенинг ҳусуматчи бўлиб туришинг гуноҳкорлигингни белгисидир., - дейилган. Уламолар таъбиридаги ашаддий - ҳусуматчи ярашишни хоҳламайдиган, жанжални эса пулга сотиб оладиган одамдир. Илмсизлик устига қурилган ҳусумат жуда ёмон нарса. Билимсизни билимли қила олмас эканмиз, яхшиси ҳусуматчидан узоқлашган маъқул. Аллоҳнинг Расули: “мен ёмон кўрадиган ва қиёматда менда узокда бўладиганлар кўп гапирадиганлар, оғзини тўлдириб гапирадиганлар ва мутакаббирлик учун гапирадиганлардир”, - деган эди (Имом Термизий ривояти). Қарангки ҳусуматчи ҳам кибрли одам ҳам, кўп сўзлайдиган ҳам на бандасига, на тангрининг ўзига ёқади! Таомдаги туз каби сўзни ҳам муҳтасар ва ҳам қисқа қилган маъқул экан.

ҒИЙБАТЧИЛИК ВА ИФВОГАРЛИК.

Яна маънавий-ахлоқий қусурлардан бири ғийбат ҳамда ифвогарликдир. Ғийбатни Аллоҳ Қуръони Каримда ўлган биродарининг гўштини ейиш билан тенглаштирган: “Айрим гумонлар гуноҳдир. Бироннинг орқасидан жосуслик қилманг ва айримларингиз айримларни ғийбат қилмасин. Сизлардан бирор киши ўзининг ўлган биродарини гўштини ейишни яхши кўурми?! (Хужурот,12). Пайғамбаримиз (с.а.в) ўз ҳадисларида: “ҳар бир мусулмоннинг қони, моли, иффати ва номуси бошқа мусулмон учун ҳаромдир-деган эди. (Исломдаги жангари тоифалар айни шу нарсаларни ҳалол деб эълон қилганлар). Яна у зоти бобаракот: “Ғийбатдан сақланинг! Ғийбат зинодан ҳам ёмондир. Зеро,киши зино қилиб, охири тавба қилса. Аллоҳ кечириши мумкин. Ҳолбуки, ғийбат қилганни тўғридан тўғри кечириши қийин. Фақат ғийбат қилинган киши кечиргандан кейингина кечириши мумкин, - деган.

Киши ўз биродарининг номига доғ тушириш мақсадида уни ғийбат қилса, Аллоҳ уни жаҳаннам кўприги устига турғазиб қўяди. Қилган ғийбати қайтариб олингунга қадар ўша ҳолатда бўлади [4.108].

Ғийбат-ўз дўсти, дугонаси, ўртоги, қариндоши ,акаси, укаси ортидан ўзи эшитиб қолса хафа бўладиган айб нуқсонини айтишдир. Бошқа одамнинг жисмоний камчилигини, зотини, қилиқларини, сўзи, диний ва дунёвий ҳаётини, либоси ва ҳатто уловини бошқаларга айтиб камчилигини зикр қилишдир. Расулулоҳ ҳузурига бўйи паст аёл юмуш билан келди. У чиқиб кетгандан сўнг Ойша(р.а) деди: Мунча ҳам пакана хотин экан! - деб қолди. Расулулоҳ: ғийбат қилдинг, эй Ойша, дедилар. Ойша(р а): Ё Аллоҳнинг расули мен ёлғон айтмадим, чиндан бўйи паст эдику! - деди. У эса; сен ўша аёл йўқлигига унинг камчилигини зикр қилдинг, бу ғийбатдир. Агар унда йўқ сифатни зикр этганингда сен унга тухмат қилган бўлар эдинг!, - дедилар. Ғийбатдан сақланмоқ керак, чунки ғийбатчига З та офат бор: унинг дуоси қабул эмас, яхши ишларига Аллоҳ қарамайди, ғийбат туфайли унинг гуноҳлари оғирлашади. Авлиёлардан бири деди: юз марта зино қилганингдан бир марта ғийбат қилганингни гуноҳи оғирроқдир! Бирорни иғво қилиш эса рамазон рўзасини тутмагандан оғирроқдир. Кимки олимларни иғво қилибди, охиратда пешонасига: Бу худонинг раҳматидан бенасибдир, - деб ёзилган ҳол да сўроққа тутилади. Саҳобалар даврида ҳар қандай ғийбатни ҳидидан сезса бўлар экан. Чунки у даврда ғийбат камлигидан шундай эди. Ҳозирда ғийбат оддий ҳолатга айланган жойлар ҳам йўқ эмас. Бурунлар ғийбат ҳиди билан тўлган, худди калла пойча сотиладиган павильон ҳиди каби ҳамма ёқни тутиб кетган. Бу ҳидга кўнига олмаганлар бир дақиқага ҳам чидамайди. Ўша бозордагиларнинг бурунлари ҳеч нарсани сезмайдиган бўлиб кетган. Хумаза сурасининг биринчи оятида: “Барча бўхтончи-ғийбатчига ҳалокат бўлгай”, - деб Аллоҳ илохий тарзда ғийбатчини қоралайди. Баъзи одамлар ўзининг ғийбатчилиги эсидан чиқариб бошқа одамларнинг ғийбатини ўзгаларга ҳикоя қилиб юради.

Имом Фаззолий: ғийбат қилган одам ўз ғийбати туфайли ғийбат қилинган одамга қарамдир-дейди. Яни у Аллоҳни ҳаққидан қутилиш учун ҳам тавба қиласи, кейин эса ғийбатлар қилинган одамнинг ҳаққидан қутилиш учун тавба қилиши зарур бўлиб қолади. Киши ғийбат қилинган даврадан

туриб кетмасидан аввал қилинган иғво, иғво қилинганинг қулогига етиб бормасдан аввал тавбани бошласа, авф этилади! Ўша нарсалар ўз манзилига етиб боргандан кейин эса авф этилмас экан. Қарангки, гуноҳ йўқ бўлиши учун уй жойли аёл билан зино қилганда унинг эридан авф сўраш лозим бўлади. Намоз, рўза, закот ва хаж ибодатлари тавба билан киши гарданидан соқит бўлмайди [4.112]. Қазоси эса адo қилиниши шарт. Аллоҳ билгувчироқдир. Юқорида зикр этилган аёл билан қилинган зинони эри кечиравмикан? Аслида ана шундай қўйди-чиқдилар ана шундай бузук ишлар туфайли содир этилмоқда, ҳатто 20-30 йиллик рўзғорлар ҳам бузилиб кетган ҳол лар ҳам йўқ эмас. Киши нафақат ўз оиласини балки бошқа оиланинг ҳам бузилиши сабабчисига айланиб қолмоқда. Энг яхиси – бузуқликдан хазар қилинса яхши эмасми? Масаланинг диний-шаръий томони тушунарли; зино жуда ёмон иллат, жуда нохуш жиноят. Сабаби муқаддас китобимиз зинодан хазар қилишни буормоқда ва умрни қисқартиришини, беобрў қилишини, инсондан бошқа маҳлуқотлар ғазаби, нафратидан огоҳ этмоқда. Зинонинг ижтимоий-ахлоқ ий томони борки, зино ҳар қандай ҳолда ҳам “оқланиши” мумкин эмас. Ҳатто зинонинг ирсий фактори бор деювчилар ҳам йўқ эмас. Покиза ва мусаффо турмушни, умр гузаронликни эсланг! Борингки, шундай гўзал ҳаёт соҳиби ёки соҳибалари ёшлик чоғида адашиб зино қилган бўлса, ўша гуноҳни эслашнинг ўзи ҳар бир инсонни ваҳимага солади. Ухровий бир ривоят ёки ҳикоятни эшитган қария ёки буви ўшандай жирканч тарихни эслаб қолса бутун бадани, қалби, руҳи изтиробга тушмайдими? Надоматлар, афсуслар ўша ярага малҳам бўлармикан? Бизнингча ўшандай нохуш соя инсоннинг хотирасидан кетмай бир умр тақиб этишини ўзи олий жазо эмасмикан? Айниқса инсон бу ёруғ оламни тарқ этиш пайтида ўша нарсани эслаб қолиши ва энди буёғи нима бўлади, деган ҳадикда жон таслим қилиши даҳшатини қайси фалсафа билан шарҳлаймиз?

Жамиятнинг соғломлиги, оиланинг муқаддаслиги, ўз жуфту ҳалолига хиёнат кечирилмас иллатлигини англаган инсон бундай нопоклиқдан жирканади. Боз устига аёлга бир буюмдай муносабатда бўлувчилар, эрқаклик

ортида ҳамма нарса мумкин деб ҳисобловчиларнинг мавжудлиги ҳам зинони одатдаги ҳолат деб тубан хулоса қилишга олиб келади. Қарангки зинони бошқаларга ҳикоя қилувчилар сұхбатида уни жон дили билан эшитувчиларнинг борлигига нима дейсиз? Жамиятдаги бузуқчиликка ижтимоий ҳаёт айбдор деб зинони оқловчиларни топилиб туришига нима дейсиз? Иллатнинг ўзи давоси борми? Бор, бу – қалбимизга қулоқ тутиш, фарзандларни ўйлаш ва ҳаётнинг қилмиш қидирмишли эканлигини таън олишдир. Масаланинг лўнда жавоби ҳадиси шарифда бор. Бир саҳобий пайғамбаримиз(с а в)дан зино учун руҳсат сўради. Ул зотнинг жаҳллари чиқди : Зинони ким билан қиласан ? Бирорнинг онаси, аёли, синглиси ёки опаси билан. Сенинг онанг, опанг, синглинг ёки аёлинг шу ишни қилишини хоҳлайсанми, - дедилар. Саҳобий, йўқ хоҳламайман деди. Унда нега мендан бундай ифлос ишга руҳсат беришимни сўраяпсан? – деб койиб бердилар.

ОЛИЙҲИММАТЛИЛИК ВА ХАСИСЛИК (ЗИҚНАЛИК)

Ўз ватанига, ҳалқига, одамларга наф келтирувчи фаолиятни жон-жон деб бажармоқликка олийҳимматлилик дейилади. “Ҳимматига балли - деган сўзни тез тез эшитамиз”. Маҳаллага, кўчага асфалт бостириди, гузар қуриб берди, болалар уйига, қариялар уйига моддий ёрдам уюштириди. Буларнинг бари моддий олийҳимматлилиқдир. Бу олижаноб фазилат бўлиб, аразлашган оилаларни ислоҳ қилиш қийналган оилага йўл кўрсатиб, тўй маъракаларда астойдил хизмат қилиш ҳам олийҳимматлилиқдир. Авлоний бобомиз олийҳимматлиликни яхши фазилатларнинг посбони деб атаган. Олийҳимматлик инсонлар аъло сифатлик, раҳим табиатли бўлади. Улар одамлардан ёрдамини аямайди, хайри саҳоватли ишларда бардавом бўлади. Пули ва молини ҳалқ ва миллат йўлида сарфлашдан чарчамайди. Олийҳиммат одам бамисли мевали дараҳт: ундан ҳам мевасидан, ҳам соясидан одамлар нафланади. Ҳимматли инсонни ҳамма яхши кўради, чунки у гўзал хулқ, одоб ва тавозелидир. Ҳиммат эгасининг молини ўрнини тангри

яна тўлдиради ва ҳатто зиёда қилади. Осмон ёритгичи қанча ёритса ҳам куввати озаймагани сингари олийҳиммат инсонни моли ва давлати камаймайди. Инсон мартабаси унинг виждонидан билинур. Олийҳиммат инсонда виждон покиза бўлади. Ҳиммат инсонни камолга етказади, тараққиёт ва маданият унда илдиз отади. Барча яхшиликлар ҳиммат соясида камолга етади. Олийҳимматлилик ва ҳол ис ниятлилик или оدامлар тангри ёрдамига дўст, тангри раҳматига эга бўладилар. Ҳол ис ҳиммат эса Аллоҳ йўлидаги олийҳимматлиликдир. Нўширавон: “жаҳоннинг барча яхшиликлари олийҳимматлиликлар соясидадир”, - деган экан. [1,40].

Расулуллоҳ: Аллоҳ фақат ўлаётганда сахийлашган, аммо умр бўйи хасислик қилган кишидан ғазабланади. Мўмин оدامда хасислик ва ёмон феъл-автор каби ҳислатлар бўлмаслиги керак. Аллоҳнинг онт ичиб таъкидлашича, хасис жаннатга кирмайди. Хасан Басрий эътирофича хасислик кишининг ёрдам сифатида бериши керак бўлган ўз нарсаларини беътибор қолдириши, бошқаларга ҳеч нарса бермаслигидир. Хою-хавасга берилиш, бойлик ортидан қувиш, камбағалликдан кўркиш, бола чақага эътиборни ўта юқори қўйиб, Аллоҳдан узоқлашиш каби иллатлар инсонни хасис қилиб қўяди. Хасис ўз молининг закотини беришни пайсалга солади. На ўзи ейди, на боласига едиради. Мол дунёси завқи-шавқи билан ўтган умрини совуради. Пулларини санаб завқланади. Ҳадиси шарифда “Аллоҳ бадфеълликни яратади ва бадфеъл оدامларни хасислик ва мол атрофида тавоғ эттиради”, - дейилган [4,141].

Имом Ғаззолий ислом динининг ҳужжати деб улуғланган буюк шоир ва аллома эди. У ўз шеърида:

Оч яланғоч қоламан деб қўрқма асло беравер!

Ризқ азалдан бўлингандир ўйнаб қулиб юравер!

Хасисликдан фойда йўқдир бу вафосиз дунёда,

Берган билан кам бўлмассан баҳтинг бўлар зиёда.

Кўрдим жуда кўп инсонни, жўмардларга дўст улар

Мен кўрдимки, сен ҳам ўйла, ким хасисга дўст бўлар?

Хасисликдан зарап күрган баҳилларни күрдим күп
Нафсим хасис бўлмасин деб уни иззат қилдим хўп, - деб ёзади
Хасислар мол тўплашда бирорларга заҳмат ҳам етказади. Савдо жойларини ўзаро талашади. Солиқ тўламаслик пайида бўлади, давлатни алдайди. Имоми Аъзам сўзи “хасис ҳеч қачон одил бўла олмайди, чунки, хасислик иллати соҳиби доим алданиб қолишдан кўрқади. Шу боис ҳақини доим ортиғи билан олади. Унинг ўзи ўзидан кўнгли тўқ бўлмайди”

Ҳадисда ”садақа молни камайтиrmайди, сув оловни ўчиргани каби садақа (закот) ҳам хатоларни ўчиради. Қиёмат кунида инсонлар устидан ҳукмлар охирига етгунча ҳар ким ўз садақасининг соясида бўлади. Яна садақа қаватламадир, яъни Аллоҳнинг наздида ортиғи билан қайтариладиган нарсадир. Камбағалга яширинча берилган садақа, шунингдек камбағаллашиб қолишдан қўрқиб ишлаб топганидан берилган садақа фазилатлироқдир”, - деб тъкидланган.

Одил одамнинг қайси ҳаракатида Барака бор? Йўқсилларни едириш ва танимаган кишиларга Аллоҳдан омонлик тилашдир.

Иблисдан Яхё алайҳиссалом сўради: Қандай одамларни ҳаммадан кўпроқ севасан? Иблис деди: ҳаммадан ҳам яхши кўрганим хасис мўминлардир, аччиғимни келтирувчилар эса саҳий фосиқлардир. Чунки, хасис мўмин менинг васвасамга осонликча ишонади. Саҳий фосиқдан ташвишланишимнинг сабаби унинг жўмардлиги сабабидан афв этилишидан кўрқаман” [4,143].

Хасисларни маҳалла аҳли ҳам ёқтиrmайди, мол дунёси кўп бўлсада у одамга маҳаллада фалончи ночор ахволга тушиб қолибди, деб хабар бердингиз ва унга ёрдам берайлик, дедингиз. Хасис эса турли баҳоналарни ўйлаб топади, бергиси келмайди. ”Хасис Аллоҳдан ҳам, жаннатдан ҳам йироқ ва жаҳнамга яқин. Саҳий эса Аллоҳга, жаннатга ва одамларга яқиндир ва дўзаҳдан узоқдир”, - деди Мухаммад (с.а.в) “Молингизни закот билан қўрғонланглар, касалларингизни садақа билан даволанглар ва балоларни дуолар билан қарши олинглар”. “Қайси инсон кеча ва кундузда

садақа қилиб турса, илон чақиб ўлишидан, том босиб ўлишидан ёки тўсаддан ўлишидан муҳофаза қилинади [2,302].

Яна бир ҳадисда “ ким беш нарсани маън қилса, Аллоҳ ҳам ундан беш нарсани маън қилади: 1)закотни маън қилса (бермаса), молини муҳофазасини маън қилади. 2) садақани маън қилса, ундан тинчлик, хотиржамликни маън қилади 3) ушрни маън қилса ерининг баракасини маън қилади 4) дуони маън қилса, ундан ижобатини маън қилади 5) ибодатни маън қилса (дангасалик қилса), ундан ўлаётган вақтда “калимаи тойийбани”, - айтишни маън қилади. “Инсонни касаллигида минг динор садақа қилғандан бир динорни соғлиғида садақа қилған афзал. Ёшлиғида бир динор садақа қилса, ўлим вақтида юз динорни садақа қилишдан афзалдир, деган ҳадис ҳам ғоят ибратлидир. Абу Ҳурайра ривоят қилған “мол садақа билан камаймайди ва киши ўзига етган зулмни афв этса, Аллоҳ унга азизликни зиёда қилади. Кишики тангри учун тавозу қилса, уни мартаба ва даражасини кўтаради.

Илоҳий ҳақиқатлар дунёю охиратда ҳам эскирмайди. уларни баён этишдан мақсад огоҳлантириш, чунки ҳисоб-китоб кунининг эгаси беқиёс меҳрибон зот. У фақат имтиҳонли дунёни меҳр билан ирода этди, ғафлат чоҳидан бизларни қутқармоқчи бўлди. Уламолар эътирофича садақада ўнта ҳислат бўлиб бештаси ёруғ дунёда, бештаси охиратда асқотади. Ҳаёти дунёдагиси:

1. Садақада молни поклаш бор. Савдода беъмани сўз, қасам ва ёлғон бўлиб туради (бilmagan ҳолда) унга садақа қўшилса, покланади.
2. Баданни гуноҳлардан поклашлик бор (тавба сурасининг 103-ояти унга исбот).
3. Садақа қилишлик касалликни даф қилади ва балоларни даф қилади (ҳадисда касалликни садақа билан даволаш уқтирилган).
4. Садақа оловчи мискинларга садақа туфайли хурсандчилик етиб боради.

5. Садақада молнинг барокоти ва ризқнинг кенг бўлишилиги бор. (Саъба сурасининг 39-ояти бунга далил) Беҳожат зот уни ўрнини тўлдириб туради.

Охиратдаги беш ҳислат

- 1.** Қаттиқ иссиқда садақа ўз эгасига соя бўлади;
- 2.** Садақа берганнинг ҳисоби енгил бўлади;
- 3.** Садақа банда амалларини мезонда оғир қиласди;
- 4.** Сирот кўпригидан ўтишда восита ва далда бўлади;
- 5.** Инсонни жаннат даражасини зиёда қиласди;

Қарангки, шу ҳислатларнинг биттаси ҳам садақада гап кўп эканлигини эслатмоқда. Масалан, мискиннинг дуосига тўсиқ йўқлиги катта имконият эмасми? Бир куни Абдуллоҳ ибн Зубайр (р.а.) Ойша(р.а.) га бир юз саксон минг дирҳам юборди. У эса рўзадор эди. Кейин у пулни одамларга тарқатди. Ўзига ҳеч вақо қолмади. Ифторга жорияси нон ва ёғ келтирди. У зот деди: агар озгина дирҳам ўзимизга олиб қолганимизда гўшт сотиб олар эдик. Жория ҳамма дирҳамларни тарқатилганлигини эслатди. Ойша ҳонадонга берилган маблағларни иссиғида садақа қилиб юборар эди. Кийган кўйлаклари ямоқли эди. Бундай ишлар Аллоҳнинг: “тарчи ўзларида эҳтиёж бўлсада ўзларини қўйиб (ўзгаларга) ийсор-ихтиёр қилурлар (Хашр, 9)” - деган буйруқ қаломига мувофиқ қилинганлигини билиб олиш қийин эмас. Ояти кариманинг давоми: “кимки ўз нафсининг баҳиллигидан сақлана олса, бас ана ўшалар нажот топгувчи зотлардир”. Демак, баҳиллик-шайтондандир, садақа эса Раҳмондандир. Ким ўз баҳиллигини енгса (садақани сидқидилдан қилса) у тангри азобидан қутулади.

Хасислик эса инсонни жаҳаннам сари тортади. Садақа эса жаннатга. У ҳолда, нимани қучайтиришимиз маълум бўлади. Етти ҳислат борки, улар садақа беришдаги хатони тўғрилайди.

- 1.** Садақани ҳалолдан бериш. Бу ҳақда муқаддас Қуръонда хабар берилган (Бақара, 267).
- 2.** Мол дунёси оз инсон ҳам беради;

3. Садақа сари шошилиб беришлик;
4. Молни яххисидан (ўзи яхши кўрганидан) беришлик;
5. Риёдан қўрқиб (уни яшириб) беришлик;
6. Миннатдан узоқ ҳолда (бошқалар билсин, демасдан) беришлик;
7. Садақа олувчига самимий, азият етказмай беришлик;

Дарҳақиқат, Аллоҳ: “Садақаларинги зни миннат ва азият билан ботил килмангизлар” (Бақара 264), - деб айтиб огоҳлантирган.

Юқоридагиларнинг ҳаммаси учун хулоса шуки, Аллоҳ бандасини садақа билан синайди. Бунинг учун ўз хазинани дафинасидан мол дунёни кимгадир кўп, кимгадир жуда кам беради. Хом сут эмган инсон эса мол дунёни мен ўзим топдим, деб ҳаёл қиласди. Синовли дунё моҳиятини ё тушунмайди ёки тушунишни истамайди. Натижа аниқ, синовдан ўта олмайди. Синов эса бойга ҳам камбағалга ҳам бир хилдир. Зеро, молпарастлик ва дунёпарастлик инсонни савоб ишлардан чалғитади. Умр эса фақат бир марта берилган сармоя, демак, уни қандай буюрилган бўлса шундай ўтказмоқ афзалдир. Молпарастлик ва дунёпарастлик инсонни ғафлатда қолдиргувчи, надоматга етакловчи иллатлардан экан. Инфоқ эҳсонлар билан ўтган умр эса ғафлатдан мосуводир.

ТАФАККУР ВА ҒАФЛАТ

Биз бу ерда икки ҳолатни тилга олмоқчимиз бири инсонни хушёрликка, ўз ўзини тафтиш этиб боришга олиб боради, иккинчиси эса бошқа нарсаларга чалғиб қолиб умр дафтарини бехуда совуришга олиб боради. Тафаккур сўзида фикрлаш маъноси яшириндир. Бутун атроф, бутун табиат, инсоният ва ҳатто тафаккурнинг ўзи ҳам бир тилсим. Уни ўрганиб, моҳиятига етган одам бу дунё буюк яратувчининг жилоси, иродаси маҳсули эканлигини англайди. Оли имрон сурасида (190 оят) “Осмонлар ва ернинг яратилишида ҳамда кеча ва кундузнинг алмашиб туришида ақл эгалари учун ибратли далиллар борлиги шубҳасиздир” – дейилган. Кези келганда минглаб фан

турларини, яъни инсон асос солган илм турларини эсласак, улар юқоридаги оятни каримада айтилган, ибратли далилларни излаш ва ўрганиш билан шуғуланаётганлиги маълум бўлади. Йил фасллари бўлмаганида ҳаёт қандай бўлар эди? Янгиланишлар, бу даражадаги ўзгаришлар бўлмас эди. Демак йил давомидаги ўзгаришлар ва такрорланишлар ҳаётнинг давомийлигини таминлаётгани рост гап. Фасллар алмашинуви инсоннинг ҳаётига ҳам соясини солиб туради. Инсон ҳаётининг ҳам баҳори, ёзи, куз ва қиши бор. Ҳар бир тирик зотга қазойи қадарни яратган зот туфайли жараёнлар давом этади. Бутун олам гўёки инсон учун яратилгандек. Чунки инсон у ерда марказий нуқта ва унинг атрофида бутун олам тангрига зикру-сано айтаётгандек туюлади. Демак, барча нарсани инсонга тобелиги, уни бекорга комилу муҳаррам қилиб яратилмагани маълум бўлади. Шу боис инсон уни ўрганиш ва фойдаланишда бардавомдир.

Ислом манбаларида қайта ва қайта фикрлаш, яъни тафаккурлашга чақирилади. Тафаккур эгаларини мақтаб, уларни таърифлайди: Улар турганда ҳам, ўтирганида ҳам, ётганидан ҳам Аллоҳни эслайдилар ҳамда осмонлар ва ернинг яратилиши хақида тафаккур қилиб дейдилар: “Парвардигор бу борлиқни бехуда яратгани йўқ, сен бехуда бирон иш қилиш айбидан поксан! Ўзинг бизни жаҳаннам азобидан асррагил (Оли Имрон, 191-оят)”.

Ибн Аббос: Бир гурӯх одамлар тангри ҳақида ўйга чўмган эдилар. Расул Акрам (с.а.в) деди “Аллоҳнинг яратганлари ҳақида фикрланг, унинг ўзи ҳақида фикрламанг! Чунки сизлар унинг буюклигини чинакамига баҳолай олмайсизлар”.

Фузайл Ибн Иёз: Фикрламоқ бир ойнадур, сенга яхши ва ёмон амалларингни кўрсатади. Иброҳим Ибн Адҳамга: Нега узун ўйга толасан?, деб сўради. У эса “ тафаккур ақлнинг илигидир ” деб жавоб берди.

Тобеинлардан Товус Ибн Кайсон исмли сахоба: Бир куни хаворийлар ҳазрати Исо (ас) га: Ер юзида сизнинг монандингиз борми?,- дедилар. У эса: Ҳа кимнингки мантифи зикр, сукути фикр, қарashi ибрат бўлса, ўша менинг

монандимдир, - деди. Ваҳб Ибн Мунаббих деди: Кишининг тафаккури узайса - билади, билса - амал қилади. Ибн Аббос: Яхши мавзудаги тафаккур ўша яхшиликни қилишга ундейди. Ёмонликдан афсус-надомат қилмоқ ўшандай ёмонликдан қочишга ундейди. Тафаккур билан ва бажонидил ўқилган икки ракат намоз бутун тун бўйи истар истамас ўқилган намоздан хайрлироқдир [4,288].

Демак, фикрлаш қайси йўналишда яхши бўлишлиги маълум бўлди. Зеро, ботил йўл соҳиблари ўзларининг ботил дунёқараши доирасида фикрлаб асл ҳақиқатни забт этмайдилар. Масалан ўғрининг бутун фикру-зикри ўғирликни янги восита усулларини тафаккур қилади. Ҳатто ўзи билмаган ҳолда кашф ҳам қиладилар. Метал арраловчи арранинг яратувчиси ўғрилар бўлиб, ундан қулфни бузишда қўллаганлар. Ғафлат эса шундай ахлоқ и замимадурки, унга берилмоқлик билан умр бесамара ўтиб боради. Қарабсизки ёруғ дунёни тарк этиш дақиқаси етиб келибди. Энди надомат иш бермайди. Яъни, кейинги пушаймон, ўзингга душман. Сабаби ўша пушаймон туфайли инсон янада кучлироқ азобланади, ва бу азобланишнингни ҳам фойдаси йўқ. Бир инсон уҳляяпти, унинг уйқусидан атрофдагиларга ҳам, ўзига ҳам фойда йўқ (манавий маънода). Ғафлат ҳам уйқу кабидир. Ғафлат босган одамга ўз ғафлатидан ўзи учун наф йўқ. Энг ачинарлиси, бутун умрнинг ғафлатда ўтганидир. Ғафлат туфайли умр совурилади, неъматлар совурилади, у Аллоҳ йўлини кўринмас қилиб қўяди, пардалайди.

Ғафлат билан надомат ҳам, ҳасад ҳам, ўзига оқиб келувчи озорлар ҳам кучаяди. Аллоҳни севувчининг қалби доимо уйғоқ бўлади. Кимкий оллоҳни севаман, деб даъвода бўлса, у доимо ғафлатдан парҳездан бўлади. Имом Фаззолий:

Ғафлатдасан, қалбинг адашмоқда,

Умринг ўтти гуноҳларинг қалашмоқда, - деб ёзди.

Энг буюк фожеа ғафлат ичida яшамоқлик ва ғафлатда ўлиб кетмоқлиkdir. Ёкуб (а.с) Азроил билан дўст эди. Бир куни у Азроилга бир илтимосини айтди. Яъни ажали яқиллашганини олдинроқ хабарини

беришликтин сўради, у эса рози бўлди. Бир куни Азроил тўсаддан пайдо бўлди ва Ёқубни жонини олгани келганлигини айтди. У эса берилган ваъдани эслатди. Азроил эса Ёқубга учта хабар етказдим, нега тафаккур қилмадинг? деди.

- 1) Сочларингга оқ тушгани мени хабарим эди.
- 2) Куч қувватинг аввал зўр эди, унинг кетиши иккинчи хабарим эди.
- 3) Қаддинг олдин тик эди, унинг букулгани эса учинчи хабарим эди, - деди. Газзолий эса;

Дунёда не ортиридинг, фақат кибру надомат, дунёда қолгинг келар, бунга йўқ имконият, - дейди. Хўш ғафлатнинг сабабчилари нималар? Бизнингча учта:

1. Хою хавасга берилиш, у билан кун ўтганини билмаслик.
2. Мол дунёга бўлган севги-мухаббат, унинг нашидаси оханграболиги, нихоят, камбағал бўлиб қолищдан қўрқиш кабилар вақтнинг бесамар ўтишига сабаб бўлади.
3. Тафаккур ёки фикрлаш (бу эса ғафлат эканлигини, ботилни ботил эканлигини билиш имконияти)нинг ўта сустлиги ҳам ғафлатни келтириб чиқаради.

Мол мулк талабида юрган инсонда тангрига муҳаббат ва охират қайғуси бўлмайди. Охиратни танлаган саҳобалар (ҳазрат Абубакир Сиддик, Абдураҳмон ибн Авф, Абу Зарр Фиффорий ва бошқалар), Аллоҳ севгисига халақит бермаслиги учун мол дунёларини деярли ҳаммасини, яширинча, садақа қилган эдилар. Пайғамбар оиласи ҳам дунё севгисидан Аллоҳ севгисини юқори қўяр эди. Қизи Фотима (р.а) ни турмушга бераётганларида ошланган битта қўчқар пўстаги ва хурмо пўстлоғи тўлдирилган биттагина ёстиқни совға қилгандилар, халос. Қурони каримда: - “ким охират экинини истар экан биз унга экиннинг хосилини мўл, зиёда қилурмиз. Ким дунё экинини истар экан биз унга ўшандан берурмиз ва унинг учун охиратда бирор насиба бўлмас, “(Шуаро,54) дейилган. Хўш инсон ўз қалбини Аллоҳга

берсинми ёки дунёгами? Ақли бор одам оқибатини үйлайди ва охиратга ҳозирлик күради. Ғафлатга бир мисол:

Бир одам құшнисига болта берган эди. Намоз вақтида болта эсига тушиб қолади, шунда у намозни битириб бўлиб, ўғлига бақирди: бор фалончига, болтамизни сўра! - дейди. Ўғли ундан қачон эсладингиз;? дейди? У эса “намозда” деди. Унда сиз намоз ўқимапсиз, болта сўраяпсиз, деб жавоб берган экан.

Тасаввуф алломаси Зуннун Мисрийга, тушида бир зот савол берди: Аллоҳ сенга нима деди? У эса “эй ёлғончи, бизни севаман деб иддао қилар эдинг, ундей бўлса нега ғафлатда ётибсан? Қачон бизни буйруқларимизни бажарасан? – деб жавоб қайтарди. Ҳозирги ҳолатда ғафлат уйқусидан уйғонмаган, инсонлар борми ёки йўқми? Албатта, улар, тирикчиликни, фарзандларини, бола-чақа боқиши рўкач қиласидар. Тўғри, оила иқтисодини ушлаш, фарзанд тарбиясига жиддий киришиш, уларни билимли қилиб қўйиш тангрини хурсанд қиласидиган иш ва у буюрган ишлар сирасига киради. Лекин ўзи ҳақида, ҳаёт ҳақида, охират ҳақида фикрлаш, тафаккур қилиш ҳар бир мусулмон одамга буюрилганлиги ҳам рост. Ҳаёт бу мардикорҳона эмас ёки ҳеч нарсани тафаккурламай манзил сари югуриладиган спорт ўйини мусобақаси ҳам эмас. У бизларга берилган буюк неъмат. Унинг эгаси бор. Шу боис, моҳиятни англаб, барча нарсани тафаккур орқали англаб, етган ҳолда умргузаронлик қилиш ҳам саодатdir. Демак, синовли дунёда ҳеч нарса бепул берилмаган. Фикрланг, сиз бефарзандсиз, сизга фарзанд берилиши учун жонингизни ҳам беришга тайёрсиз. Қанча ибодат бўлса қилар эдим, агар менга ҳам фарзанд берилса, дейсиз. Аслида сизга ўз вақтида фарзанд берилгани, соғлиқ берилгани, топишингиз яҳши, мол дунёйингиз етарли, қўлингиз узун, иш жойингиз тайин. Мана шундай ҳолатда сиз ғафлатда бўлишингизни, ой-йилларни ўтказаётганингизни қандай тушуниш мумкин?

Демак, тафаккур орқали ғафлатни йўқотар эканмизда! Ва ўша коинотнинг эгасини таниб, унинг олдида шукроналикда, фикроналикда, зикриллоҳликда бўлсак нимани ютқазамиз ва нимани ютамиз?...

ИЙМОН ХАЛОВАТИ ВА ТАВАККУЛ

Исломнинг маъноси яратганга тоат қилиш, кўрсатмаларига бўйсунишдир. Етти нарсага (унинг якка-ягоналигига, фаришталарида, китобларида, пайғамбарларида, охират кунига, яхшилик ҳам ёмонлик ҳам ундан эканлигига ҳамда қайта тирилишга) ишонмоқлик иймон дейилади. Бунинг учун тоат зарур. Билим эътиқод даражасига кўтарилиган бўлмаса иймон қуруқ сўз бўлиб қолади. Эътиқод мусаффолиги энг керакли зарурият. Аслида иймон сўз билан айтиб, қалб билан тасдиқламоқлик бўлсада, ҳали у либосиз, яланғочдир. Унинг либоси тақво, самараси илмдир. Инсон ўзи эътиқод қилаётган зотнинг сифатларини билмоғи, унинг ягоналаги, бошқалардан нажот сўрамаслиги, бошқа нарсага бош эгмаслиги, унинг буйруғига қарши чиқмаслиги, гуноҳ қилиш мумкин эмаслигини билмаса уни бошқалар таъсиридан ким тўхтатиб қола олади? Инсон Аллоҳнинг сифатларини тўла ва мукаммал била олмас экан, у ўзининг фикрини, амалини ва хулқини рост йўлга, худо йўлига қандай мослаштира олсин? Бунинг учун инсоннинг илми шунчаки илм бўлиб қолмай қалбининг тубидан жой олмоғи, уни эса гумон ва шубҳалардан, хаётини эса тўғри йўлга зид, ахлоқи замима ва мункар ишлардан тозаласин. Ислом амалиёти тангри билан боғланишдир. Аллоҳ билан одамлар қўзигагина боғланмоқлик риё эканлигини айтиб ўтдик. Ҳақиқий боғланиш ҳам дунёвий, ҳам диний ҳаётни сидқидилдан ташкил этмоқликдир. Инсонлар кўнглига озор бермаслик, қийналиб ётганларга ёрдам бериш, ҳалоллик, кибр ғуур ва риёдан ҳоли кўнгил соҳиби бўлмоқлик, давлат сиёсатига ва ватанига садоқатда ҳаёт кечирмоқлик, аслида халқимизда азалдан қадрият тусини олган.

Баъзи исломшунослар покиза ҳаёт тарзини Аллоҳ қонунлари деб таътифлашади. Яъни, инсон бу қонунларни билишим ва уларга итоатда бўлишим билангина тангри дийдорига эришаман деган, хулосада ҳаёт кечиради. Яна кўр-кўрона эмас, онгли равишда (қонунларни ўзига мослаб эмас, балки ўзини қонун доирасидаман, деб ўйлаш орқали) мусаффо эътиқод билан ҳаёт кечириш қандай яхши. Илм ва эътиқод орқали тоат қилиш айтилмоқда. Иймон калимасида, сўз билан айтиш етарли эмас, балки қалб билан тасдиқламоқлик ортида, юқоридаги ҳолатлар жойлашган. Охират тўғрисидаги илмдан бехабар одамга тоат қилиш ва тоат қилмасликни фарқи йўқ. Сабаби иккала ҳолатда ҳам одамнинг борар жойи бир, деб ўйлайди.

Демак, инсоннинг билими эътиқод мақомига кўтарилиши керак. Дунёвий билимда ҳам ўз билимига риоя қилиш керак. Лекин диний билимда бу масала қатъийликка айланган. Иймон талаби этиқод мусаффолигини тақозо этади. Шубҳа ва иккиланиш эса билимнинг эътиқодга айланмаганининг натижасидир. Инсон ҳар қандай ишда фойдани кўзлайди ва ўша ишда событ қолади. Агар зарарли иш бўлса ўзини четга олади. Худонинг сиифатлари, ягоналиги, қонунлари жазо ва мукофотларидан огоҳ бўлиб, чин дилдан эътиқод қилган инсон мусулмон деб аталади. Бу ҳолатни иймон ҳаловати деб атаймиз. Халқимизда мўмин бўлмагунча мусулмон бўлмайди деган гап бор. Инсонларни иймон талаблари бўйича 4 тоифага ажратиш мумкин

1- Иймон эътиқоди баланд, иймон талаби билан яшайдилар, буйруқларга бўйсинадилар, мункар ишлардан парҳезда бўладилар

2- Худога ишонмайди, ўзи билганича яшайди. Ҳеч кимга қулоқ солмайди, мен ҳаммадан зўрман дейди, турмуш ва ахлоқ илмларидан хабарсиз инсонлар.

3- Иймон келтирадиу, лекин иймон тақазоси билан яшамайди, савобни ҳам, гуноҳни ҳам қилиб кетаверади, уларни қисман мусулмон дейиш ҳам мумкин.

4- Асли худога ишонмайди, лекин ўзини мусулмон кўрсатади. Мусулмон жамоалари билан аралашиб юради. Қонунларга бўйсинмайди. Ўзига зулм қилувчи инсонлардир.

Иймон-эътиқод хосил бўлишининг воситаси, сабабчиси тафаккур қилишдир. Атрофга боқинг, ҳар бир нарсада, воқеа ва ҳодисада (табиат ҳодисаси ёки жамиятда ҳам) Аллоҳнинг иштирокининг изларини кўрамиз. Ҳеч қандай нарса бехуда яратилмаган. Ҳар бир нарсада унинг тилсими яширинган. Ана шу сиру-асрорларни билиш учун тафаккур керак. Тафаккурсиз ибодат ёки амал ҳар бир нарсага кўр-кўрони муносабатда бўлмоқлиkdir. Тўғри, Аллоҳнинг моҳиятини бизлар тўла била олмаймиз. Фақат унинг биру борлиги, сифатлари, яратган нарсаларини тафаккур қиласиз ва шу тафаккур доирасидагина тушунча-тасаввурга эгамиз. Лекин, иймон соҳибларига Қуръон ва ҳадислар орқали олинган чиройли билим доирасидаги маърифат етарлидир. Бунинг учун бизданда чуқур билимли мутафаккирлар асарларини ўқиб чиқилса яънада билимимиз мукаммаллашади. Сабаби улар Аллоҳнинг хос бандалари бўлиб уларга анча кўп ва мукаммал билим берилган. Оятларнинг бирида “Инна фий ҳолқиссамавати фил арз, вахтила фил лайли саби қунна ҳар, ла айятулул улул албаб” яъни “осмонлар ва ернинг яратилишида, кеча кундузниң алмасиб туришида ақл эгалари учун аломатлар бордир”. Илмли киши эса ўша аломатларни топади. Тафаккур қиласи, бирор қўшнидан нарса сўрашдан аввал сиз унга аввал яхшиликлар қилсангиз, ўша ҳолда сўрагангизни олиб чиқиб беради. Аввал ишингиз бўлмаган, яхшилик қилмагансиз, энди нарса сўрайпсиз: у ё беради, ё бермайди. Аллоҳ билан ҳам ҳудди шундай ҳолат мавжуд. Унинг буйруқлари, қонунларини бажармасангиз у билан ҳеч қачон ишингиз бўлмаса у ҳам ё беради, ё бермайди. Илм талаб қилиш ҳам шу қолибга тушади. Оилавий муаммолар (бу бизнинг ишимиз деб ҳисобловчилар хато қиласи)ни ҳам Аллоҳ ёрдамида ҳал қилиш энг тўғри йўлдир. Ахир дуоларимизда “оиламни тинч қилгин, барокатлар бергин” деб қўшиб қўямиз-ку.

Ҳаёт инсон, тангри учлиги яратилишининг маъноси фалсафасини англашга ёрдам беради. Ибрат учун эса албатта Муҳаммад (с.а.в)дан ўзгани топа олмаймиз. Ул зот қуидаги сифатларга эга эди:

1. Ота-она тарбиясини ола олмади, чунки улар анча эрта оламдан ўтган эдилар.
2. Ўзи уммий саводсиз, яъни ўқиши ҳам, ёзиши ҳам билмас эди.
3. Унинг фикрлаш одати, ахлоқи ва бошқа ҳислатлари атрофдагилардан бутунлай бошқача эди.
4. У ёлғон ишлатмас эди. Тили ва қўли билан бирорга озор бермас эди.
5. У мулойим, ширин тилли, дилкаш инсон эди. Ғазаби келганда ҳам майин табассуми бор эди.
6. У ким билан ҳамсухбат бўлса уни одамлар яхши кўриб қолар эдилар. Унга ўзини фидо қилишар эди.
7. Бирорни нарсаси, ҳатто чўпини ҳам ноҳақ олмас эди.
8. Ҳалол ва ростгўй эди. Пок эди.
9. Кўпчилик уни яхши кўриб қолиб, яна сухбатига ошиқар эди.
10. Одамларнинг омонатларини яхши сақлагани учун, одамлар унга қиммат баҳо буюмларини қолдириб кетар эдилар. У эса ўзиникидай сақлаб берар эди.
11. Ҳалоллигидан одамлар уни “Ал-амин”, яъни, ишончли деб аташар эди.
12. Ўта шарм-ҳаёли эди, балоғат ёшидан бошлаб, баданини бирор кўрмаган эди.
13. Ярамас ва разил кишилар орасида улғайсада, бу иллатлардан қаттиқ нафратланар эди.
14. Ҳар бир ишда ҳалоллик унинг шиори эди. Доим пок инсон эди.
15. Ҳалқини бошқа юртларда босқинчилик қилаётганидан эзилар эди.
16. Одамлар орасида жанжал кўтарилса уни бостиришга киришар эди.
17. Жуда меҳрибон, раҳимдил ва кўнгилчан эди.
18. Бошқа одамларнинг мусибатларига шерик бўлар эди.

- 19.** Етимларга, тулларга, мискинларга ёрдам берар эди.
- 20.** Мусофириларни меҳмон қилиб, жой берар эди.
- 21.** Бут ва санамларни ёмон қўрар эди. Худодан бошқа бирорта зотга бўйсунмас эди.
- 22.** Халқнинг ичида тошлар орасидаги гавҳардек ёки зулмат ичра нурдек кўринар эди.
- 23.** Ўз юртида табиатига мос келадиган ҳеч нарсани топа олмади, кўнгли тўлмади.
- 24.** Узлатга чекинди, танҳоликда Худони фикрлаб, уни зикрини қилди.
- 25.** Ибодат ва очлик билан ўзини доим ва руҳан тарбия қилди.
- 26.** Тафаккур қилиб, одамларни ўраб олган қора зулматни енгиш учун нур қидирди ва 40 ёшда ваҳий орқали тангри ила мулоқотга киришди.
- 27.** Бузуқлик, бебошликлар билан тўла бу оламни ўнглашни хоҳлар эди.

28. Ана шу нажот йўли у Хиро ғоридаги пайтида ваҳий орқали билдирилди. Бу бутун инсоният учун маънавий юксалишни олиб келди. Нур билан учрашув эди. Аввал ҳеч бўлмаган қувват билан тўлиб-тошди.

Форга оддий Муҳаммад Ибн Абдуллоҳ бўлиб кирган одам, ундан Муҳаммад Алайхиссалом бўлиб чиқди. Дастлаб ўз яқинларига кейинги кунлардан бошлаб халқига илоҳий ҳақиқатларни етказди: “Оlamни ва сиз-у бизни яратган, ризқ берадиган, ўлдириб-тирилтирадиган зоттагина ибодат қилинг! Ундангина ёрдам сўранг! Ўғирлик, бузуқлик, босқинчилик, майхўрлик, қиморбозлиқдан қайting! Одил, ҳалол , ростгўй бўлинг! Бирорни ноҳақ ўлдирманг, ноҳақ уларнинг давлатларини олманглар, барча инсонлар унинг олдида тенгдирлар.

Одамларни фазилат, улуғворлик, насл-насад, кийим, обрў, бадавлат қилмайди. Балки тақво, эзгулик, яхшилик билан эришилади. Ким эътиқодли бўлади, ёмонлардан хазар қиласи, бошқаларга фақат яхшилик улашади, ўша инсон комилдир. Унинг акси бўлса, у бу дунёдан ҳам, охиратдаги ҳисобдан

ҳам маҳрумдир. Охиатда барчамиз унинг хузурида тўпланамиз, у ерда наасаб, обрў иш бермайди. Иймон ва яхши амаллар иш беради”.

У зотга Маккада ҳам, Мадинада ҳам одамлар озор беради, у эса сабр қилади, озор берганларга инсоф ва тавфиқ сўрайди, дуо қилади. Ундан танлаган йўлидан қайтишини, турли мол-дунё, маблағ йигиб беришини, душманлари ваъда қилади ва у буни рад этади. Елкасига юкланган огоҳлантирувчилик вазифасига содик қолади. Бу албатта олийжаноблик, яхшилик, ҳалоллик ул зотга тегишли эканлигини исбот этади. Бошига тушган азобларга ўзи учун эмас, бошқалар манфаати учун чидайди. Унга тош отишади, масҳара қилишади, ёлғончига, фолбинга чиқаришади. Лекин у, уларга инсоф тилайди, тўғри йўлни етказишида событ қадам бўлади. У кечирган кунлари ва ҳақиқатлар 23 йил давом этади. Мағриб-у Машриққа тезлик билан тарқайди. Подачи халқ тубанликдан оламий улуғликка кўтарилади. Уларни аввал ҳеч ким танимаган эди, ислом орқали улар оламга машҳур халққа айланади.

Иймон ва таваккул бир бирини тўлдиради. Чунки иймони бақувват инсон барча мушкулликлар бошига тушганида Аллоҳга таваккул қилади. Зеро баҳт-саодат ҳам, мусибатлар ҳам унинг иродаси билан бизга, ҳонадонимизга кириб келади. Кўпинча яхшилик, эзгулик ҳонадонимизда муқум бўлиб қолганида биз негадир Худони кам эслаймиз. Бу имонимизнинг сустлигига далилдир. Иймон соҳиби топғанларига шукур қилади, мусибат, қийинчиликларга сабр қилади, ҳамда Аллоҳдан умидвор ҳолда ҳаёт кечиради. Англиялик Пастор исмли дунё илмлари олими “Иймон ҳеч қандай тараққиётга тўсқинлик қилмайди. Чунки, ҳар бир тараққиёт Худонинг яратган нарсаларидаги исботларни очиб беради. Агар мен кечагидан кўра билимлироқ бўлсан, Аллоҳга ишончим ҳам кечагидан кўра мустаҳкамроқ бўлади”, - деган эди. Фай исмли машҳур олим ўзининг “Оламларнинг асли” номли китобида, илм ўз эгасини, Аллоҳни таън олмасликка олиб боради, деган фикр жуда нотўғри, дейди. Франциянинг Сарбона Универститети Профессори тарихчи Фабер “Ҳар бир даврнинг ўз телбалиги бўлади, Худога

ишонмаслик давримизнинг телбалигидир. Мендан Аллоҳга бўладиган ишончни тортиб олаётганларидан кўра, теримни шилиб олсалар, шунча рози бўламан”, деган эди.

Олимларнинг эътирофига кўра, ҳар бир нарсанинг яратувчиси бор. Сир, асрорни билиш учун инсон ақлни ишга солади. Чин олимда маърифатга мойиллик кучлик бўлади. Унинг одамларга ва Худога нисбатан муҳаббати кучлик бўлади. Шайх Муҳаммад Содик Муҳаммад Юсуф “Иймон” китобида доктор Альберт Вектор фикрини келтирган: “Илмий иш билан шуғулланишим Худога бўлган ишончимни мустаҳкамлайди. Ҳатто, аввалгидан кўра мустаҳкамроқ, асослироқ бўлишга олиб келади. Ҳеч шубҳа йўқки, илм албатта инсонга Аллоҳнинг қудратини яхшироқ тушунишга ёрдам беради. Инсон ўз илмий ишларида яхшилик қиласа экан, Аллоҳга бўлган иймони ҳам кучайиб боради”. Лорд Каллифан эса: “Агар чуқурроқ ўйлаб кўрсак, илм албатта Аллоҳнинг борлигига ишонишга мажбур қиласи”. Билим қанча мукаммал бўлса инсон олимлашади, демакки унинг илм даражаси юқори бўлади. Илмнинг провард натижаси иймоннинг юксалишидир. Оддий одамда эса бу жараёнлар ҳали бошланмаган.

АҚШлик Креси Морисон ҳаётнинг яратилиши ҳақида фикр юритиб “жонни ёки ҳаётни материя яратганми?”, деган саволни қўяди. Ҳамма биладики атроф муҳит ҳам, барча материялар ҳам, кимёвий ва табиий ўзгаришлар ҳам ҳеч нарсага жон кирита олмайди. Шундай экан жон ўз-ўзидан ихтиёrsиз инсонга ёки ҳайвонга кириб келган дейиш мумкинми? Шундай экан, жон сезиш ва тафаккурнинг асосий манбаидир. Ўз-ўзидан инсон ҳеч нарсани (Аллоҳ)ни ҳам таниб ола олмайди. Соғлом ақл, ҳеч қачон нарсалар ўз-ўзидан пайдо бўлган деган назарияни қабул қила олмайди. Демак инсоният ҳеч қачон Аллоҳнинг яратувчанлигини инкор эта олмайди. Инкор қилувчи эса ҳақиқий билим соҳиби эмас, у борлиқ даштининг адашган қароқчисидир.

ТАЪМА, ҲАҚОРАТ, ДИЁНАТ

Абдулла Авлоний бобомиз ўзининг Ахлоққа бағишлиланган китобида таъма балосига гирифтор бўлган кишиларда номус ва ҳаё деган сифатлар бўлмайди, замонамизда, орамизда таъма нони билан қорин тўйгазадиган кишиларнинг ҳисоби йўқдур, деб нолиган эдилар. Одатда, таъма деб бирордан, нимадир, бир нарсадан умидвор бўлмоқликка айтилади. Инсоннинг аъзолари ва жавоҳирлари соғ, куч қуввати жойида бўлган кишиларга таъма билан кун кечириш ҳаромдур. Ҳатто ожизу-нотовон, кучсиз инсонларга ҳам таъма ножойиз. Кўпинча кўчаларда кўрамиз тоғни урса талқон қиласиган йигитлар тиламчилик қилиб ўтирган бўлади ёки 14-18 ёш лўли қизларни ҳонадонма-ҳонадон юриб эҳсон талаб қилаётганлари ҳам учраб туради. Мансаб ва лавозим соҳиблари бирор одамни ишини битириб бериши учун таъмагирлиги ҳаромдир. Унинг айланиб сўраётган нарсаси эса пора дейилади. Бу нарса албатта жамият иллати ҳисобланади. Агар таъма соҳибига қўл оёғинг, бутун, бу ҳолатинг эса ҳаром эмасму, десангиз қандай қилай, ўрганиб қолганман деб айтади. Тиланчига жазо йўқ бўлсада жамоатчилик нафрати ва фикри бор. Ҳаром ишларга рағбати баланд инсонларнинг диёнати ҳам оқсайди. Улардан яхшилик кутилмайди. Ҳадисларда “тамадан сақланинг, аввал қиласиган ишини қилиб қўйиб кейин узр сўрайдиган холатлардан сақланинг”, - дейилган.

Ҳақорат деб бирорга баралла, ёмон ноахлоқ ий сўзларни айтиб озор беришга айтилади. Ҳақорат маънавий жиноятлар тоифасига киради. Бирорнинг иззат нафсига тегадиган, қадр қимматини тушириш ниятида қилинган ноахлоқ ий хуруждир. Ҳақорат пайтида кўпинча муштлашув ҳам келиб чиқиши мумкин. Уламолар ҳақоратни катта гуноҳларга тенглаштирганлар. Сабаби, ахлоқ сизлик, савоб гуноҳдан бехабарликнинг оқибати -ҳақоратдир. Ҳақорат орқали тахқирланган кишини дили вайрон бўлади ва унинг дилида ўч олиш майли кучаяди. У шундай жарохатки вақтини пойлаб, ёки интиқом олмагунча тузалмайди. Ҳадисларда икки одам

бир-бирини сўкса, гуноҳ бошловчига бўлади. Агар қарши бўлган киши орттириб юборса уларнинг ҳар иккисини ҳам гуноҳда тенг саналади. Мўмин одам ўз қариндошини сўкиши фосиқлик, оиласаро урушмаклик эса куфрудур, - дейилган.

Сўкиш ва ачитиб гапиришни араблар “базоға” дейишади. Яъни аччиқ ва уятсиз гапни англатади. Фахш ишлар ва уятсизлик кўп ҳол ларда уят гапларни бепарда айтиш билан юз беради. Бу нарсалар жинсий мунасабатга оид сўзларни бешармлик билан сўзлаш демакдир. Солиҳ одам бу сўзлардан ҳаё қиласди. Ғаззолий “Базоға қабиҳ саналган нарсани очиқ ойдин сўзлар билан ифодалашдир”-деган. Шариат чегарасидан чиқиб гуноҳга юз бурувчи одамни фосиқ дейилади ва бу ҳолат унинг учун диндан чиқишининг бошланишидир. Ҳадисда фисқ, уриш куфр дейилган. Фисқ куфрга олиб боради. Сўкиш эса уришга олиб боради. Расуллулоҳ: “мусулмонни сўкиш инсонни ҳалокат жари ёқасига келганини англатади”-дедилар. Сўкиш билан фаҳрланадиган шахсларни биламиз, ҳатто сўкиш билан ёшлар ўзаро обрў олмоқчи бўлганига нима дейсиз? Кўплари олий маълумотли, катта мансаб эгалари, яхши кийинган, яхши яшаётган кимсаларни ўзаро сўкиш билан шуғулланиши одатий ҳол га айланиб қолмоқда. Айрим мажлисларда бошқарув мақсадида бўйсинувчиларни иззат нафсга тегиши, хақорат қилиш ҳолатлари оммалашиб бормоқда. Таълим масканлари маданият маскани ҳамдир. Маънавияти саёз айрим мажлисларда қатнашган олийгоҳ раҳбари у ердаги маданиятсизликни университет мажлисларига олиб келиб қўллаганига нима дейсиз? Яъни одобни одобсиздан ўрган дегани эмасмикан?

Диёнат тангрига инсонни яқинлаштирадиган муқаддас эътиқоддир. Диёнат инсоннинг диний ва ахлоқ ий ишларининг мукаммалиги ва поклигининг кўрсаткичидир. Дин ва эътиқоди соғлом кишилар ҳалолни ҳаромдан, хақни ботилдан, фойдани заардан, оқни қорадан, яхшини ёмондан аъло даражада фарқлай олади. Буни акси бўлганларнинг диёнатидан на ўзига, на бошқаларга фойда йўқ. Дини саломат инсон ўзини ҳам, оиласини ҳам нопок ишлардан сақлайди. Диёнат инсондаги инсонийликни,

халқпарварликни, ватанпарварликни покиза сақламоқлик ҳамдир. Диёнат ахли ибодатни икки турга бўлганлар: тан ибодати ва рух ибодати. Таҳорат, намоз, рўза, закот, ҳаж жасаддан талаб қилинадиган ибодатлардир.

Абдулла Авлоний ўзининг “Туркий гулистон ёҳид ахлоқ” китобида рух ибодати қалб билан қилинадиган ибодатдир, яъни эътиқодни мустаҳкам, дилни пок қилиб тангри маърифатини ўрганмоқлик, - деб таъриф берган. Агар иккала ибодатдан бири қолиб, иккинчисини ёки аксини бажарса, ибодати мукаммал бўлмаслигидан огоҳлантирган. Яна ақл дин билан, дин эса амал билан, амал эса тақво билан камолга етади - дейди. Кўп манбаларда диёнатга алоқадор фикр билдирилаётганда, “дину диёнат” деб, қўшма сўзни ишлатилишида ҳам мантиқ бор. Уларни ажратиб тушунилмайди. Ҳадисларда ибодат лаззатини уни қалбдан хис қилиб бажарганда сезиш мумкинлиги айтилган.

Ислом оламида Жоруллоҳ (худонинг қўшниси) номини олган машхур ватандошимиз Маҳмуд Замаҳшарийдан нега сиз ҳар доим Маккан мукаррамага ошиқаверасиз деб сўраганларида ул зот “ибодатнинг лаззатини, Аллоҳнинг ҳайбатини фақат Маккадагина сезиш мумкин” деб жавоб берган эди. Диёнатнинг дунёвий ечими ҳам бор. Инсон ўз оиласини (ота-она, жуфти ҳалол, фарзандлар) сотиши мумкинми? Инсон ўз ҳалқи ва миллатини сотиши мумкинми? Инсон ўз Ватаниничи? Бу саволларга фақат битта сўз билан, яъни “йўқ” деб жавоб берамиз. Ўша қатъий йўқни “ҳа”га айлантирганларни диёнатсиз деб аташ керак.

Ота-она битта, Ватан ҳам битта, демак, уларни алмаштириб бўлмайди. Демак, тез-тез дуоларимизда динимни, иймонимни ва диёнатимни омон сақла, деб сўрашимиз керак экан. Диёнатда адашмоқлик фақат билимсизлик хосиласи, хиёнат эса динга, ватанга ўз оиласига қилинган қўрнамаклиқдир.

ШУКР, ҒАЗАБ, ҚАНОАТ

Бизлар аслида дунёвий оламда умргузаронлик қилаётган бўлсақда ҳеч қачон ухровий оламдан ташқарида эмасмиз. Сабаби ўрганишни осонлаштириш учунгина уларни иккига бўладилар. Аслида дунёвийликда динийликни, динийликда дунёвийликни кўрамиз. Ҳар қандай дин, ғоя, таълимотлар инсонга йўналтирилган. Мохиятан айтилган оламлар бир бирини тўлдиради. Икки оламни ўрганувчи фанлар ҳам бир бирини тўлдиради. Уларни алоҳида деб шархламоқ нодонликдир. Улар орасига Хитой девори қўймоқлик икки карра нодонликдир

Инсондаги шукр ҳам икки дунёни бир бири билан боғловчи хилқатдир. Инсон худодан ниманидир сўради ва унга эга бўлди. Неъмат берувчи зотга мақтов сўзларини айтиш ва ўша неъматни уни берган зотнинг розилиги йўлида ишлатиш шукрдир. Эришган бойликни бошқаларни камситишга, халққа зарар келтиришга, одамларнинг зиёни учун ишлатилса, шукрга зид иш бўлади. Масалан, ақл неъматидан фойдаланиб қабиҳ ва разил йўлдан борувчи инсонни шукр қилувчи деб бўладими? Шукрни моҳияти асл неъматни ҳис қилиш ва изхор қилишдир, тангри эҳсонига нисбатан бўлган ирфондир. Шукр билан савоб ва ажр ҳам гўзал мақтовдир. Шукрни фақат банда амалга оширади, дейишлик хатодир. Шукрни Аллоҳ ҳам адo этади: у ўзининг шукур қилгувчилик сифати билан инсонни оз қилган амалига кўп савоб бериш билан мукофотлашини ваъда қилган. Эсланг, “шукр қилсангизлар неъматларимни зиёда қилиб бераман”, - деган мазмундаги ояти каримани! Тил шукри (неъмат берувчига ҳамду сано (мақтов) айтиш) ва аъзоларнинг шукри (азоларнинг шукри фақат ҳалол ва савоб йўлида ишлатмоқлик) каби шукр турлари мавжуд. Шукр ризони ҳам ўз ичида сақлайди. Ризосиз шукр йўқ, Шайх Муҳаммад Содик Муҳаммад Юсуф шукр инсон иймонининг ярмидир деган фикирни берган. Шукирнинг зиди куфрони нематдир, яъни бу мол, бу бойликни мен ўзим топдим. Мен,

ақллиман, демак бойман, мен қудратлиман, мендан ҳамма қўрқади, мен амалдорлигим зўрлигимдандир, деган фикрлар куфрони нематни ўзидир.

Яна бир ҳақиқат: Бирор одамга берилган неъматида ўша бандани синамоқликни ҳам мақсад қилинган бўлади. Аввало шукр қилса ҳам, куфрони неъмат қилса ҳам инсон тангри учун на фойда, на зиён келтира олади. Шукр қилгувчи ўзи учун шукр қилади. Тангри доимо бандасини кузатиб турганини хис қилувчи одам ўзига берилган яхшиликни қувватидан манманлик, исроф ёки бошқа салбий ҳолатлардан ҳоли бўлади. Неъматни берувчи Аллоҳ эканлигини таън олмаслик, унга ҳамду-сано айтмаслик, неъматни номақбул йўлга сарфламоқликни куфрони неъмат дейилади. Бундай муносабат яратганни таън олмасликка, манманликка, ғазабга сабаб бўлади. Мухаммад (с.а.в) намозда туравериб оёқлари, болдиrlари шишиб кетар экан. У зотга: сизнинг аввалию-охирги гуноҳларингиз кечирилганку, нега бунчалик такаллуф қиласиз?, - деганларида “шукр қилувчи банда бўлмайманми?” - деган жавоб қилдилар. Имом Байҳақий ҳазрат Алидан ривоят қилади “Албатта неъмат шукр ила улангандир. Шукр эса зиёдага боғлангандир. Уларнинг иккиси бир жойга жойлаштирилгандир. Бандадан шукр узулмагунча Алоҳдан зиёда қилиш узилмайди” - деди ҳазрат Али (к.в). Абдуллоҳ ибн Маъсудга тақво нима, -деган савонни берганларида “Аллоҳга итоат этиб, исён қилмаслик, уни эслаш ва унумаслик, унга доимо шукр қилиб, куфурга кетмаслик”, - деб жавоб қилгандилар. Ғазабга келсак у ҳам ноҳуш маънавий жиноятдир. Ғазаб билан ҳеч бир иш яхши яқунланмайди. Бошқа одамнинг дил шишасини ғазаб билан синдирилади, вайрон қилинади. Кўпинча ғазаб билан бола тарбияламоқчи бўламиз, иш ўргатмоқчи бўламиз ёки тушунтиromoқчи бўламиз. Ғазаб қилувчи рухшунослар таъбири билан айтганда ғазаб қилинганга 70% га руҳий озор берар экан, қолган 30% билан ўзининг дилини яралар экан. Бу нарса йиғилиб-йиғилиб ғазабли киши танасига заҳарли таъсир қилиб, охири барвақт ўлим томонга олиб келар экан. Демак, ғазаб қилувчи ўзи бенасиб қолмас эканда! Оли-имрон сурасининг 134 оятида “Ва ғазабларини ичларига ютадиган” инсонларни улуғлаган. Абу

Сайд Худрий исми машхур саҳоба Расулиллоҳдан ҳикоя қиласи: у зот: албатта ғазаб ўтдан учқундир. Ким ғазабланса, тик турган бўлса ўтириб олсин, агар ўтирган ҳол ида ғазаби тўхтамаса ётиб олсин, агар ётиб олган ҳолда ҳам ғазаби келса, тупроққа думаласин – деди. Ким ўч олишга қодир бўлиб, ўч олмасдан газабини тийса, тангри уни қалбини розилик билан тўлдиради.

Абу Лайс самарқандий “Танбех-ул-ғофилийн”да инжилдан парча келтиради: Эй одам фарзанди! Мени ғазаб келганда эслагин мен ҳам сени ғазабим келганда эслайман. Сенга берган ёрдамимга рози бўлгин. Албатта, менинг сенга ёрдамим ўзинга қилган ёрдамингдан яхшидир [2,205]. Уч ҳислат, дейди фақихлардан бири, кимда бўлмаса иймон лаззатини тотмайди: халимлик - у билан жохилни жохиллиги қайтади. Тақводорлик - ҳаром нарсалардан сақлайди, чиройли хулқли бўлмоқлик - одамлар орасида обрўли қиласи.

Расулуллоҳдан сўради? Ёмон одам ким? У зот инсонларга ғазаб қиласиган ва инсонлар унга ғазаб қиласиган кишидир, - деди. Ундан ҳам ёмонроги ҳожандмандга ёрдам бермайдиган, узрни қабул қилмайдиган, гуноҳни кечирмайдиган кишидир. Инсонда қаттиқликдан кўра юмшоқлик кўп фойдалидир. Чунки юмшоқликнинг мазаси бошида аччиқ охирида жуда ширин бўлади. Шашқалоқликда уч нарса бор: ичида надомат қиласи одамлар уни айблашади, тангри жазолайди. Сабрда ҳам уч нарса бор: инсон қалби билан хурсанд бўлади, одамлар мақтовига сазовор бўлади, тангри у билан бирга бўлади.

Муҳаммад (с.а.в) дан ривоят қилинади: қиёмат куни ҳар қандай ҳолат ёки ишда ҳам Аллоҳга шукр қилганлар оёққа-турсын дейилади ва бир қисм инсонлар ўринларидан турадилар ва жаннат сари йўл оладилар. Улар ичида қалби билан тили билан шукр қилгувчулар бўлади. Яъни бу дегани қалби билан яхши нарсаларни ният қилмоқ ва барча жонзодлар учун қалбда яхши фикрларни жо қилмоқ, демакдир. Тилга чиқувчи шукр сидқидилдан қалдан айтилганидир. Ҳадисларнинг бирида [4,272] “ҳамд ёки шукр Аллоҳнинг

киядиган чакмонидир” (Чакмон инсонга қанчалик ёқимли бўлса , ҳамд ҳам Аллоҳга шунчалик ёқимлидир, дейилган) Аллоҳ яна: комил бандаларни комиллиги эвазига улардан қилган гуноҳларидан рози бўлдим, деган эди. Аюб (а.с) га шукр итоатдир, ибодатдир шикоят эса динда хунук нарсадир, Ўйлан: шикоят қилувчи бошига келган мушкилликдан шикоят қиласди.

Демак, у мушкуллик юборган зотдан шикоят қилмоқда. Қаранки у кимга шикоят қиласди? Бу нарса тақдири илохийга рози бўлмаслик, балоларга сабр этмаслиқдир. Кўлидан келмайдиган нарсага осилаверса, фақат ўз ўзига жабр қиласди. Шикоят ёки нолишни бошқаларга эмас, фақат тангрига айтгани яхши. Ўз ҳолатини, талабини тангрига айтмоқлик олийжанобликдир. Зоро балоларни бандадан йўқотиш фақат уни қўлидан келади. Ундан бошқасига шикоят қилиш тубанликдир. Ҳеч қачон инсон инсонга зорланмасин, чунки бу жуда хунук ишдир. Қалб, тил, аъзолар шукри шуки, уларни бизга беназир ҳадя қилган зотга миннатдорчилик қилишимиздир. Инсон ҳар қанча чиранмасин, улардан биронтасини ўзи яратади. Масалан, маломат қилинаётган турли гуноҳ ва айб нарсаларга қаращдан кўзларини олиб қочмоқ-кўзларнинг шукридир. Гуноҳ ишларга бормай савоб ишларга бормоқлик оёқларнинг шукри, ёрдамга мухтожларга қўли билан муруват кўрсатиш, далда бериш, ширин сўзлаш қўл ва тилнинг шукридир. Энг ёмони ўзи олим бўла туриб ўша олимликни мен ўзим қўлга киритганман, деб керилувчи олимнинг шукр қилмаганлиги ва шу ҳолат билан ўз умрини совурганидир. Олимнинг илми туфайли ўша олим ё абадий саодатга эришади ёки абадий фалокатга эга бўлади. Агар чуқур ўрганган илми билан абадий саодатга эриша олмаса, у ўзини синов учун берилган соглик ва хотиржамликни ҳаром қилган бўлади.

Ҳазрати Умар доимо умматнинг бошига мунофиқ олим келиб қолишидан хавотирда эди. Ундан сўрадилар мунофиқ олим ким ўзи? У жавоб қилди: тили олим, қалби жохил, илмга амал қилмайдиган одам. Мунофиқ дегани тили бошқа дили бошқа инсондир. Унинг қисмати сураи бақарада

келтирилган. Шунинг учун, Хасан Басрий: Олимларнинг илмини, файласуфларнинг назарияларини тўплаб, амалда нодондек иш кўрувчилардан бўлма деб шогирдига тушунтирас .

Сўфиёни Саврий исмли саҳоба: Илм амални чақиради. Агар ижобат этса, илм қолади. Ижобат этмаса илм кетади. Чиндан ҳам талаба илм ўрганаётганда олимдир. Олим бўлдим энди бас деб хулоса чиқарган чоғидан бошлаб жохилдир. [4, 2. 222-223]

Қаноат нима? Кифоя миқдори оз нарсага рози бўлишлик қаноатдир. Берилган умр, соғлик, мартаба, мавқе, ўтган кун учун розилик қаноатни хосил қиласди. Керагидан ортиғини сўрашлик унинг орқасидан елиб югуришлик инсонни таъмагирга айлантиради. Аллоҳнинг расули: Мўминнинг олижаноблиги кўнгил тўклигига ва Аллоҳдан бошқа кимсанинг миннатига қолмаслигидир. Қаноатли бўлишда хурлик ва ўз-ўзига беклик бор” –деб марҳамат қилган. Янги тушган келин янги шароитга кўниб кетиши учун уни аввал огоҳлантириб, тайёрлаб, турмуш нималигини тушунтириб кўйилган бўлиши керак. Иқтисодий ночорроқ оиласа тушган, аввал ўз оиласидаги тўкин-сочинликни топа олмаган келин янги оиласдан совиб кетишининг сабаби юқоридагиларда айтилди. Қаноат тарбияланган қиз албатта янги оиласда томир-илдиз отади. Камчиликларга қаноат қиласди. Қаноатдан фазилатли бойликни, таъмадай инсонни эзгувчи қашшоқликни бошқа жойдан топиш мушкул.

Имом Ғаззолий айтади: “Қаноат менга олийжаноблик либоси бўлиб кўринади,” қаноатдан ҳам азизроқ бойлик борми? Қаноатни ўзингизга темир бошли мол қилиб олинг. Ундан кейин эса тақвони сармоя қилинг! Шундай қилсангиз икки тарафдан бойлик ортирган бўласиз. [4, (2), 88]

Нафсингизни озгина миқдорга қўндиринг, чунки у ўзига керагидан ортиғини истайди. Сиз бутун яшаган ва яшайдиган умрингиз давомида фақат ўзингизга аталган (буюрилган) замон ичida яшайсиз! Ризқ сиздан юз ўтирган пайтларда қийинчиликка чиданг, қўлингизда борига қаноат қилинг.

Хасисларга эргашманг, тўйиш ва чанқоқни қондириш жиҳатидан сизга қаноатли бўлиш кифоядир. Расулуллоҳнинг уйларида овқатни эртага олиб қўйиш йўқ эди. Тушган, эҳсон қилинган нарсалар кечиктирилмай ўша дақиқаларда мухтожларга тарқатилар эди. Нима бўлса ҳам, қўлга киритаман деган истакда юрганлар кўпчиликни ташкил қиласи. Натижада жиноят йўлига ўтилади. Ёш туриб “қамалган” деб аталувчи тамға ўша инсонга босилади ва у нарса ўша инсонни бир умр тақиб қиласи. Мол дунё иштиёқи хирс-хавасда доимий бўлган одам табиатига ин қурган нарса қаноатсизликдир. Тангри қаноатни ва қаноатли бўлганларни мадх этди. Исломда барқарор, унинг ахлоқи билан ахлоқланган ҳалол ризқ билан қаноатланган ва ҳар бир нарсага қаноатли инсонлар баҳтли инсонлардир. Ҳадисларда: бойлик дегани мол мулкнинг кўплиги дегани эмас, бойлик дегани нафс ва кўнгилни тўқлигидир дейилган. Шундай қилиб Расулуллоҳдан ҳадис (Имом Бухорий): Эй, инсонлар, ризқ талабида хасис бўлманг. Зеро бирон кимса йўқки, унинг насибаси айриб қўйилган бўлмасин. Бандаси дунёдан насибасини олмасдан бурун ўлмайди. Очқўзлик ёмон нарса у инсонни тубанлаштиради, жиноятга бошлайди. Тамагирнинг охирги манзили-дўзах, дунёдагиси ёки ҳаёти дунёда топгани эса маҳбуслик.

Абу Хурайра Расулуллоҳдан ривоят қилган ҳадисда: Тақво соҳиби бўл, инсонлар орасида энг кўп ибодатлиси сен бўласан, қаноатли бўл инсонлар орасида энг кўп шукр қилгани сен бўласан. Ўзингараво кўрганингни ўзинг севган ҳар нарсани бошқаларга ҳам иста, мўмин бўласан – деди. [4, (1), 204]

КЕЧИРИМЛИЛИК, ШАҲВАТ ВА ЖАҲОЛАТ

Чўлдан келган бадавий, пайғамбар (с.а.в)га юзланиб “дин нима ё расулуллоҳ” - деб 3 марта сўради ҳар сафар “Гўзал ахлоқ ” - деган жавобни олаверди. Чамаси, жавобдан қониқмаган бадавий яна тақрорлашни ният қилди ва сўради. Пайғамбар (с.а.в) бу сафар “кечиримли бўлишлик ҳамдир,

тушундингми?” - деди. Уламолар бу ҳадисдан хulosса чиқариб диннинг 75% қисми гўзал ахлоқ дан ва 25% қисми кечиримли бўлишиликдир, - деб хulosса қилганлар. Демак, бирор бирорни ҳафа қилиб қўйса ёки дилини оғритган бўлса, ўша одамни кечириб юбориш, ундан ўч олишдан минг бора яхши ҳислат экан. Кечиримлилик сифати билан безанганд инсонни, у юксак маънавий мақомларга кўтаради.

Бирорни авф этиш ҳам мард кишининг ишидир. Ўч олиш истаги эса ҳис-ҳаяжон билан боғланган. Ҳаяжон ва ҳиссиёт ҳолатида инсон ғазаб қиласди. Бир одам қилган ишини бўйнига олиб, ўтиниб, кечирмоқликни сўраса, авф қилмоқ лозим бўлади. Авф ҳисси фақат ақл эгаси бўлган, ўзгаларнинг зулми ва озорларига чидамли бўлган, сабр қила оладиган инсонларнинг ишидир. Бизга ёки сизга душманликни қалбида сақлаб юрадиган киши қалбида ёмонлик жойлашиб олган одамдир. Қачондир (буни, ҳаёт дейдилар) биз ҳам кимларнидир кечиришига муҳтож бўлиб қолишимиз мумкин. Биз бошқаларни кечиралийк, ўшанда ўзгалар бизларни ҳам кечирадилар. Биз мурувват кўрсатдик, бизга ҳам мурувват кўрсатадилар деган араб мақоли худди шу ҳолат учун айтилгандек. Ҳар доим ёмонликка яхшилик билан жавоб бериш зарур, чунки яхшилик ўша ёмонликни ҳам, унинг соҳибини ҳам хайратга солиб қўяди, у ўз ишидан пушаймон бўлади, боз устига ёмонликка яхшилик билан жавоб бериш ҳам авфдир. У душманни дўстга айлантиради, ёмонлик қилган одам сизни олийжаноблигингиздан ўзини қўярга жой топа олмайди. Бу ҳолатни бошида яратган зотнинг сифати бўлиб, у кечиримли инсонларни севади “Авф қилмоғингиз, кўнгилни кенг тутмоғингиз ва кечирмоғингиз яхшидир. Албатта Аллоҳ кечиравчи ва раҳмлидир” (Тағибун, 14) - деган. Кечиримлиликда душманлик ўрнини муҳаббат эгаллайди, у одам дўстга айланади. Юкоридагилардан ислом кишисига ҳар қанча ёмонлик қилсангиз ҳам бўлаверади, гуноҳларни унга авф қилиш буюрилган, деб хulosса қилмаслик керак. (Шуаро, 40) “Ёмонликнинг жазоси, ўзига ўхшаган ёмонликдир. Ким авф қилса, унинг савобини Аллоҳнинг ўзи беради. Албатта Аллоҳ, золимларни ёқтирмайди.” дейилган. Нахл сурасида

“сизга қандай азоб берилган бўлса, унга ҳам шундай қилинг”, - дейилган.(126) Америкалик шайхнинг фикрини шайх ҳазратлари ўзининг “нахл” китобида (106 бет) келтиради. Христиан дини раҳмлироқми ёки ислом диними, деган саволга шайх Мухаммад Шол (АҚШ лик) “Ислом чақириғи ҳақийқий инсон чақириғидир, бизнингча ислом дини христиан динидан раҳмлироқдир. Ҳатто инжилда “ўнг бетингга уришса, чап бетингни тутиб бер”,”кийимингни тортиб олганга, бошқа кийимингни қўшиб бер” деб айтилган бўлса ҳам. Чунки ёмонликка учраган одамга қасос олиш ҳаққи берилса уни қалби тинчланади. У ҳақиқат юзага чиқиши учун бир ишни қилишга руҳсат олади, кейин қасос олиш имкони бўла туриб авф қилиш яхши, деб кўндирилса рози ҳам бўлади. Ҳеч шубҳа йўқки, бундай авф раҳмат ва иззатдан келиб чиқсан авф бўлади. Аксинча, унга аввалдан авф ҳақида гапирсак қасос олиш хуқуқи берилмаса, у бунга рози бўлади. Лекин, барибир зулмдан ўша одамни ёмон кўриб, кўнади. Сабаби бу ноиложликдан авф қилишдир. Ислом динидаги авф қасос олиш имкони бор бўлган авфдир. Шундай қилиб авф яхши хулқларнинг афзали ва солиҳ инсонининг ахлоқидир. Бир биримизни айбимизни бўйнимизга олиб, кечирсак, олийжаноб инсонлар тоифасига ёзиламиз. Қусур ва қабохатни ўз бўйнига олмоқлик, кечирим сўрамоқлик мард инсонларнинг ишидир. Улуғворлик ва буюклиknинг лаззати ўч олмоқликда эмас, балки авф қилишликдадир. Бир талаба иккинчисига ёмонлик қилди, иккинчиси бунинг учун биринчи талабадан ўчини олди. Натижада ҳар иккисининг ҳам дили вайрон бўлди. Агар улар мардлик қилиб бир бирларини кечирганларида ҳар иккиси ҳам мағрур ва хурсанд бўлар эдилар. Тангри авф ва мағфират эгаси бўлгани боис авф қилувчиларни севади. Вазир Ануширавон: гуноҳкор дўстимни авф қилганимдаги лаззатни ҳеч кимга бермаган бўлар эдим, деган эди. Шаҳватга келсак уни Авлоний бобомиз: “Ҳикмати табийя” қонунининг аҳкоми азлиясина қараганда, ҳиссиёти шахвония бақойи ҳаётга маҳсус бир қуввайи фатриядир. Шаҳват инсоннинг хазинайи жимо қувватини ўлдириш учун сурати машруuada сарф қилинса, вужуднинг закоти, балки бани башар

наслини мадори ҳаётидир, - деб таъриф беради. Агар шаҳватни ғайримашруъ бир йўлда сустеъмол қилинса омонатга ҳиёнат бўлади. Масалан, емак учун яратилган нарсани қадр-қийматини билмасдан, хорлаб, ўринсиз ерларга ташланса, оёқ ости қилинса, куфрана неъмат бўлгани каби хиёнат бўлади. У инсон учун яратилиши бир салоҳдирки, ўрнида истеъмол қилинса вужудимизни кераксиз нарсалардан озод қилур. Акс ҳолда, инсоннинг иффатини барбод қилмоқ билан бирга ҳаётини ҳам ҳароб қиласди. Афсус баъзи ёшларимиз шаҳват ғалабаси ила нафси аммораларига мубтало бўлиб сифилис, захм каби уятли касалликларга дучор бўлмоқда. Қанча меҳнат ва машаққат ила топган маблағларини даволашга сарфлаб, олтиндан қадрли умрларини касалҳонада ўтказадилар [ўша жой 42 б]. Агар шаҳват яратилмаса инсон зурриёти бўлмас эди. Демак шаҳватни иймондан келиб чиқиб, авайламоқ ва ишлатмоқ ҳам ахлоқ, ҳам ибодатдир.

Жаҳолат, аслида нодонликдир. Нодонлик, эса билимсизликдир. Барча ёмон хулқлар жаҳолатнинг болаларидир. Жаҳолат туфайли ширин ҳаёт мотамга айланиши мумкин. Халқ шоири Назирулло Исломнинг “Рұхлар исёни” номли поэмасида бир табибнинг кўр кишини кўзини очганлиги ҳикоя қилинади. Кейинчалик, табибни шаккокликда айблашиб, қози уни ўлимга ҳукм қиласди. Катта майдонда табибни дараҳт танасига боғлашиб, унинг оёғи остига ўтин қалаштирадилар. Шунда бир боғ ўтинни қўтариб келаётган собиқ, кўр инсон ҳам уни табиб пойига ташлайди. Кўр табибга бекорга кўзини очганидан зорланади. Бу кўриниш жаҳолат эди. Билимсизлик инсонни жаҳолатга етаклайди. Жаҳолат бор жойда, эзгуликка ўрин қолмайди. Маҳалла йигитларини кузатаман, бир бирларига дўст бўла туриб билимсиз билимсиз билан, ўқимишли ўқимишли билан, ўқимаган ўқимаган билан суҳбатлашганини қўриб ёқа ушлайсиз. Гап гаштакларда билимли инсон атрофида билимсизлар йигилса, уларнинг билимларидан баҳраманд бўлса қандай яхши. Гап-гаштаклар ичкилик ичиш учун ёки пул йиғиш учун ташкил қилиниши жаҳолатдан бошқа нарса эмас. Инсонга бешикдан қабргача билим ўрганмоқлик фарз қилинганлиги ёинки “илмни Хитойдан бўлса ҳам ўрганиб

келинглар”, - деган хадисдаги ибратли хулосалар жаҳолатдан сақланишни тавсия қиласди. Маориф, илм ва маданиятдан маҳрум халқ жаҳолатга юз ўгиради ва жаҳолат панжалари орасида ҳамр каби эзилади. Илм марифат қишилари эса ақли ва билими соясида ҳар бир ишни мантиқ ва тафаккур билан бажаради. Авлоний бобомиз ҳар бир нарсанинг ҳақиқати ақл ва ирфон, илм ва дониш эгаларига роҳат, жохил ва нодонларга азият бўлиб таъсир қиласди деган фикрни берган. Жаҳолат эгаси қасрда бўлмасин, шараф ва иззатга нолойиқдир. Моддият жиҳатидан бой бўлса ҳам, маънавий жиҳатдан факир ва залил ҳисобланади. Жаҳолат эгаси факир ва муҳтоҷлиқдан минг марта қўрқинчлироқ ҳолатда қарор топган бўлади. Жаҳолатдан ёмонлик, балолар, хорликлар кетма-кет туғилаверади. Ҳазрат Али: “фазли камол соҳиблари жохилдан қанча жафо чекса, жохил ҳам ақл ва билим соҳибларидан шунча паст саналур”, деган. Сукрот эса “дунёда энг ёмон иллат жохилликдур, мен жохилга ачинганимдек кўрга ачинмайман”, - деган эди. Араблар “Ал-жохилу маййит ул ахё” яъни нодон киши тирик ўлиkdir, дейишади. Нодон дўстдан зийрак душман афзал, - дейди кексалар. Оқил душманинг зарари нодон дўстнинг фойдасидан авфзалдир. Афлотун эса “жохилнинг яхши нияти фозилнинг хусуматидан заарлироқдир” деган фикрни берган. Бизлар юқумли касалликлардан хазар қилганимиздек жохилликдан хазар қилсак дуруст бўлади. Фарзандларимиз, ҳонадонимиз зурриётларимизни жохиллик ва нодонлик балосидан қутқаришимиз зарур. Бу савобли ишни даъвоси илм-маърифат бўлиб, билимли инсон ҳеч қачон адашмаслигини эсда сақлаши лозим бўлади.

ИККИЮЗЛАМАЧИЛИК (НИФОҚ) ВА МУНОФИҚЛИК.

Икки юзламачилик илмий тилда нифок, ислом таълимотида эса мунофиқлик дейилади.

Нифоқ деб, бир одамнинг олдида бир хил, бошқа пайтда унинг орқасидан бошқа хил сўзланадиган ҳолатга айтилади. Хийлакор, кўрнамак, ёлғончи одамлар борки, улар ўзларининг манфаати учун ҳеч нарсадан тоймайдилар. Сиздан фойда қилиб турганда, сизга дўстлик изҳор қиласди ва миннатдорчилигини доим билдириб туради. Бошингизга муаммо келгандаёқ, биринчи бўлиб сизнинг гўрингизга ғишт ташийди. Мунофиқлик, албатта қалб хасталигидир. Унинг асосида нифоқ сўзи ётади. Муқаддас китобимизда мунофиқлик мўминлик ва қуфр орасидаги ҳолат (ва албатта салбий ҳолат) сифатида қораланган. Сиртдан ўзини мўмин қилиб кўрсатади, ички жиҳат бўйича унга лойиқ бўлмаслигини нифоқ деб баҳоланади. Одамлар қўзида баъзи амалларни қилиб юриш, аслида эътиқоди бузук одамнинг хавфли томони шуки, унга ишониб қолинади ва бошқа инсонларга зарар қиласди. Саҳобалардан Абу Саид Худрий: икки хил қалбнинг биринчиси тўғри қалб бўлиб, унда киши кўнглини ёритувчи қандил бордир. Бу қалб мўминнинг қалбидир. Иккинчиси майлли қалб бўлиб, унда иймон ҳам, нифоқ ҳам бордир. Бундаги иймон ниҳолга ўхшайди, чучук сув уни ўстириши ҳам мумкин, қуритиши ҳам мумкин. Нифоқни эса бир чипқонга ўхшатди: қонли ииринг уни тузатиши ҳам мумкин, баттар қилиши ҳам мумкин.

Расулуллоҳ (с.а.в) айтди: тўрт нарса кимда бўлса, у ҳақиқий мунофиқдир. Ҳатто у рўза тутаётган, намоз ўқиётган ва ўзини мўмин ҳисоблаётган бўлса ҳам: 1) сўзига ёлғон аралаштиrsa; 2) сўз бериб, сўзида турмаса; 3) омонатга хиёнат қилса; 4) уришиб қолган кишисини айбларини ўртага тўкиб солса;

Юқорида зикр қилинган мунофиқлар дўстлик ва иттифоқликнинг душмани бўлганидан дунёда иззат, охиратда эса роҳат юзини қўрмайди. Начора, мунофиқликнинг сабабчиси дин илмини билмаслик, қилаётган қилиғи тўғри-нотўғрилигига ақли етмаслик бўлиб, қалбнинг мусаффо эмаслиги аломатидир. Уларга амри маъриф, ҳадис, ривоят ёқмайди. Гўёки, улар ўзини осмонда ҳис қиласди. Мағрурлик ҳатони тан олишга йўл қўймайди. Одамлар орасидаги оқ кўнгиллилик, тўғри сўзлик билан бирга,

ёнма-ён мунофиқлик борлиги табиий ҳолатдир. Инсон доимо ақл ва тажриба соясида, эхтиёткорлик билан оқ-қорани, яхши ва ёмонни, дўст ва душманни фарқини билсин. Доимо қалби поктоза ҳулқли, гўзал ахлоқ ли кишилар билан дўстлашсин. Икки юзлама, бадхулқ, ҳаром-ҳалолни ажратолмайдиган мунофиқлардан хазар қилсин.

Журжоний нифоқни: “тил билан иймонни изҳор қилиб, дилдан куфрни беркитишдир”, - деб таърифлаган. Нисо сурасининг 145-оятида; “Албатта, мунофиқлар дўзахнинг энг остки қаватидадурлар ва ҳаргиз уларга бир ёрдамчини топа олмассан”, - деб Аллоҳ марҳамат қилган.

Куйидаги сабабларга қўра мунофиқлар заарар тортувчилардир; уларнинг амали қабул эмас; у қалbidаги яра(мараз) туфайли бошқаларга етган мусибатдан хурсанд, худодан келувчи яхшиликлардан эса маҳзун бўлади; У баҳил, молини риё учун сарфлайди. Мунофик, куфр кишидан-да хавфли; Мунофиқни сиртдан мусулмонлиги алдовчандир; У туфайли динга заарар етади. Шу боис Бақара сурасида аввал мусулмонлар, куфр эгалари, кейин мунофиқлар ҳақида гап кетади ҳамда мунофиқликнинг ҳукмлари баён қилиниб , уларга ҳаммадан ҳам (куфрдан ҳам) аламлироқ, қаттиқроқ азоб берилиши ҳамда уларнинг жойи жаҳаннамнинг энг қаърида эканлигидан огоҳлантирилган. Риёкорлик, алдамчилик, хиёнат, ёлғончилик, иккиюзламачилик, ваъдага хилоф ишларнинг келтириб чиқарувчи сабаб мунофиқликдир. Чин инсон нифоқдан ҳудди даҳшатли оловдан қўрққандек қўрқиши керак. Ўша ҳолатга тушмасликнинг тараддудини кўриб бориши даркор.

Бунинг даъвоси Аллоҳнинг тез тез зикрини қилиб туришлик, чунки шунда унинг қалби поклана боради, ўзи эса мусулмонлашади. Қуръон маърифатидан узоқлашилса, инсон қалби моғорлашади. Унга эса зикр ҳам, маърифат ҳам таъсир этмайдиган бўлиб қолади. Баъзи мулоқотларда сизни тингламай бошқалар билан гаплашиб ёки ўз телефонидан телефон қилиб, гўёки айтилган масалани унга ҳеч қандай алоқаси йўқдай тутади. Чин инсон нифоқ ва унинг алломатларини яхши таниб олади ва улардан узоқлашади.

Мунофиқнинг қизиқ одати бор. Ҳонадонига, ўз ўз яқинларига мусибат етганда ҳам фикр қилмайди. Дарвоза олдида тўнларни кийиб, эл кўзига мусибат эгаси бўлиб кўринади-да, бирор ой, ҳафта, ўн қун ўтиши билан яна ўша маънавий жиноятлар денгизига шўнгийди. Фикриллоҳ, зикриллоҳ ва шукриллоҳ гўёки унга ёт нарса бўлиб кўринади.

Бир танишим ўзини оқлагандек деди: Менда ҳеч қандай гуноҳ йўқ, бирорни ўлдирмадим, тан жароҳати етказмадим, ҳаққини емадим, тез-тез ўзимни хурсанд қилиб тураман ҳолос. Яъни оз-моз ичиб юрибман. Аниқроғи, ўзимни пулимга ичиб юрибман, - деди. Албатта, бу унинг дунёқараши, “ҳаётий” хулосаси. Ичкилик барча гуноҳларнинг, маънавий жиноятларини онаси десангиз, тушунишни хоҳламайди. Ичган одамнинг атрофдагилар, оила аъзолари, қўшнилари ёқтиармикан? Набиралар, “ана қаранглар, оппоқим маст-аласт, демак, биз ҳам катта бўлсак оппоқимга ўхшаймиз-ми?”, - деб хулоса чиқариши керакми? Келинлар, турмуш ўртоғи, мастни кўрганда иchlаридан зил кетиш, кўнглидан афсусланиш ҳолатлари юз бермасмикан? Маҳалла ахли орасида оила ҳақида гап кетганда “фалончи алкашнинг оиласи”, “ичувчининг оиласи” каби таъки- лаънатни нима билан ўчириб ташлаш мумкин? Дин таъқиқладими, демак, ҳаром қилинган нарсани “йўқ мен учун ҳалол ”, яъни “мен ичмасам бўлмайди”, - дейишлиқ ё қайсарлик, ёки ҳайвонлик ёки беҳабарликдир. Шариат хукмлари кимнингдир фойдасини кўзлаб чиқарилмайди. Балки, Қуръони карим ва ҳадиси шарифга асосланади. Синфдош, қадрдонларимдан икки нафари шу ҳолатда эканлиги мени доим ўйлантиради. Улар ароқ туфайли баланд мартабага эришмадилар ва эришмайдилар ҳам. Ҳозир соғлиғи яхши эмас. Фақат, афсус-надомат иш бермай қолиши, кеч бўлганда ҳатони англамоқликдан фойда йўқ.

ЗИКР ВА АХЛОҚ.

Улуғлик шкаласи бўйича энг улуғ амал Қуръон тиловати бўлса, кейингиси зикрдир. Зикр тил ибодати саналади, нафсни поклайди ҳамда

ахлоқ ни сайқаллайди. Тилда турли нарсаларни зикр қилиш мумкин, лекин исломий зикр пайтида Аллоҳга дуо қилиниб, ундан ҳожатлар сўралади. Зикрнинг лисоний маъноси эслаш, сўзлаш, тилга олиш, хотирлаш, баён этиш, шарҳлаш кабилардир. Зикрнинг икки турга бўлишади: тил зикри ва дил зикри. Зикр инсоннинг ўз роббисини иккала тур билан эслашидир. Зикр пайтида тангри, унинг сифатлари, буюрганлари эсланади, ул зотга дуолар қилиниб ҳожатлари сўралади. Қуръон тиловати ҳам зикрдир, ул зотни улуғлаш ва сон саноқсиз мақтовлар айтиш, шукrona айтиш ҳам зикрдир. Намоз, рўза, закот ва хаж вақтидан ибодатлари замирида ҳам зикр ётади. Зикр доимо фикриллоҳда, шукруллоҳда ул зотни эсламоқлиkdir. Қазои ҳожат ва хутба пайтида зикрни шариат маън қилган. Қуръони каримда “Зикриллаха – зикран касиро”, яъни Аллоҳни кўпроқ зикр қилинглар деб буюрилган, ҳамда зикр килувчилар мақталган. Зикрнинг мукофоти нажотdir. Айтишларича, зикрнинг буйруқ ва фазилатлари бир юз етмиш тўрт оятда эслатилган. Зикрни унутмоқлик ёки унинг ўрнига бошка нарсалар билан ҳаётнинг сармоясини тугатмоқлик кораланган. “Тоҳа” сурасида кимки зикрдан юз ўгирса, унда ҳаётда торчилик етиб келиши ва кўр ҳолатда охиратни топишлиги ёки тақдир қилинишлиги айтилган. Тангрининг унутмоқлик, зикрни тўхтатмоқлик или инсон ўз-ўзига душманлик қилган бўлади, ҳаёти дунёдаги насибаси танглик тўла умргузаронлиkdir. Баъзи инсонларни табиати қизиқ: ҳаётида одамларни қахшатади, ёмонликни кучайтиради, мен фалончиман деб кибрни кучайтиради, ҳамда бошқалар мени олдимда ожиз деган суурarda юраверади. Зикр билан бир пуллик ҳам иши йўқ. Бошига мусибат тушсагина одамлар кўзида яъни дарвоза олдида чопонлар кийиб ўзини бамисоли, “художўй” қилиб кўрсатади. Бир неча кун ўтқазиб, гўё мусибат бўлмагандай яна ўз бадкирдорлигини давом эттираверади. Унинг дунёқарашича зикр ахли, ахли иймон, оддий одамлар қолоқ одамлар эмиш. Бу нарсанинг номини залолат дейилади. Аслида бу ҳолатнинг ўзини мен ул зот билан ишим бўлмагани учун, уни ҳам мен билан иши йўқ (яъни у мендан юз ўгирган), дейиши тўғрироқдир. Нажотга

келмасликнинг ўзи ҳаёти дунёда аслида унга берилган жазолигини тушунмоқлик ва унинг учун ақл берилганигини англамоқлик керакдир.

Зикрга йўғрилган ҳаёт, фикриллоҳдаги ҳаёт, шукруллоҳдаги ҳаёт бутунлай бошқа ирфон. Унинг замирида риё йўқ, сохталик йўқ, қибр йўқ. Зикр инсонни қалбан худо билан боғлайди ва ўша инсонда “мен тангрининг кузатувидаман”,- деган сергакликни хосил қиласиди. Бақара сураси 152-оятда: “Бас, мени эслангиз, сизни эслайман”, - дейилган. Ул зот фақат синамоқлик учун шундай демоқда, унинг бандаларда ҳожати йўқ (у беҳожатдир ва ҳамма муҳтоҷлик инсонларда). Бандани эслаши билан Аллоҳнинг эслаши тенгми? Яъни, ҳеч нарса эмас бўлган инсонни эслаши қаердаю, Аллоҳнинг бандани эслаши қаерда? Чунки у ўта меҳрибон ва тенги йўқдир. Одамларга ёқимли ва тангрига ҳам ёқимлилари гўзал ахлоқ соҳиблари эканлигининг хабари берилган. Ота-она ўз фарзандига чиройли тарбиядан-да буюкроқ нарсани совға қила олмайди. Қалам сурасида: “Албатта, сиз буюк хулқ узрадирсиз”, деб ўз расулини мақтаган. Хўш, буюк хулқ нима? Албатта гўзал ахлоқ дир. Ўтмиш мутафаккирларининг деярли кўпчилиги у ёки бу даражада ахлоққа мурожат этганлар. Сабаби у комил инсон, художўй инсон, камтар инсоннинг сифати саналади. Ахлоқ сизлик бор жойда бизлар, унинг соҳиби қандайин чиройли, бой, мартаба соҳиби бўлмасин, уни қоралашга ўрганганмиз. Лекин ахлоқ қа унчалик катта аҳамият бермайдиган элатлар борлиги ҳам рост. Катта-кичик бир-бирини “сен” деб кетаверади. Ота-онага чиройли муносабат шарқ халқларида юқорироқ дейилса, рост сўзлаган бўламиз. Ғарбда эса бу ҳолатни қолоқлик деювчилар ҳам топилади. Бунинг сабаби ғарбдаги ҳаёт тарзи бўлган индивидуализмда. Жамоавийликни хуш кўрган Шарқ эса ахлоқни чиройли бўлишилигига, ота-фарзанд муносабатларини ахлоқ билан безашга эътибор берган. Яна бир муҳим томони, ахлоқни ислом дини юксак сифат деб эълон қилганида дейиш жоиздир. Гўзал ахлоқ, чиройли муомала, қариндошлиликни боғлаш, атрофдагиларга раҳм-шафқатни аямаслик, сендан яхшиликни дариф тутганларга уни зиёда қилишинг, зулм қилганларни кечириб юборишингдир.

Мұхаммад (с.а.в.) ҳар куни масжидга борадиган йўлда жойлашган бир ҳонадонда кампир (яхудий) бўлар эди. Қачон у зот ўша жойдан ўтсалар чеалқда ювинди сепиб у кишига озор берар эди. Кунлардан бирида кампир кўринмай қўйди. У киши бу ҳолатни суриштиридилар. Айтишди, кампир бетоб бўлиб ётиб қолган экан. Ул зот ёнидагилар билан ҳонадонга ташриф буюриб, кампирни ҳол идан хабар олдилар, совға бердилар. Кампир шундан кейин калима келтириб мусулмон бўлди. Инсонни толесизлиги нима, деган саволга Расуллулоҳ: “ёмон ахлоқ деб жавоб берган. “Ҳамма нарса мумкин” тамойилини маҳкам тутган халқлар эса бугун фарзандларнинг ахлоқсизлигидан нолимоқда. Лекин мустақил фикрлаш, ҳаёт чигаллигини мустақил ҳал этиш ғарбда устуворлиги ҳам рост гап. Шарқдаги ахлоқ қобиги бунга йўл қўймайди, деювчилар ҳам бор. Нима бўлса ҳам эзгуликни, ахлоқ ни маҳкам тутмоқлик оила, миллат, халқни менталитетини белгилаб келаётгани юртимиз учун ғоят ижобий ҳолат эканлиги рост гап.

Кексаларимиз, гўзал ахлоқ ни ёшларимизга сингдириб келаётгани, оиласвий мухитимиз ахлоқ маскани эканлиги бизларга мамнуят бағишлиайди. Махалла институтлари ҳам ахлоқ тарбиясига улкан ҳисса қўшиб келмоқда. Баъзан, ёшларимизга катталар ўгити ёқмай қолиши мумкин. Шу қарияга нима зарур, ўзи? Қарияга ҳеч нарса, аслида керак эмас! Фақат ёшларимизни ахлоқ ни унубиб қўйишидан хавотирда. Ким ҳам ўз зурриётiga, қариндошига, қўшниларига, биродарига ёмон ахлоқ ни раво кўради? Ҳеч ким! Демак, қариялар борки, тарбиямиз гўзал. Уларни эслатиб, огохлантириб турганлари яхши. Бугунги ўша ёш авлод қариянинг ёшига етганда, унинг қадрига етади. Ўзбекистонни гўзал ахлоқ ва гўзал маънавият устувор юртга айлантириш бош мақсадимиздир. Чунки жасадимизда буюк алломалар қони оқмоқда.

ИЛМ ИЗЛАШ ФАЗИЛАТИ

Илм ва илм излаш ҳамда ундан келиб чиқувчи хурсандчиликлар ва муаммолар ҳақида минглаб мутафаккирлар бош қотирганлар, ҳатто

масаланинг ечилишини ҳам баён қилганлар. Яна ушбу эски ва замонавий мавзуга қўл уришга ҳожат бормикан? Аслида бу мавзу яна минг йил кейин ҳам эскирмайди. Инсон бор экан ушбу мавзу долзарб бўлиб қолаверади. Деярли барча уламо ва алломалар илм олишни маънавий юксалишнинг ягона, тўғри йўли деб эътироф этганлар. Қадимий файласуфлардан бири бир инсонни иккинчисига берадиган ҳар қандай бойлигидан аъло совғаси сифатида илмдан қимматлироғини бера олмайди, – деб айтган эди. Имом Табароний ва Имом Байҳақийлар томонидан заиф иснод билан келтирилган ҳадисда “Киёмат куни одамларнинг энг азоби қаттиги Тангри илми билан манфаатланмаган олимдир” – деб Расулуллоҳ марҳамат қилган.

Билимли одам бамисоли кўзи очиқ инсондир. У йўлни аён кўради, чоҳга, чуқурга тушиб кетмайди. Унинг учун хавф йўқдур. Билимсиз баъмисоли кўзи кўр одам кабидир, ҳар қадамда уни қоқилиб кетишилик, шикастланиш ҳавфи таъқиб қиласди. Ҳар қадамда уни қўркув босади.

Ёш дўстим! Фарзандинг билим оляптику, - деб хотиржам бўлма. Билим фақат танага таъсир қилиб, инсонни ўзгартирмаса ортиқча юқдир. Билим кўнгилга ўрнашсагина инсонни кўнгил ахлларидан қиласди. Билимсизлигидан сармаст инсонга билим ўргатаман, деб овора бўлма. Чунки унда истак йўқ. Истаги бор одам билим ахлларини дўст тутади ва улардан билим олишга киришади. Истакни эса тангри беради. Яъни билимга рағбат, майлни қуруқ сўзлар билан ҳосил қилиб бўлмайди. Фарзандимни билим ахлларидан қилгин, унинг дилида, қалбида билимга муҳаббатни зиёда қилгин – деб сўрамоқлик (дуолар қилмоқлик) керак бўлади. Ҳеч нарса ўз-ўзидан юз бермагани каби фарзанднинг солиҳ бўлишилиги ҳам еру-осмоннинг, коинот эгасининг қўлидадур.

Жалолиддин Румий: “билим Сулаймон мулкининг муҳридир, бутун олам жасадтур, илм эса жондур. Товус дехқоннинг уйида яшамаганидек, ҳақиқат илми ҳам ҳар анойининг мулки бўла олмайди!”, - деб айтган эди. Румий ҳазратлари ҳаёт учун фойдали илмни илм деб атайди: “Не-не олимлар

ҳақиқий илмдан, ҳақиқий ирфондан бенасиблар. Бундай олим илмнинг хофизидур, ошиғи эмас”.

Ўтмишда ҳам ҳозир ҳам халқимизда, зар қадрини заргар билади, деган нақл бор. Илмнинг қадрини мактаб кўрмаган халқ билмайди, уни олим одам яхши тушунади. Имом Аъзам ўз шогирди Абу Юсуфга: “Илм қадрига унинг заргари бўлган олимлар етади, жохилларни маъзур тут. Сен илмни оламларни жонлантириш, тиклаш учун ўқи, ҳеч вақт моддий ҳаётинг учун ғам чекма, чунки илм инсонни икки жаҳонда азизу макаррам айлагувчи ягона омилдур” – деб насиҳат қилган эди.

Қадимги Хитойлик Конфуций “Туғма билим соҳиблариға қобилият худо томонидан берилади. Саъи ҳаракат билан билим олувчилар у билан teng бўла олмайди”, – деб таълим берган эди. Билим йўлидаги одам ҳар куни ва ҳар дам билим кетидан эргашмоғи лозим. Мантиқ доирасидаги илмлардан ташқари билимлар ҳакида сўзлаш қийин, чунки ўша билимларнинг асоси бизга қоронғу. Чала билим эгаси бўлгандан кўра, билимсизлик афзалроқ (Иби Сино). Ибн Сино ақлий билишни ҳар қандай эмпирик билимдан юқори қўяди: Ақл тарозусида тортиб кўрилмаган ҳар қандай билим асоссиздир. Шу боис мантиқ илмини ўрганмоқ муҳимдир, - деб ёзади мутафаккир. [11,197]

“Қийин предмет”, “тушунарсиз фан” ибораларини талабалар тез-тез кўллаб турадилар. Шогирд устознинг дарсларида бўлиб, сабоқ ола бошлаганида ўша предмет тушунарсиз бўлиб кўринади. Ҳар бир сабоқ туманликларни тарқатади ва пировард натижада предмет тушунарлига айланади. Талаба ўзига ва фанга талабчан бўлмаса, билим устозидан унга оқиб ўтмайди. Билимни бир шахсдан иккинчисига самарали оқиб ўтиши савиялар ўзаро яқинлашаётганда кузатилади. “Устозим менга ҳамма нарсани ўргатади”, - деган талаба билимли бўла олмайди. “Мен, устозимдан кам билмаслигим, балки ўтиб кетишм зарур”, - деган талабагина билимни кўпроқ эгаллайди. Устоз аслида йўналтирувчи ва йўл кўрсатувчидир. Талабада фаол ҳаракат, изланиш, тахлил, эски ва янги билимларни ўзаро боғлай олишлиқ қобилияти бўлмоғи жуда муҳим. Лоқайд, дангаса, бепарво

талабадан олим, замонавий мутаҳасис чиқмайди. Дипломли бўлиш дегани ҳали том маънода олий маълумотли дегани эмас. Кези келганда, халқимиз орасида машхур иборани келтирамиз: билимли кўп, билимни ишлатган оз. Ёппасига, кўпчиликка амал-тақал усули билан диплом бериш диплом номли хужжатнинг обрўсини тўкади. Бунисиям майлия, ёшларни билимга интилишларини қисман сўндиради ҳам. 250-300 та талаба қатнашувчи талabalар жамоасида маъруза қилиш (60 кишилик гурух маъкулроқ) талабанинг илмни қабул қилишини қийинлаштиради. Боз устига дарс ўтувчи профессор-ўқитувчини тез қартайишига сабаб бўлади. Лекин ўша профессор-ўқитувчи “тренер” усулида маъruzani ташкил қилиб, аудиториянинг ҳамма жойида ҳозиру-нозир бўлиб ва ниҳоят, ҳам билим берувчи, ҳам жазоловчи ролида “артист” бўлиб ўйнасанагина мақсадга етиш мумкин. Маслаҳатимиз, ўша профессор қомусий билим соҳиби бўлса, адолат соҳиби бўлса, ўзига хос сиёсати ҳам бўлса аудитория тизгини унинг қўлида қолади. Бу сўзларни 46 ийллик маъруза ўқиш тажрибасига таяниб айтилмоқда.

Аввало, ижтимоий-услубий жумбоқ пайдо бўлган: нега талабанинг ўзи илм орқасидан юрмайди-ю, ўқитувчи уни мажбурлаб илм олишига даъват қилиши керак? Буюк ватандошимиз Имом Бухорий ҳазратлари қартайган пайтида ўз юрти Бухорога қайтиб келади. Унинг хабарини топган Бухоро амири ўз ўғлига ҳазратнинг келиб дарс беришини буюради. Бухорий эса “илм талабанинг ўзи устоз хузурига келсин. Устоз талабанинг уйига бормайди”, - деб айтади. Бу уни ўз шаҳридан қувилишига сабаб бўлади. Хоҳламаган талабанинг ҳам, иқтидорли ва ношуд талабанинг ҳам аудиторияда ушлаб туриш албатта таълим дастурининг талаби эканлигини биламиз. Нўноқ талаба қўлга киритган дипломнинг тақдири номаълумлигича (сандиқда) қолмоқда. Албатта бандлик дастури орқали талabalarni диний экстремизм ва терроризм хуружидан сақлаб қолинади. Ўтиш даврида банд бўлган талаба оқ-корани ажратиш билан илм қадрига ета бошлайди. Самарасиз ўтган кунидан афсус чекади. Бизнингча, кўпчилик ота-оналарнинг бола тарбиясига вақти йўқ, ҳамма нарсани мактаб зиммасига ташлаб қўйган. Ота-она 6-16 ёш

оралиғида боласи билан энг камида кунига 1 соатдан ишлаш керак. Тарбия ишини ўз ҳол ига ташлаб қўйганларнинг бир кун келиб надоматда қолиши бор гап. Тарбия нафақат оила учун ўта зарур бўлибгина қолмай, балки социал ва сиёсий аҳамиятга молик долзарб масаладир. Ўз аҳамиятини ўтмишда ҳам, келажакда ҳам йўқотмайдиган савобли иш - тарбиядир. Лекин тарбия диний мутаасиблиқдан, жангари ғояларидан ҳол и ҳамда жамият ва давлат манфаатларига зид бўлмаслиги зарур. Фикр қилинг: таълим олишга, даволанишга, ҳалол меҳнат қилишга, тадбиркорлик қилишга, ихтиро ва кашфиётлар қилишга ёки бир сўз билан айтганда инсон ҳаёти ва камолоти учун ҳамма нарса муҳайё қилинган обод мамлакатда яшаётган ёшларга яна нима керак? Бу ёғи, энди тўқликка шўхлик-ми? Жангари оқимларга адашиб кириб қолди, - деган афсусларни эшитиб турибмиз. Хўш ақлинг, калланг, фаросатинг қаерда эди? Бу кўрнамаклиқдан бошқа нарса эмас. Тарбия покиза ва мусаффо бўлсин! Ахир, давлатимизнинг, сиёсатимизнинг, юртбошимизнинг мақсади ҳам халқ ва жамият манфаатининг ўзи-ку! Демак, бу мамлакатда шукроналик билан яшаш, фахрланиш ва унга содик бўлишдан бошқа йўл йўқ ва бўлмайди ҳам. Замондошим, кўзингни оч, ақлингни ишлат, билимли инсонларга, заковат эгаларига ҳasad қилма, ҳавас қил! Сен ҳам билимли бўлишинг, юксак заковатга эга бўлишинг мумкин! Бу ерда ҳамма муаммо сенинг ўзингда! Сендан ташқарида муаммо йўқ! Тестдан ўта олмаган абитуриент айбни олийгоҳга қўяётганига нима дейсиз? Абитуриент, “бизнинг оила камбағал ёки ўртаҳол бўлгани боис, мени ўтказишмади” – деб ота-онасига айтиб боряпди. Аслида мен дангасаман, мен тайёрланмаган эдим. Айб менда, деб айтса тўғри иш қилган бўлар эди. Чунки яхши тайёрланган абитуриент ўз кучи билан етарли бал тўплаб, олийгоҳ талабаси бўлмоқда. Бу ерда ижтимоий келиб чиқиши суриштирилмайди ва тестга алоқаси йўқ.

Қарангки, IX-XI асрларда ҳеч қандай шароит, илмий мактаблар бўлмагани ҳолда аль-Фарғоний, аль-Фаробий, аль-Хоразмий, ат-Термизий, Азизиддин Насафий, Ҳаким Термизий, Абу Лайс ас-Самарқандий каби алломалар илм излаб, бошқа юртларда бўлиб, юксак мартабага эришдилар.

Энди эса шароит ва имконият ўз юртимизда минг чандон бор. Фақат қунт ва илмсеварлик керак, ҳол ос. Албатта, яна бир вақтлар бўлиб ўтган, Марказий Осиё бешик бўлган тамаддун каби (ҳисоб-китобга қараганда XXII - жаҳон тамаддуни) янги тамаддунга яна юртимиз бешик бўлажак.

Халқимизда “бир оққан ариқ, яна бир кун келиб оқади”, - деган нақл бор. Ҳали келажакда ва ҳозир ҳам хорижликларнинг юртимизга қизиқиши минг марта ортмокда. Айрим хорижликлар ўз жонини худога топшираётгандарида “Ўзбекистонни кўра олмай, ўляпман” деб надомат билан кўзини юмади. Албатта, бу шунчаки фантазия, лекин XXI асрнинг 30-40-йилларида бу нарса ҳақиқатга айланади. Нихоят, замондош ёш дўстимга савол берадиган жойга ҳам етиб келдик. Ёш дўстим! Ҳаёт инсонга бир марта берилишини биласан. Сенинг энг қимматбаҳо сармоянг бор! Бу сенинг ёшлик йилларинг, сенинг вақтинг. Ўша бойликни бехуда, фойдасиз, ҳатто заарли ишларга сарфламоқчимисан? Ўтган кунларинг қайтмайди. Ёки 60-70 ёшда ўз йўлингни топиб олмоқчимисан? У ёшда билим олиб бўлармикан? У ёшда соғлиғинг, тоқатинг қолмайди ва ҳеч нарса каллангга ҳам кирмайди. Хотиранг анча пасайган бўлади. Бу дунёга келибсан, сенга комил инсон бўлиб олиш имконияти, жамиятимиз ва давлатимизнинг корига яраш имконияти, қолаверса, жаннати бўлиб олиш имконияти берилган. Агар ўша имкониятлардан фойдаланмасанг, сен ҳеч ким эмассан! Сен йўқсан бу дунёда! Навоий ҳазратлари айтганидек, бу дунёдан ғамнак бўлиб кетиш сенга ярашмайди. Охирини ўйламаслик у зот айтганидек ҳаммомга, кириб нопок чиқиб кетаётган одамга сени айлантиради. Ҳаммомгаку бир неча бор кириш ва чиқиш мумкин. Ҳаёти дунёга-чи? Кўп марта келиш мумкин-ми? Агар мумкин бўлганда эди, яна келганимда комил инсон бўлиб оларман, дейиш мумкиндири. Тушунаман, насиҳат ҳеч кимга ёқмайди. Негаки қалб қорайган бўлса, маърифат ёқмайди. Боз устига Ҳақ таоло хоҳламаса ҳеч ким ҳидоятга келмайди. Агар шу маърифат ёқмаётган бўлса, бу сенинг донолигинг ёки “зўр”лигиндан нишона эмас. Агар шу маърифатнинг, илмнинг ёқмаётганини ўзи сенга берилган биринчи жазодир. Демак, Худо ёрлақаламаяптики, сенга

маърифат ёқмаяпти. Шайтон сени вас-васа қилиб туриди. Иккинчи жазонинг хабари эса Қуръони Каримда берилган.

Биринчидан, меҳрибонлигини, раҳмлилигининг, кечиримли эканлигинин, ҳидоятлилигининг, файзи марҳаматлилигининг, қаҳрли эканлигининг ҳам чеки йўқ зот, сабри ва нусрати чексиз зотни танимоқдан, унинг розилигини топмоқдан ҳам ортиқ баҳт йўқ.

Иккинчидан, у икки дунё саодатининг эгаси, қимирилаган зотга ризқ берган Раззоқ зот. Макон ва замонда безавол зот, бошланиши ва охири йўқ зот. У одамларга муслимлик тожини ҳадя этди, исломни энг тӯғри дин сифатида тортиқ этди. У буюк тарбиячи ва буларнинг эвазига ҳеч нарса талаб қилмайди. Фақат иймон ҳаловатию, муттақийлик камарини бизларга совға қилди. Мутлоқ баҳтни ҳам ваъда қилди. Юқоридагилардан маълум бўлдики, тарбия ахлоқ, ижтимоий қадриятлар, оиласвий анъаналар, диний қадриятлар, мутафаккирлар мероси, маънавияти асосида, фуқаролик жамиятидан келиб чиқувчи ечимлар асосида ҳосил қилинади. Кўп тизимли, кўп компонентли таълим ва тарбияда барибир билим энг муҳим асос, энг мустаҳкам ечим сифатида намоён бўлаверади.

Замондошим! Мен жуда кўп ўзга юртларда бўлдим. Лекин, Ўзбекистондек юрт ер юзида йўқ. Уни жаннатдан бир чимдим деб таърифлашади. Балки жаннат ҳам ўз андозасини юртимиз табиатидан олгандир. Бу юртни бизга ватан қилиб берилиши ҳам тангрининг муруватидир. Саҳий замин, саҳий қуёш, тиник сувлар, мўътадил иқлим фақат бизда бор. Шу боис сен ва мен Ўзбекистонсиз яшай олмаймиз. Лекин Ўзбекистон бизсиз ҳам яшайверади. У бизга муҳтоҷ эмас. Биз Ўзбекистонга муҳтоҷмиз. Уни севмоқлик иймондандир. Уни асрармоқлик иймондандир. Ўз юртини қадрига етувчи ва эъзозловчи инсондан тангри ҳам рози бўлади. Бизнинг дуоларимизни ижобат бўлишининг сабаби бу юртта Аллоҳ назари тушганлигидир. Бу юртдан чиқсан 3500 дан ортиқ алломалар руҳлари бизни кузатмоқда. Уларнинг заковати туфайли ислом дини юртимизда буюк таълимотга айланди. Ислом динининг бўртиб чиқсан қуббаси IX-XI асрларда

жаҳон нигоҳида юртимизда шаклланди. Уларнинг асарлари хусронда, залолатда бўлган юртлар ахолисининг қўзини очган эди.

Бугунги ер юзида 242 дан ортиқ давлатлар ва халқлар истиқомат қилмоқда. Лекин шундай зотларни етиштирган ва ўша зотлардан олдинга бирорта ҳам бошқа мурафаккирлар ўта олмаган юрт бизнинг юртимиздир. Уларнинг қайси бирини олиб кўрмайлик, ўз соҳасида ва ташқарида қомусий олим даражасини олган эди. Улардан кейин 5-6 асргача ҳам ўшандай зотлар етишиб чиқмаганининг ўзи билим қанчалик даражада инсонни улуғлаётганини кўрсатади. 1976 йилги физика фани бўйича Нобель мукофоти совриндори асли Покистонлик Абдус-Салом ўзи сўзлаган Нобель маъруzasида, Швеция фанлар академиясининг катта залида: “Мен агар Муҳаммад ал-Хоразмий, аль-Фарғоний, Иби Синони, Фаробийни, имом Бухорийни танимаганимда, ўрганмаганимда бундай мукофотга етиб келмаган бўлар эдим. Мен уларнинг елкасида бўлганим боис бугунги мукофотни қўлга киритдим” – деб эътироф этган эди.

Билим ҳақида ҳадислар кўп. Расулуллоҳ айтдилар: “Иймон яланғочdir, унинг либоси тақво, зийнати эса ҳаё, меваси эса илмdir” (Абу Дардодан, Имом Ҳаким Аффондан ривоят қилинган). Қиёмат куни уч тоифа кишида шафоат қилиш хуқуқи бўлади: пайғамбарлар, олимлар ва шаҳидлар. Шайтон учун битта олим мингта обиддан қўрқинчлироқдир. Олим ва обиднинг фарқи олимнинг обиддан етмиш даража устунлигидир. Илмли одамларни Аллоҳ ҳузуридаги мартабаси юқори бўлади. Имом Табароний ривоят қилган ҳадисда пайғамбаримиз (с.а.в): “Аллоҳ таоло олимларни қиёмат кунида ҳаммадан кейин тирилтиради ва уларга: Эй олимлар жамоаси сизларни билганим учун илмни сизга бердим, азоблаш учун илм бермадим. Боринг, сизларни мағфират қилдим” – дейди.

Али ибн Толиб ўз шогирди Кумайлга: илм молдан яхшидур, у сени муҳофаза қиласи, молни эса сен кўриқлайсан. Илм хоким, мол эса маҳкумдир. Нафақа қилиш билан мол камаяди, илмни қанча бировга берилса илм зиёдалашади, асло камаймайди. Қисқаси илмни бой берган (ёшлик

вақтини бой берган) одам нимага эришди-ю, илмга етишган киши нимани йўқотди? Кейингиси ҳеч нарсани йўқотмади ва фақат ютди. У фаришталар ва тангри розилигини қўлга киритди. Ёшлик вақтини бой берган одам-чи? Қандай мартабага кўтарилди? Унинг эзгулик сармоясида нималар бор? У кимнинг розилигини қўлга киритади? Бу саволларга ижобий жавоб йўқ, албатта. Бир синфдошим бор: Бизларга ўқиб нимага эришдиларинг! Мана мен илм ўрганмадим, лекин қорним тўқ, устим бут, еганим олдимда, емаганим кетимда. Кўш-кўш иморатларим, машинам бор. Ҳамма нарсани пул ҳал қиласи бу дунёда деб айтаверади. Мен эса, дўстим ҳамма бойлигинг ўзингга сийлов. Саволим бор: нега алломалар пул, мол-дунё орқасидан қувмаганлар? Сабаби мол дунёнинг ортиқчаси инсонни тангридан чалғитади. Фойибона пайғамбар ва тангри-таоло билан суҳбат қурганмисан? Унинг гашти бутун оламни қўлга киритилганидаги шодлиқдан минг чандон тотлироқ ва ширинроқдир. Ҳақ таоло бир қутбда, мол-дунё иккинчи қутбда бўлса, қайсинасига яқинлашсанг бошқасидан шунча узоқлашасан. Тадбиркорлик, мулк эгаси бўлиш яхши. И мом Аъзам бой одам бўлган, тижоратчи бўлганлар. Лекин иймон-эътиқоди юксак даражада эди. И мом Шоъфий у ҳакда: фикҳ бобида барча олимлар Абу Ҳанифадан қарздордирлар, деб айтган. Сабаби у зот Сунний ақидани мукаммал ва қўпчиликка ёқадиган ҳол га келтирди, 541 минг саволга ҳайратланарли тарзда жавоб топдилар. Ўзбекистон ҳалқи Абу Ҳанифанинг ҳанафия мазҳабида эканликлари билан фахрланадилар. Билимга эга бўлиш сирларидан воқиф бўлиш масаласида Р.Декарт шундай фикр билдиради: Барча фанлар бир-бирига алоқадор ва киришиб кетгани боис уларни алоҳида алоҳида усуlda эмас, балки бирворакайига ўрганмоқ керак, - дейди. [11,254]

Азиз ватандош! Сен балки гап дунёвий илм ёки диний илм ҳақида кетаётгани учун, тўғрироғи аралаш фикрлар келтираётганимдан ҳайрон бўлаётган бўлишинг мумкин. Қайси илм бўлса ҳам (инсонга зарар келтирувчи, инсонни ҳаётига ҳавф солувчи илм бундан мустасно) ўргансанг, фақат фойда! Сабаби, диний илм бамисоли қушнинг битта қаноти, дунёвий

илм эса иккинчи қанотидир. Иккала илмни керакли даражада билган одам икки соғлом қанотли қүш каби баланд парвозга эга бўлади. Тавҳид (худони таниш) илмида Имом Мотрудий асос солган илм орқали худони англаш йўналиши жуда машхур бўлиб кетган. Унгача худодан қўрқиш орқали таниш (анъанавий ислом) ва худони севмоқ орқали таниш (тасаввуф) маълум эди. XX-XXI-асрлар нисбатан зиёлилик асрлари бўлиб қолмоқда.

Албатта, илмий-техникавий инқилоблар, маънавият юксалган асрларида кўплаб муаммоларни техника (айниқса ахборот технологиялари даврида) иштирокисиз ҳал қилиб бўлмайди. Зиёлилик, билимлилик бўлгани боис математика, информатика фанларининг бошқа фанларга (айниқса, тиббиётга) таъсири кучли сезилмоқда. Бошқарув илмида ҳам, назоратда ҳам ахборот технологиялари фани катта ўзгаришлар қилишга сабабчи бўлмоқда. Аввало, илм қанчалик юксалмасин, барча соҳаларга кириб бормасин, барибир инсон барча ўзгаришлар марказида қолаверади. Чунки, инсонни дунёга бошлиқ (ҳалифа) қилмоқчиман, деб Аллоҳ марҳамат этган заковатнинг чегараси йўқ, инсон амалий фаолиятига чегара йўқ, ҳамда у ҳаётнинг марказий нуқтаси бўлиб қолаверади. Барча нарса инсондан бошланади ва инсонга келиб барча нарса тугайди. Фақат инсонгина залолат ва ҳидоятни ажратади билиши керак. Оқ ва қорани фарқлай олсин. Нур ва зулматни ажратади олсин, олимлар олимлигини, дехқон дехқончилиги, хунарманд ҳунарини қилсин. Тарбиячи тарбия, таълим берувчи таълим минглаб касб эгалари юртимизга керак. Дину диёнат ва дунёвий тараққиёт бири иккинчисини тўлдирсинг. Соф отабоболардан мерос, мутафаккирлардан мерос бўлиб келган ислом дини асло одамларни жангариликка ўргатмаган, аксинча одам ўлдириш гунохи кабира деб, хисоблаган эди. Кейинги 30 йил ичида шаклланган жангари оқим ва мазҳаблар (замонавийлашган ислом) қўзиқориндай кўпайдики, улар туфайли планета тинчлиги бузилди. Кези келганда терроризм ва экстремизмнинг христианликдаги, яхудийликдаги, буддавийликдаги қўринишлари ҳам пайдо

бўлганлигини айтиб ўтиш жоиз. Наҳотки, залолат инсонларга нега бунчалик “мехрибон” бўлиб қолди? Асло! Гап шундаки, диний экстремизм ва терроризм қайсиdir ўзига ёқмаган давлатлардан ўч олиш қуролига айланди. Бу ерда ҳеч ким дин ҳомийси ёки уни ҳимоячисига айланмоқчи эмаслигини яхши биламиз, фақат шу усул билан бир сиёсий тизим (давлат) бошқа сиёсий тизимдан ўч олиши мумкин бўлмоқда. Очиқ агрессия қилишга БМТ, EXXT, ОДКБ, ШОС каби халқаро ташкилотлар йўл қўймайди.

Аслида исломни жангари ва жангаримасга ажратиб ўрганиш саводсизлик. “Жангарилик” деган лафз ортидаги нарсалар ислом эмас, залолатдир. Чунки, ҳақиқий исломда ноҳақ одам ўлдириш, бир кишини бошқа бир кишига зулм қилиши, ёлғон гапириш, ғийбат, кибр, маъсулиятсизлик, икки юзламачилик, ватанфуришлик, одам савдоси каби иллатлар қаттиқ қораланади.

Ватандошим! Сен билимнинг аҳамиятини яхши тушуниб олдинг. Билим жуда кўп мушкулликларни бартараф этувчи очқич. Билимсиз одам фақат бой берувчи, ютказувчи, дангаса ва лоқайд одамдир. Ундан на оиласи, на у яшаётган жамият наф кўради. Форобий орзусидаги фозил одамлар шахри – бир идеал тушунча. Лекин, уни қуриш рецепtlари Форобий томонидан қисман берилган. Уни мукаммаллаштириш зарур. Мен сенга ишонаман! Сенда 3500 дан ортиқ буюк мутафаккирларимиз қони томирингда оқмоқда. Демак сен юксак маънавият - енгилмас кучлигига қаттиқ ишонасан.

АДОЛАТПАРVARЛИК ВА ЗОЛИМЛИК (А.НАВОИЙ МАМНУНИЯТИ ВА НАФРАТИ)

Устоз Алишер Навоий хақида гап кетганда, бамисоли тубсиз денгиз, тўғрироғи жавохир тўла сандиқ кўз олдимизга келади. Хўш, бу хазинадан ҳаммамиз ҳам самарали фойдаланяпмизми? Ёки муҳтасар қилиб айтганда унга муносиб авлодмизми ёки уни қай даражада биз биламиз. Бугунги авлод

иичида Навоийни яхши билувчилар сони бир неча фоизни ташкил қилиши бизларни ўйлантиради.

У яхшилик, адолат, покиза ишқ, қалб мусаффолигини мамнуният билан куйлади. Сахий қалбли, юмшоқ ва меҳрибон олим ўз ижодида самимий инсонларнинг томонини олди. Шунингдек у зўравонлик ва зулмни, разолат ва риёкорликни, бадкирдорлик ва маразликни қоралади. Ўз асарларида золим подшо, талончилик ва фирибгарликни касб қилиб олган ҳаромхўрларни нафрат билан фош этди. Навоий ўзининг охирги асарларидан бири, “Маҳбуб-ул-қулуб”да адолатни бош мезон қилиб олди. Олимлар ва билимсизлар жамиятда ўз мавқеига кўра жой олиши адолатdir. Агар гумроҳ ёки билимсиз инсонлар олимлар устидан хукмон бўлса олимлар хору-зор, жамият эса нодонлар қўлида қолади. У “хордир-олиму, жохил азиз”, “разолатга қўтарилиш билик аҳлига ранж” деб ўша ҳолатга муносабат билдиради. Қизиғи шундаки, тиканаклар баландда, тоғ тепасида ўсади, фойдали қазилма бойликлар эса тоғ ёки тепалик остидан жой олади [14, 66-67].

Илмни ким воситай жоҳ этар,
Ўзинию халқини гумроҳ этар

Бир томондан шоир жохил-нодонларнинг амалдорлигини ёқтирамайди, кейинги томондан эса илм аҳлининг мансабдор бўлишига қарши эмас. Аслида илм аҳли мансабдалигига илм билан шуғулланишга вақти ҳам бўлмайди. Нодонни қаердадир мансабдор бўлишига чидаш мумкиндири, лекин, олимлар устидан бошлиқ бўлиб қолишига чидаш бўлмайди. Ана шу ҳолатда олимлар хору зор бўладилар. Зоро, илми қадрланмаган олимлар бошқа юртларга бош олиб кетадилар. Шу боис илм қадрини мансаб билан белгиламаслик керак. Илм аслида инсоннинг маънавий юксалиш воситаси, манбаи. Илм ҳақиқатни очиб бериш ва илмнинг инсон учун шараф воситаси дейилса, тўғрироқдир. Илмни яхши ва манфаатли мақсадларга, жамиятнинг оғирини енгил қилишга сарфлаш керак, дейди буюк мутафаккир. Шоир мансабни (ҳатто илмни ҳам) бойиш воситасига айлантиришга қарши, илмни

таъмага, жабр-зулм, талончиликка сарфлашни гумроҳлик ва ҳамоқат, исқиртлик деб билади. Шоҳ девонидаги мирзо ва котиблар бир қалам уриб, тўғрини нотўғрига чиқарадилар, нотўғри хужжатни ростга айлантирадилар. Натижада бу билан бошқалар молини ўзлаштириб оладилар. Уларнинг қалами “улусин ўрташга ўтун”дир. Улар ҳатто Султонни ҳам алдайдилар. Сабаб бу ишлардан подшо беҳабар. Вазир амир ва хокимлар мамлакатни таъма ботқогига ботирадилар, косибу дехқонга ҳам, Султонга ҳам натижада зулм қиласадилар. Оддий халқ бу ишни султон қилмоқда, деб тушунади Давлат илдизига путур етади, улусни давлатга бўлган ишончи йўқолади.

Навоий амалдорлар найранги ва қилмишларини сўз билан “сурат”ларини аниқ чизиб берган. Нобакорлар шоҳ ортидан ўзаро яширин маразликлар қиласадилар. Бинолар, ерлар, кентлар маҳфий тарзда бошқа бойларга сотиб юборилади, уларга сохта хужжатлар қилиб берадилар. “Сарҳад этиб бирга бешу ўн рақам” яъни қўшиб ёзиб, натижада “раият узратавон” соладилар. Улар билимни гуноҳи аъзим ва гумроҳлик учун сарфлайди. Адолат ва ҳақиқат томонида бўлган чин олим бу нарсалардан ор қиласади, ўз илмини улуғ билади. Навоий ҳақида, ижоди ҳақида бир оғиз сўз билан ифода қилиш зарур бўлса унинг буюк хизмати миллатни якқалам қилиш ҳамда адолат ва комил инсонни қўйлаш, деб жавоб берган бўлар эдик.

Адолат ғояси олимнинг шоҳ асарларига сингдириб юборилган. Айниқса Ҳамсанинг Лайли ва Мажнундан бошқа тўрт достони ва “Махбуб ул-кулуб”да бош ғоя сифатида келади. Садоқат, вафо ҳаё, хилм, саховат каби сифатлар бевосита адолат ғояси билан боғланган. Инсоннинг қонига илохий тарзда адолат туйғуси сингдирилган. Зеро адл Тангрининг исмларидан биридир. Барча адолатлар нисбий, мутлоқ адолат эса унинг адолатидир. Нақшбандийлик тариқатини хуш кўрган Навоий киши мутлоқ одил бўлиши учун ўз манфаатидан воз кечмоғи керак, - деб хулоса қиласади. Ўзини ёрудўстларини, фарзандларини ва яқинларини ўйлаган инсон одилу мутлоқ

эмас. У кимларгадур ён босади, кимларнингдур ёнини олиш тарафдоридир. Нақшбанд ҳақида Навоий:

Ҳақ сўзни элга қилурда адо,

Тенг кўринуб олдида шоху гадо.

дейди. Б.Нақшбанд ўз вақтида “бандаликка ҳожалик тўғри келмайди” деб ҳисоблаб ўз хизматкорларидан воз кечкан эди. [15, 120]

Илгари сурилган концепцияда инсонни тупроқдан яратилганлиги ва яна тупроқга айланишининг ўзи буюк адолат эканлиги уқтирилган. Афсус, одамлар бу асосни кўпинча унитиб қўядилар. Чункин бу асос тенгликни назарда тутади. Уни унутиб, мен фалонман дейишлиқ, Навоий фикрича залолатдур. Инсон зотининг ўзаро тенглиги ғояси, демак, исломда, аникроғи тасаввуфда илгари сурилади. Ҳали вери жамиятда демократия шаклланмаган шароитда, айрим ҳукмдорлар ўзларини худонинг ердаги сояси, деб эълон қилаётган даврда бу нарса амалга оширилади. Навоийнинг ушбу қарашлари ҳозирги демократик жамиятда ҳам қадри баланд, сабаби ўзининг аслини унутмаган инсон доим адолат тарафида бўлади. Кези келганда И.А.Каримовнинг “Халқимиз етишмовчиликларга чидаши мумкин лекин адолатсизликка чидай олмайди” -деган фикрини келтирмасак бўлмайди. Демак, ботинан юртимизда, халқимизда адолатга мойиллик қучлидир. Навоий ҳаётни кузатади, кўрган-кечиргандарини тахлил этиб, ҳадисларни, ҳамда асосий манба бўлган Қуръонни чуқур мушоҳада қилиб ғазаллар битди. Унда адолатни шунчаки баланд парвоз тушунча деб билмай йирик концептуал система деб қарайди. Унингча, кофир одил подшо мусулмон золим подшодан афзал. Адолат йўқсил ва мазлумга химоя, ёмон бой мусулмонга жабрдир. Олий адолат -Тангри адолатидир, у ўз адолатини барча яратган зотлар ўртасида бўлиб тақсимлади. Унингча подшо боғбон, халқ бир боғ (шоҳ чўпон, раият эса пода, поданинг тақдирига шоҳ жавобгардир). Шу боис шоҳ худодан кўрксин, шунда адолат бўлади. Ўз ўлимини ўйлаган подшогина адолатни амалга оширади.

У ёзади ; “Хусрави беоқибат хусри билоду кишвар аст” яъни ҳисоб китоб кунини ўйламаган подшо юрт учун фалокатдир [15, 23]. Яна зулм қилганга қарши зулум бўлиши керак, акс ҳол да раиятда осойишталик ўрнатилмайди. Боз устига золимга раҳм қилиш мазлумга жабр демақдир. Адолатпарвар, раиятпарвар шоҳдан ҳалқ розидир. Ҳалқ розилиги Ҳақнинг розилигига сабаб бўлади;

Гарчики Ҳақ амри фаровон эрур,

Барчаси бир ён, бу бир ён эрур

Ҳадисларда бир соатлик адолат олтмиш соатлик ибодатдан афзал дейилган.

Эронда VI асрда Маздак исмли аблах инсон чиқиб пайғамбарликни даъво қиласди. Юрт подшосини қўлга олиб бойларни мулкларини тортиб олишга, камбағалларга бўлиб беришга қўндиради. Ҳатто, мол-мулк ва аёлларга ҳамма эгалик қилсин, деди. Бу эса мамлакат тинчлигини бузди: Аёнлар, мансабдорлар, ўртаҳол лар исён кўтардилар. Подиши Ғубод тахтдан кетди ва ўғли Нўширавон унинг ўрнига ўтиради. Маздак ва унинг тарафдорлари қатл қилинди. Бу ҳам адолат эди. Расуллуюҳ Нўширавонни дўзахга тушмаганини хабарини берди. Ғубод аҳол ини бир-бирларини молдавлати ва аёлига шерикликка рухсат ҳам берган эди. Бу эса адолатсизлик эди.

Ғубод ва Маздак қилмиши барча тарихий асарларда қораланади. Хусусий мулкни тортиб олишлик – талончилик Ислом бу ишни қаттиқ қоралайди. Социалистик тузумда ҳам хусусий мулкка қарши “уруш” эълон қилинган эди ва йўқсилликни қўкларга кўтариб мақтадилар. Бошқаларни мулкини тортиб олиб, йўқсилларга бериш адолат эмас, балки ўша мулклардан ҳамманинг баҳрамандлигини йўлга қўйиш адолатдир.

Ўша одил подшо Нўширавон овга чиқади ва қўлга киритилган кийикни пишириб емоқчи бўлишади. Шоҳ хизматкорлардан бирини туз учун қишлоққа юборади. Аёнлар: Сиз шоҳсиз, тузни сўраб ўтирасизми, шундоқ олиб келаверсин, - дейди. Подшо: агар бугун тузни текинга олсак, эртага

аскарларим қишлоқ товуқларини талаб халқа жабр етказадилар. Бу зулмга бошқалар ҳам қўшилиб зулм кучайгандан кучаяди. Подшо халқ молидан қўлини тортсагина, бошқалар бундай ишга қўл урушдан қўрқадилар. Навоий “Тарихи мулки ажам” асарида бу ҳақда “адл жўйборидин мулк боғида фароғат ашжори (ниҳоллари) шодоб бўлди ва инсофи тарбиятидин амният боғинда фароғат гуллари очилди ва осойиш мевалари етилди” – деб ёзади. “Ҳайратул аброр”да мутафаккир бир кампир ва Ҳусайн Байқаро ўртсидаги бўлиб ўтган воқеани ҳикоя қиласиди. Шоҳ тахтни қўлга киритиш йўлидаги курашларда қатнашган ва халок бўлган инсон бир кампирга ўғил эди. Кампир ўз ўғли учуни хун талаб қиласиди. Қози эса гувохларни талаб қиласиди. Иккита гувох келтирилди. Қози кампир фойдасига хукм чиқаради. Ҳусайн Байқаро кампирга юзланиб, бир халта олтинни олишини ёки мана шу қилич билан ўз бошини кесишни таклиф қиласиди. Кампир адолатли хукмдан мамнун ва шоҳ мардлигини кўриб “сендай адолатли шоҳга ўғлим ҳам, ўзим ҳам фидо бўлсин”, - деб ўз даъвосидан воз кечади. Бу ҳикояларда Нўширавон ҳам, Байқаро ҳам қонун олдида ҳамма тенглигини исботлаганлар.

Қонун ҳаммага тенг бўлсагина адолат ҳақида гапириш мумкин. Энг аввало Султоннинг ўзи адолат тамойилига риоя қилмоғи зарур. Адолат йўқ жойда қонунлар мудрайди. Одил хукмдор учун қонун таянчиқ, золим хукмдор қўлида эса бир қўғирчоқ, деб ёзди Навоий. Раҳм-шафқат, кўнгилчанглик, ожизлик ҳамдир. Зулм қилган кишини, давлат ва жамиятга катта зарап келтирган кишини “бошини силаса”лар адолатсизликдан бошқа нарса эмас. Шоҳ вақти келса қаҳрли, маккор ва сиёсатчи ҳам бўлсин. Хукмронлик - кучлилик дегани ва у давлат учун асосдир. Инсофу-адолат химояга мухтоҷ, уни залолат ва зулмдан ихота қилмоқ керак бўлади. Давлат - дейди Навоий ўз сиёсати билан кассоб, ўғри, золим ва бадкирдорларни қўрқувда ушлаб турса, зулмни йўли бекилади ва жабрдийдаларга тоза ҳаво этиб боради.

Бўлса керак фикр ила шоҳи замон -

Яхшиға яхшию, ямонга ямон

Иккисидан бир киби олса ҳисоб -

Мамлакати ичра тушар инқилоб [14, 69].

“Маҳбуб-ул-қулубда”да адолат ва нафрат шоҳнинг балки вазир, амир, хоким, қозиу - муфтийлар хуллас ҳаммасининг ахлоқ гавҳарига айланмоғи кераклигини баён этилади.

Навоий бозор олиб сотарлари косиблардан фириб ва найранг ишлатмасликларини, алдамасликлари, торозидан урмасликларини айтиб, уларга танбех беради. Навоий ўгитлари замонлар ўтса ҳам ўз таровати ва аҳамиятини йўқотмаган [16, 34-40].

Навоий ғоялари инсон дардига малҳам, юрагига қувват, бағишлайди. У комил инсонни орзу қилиб, ўз асарида дарвеш ва подшоҳ тимсолларини қиёслайди. Дарвеш маънавият тимсоли, подшо эса салтанат тимсолидир. Румий ва Саъдий меросида маънавият ва салтанат тушунчалари ўзаро муросада эмас. Лекин Навоий уларни келишириб, бири иккинчисини қўлламоқлиги керак, дейди. Салтанат маънавият томон юз бурса ўзи ҳам бойийди, мустахкамланади. Маънавият шоҳ томон юз бурса ўзининг табиий ривожланиш йўналиши қолиб шахснинг хизматкорига айланади. Маънавият аслида подшога ҳам, оддий фуқарога ҳам зарурдир. Маънавият ҳеч қандай идеологиянинг исканжасида қолмаслиги маъқул ҳолат, чунки у билан ўша ҳолат юз берса ривожланишга путур етади. Навоий гулшанига кирган киши у ерда бетакрор санъатни, уйғунликни, олий рухоний туйғуларни ва тангрига бўлган покиза ҳамда қайноқ мухаббатни учратади. Яхши кўришга Аллоҳ, унинг расули, пири устоз, комил инсон, эзгулик биринчи галда лойик хилқатлардир. Шоир, масалан

Улки улус қатлиға жаллод эрур,

Ўғлини ўлдирса, дағи шод эрур -

байти билан қотилни ички дунёсин суратини чизган. Қарангки, шу ерда ҳозирги ақидапарастлар кўз олдимиизга келмоқда: улар учун фарзанд, ота-она ҳеч бир қадри йўқ нарса. Агар уларга катта шикаст етса, шаҳидлик деб қабул қиласидилар. Ақидапараст одам инсонийлик сифатларини ҳам, илоҳий

сифатларини ҳам йўқотган шахс эканлигини Навоий ғазалларидан ҳам билиб оламиз.

Шу боис буюк мутафаккир ўз пири Абдураҳмон Жомийни шоху-гадо тенглиги ғоясини давом эттириб ўзининг машхур форсий қасидаси “Тухфатул афкор”да ёзади.

Подшоҳе, к-аш гадойи факр гаштан орзуст,

Чун гадое бошад он, к-аш подшоҳи дар бар аст [17, 70].

яъни дарвешликни орзу қилган подшо худди шоҳлик тожисини кийган дарвешга ўхшайди. Нақшбандия тариқатининг мазмунида ҳам ушбу ғоя чиройли ҳол да сингдирилган. Шоҳлик бу таълимотга қўра бош оғриғидан бўлак нарса эмас. Шунингдек, шоҳлик тангрининг ўзи танланган инсонга қўйган маъсулиятли вазифасидир. Бу вазифанинг мушқуллиги ва хавфлилиги бор, яъни, ҳар қадамдаadolatcizlik қилиб қўйиш эҳтимоли бор.

Оташин лаъле, ки тожи хусравонро зевар аст,

Ахгаре бахри ҳаёли хом пухтан дар сар аст. [15 , 122]

(шоҳ тожининг безаги лаъл, унинг хом ҳаёлини пишириш учун чўғ).

Байтда шоҳни эмас, шоҳликни танқид қилинмоқда. Шоҳнинг миясидаги ҳом ҳаёл, нафс, хирс, амалдорликнинг, дунёнинг илинжи ва парастлигидир. Чўғ эса дарвешлик, худога иштиёқ ва хокисорлик. Юқоридаги ҳом ҳаёллик нафсга эргашилган хирсдир. Амалдорлик ва шоҳликдан кибрланиш ҳом ҳаёлликдир. Факр-дарвешлик ила безанмаган шоҳлик ҳақиқий эмас. Илоҳ висолига етмоқ истасанг, боқий давлатга етмоқчи бўлсанг фано (фоний) бўлиш керак, чунки безавол давлат – бу тангри дийдоридир, қолгани абадий эмас. Шоҳга ботирлик, саркардалик ақл-заковат, қанча муҳим бўлса дарвешлик ҳам ўта муҳимдир. Яъни, зохиран шоҳ, ботинан дарвешлик назарда тутилмоқда. Дарвешлик ҳислатиadolatparvarlikni келтириб чиқаради. Бу шундайadolatparvarlikki у нафақат қонунлар доирасида, балки Аллоҳ ҳузури ва иродаси қаршисидагиadolatparvarlikdир. Навоий уни “Ҳақдин халойиққа раҳмат ва мамоликка мўъжиби амният” (“Маҳбуб-ул-қулуб”да) деб таърифлади ва Хусайн Бойқарога бағишлиайди.

Кези келганды шүролар идеологияси буюк мутафаккирнинг ардоқли дүсти, шоир ва шох Ҳусайн Бойқарони майшатпараст, адолатдан йирок, бошқалар макрига учувчи кимса деб ифодалаган эди. Навоий фильмини эсланг. Ўша идеологияда шоҳ-ми, демак яхши одам эмас. Бойми демак ёмон одам деган хулоса бор. Яхши одамлар фақат йўқсиллар бўлиши мумкин, - деган хулоса қилинган. Энди бу чигалликнинг ечимини Навоийдан излаш вақти етди. Навоий ўз ҳаётининг сўнги йилларида яратган ,”Тарихи мулки ажам” асари охиридаги маснавийда Султон ҳақида:

Демай айни инсонки, инсон айн -

Ҳам инсону, ҳам айн, Султон Ҳусайн

Шаҳо келди шоҳлик мусаллам санга,

На шоҳлиқки, дарвешлик ҳам санга

Бўлиб салтанат тахтида факржўй,

Шох ўлса, вале бўлса дарвешхўй [15 , 123].

деб ёзади. Навоий шоҳга қаттиқ ишонади. Ундаги камбағалпарварлик (дорвешхўй) собит хусусиятдир. Шоҳ албатта заиф ва бечора хол кишилар арз-додини тинглаши ҳам керак.

Қарангки “Садди Искандарийда” буюк шоир масаланинг ирфоний-фалсафий жиҳатини бўрттириб ифодалайди. Жаҳонни забт этган Искандар оддий ожиз банда каби жон берди ва қўллари бўш, яъни ҳеч вақосиз қабрга кирди. Алал оқибат у гадой ҳолда дунёдан кетди. Аллоҳ меҳрининг гадойи бўлиб боқий оламга риҳлат этди. Арзимаган, қисқа умр давомида дунё учун талашиш, қон тўкиш, қирғинлар қилишга на ҳожат? Дунё бойликлари йиғилса ҳам дарвеш кўнглидаги хотиржамлик, умидворлик, осойишта ҳаёт олдида сариқ чақалик ҳам қадри йўқ. Лекин, қаноатли дарвешнинг шукроналикка тўла ҳаёти, қалбий хотиржамлиги хар қандай бойлиқдан афзал эмасми? Кези келганды шуни айтиш жойиз, агар Навоий сўфий бўлмаганида, исломий билим соҳиби бўлмаганида, ёки аксинча амал ва бойлик бандаси бўлганида эди ҳеч қачон бунчалик теран фикрловчи файласуф, бетакрор маънавият соҳибига айланмаган бўлар эди.

Низомий Ганжавий ҳамсасида ҳам, Хусрав Дехлавийда ҳам, Абдураҳмон Жомийда ҳам Искандар шоху шахзодаларга ибрат, тарбия тимсолидир. Навоий чизгиларида шоҳ ва дарвеш қиёси, ўткинчилик ва боқийлик, жаҳонга эгалик ва факрлик, огоҳлик ва шоҳлик, шоҳлик ва художўйлик, қудрат ва ожизлик, футувват ва давлат масалалари заргарлик билан ечимини топган. [14, 124]

Дунёни эгалламоқлик, жаҳонгирлик ва шу мақсаддаги ҳарбий юришлар раият учун зулм ва азобдир. Юртни бойитишни, ободончиликни бошқа халқларни қул қилиш ҳисобига амалга оширилишини Навоий қоралайди. Қалбида одиллигу инсоф, илм-ҳикмат жўш урган шоҳ жаҳонгир бўлса ҳам дарвеш мартабасига эга бўлиши мумкин, - дейди. Бу Концепцияни достонда исботлаб берган Навоийда зиддиятли ҳолат пайдо бўлди. Бир томондан жаҳонгирликка қарши, иккинчи томондан унинг тарафдори. Унинг фикрича жаҳонда адолат ўрнатиш учун дунёни забт этишни зиёни йўқ. Яъни, жаҳонда адолат ўрнатиш, ҳикмат ва билим хукмронлигини ёки идеал салтанатни ўрнатишни у орзу қилди. Искандарнинг нияти ҳам бутун дунёда эзгулик салтанатини ўрнатиш ва у билан илоҳий адолатни қарор топтириш бўлган эди.

Навоийда дарвешлик ғояларини ҳаётга тадбиқ этиш ва унинг учун саъи-ҳаракат Искандар шахсига сингдириб бориш орқали интилишни кузатамиз. Шоҳ-орифлар ҳикмати ва кароматларини ўзида намоён қилиб боради. Искандар илоҳий мўъжиза, кароматларини мушоҳада қила бошлади ва жаҳонгашта дарвешдай унда дунёвийлик ҳамда илоҳийлик бирлашади, уйғунлашади. У бамисоли таҳтда ўтирган дарвеш, шоҳликни эса хокисорликдек қабул қилган. Искандар образи Навоийда ҳам, Жомийда ҳам, Низомийда ва Амир Хусрав Дехлавийда ҳам шунинг учун келтириладики, шоҳлик - абадий эмас, гадолик эса бутун умр давом этиши мумкин. Тинчлик ва хотиржамлик фақат гадода бор, шоҳда эса йўқ. Шоҳ ва гадо мулоқатлари турли ривоятларда берилган. Навоийда Искандар гадо билан учрашади ва гадо фалсафасидан ҳушнуд бўлади (икки калла суяги ҳақидаги ҳикоя).

Лекин, сенинг насибанг фақирлик оламини эгаллаш, менинг насибам эса дунёни эгаллаш деб айтади. Аслида, бу тақсимот барча нарсалардан пок бўлган буюк тангрининг фалсафасидир. (“Аллоҳ ўз беҳисоб неъматини ўзи хоҳлаган инсонга мўл-кўл қилиб беради” - деган оят). Ушбу мазмундаги ҳикоят Низомий Ганжавийнинг “Иқболнома”сида Искандар ва Суқрот мулоқоти тарзида берилса, Хусрав Дехлавийда эса Искандар Афлотун мулоқоти ул зотнинг “Ойнаи Искандарий” асарида берилган. Абдураҳмон Жомийнинг “Хирадномаи Искандарий” асарида Суқротнинг олдига Искандар эмас, бошқа шоҳлардан бири боради. Суқрот узлатга чекинган эди. Подшо Суқрот олдига ташриф буюрганда у офтобда исиниб ўтирган эди, Подшо берган янги кийим бошни Суқрот олмайди. Суқротдан нимани истайсан мендан – дейилганда “офтобни мендан тўсма” деб айтади, яъни бу дунёда ҳеч ким бошқалардан дунёни қизғанишга ҳаққи йўқ. Жомий асарида юқоридаги ҳикоядан ташқари бошқа ҳикоялар ҳам келтирилади. Бир подшо Суқротга мол дунё берай, қашшоқлиқдан, бечоралиқдан қутқарай, дейди. Сен берганинг билан ўлим уни қайтариб олади-ку, демак фойдаси йўқ! – деб жавоб беради. Шунингдек, сотиб олган еридан хазина чиқиб қолса, у меники эмас, деган ҳалол одам ҳикояси ҳам бор. Хотинларга ўхшаб безангандай йигит (мол-дунё маккорлиги) ҳикояси, подшо ва девона ҳикоялари ҳам келтирилган. Бу ҳолатларни проф. Н.Комилов тасаввуф нуқтаи назаридан ҳикматли хulosалар билан баён қилган.

Искандарнинг кўрган ва бошидан ўтказган воқеалар ибратдир. Инсоний фазилат шоҳлиқдан афзал, мол дунё эса ўткинчи бир бевафо матоҳдир. Навоийда нафс тарбияси, ризқдан ташқари мол дунё йиғишининг бефойдалиги, қаноатнинг фазилати, таъма - инсонни хор қилиши, тавакқулнинг бениҳоят зарурлигини учратамиз. Афлотун подшо Искандарга 10 та насиҳат қиласди;

1. Тоат- ибодатда бўл;
2. Шуқр қил;
3. Саҳоватпеша бўл;

4. Дунёни ҳеч кимдан қизганма;
5. Симу-зар йиғишдан қоч;
6. Ризқ Аллоҳдан, уни кўпайтира олмайсан;
7. Дунёпрастлик олов ўтинни егани каби иймонингни еб тамом қиласди;
8. Яхшиларни сужа, эргаш;
9. Кечиримли бўл;
10. Илмга ва илми аҳлга меҳр қўй;

Искандар хиндлар юртида Буддавий авлиёларни учратади; улар билимдан бошқа бойлигимиз йўқ ва шунга ҳаммамиз розимиз – дейдилар. Сизларга нима керак, дейилганда “Абадий ҳаёт” деб айтадилар. Искандар бу нарса мумкин эмаслигини айтганларида улар; шундай экан, нега дунё ортидан, бойлик ортидан югурасан, деб изза қилмоқчи бўладилар. Искандар барча фуқаро қаноатда яшайдиган шаҳарга боради, барча пешвоз чиқади. Лекин бир тикувчи чиқмайди. Уни келтириб сабабини сўраганларида мен подшоҳга муҳтож эмасман, шу боис унга таъзим қилмайман, деб айтади ва ҳикоя қиласди: Шоҳ ва гадо бир йили, бир вақтда вафот этдилар, шоҳни ипакка ўраб, гадони жандасига ўраб қўмишди. Бир йилдан кейин уларни суюклари аралашиб кетибди ва уларни ажратиб бўлмади. Яъни у ҳам, бу ҳам худонинг бандаси, бир биридан аълолиги йўқ, деб ҳикоя қиласди Жомий. Тикувчи жавобидан хайратланган Искандар уни подшоҳ қилиб кўтармоқчи бўлди. Аммо тикувчи; шоҳликка менда рағбат йўқ. Шу касбим менинг учун шоҳликдан афзал, - дейди.

Жомий учун ҳам, Навоий учун ҳам шоҳни олдига гадо келадими ёки гадо олдига шоҳ келадими фарқи йўқ. Барча ҳикояларда Искандар олдида гадо ёки қасб эгаси, файласуф ўзини дадил тутади. Уларни Искандар олдида йўқотадиган ҳеч нарсаси йўқ. Шу боис рост сўзлайди. Йўқотадиган нарсаси бор одам маккорлик қилиши, ёлгон сўзлаши, хушомад қилиши, лаганбардорлик қилиши эҳтимоли бор. Искандар тахтдан воз кечай деса, отасининг “Мамлакатимга бегона оёқ қўймасин”, деган васияти йўл

кўймайди. Дарвешликни ташлаб шоҳликни танласа ҳар қадамда, ҳар соатда гуноҳга ботиш эҳтимоли бор. Боз устига Искандарни тахтга чиқишини қонуний деб ҳисоблаб, Навоий шоҳнинг қалб огоҳлигини, маънавий етуклигини, ҳикмат ва адолатпарварлигини, жаҳолат, зулм, хасислиқдан, бузғунчиликдан ҳалқни ҳимоя қилувчи, деб таърифлайди. Адолатли давлат, адолатли шоҳ, комил инсон ғоялари Навоийда юксак даражада ўз ечимини топган. Ҳамсада икки нурли чизик шоҳ ва дарвеш чизиги бошдан охиригача ўтиб асар қадрини осмон қадар кўтарган, деб айтсак, айни ҳақиқатни айтган бўламиз.

ХУЛОСА

Нихоят, рисолани ҳам ўкиб чиқдингиз. Рисола ҳеч кимни хайрон қолдирмайди. Ҳаётда бор нарсаларнинг жуда оз қисми ҳақидагина гапирилди. Кимгадир эриш туюлиши, кимнидир мамнун қилиши табиий ҳолат. Беш қўл баробар эмас дейди ҳалқимиз. Келтирилган важ-карсонлар барча маънавий хасталикларга шифо бўлади, деган фикрлардан йироқмиз. Фақат, сиз билан сухбатлашмоқчи бўлдик, ҳолос. Агар сизни нимагадир йўллаб, нимадандир қайтарган бўлсак, танловни ўзингизга, қалбингизга, виждонингизга қолдирамиз. Зеро, бу дунё яхлит тузилган ва бизлар ҳаммамиз уни ташкил этувчиларимиз. Ўшалар бир-бирига шу даражада алоқадорки, уларни алоҳиди-алоҳида олиб бўлмайди. Ўзаро тақазовий хилқатлар уммонидамиз, уммонга шўнғиган инсон ё марварид, ё кераксиз тошни олиб чиқиши мумкин. Илтимосимиз шуки барча муаммоларни қалбингиз (руҳингиз), виждонингизга қулоқ солиб ҳал этинг. Шоядки, сиз-биз ҳам комил инсонлардан, жаннат аҳлларидан бўлсак! Шу ерда хулосани ёзишга ўйналиб қолдик: ҳамма нарсани фақат бир томонлама яъни муаллиф ирова ва тақазоси билан ёчиш адолатдан эмас. Унинг зинхор тахсинга лойик эмаслигини ҳам биласиз. Фақат, ўқиб чиқиб тафаккур қилсак: салбийларидан қанчаси бизда бор? Улардан қутилмоқчилигимизни ният қилсак бўлди!

Ижобийларни кўпайтирсак, ўз ўз-ўзимизни тафаккур қилсак, эзгуликни кўпайтирсак, қандай яхши! - Яхши ният, ўз-ўзингизни тафтиш қила бошлаганингиз муборак бўлсин!

Келинг, дўстим, хулоса чиқаришга шошилмайлик. Уни ҳар бир ўқувчини ўзига қолдирайлик. Маънавий хасталик ва нокисликларга ўз дилимиз, руҳимиз, руҳониятимиздангина даъво топмасак бўлмайди. Улар бизни мукаммаллик ва комилликдан йирокроқда тўхтатиб турибди. Орага солинадиган кўприкгача, яъни залолатимиздан эзгулигимиз томон олиб ўтувчи йўлакгача ярайдиган унсурни топмоқлик ҳам сизга қолдириляпди. Омонлик ва фикрий тиниқлик сизга ёр бўлсин.

ГЛОССАРИЙ

АХЛОҚ (араб. хулқнинг қўплиги; лот. моралис — хулқ-атвор) — ижтимоий онг шаклларидан бири, маънавий ҳаёт ҳодисаси, маънавият соҳасига оид тушунча. Кишиларнинг тарихан таркиб топган хулқ-атвори, юриш-туриши, ижтимоий ва шахсий ҳаётдаги ўзаро, шунингдек, жамиятга бўлган муносабатларини тартибга солиб турувчи барқарор, муайян норма ва қоидалар йиғиндиси. А. нормалари кишиларнинг хатти-харакатларида ўз ифодасини топади. Бунда баъзи хатти-харакатлар, хулқ-атворлар А.ий, баъзилари А.сизлик деб баҳоланади. А. ижтимоий онгнинг энг қад. шаклларидан биридир. Давр ўзгара борган сари ҳар қандай ҳодиса каби А. ҳам ўзгаради, ривожланиб, такомиллашиб, маънавий маданиятнинг кўринишларидан бирига айланиб боради. А.ни алоҳида фал-ий фан – “Етика” ёки “Ахлоқшунослик” ўрганади. Илм, билим, дунёқараш, идрок ва иймон инсоннинг хулқ-атворида ўзига хос тарзда акс этади. Инсонийлик маданияти эса ахлоқий фазилатлар орқали намоён бўлади. А. ижтимоий муносабатлар заминида алоҳида шахс сифатида мавжуд бўлган инсонларнинг ўз-ўзини идора қилиш шакллари ва меъёри, ўзаро мулоқот ва муносабатларда уларга хос бўлган маънавий камолот даражасининг намоён бўлиши ҳамdir.

АХЛОҚИЙ ҚАДРИЯТЛАР-кишиларнинг хулқ-атворида асрлар давомида шаклланган ўзаро муносабатлар, юриш-туриш қоидалари: хушхулқлик, хушмуомалалик, катталарга ҳурмат, кичикларга иззат, ҳалоллик, покизалик, эзгулик, меҳнаСеварлик, инсонпарварлик, ватанпарварлик.

АХЛОҚИЙ ИДЕАЛ-ахлоқ -меъёрларининг юксак, орзу қилинган даражадаги тасаввуфи, барча энг яхши хислатларга эга, ҳар томонлама тарбияланган инсон образи.

АХЛОҚИЙ МАДАНИЯТ-ахлоқий тарбияга доир асарлар, қарашлар, ғоялар, кўникмалар ва уларга амал қилиниш.

АХЛОҚИЙ МЕЬЁРЛАР-жамиятда ўрнатилган хулқ-атвор қоидалари, улар урф-одат, кўникма, маросим қоидалари сифатида намоён бўлади, ахлоқий қадриятлар сифатида қаралади, уларга амал қилмаслик жамоатчилик томонидан қораланади.

АХЛОҚИЙ ТАРБИЯ-инсон тарбиясининг муҳим қисми ҳисобланиб, одамга ёшлигидан бошлаб тўғрилик, ҳалоллик, иззат ҳурмат, бурч-масъулият, соғлом турмуш тарзи, ор-номус, шарм-ҳаё, Ватан азизлиги, оила муқаддаслиги, эътиқод мустаҳкамлиги хислатларининг сингдириб борилиш жараёнидир.

АХЛОҚИЙ ТАФАККУР-ахлоқ масалаларига бағишиланган фикрлар, қарашлар ғоялар, ҳар бир инсоннинг ахлоқий меъёрлар ва қадриятларни англаш, илмий мушоҳада қилиш жараёни.

АХЛОҚИЙ ФАЗИЛАТЛАР-инсон хулқ-атвори, юриш-туришидаги энг юксак, ижобий ҳатти-харакатлар, ўй-фикрлар ва эзгу амаллар мажмуаси: эзгуликка интилиш, яхшилик қилиш, иззат-ҳурматли бўлиш, меҳнаСеварлик, ор-номусли бўлиш, ватанпарварлик, инсонпарварлик, саховатлилик, ҳалоллик, покизалик каби хислатларнинг намоён бўлиши

АХЛОҚСИЗЛИК-жамиятда қабул қилинган ахлоқий меъёрлардан четга чиқиши: боқимандалик, ёлғончилик, ичкиликбозлиқ, фоҳишабозлиқ, ўғрилик, ҳасад, ғийбат, тухмат, ватанфурушлик, эътиқодсизлик ва шулар каби барча салбий хислатларнинг намоён бўлиши.

АДОЛАТ — юксак маънавий тушунча бўлиб, унинг э. ва Ё. ҳамда Я. ва Ё. дан асосий асосий фарқи шундаки, А. нинг ўзи бирор бир қадриятни англатмайди, лекин қадриятлар орасидаги нисбатни белгилайди, уларни баҳолаш мақомига эга. Шу боис унда жамиятни тартибга солувчилик хусусияти бор; А. да икки маънавий жиҳат – ҳам ахлоқий, ҳам хуқуқий талаблар мужассамлашган. Уни маълум маънода ахлоқ соҳасидаги миқдор ўлчовчи ҳам дейиш мумкин: у талаб б-н тақдирлашни ўлчаб турадиган тарозидир. А. бор жойда ижтимоий жабрга, бебошликка йўл йўқ. Энг оддий, ибтидоий фазилатлар, м., меҳрибонлик, шафқат, мурувват ҳайвонларда ҳам

мавжуд, лекин ҳайвонларда улар ўз гурухига, энг аввало, ўз зурриётiga қаратилган бўлади.

АНДИША —юксак маънавиятга хос, ахлоқий тарбия натижасида шаклланадиган маънавий-ахлоқий тушунча, этика фанининг меёрий тушунчаси, “Маънавиятшунослик”, “Маънавият асослари” фанларининг асосий категорияларидан бири. Кишилар б-н бўлган муносабатда оқибатини атрофлича ўйлаб муносабатда бўлиш, мулоҳаза қилиш А.нинг ўзига хос хусусиятларидандир. Али инсон ўз хатти-ҳаракати, маънавий-руҳий қарашларида юксак ахлоқий тамойиллардан келиб чиқсан ҳолда фаолият юритади. Бундай инсон ўзгаларни олижаноб ахлоқий меъёрларга асосланган ҳолда қадрлайди.

БАХТ- маънавий ахлоқий тушунча. Киши ўз фаолияти натижаларидан ҳаётда қўлга киритилган ютуқларидан тўла қониқиш, яшаш тарзидан мамнунлик, муайян мақсадга етганлик, орзу-умиднинг ушалиши, беармонлик ҳолати сифатида намоён бўлади. Бахт нисбий тушунча, мутлоқ бахт йўқ. Бахтни қандай маънода тушунишнинг шахснинг ижтимоий ўрнига, билими, ёши, дунёқарашига боғлик. Бахт ҳақидаги кишиларнинг тасаввурлари ижтимоий тузим ва ундаги ижтимоий муносабатлар мажмуаси б-н узвий боғлик.

БАҒРИКЕНГЛИК— меҳр-муруват, ғамхўрлик, ҳимоя, паноҳ, макон, сахий, эшиги ҳамма учун очик, даргоҳи кенг; кенгфеълик. Бағрикенглик – ўзгаларнинг дунёқараши, диний эътиқоди, миллий ва этник хусусиятлари, анъана-маросимларига хурмат-еҳтиромда бўлиш, муомала-муносабатда камситишлар, таҳқирлашларга йўл қўймаслик, инсонийликни ҳамма нарсадан устун ҳисоблаб, жамоада, иш жойларида, маҳалла-қўйда бунга риоя этиш. Хуллас, турли диндаги, турли миллат ва элатларга мансуб кишиларнинг бир мамлакат доирасида, ягона давлат таркибида баҳамжиҳат, осойишта яшшидир. Бағрикенглик айrim шахсларга ёки бутун бир ҳалқа хос хусусият бўлиши мумкин. Бағрикенглик – ўзбек ҳалқининг энг олижаноб фазилатидир.

БАРКАМОЛЛИК – камолот, балоғатта эришган, бекаму күст, етук, мукаммал, нүк-сонсиз, камоли хирад – ақл комиллиги, камоли маърифат – илму маърифатда мукаммаллик, камол ахли – илму ҳикмат эгалари, олимлар. Баркамоллик инсоннинг ақлий ахлоқий ва билимдонлик жиҳатидан етуклиги, ўзи танлаган касбу ҳунарнинг устаси бўлиши, шахс сифатида шаклланиб, ватан тараққиёти, эл-юрт фаровонлиги учун жон куйдириши, эзгу ғоя ва ниятлар б-н бунёдкорлик ва яратувчанлик қобилиятига эга бўлиши.

БИОЕТИКА –ҳозирги замон этикасининг муҳим йўналишларидан бири. Б. инсон ҳаётини энг олий ахлоқий қадрият сифатида қарайди, шу билан бирга, инсон ҳаётини сақлаш муаммосини – яхшилик ва ёмонликни фарқлашнинг муҳим мезони, деб ҳисоблади. Ҳоз. замон фанида Б. тирик мавжудотлар, шу б-н бирга, инсонга ҳам бўлган муносабатларнинг маънавий-ахлоқий регулятиви, деб қаралади. Инсоннинг табиат б-н узлуксиз алоқасини маънавий таҳлил этиш асосида, табиатни муҳофаза этишда ахлоқий жавобгарлик Б.нинг маданий негизини ташкил этади. Б., социал масалалалар б-н биргаликда, қадриятлар муаммосини ҳам қамраб олади. Б. мақсадларидан бири - шахсни турли ҳолатларга солиш имкониятларини яратувчи, инсон хатти-ҳаракати, руҳиятини ўзгартириш мумкин бўлган, унинг устидан ўтказилаётган хилма-хил тадқиқотларни чеклаш мезонларини ишлаб чиқади.

БОТИНИЙЛИК ВА ЗОХИРИЙЛИК — маънавий ҳодисалар бўлиб, инсоннинг ички, қалб, кўнглидаги ҳиссиётлар ва уларни сиртқи томондан, ташқи кўринишида ифодаланиши. Инсон ташқи томонидан қандай кўринишидан қатъий назар, унинг Б. ҳиссиёти, қалби, кўнгли ниҳоятда нозик ва маънавий бой бўлиши мумкин. Сиртдан қараганда кам-кўсиз, салобатли кўринган киши ҳиссиёсиз, қалби кўр бўлиши ҳам мумкин. Б. инсонга баҳш этилган неъмат, у буюк кишиларнинг зохирий фаолиятларида ёрқин ифодасини топган.

БУРЧ — жамият, давлат ва шахсларга нисбатан муайян индивиддаги муносабат, улар олдидаги мажбурият. У виждан, эътиқод, масъулият каби

тушунчалар б-н мустаҳкам боғлиқ. Умуман, ҳаётда инсоннинг ҳар бир хаттиқҳаракати замирида Б. га садоқат ёки хиёнат ётади. Б. нинг инсонлик Б.и, мусулмонлик Б.и, насронийлик Б.и, фуқаролик Б.и, оталик Б.и, оналик Б.и, фарзандлик Б.и сингари барча даврлар учун умумий бўлган тушунчалари ҳам, журналистлик Б.и, шифокорлик Б.и, олимлик бурчи каби касбий одоб доирасидаги тушунчалари ҳам мавжуд. Б. тушунчасининг ўзига хос жиҳатларидан яна бири – унинг вақт ва жамиятда муайянлашиш хусусияти. **ВИЖДОН** — маънавиятдаги таъсир доираси ниҳоятда кенг тушунчалардан бири. В. – З. Фройд таъбири б-н айтганда, ало мен, мен устидан назорат ўрнатиб, уни бошқариб турувчи иккинчи бир, юқори даражадаги мен. Агар уят ҳисси инсоннинг ташқи, жамиятга боғлиқлигидан келиб чиқса, В. унинг ички ўз-ўзига боғлиқлигини намоён этади. Бу ички боғлиқлик ташқи боғлиқликка нисбатан теран ва доимийдир: уят маълум бир вақт ичida одамнинг ўз ножӯя харакати туфайли юзага келган ўнгайсизлиги бўлса, В. азоби, бу оддий ўнгайсизлик эмас, балки қалбдаги, одамдаги одамийликка эътиқоднинг фарёди, талаби; уни қондирмас экансиз, ҳеч қачон азоб тўхтамайдир.

ВАТАНПАРVARЛИК -бир ижтимоий гурухга мансуб бўлган инсонларнинг ўз тарихини, тили, маданияти, урф – одатларини, миллий обрўси, қадр – қимматини билиш, хурмат қилиши, уларга таяниши, бошқа халқларнинг ҳам обрў – эътиборини, манфаатларини хурмат қила билишини ифодаловчи маънавий фазилатдир. В. инсоннинг ўз Ватанига муҳаббатини, уни асраб-авайлашга бўлган иштиёқини англатувчи ахлоқий тушунча.

ВРАЧЛИК ОДОБИ - врач маънавияти ва хулқ-атвор меъёрларининг мажмуи. В.о. умумий одобнинг таркибий қисми ҳисобланади, бунда врачнинг фаолияти хусусиятларига мувофиқ ҳолда хулқ-атвори ва ижтимоий ўзига хосликлари ўрганилади. У врачликнинг маънавий-ахлоқий масалаларини қамраб олади, унинг хулқ-атвори, маънавияти, касбий бурчини ҳис этиши, номуси, виждони ва қадр-қиммати меъёрларини, bemорлар, уларнинг қариндош-уруғлари, ўз ҳамкаслари, жамоаси ва уму-ман жамият

билин ўзаро муносабати масалаларини ўз ичига олади. В.о. тамойиллари ижтимоий-иктисодий шароитлар, соғлиқни сақлаш ва жамиятнинг унга бўлган муносабати ҳолати, тиббиёт фанининг ривожланиш даражаси билан боғлик.

ДИЁНАТ – (араб. диндорлик, тўғрилик, инсоф) Худодан қўрқиши, гуноҳ қилмаслик, савоб ишларни амалга ошириш, имонли-еътиқодли, соғдил ва мард бўлиш, диний қонун-қоидаларга қаттиқ риоя этиш, диндорлик, тақводорлик, виждон, инсофлилик. Диёнатли одам тўғрисуз, ҳақгўй бўлади, ҳаромдан ҳазар қилади, бирорнинг зарарига иш қилмайди, ҳамиятли, номусли, ориятли бўлади

ДЎСТЛИК — ахлоқий тушунча; ўзаро боғлиқлик, маънавий яқинлик, манфаатлар умумийлиги ва ҳ.к.га асосланган инсонлар ўртасидаги ижобий муносабатни ифодалайди. Д.га қуйидаги хислатлар: шахсий характер, кўнгилчанлик ва индивидуал танлаш, ички яқинлик, барқарорлик хосдир. Д. мазмунни тарихий тараққиёт жараёнида ўзгариб боради. Фал. тарихида Д.ни кўпроқ ахлоқий жиҳатдан таҳлил қилган баъзи мутафаккирлар унинг эмосионал жиҳатини алоҳида таъкидлаганлар, бошқалари эса уни манфаатлар умумийлиги ва оқилона эгоизмдан келтириб чиқарганлар. 19-а.нинг охирларида Д. психолог ва социологлар томонидан ilk эмпирик тадқиқ этила бошланди. Д.нинг мазмунни ва функциялари ёш ўтиб бориши б-н сезиларли даражада ўзгариб боради. Болалар дўстлиги, ўртоқлик, ҳамкорлик фаолиятига асосланган эмосионал-ҳиссий яқинликни ўзида акс эттиради.

ИМПЕРАТИВ АХЛОҚ -(лот.императивус -фармон) Кант этикасида ахлоқий қонунни тавсифловчи асосий тушунча. Кант фалсафий таълимотида амалий ақлни назарий ақлга нисбатан устун қўйилади. “Амалий ақл” деганда, кенг маънода у этика, давлат ва ҳуқуқ назариясини, тарих фалсафаси ва динни, антропологияни; тор маънода эса, ахлоқий хулқ автор тамойиллари ва қоидаларини яратувчи ақлни тушунади. Кант “Амалий ақл танқиди” асарида инсон яхшилик ва ёмонлик ҳақида қалбининг ҳиссий иштиёқи ва

интилишларига асосланиб эмас, ақл заковати ёрдамида хулоса чиқариш керак, деган назарияни ўртага ташлайди.

КАСБИЙ ОДОБ - жамият томонидан қабул қилинган ахлоқ қоидаларини кишиларнинг ихтисосларига нисбатан амалда татбиқ қилувчи аниқ касбий бурч, шаън, ор-номус, қадр-қиммат каби хатти-ҳаракатларнинг мажмуи, умумий ахлоқнинг кишилар касб-коридаги ўзига хос кўринишидир. Одоб (араб. адаб сўзининг кўплиги) – жамиятда эътироф этилган хулқ нормаси. Шахс маънавий ҳаётининг ташқи жиҳатини ифодалайди ва ўзгалар б-н муносабат (оила, меҳнат жамоаси, турли маросимлар)да намоён бўлади. Одоб негизида ахлоқнинг баъзи тамойил ва меъёрлари, шунингдек, мақсадга мувофиқлик ва гўзаллик (естетика) талаблари ётади. Одоб кишининг жамоат орасида ўзини қандай тутиши, одамлар б-н қай йўсинда муомала қилиши, ўз турмуши, бўш вақтини қандай ташкил этиши, инсон ташқи қиёфаси қандай бўлиши лозимлигига тегишли қоидалар (масалан, шарм-хаё, камтарлик, хушмуомалалик кабилар)ни ўз ичига олади.

КАМТАРЛИК – аввало ўз – ўзига талабчанлик, ўз ҳаракатларига, ишига, билимига танқидий қараш, ўзига, куч – қувватига ортиқча баҳо бермаслиkdir. Камтарлик кишиларга бўлган муносабатда намоён бўлади. Инсон одобли бўлса, у кишилар билан шунчалик содда камтарона муомала қиласи, ўз ишларига ва ҳаракатларига камтарлик билан баҳо беради. Бошқаларга нисбатан ширинсуҳан бўлади. Камтар инсон бошқалардан ўзини устун қўймайди, ўзига бино қўйиб, сохта шухрат кетидан қувмайди, ютуқлардан эсанкирамайди. Камтарлик - тортинчоқлик ва ҳаддан ташқари андишалилиқдан фарқ қиласи. Улар орқасидан инсон ўз қадр – қимматини тушириб қўйиш мумкин. Камтарлик табиийликдан келиб чиқади. У кишиларга бўлган муносабатда ҳам яққол кўринади. Камтарлик инсон ички маънавий дунёсининг ташқи ифодаси ҳисобланади.

МАЬНАВИЙ-АХЛОҚИЙ ТАРБИЯ. М.а.т. - юксак маънавий-ахлоқий фазилатларни шакллантиришга йўналтирилган тарбия жараёни. Маънавият — тарбиянинг энг таъсирчан қуроли ва айни пайтда унинг натижаси. Ахлоқ

— маънавиятнинг ўзаги. Ахлоқ — бу аввало, инсоф ва адолат туйғуси, имон, ҳалоллик дегани. Қадимги аждодларимиз комил инсон тарбияси ҳақида бутун бир ахлоқий талаблар мажмуасини, замонавий тилда айСак, шарқона ахлоқ кодексини ишлаб чиққанлар. М.а.т.да ахлоқ б-н маънавият мезонларига асосланиб, инсонда маънавият ҳамда ахлоқни шакллантириш ва ривожлантириш, такомиллаштириш учун таъсирни кучайтиришга эътибор қилинади.

МАҲАЛЛА (араб тилидан, маъноси – жамоат, жой, макон, қишинчилик) – Ўрта Осиё, хусусан Ўзбекистон қудудида X асрлардан бошлаб мавжуд билганлиги тўғрисида тарихий манбалар гувоҳлик беради. Маҳалла - бу жамиятшунослар таъбири б-н айтганда, тайёр андозага эга билган, «маҳаллий бошқарувда ҳалқчил демократия институти» номини олган ташкилотдир. У ўзининг асосий вазифаси, «бирдамлик», «жамоавийлик», «ҳамкорлик» асосида маҳаллий аҳолини бирлаштирувчи, уюштирувчи ташкилот билганлиги боис, ҳамма даврларнинг бошқарув органлари унга нисбатан алоҳида муносабатда бўлиб келганлар.

МАҲР – (турк. teng ҳукуқли никоҳ тузилган пайтда хотинига ажратиб бериладиган мулк) никоҳнинг асосий шарти, никоҳ пайтида куёв томонидан келинга совфа қилинадиган, кейинчалик фақат хотинга тегишли бўлган мулк. Маҳр фақат исломга хос, қалин ташқи томондан маҳрга ўхшаса ҳам, қадимдан қолган урф-одатдир

МУҲАББАТ ВА НАФРАТ — М. ва Н. кўпгина маънавий ахлоқий тушунчалар каби жуфтлик хусусиятига эга. М. инсоний моҳиятнинг эркин тарзда намоён бўлиши, зўравонлик ёки зўрмақзўракилик б-н чиқиша олмайдиган ҳодиса. У меъёрлар, анъаналар, қонунларга бўйсунмайди, лекин юксак ахлоқийлик ифодаси тарзида инсонга улкан масъулият юклайди, уни жасоратга чорлайди, у – инсонни ташқи ва трансдендентал олам б-н боғлайдиган, уни ёлғизлиқдан олиб чиқадиган буюк маънавий куч. М. нинг обекти доимо гўзаллик, манфаатиз гўзаллик. У – Аллоҳми, Ватанми, ёрми – М. Эгасига унданда гўзалроқ нарса йўқ. Айни пайтда бир объектни севган

киши бошқа объектларни ҳам севиши табиий. Дейлик, ёрга бўлган ҳақиқий М. Ватанга, инсониятга М.ни инкор этмайди, аксинча, барқарор қиласди. Зеро, «ўз-ўзича», «якка», «худбин» М.нинг бўлиши мумкин эмас. Инсон ўзи ўзгага айланганида, ўзгани ўзига айлантира олганида ҳақиқий М. Эгаси ҳисобланади. Мана шу объект б-н субъект орасидаги фарқнинг «йўқолиши» энг буюк, энг мукаммал маънавий лаззатдир.

МУОМАЛА МАДАНИЯТИ -инсонлар, халқлар, миллат ва элатлар, қавмлар орасида ўзаро маънавий алоқа, саломлашув, сўзлашув, келишув ва бошқа инсоний муносабатлардир. Мухим алоқа воситаси-М.м. икки ёки ундан ортиқ кишиларнинг ўзаро сухбатини, муносабатини кўрсатувчи омил. М.м. нафақат кишилар орасидаги алоқа воситаси, балки шу б-н бирга дунёнинг, оламнинг маънавий инструменти ҳамдир. Сизнинг қандай шахс эканингизни, ўзаро мулоқотда ўз ифодасини топади.

МУРУВВАТ – инсонпарварлик, бирор кимсага қилинган инсоний ёрдам, яхшилик, саҳоват, лутф. Муруват саҳоват б-н уйғун сифат, инсоний ахлоқий фазилат бўлиб, халқимизга хос бўлган хусусият, миллий қадриятдир.

МИЛЛАТПАРVARЛИК - бу ватанпарварлик тамойилининг янада муайянлашган шакли. Зеро, миллатни севиш кенг маънода Ватанни севиш дегани. Ватансиз миллатнинг бўлиши ёки расмана эркин ва баҳтли яшапи мумкин эмас. Асл миллатпарвар - миллий ўзлигини англаб етган инсон. У ўз миллати б-н фаҳрланади, ўз миллати б-н бутун жаҳоннинг фаҳрланишини истайди. Миллатпарварлик тамойили асосида миллий ғоя ётади, у миллатни севиш амалиётининг - миллатпарварликнинг илмий-назарий асоси сифатида майдонга чиқади.

НОМУС - моҳиятан шахснинг ўз қадр - қимматини англаб етиши, шу қадр - қимматнинг жамият томонидан тан олиниши ёки олинмаслигига нисбатан бўладиган муносабатидир. Бироқ, бу - номус қадр - қиммат тушунчаси билан бир хил маънога эга, дегани эмас. Чунки қадр-қиммат шахсдан ўзининг бошқа одамларга нисбатан камситилмаслигини, атрофдагилардан барча инсоннинг teng хуқуқлилиги тамойилини ўзига

нисбатан қўллашларини талаб қиласди. Номус эса ўз қадр-қимматини билишдан ташқари, ҳар бир шахснинг жамиятда алоҳида, ўзига хос тарзда эгаллаган мавқеи ва шу мавқени доф туширмай сақлаш-сақламаслиги билан боғлиқ. Бу мавқе эса, шубҳасиз, ўша шахснинг ижтимоий ҳаётдаги ўрни, касби, ёши ва унга нисбатан бериладиган ахлоқий даража билан муайянлашади.

ОДОБЛИЛИК – Кундалик ҳаётдаги ахлоқий қоидаларига риоя қилиш – одоб ҳисобланади. Одоб ахлоқий фазилатлар инсоннинг кундалик фаолиятига сингиб бораётганини қўрсатувчи мезондир. Одоб – жамият қабул қилган ахлоқ нормаларини инсон фаолиятида, хатти – ҳаракатида, муомала ва мулоқотида намоён бўлишидир. Муайян одоб доирасида бўлиш, яхши ном қолдиришга интилиш инсоният пайдо бўлибдики, мавжуд. Инсоннинг энг яхши фазилатлари насл – насаби, билими билан эмас, балки одоби билан белгиланади.

ОИЛА – кишилик жамиятининг ижтимоий пойдеворидир. Унда жисмонан соғлом, маънан баркамол, ахлоқан пок ва юксак маданиятли инсонни вояга етказилади. Оила ҳаётининг асосий мақсади аҳолини қайта тиклаш ва болалар тарбиясидир.

ОИЛНИНГ МУСТАХКАМЛИГИ – оиладаги тинчлик, хотиржамлик, бир- бирига бўлган самимий муносабат ҳисобланади. У оила аъзоларининг ахлоқий тарбиясига ҳам боғлиқ. Халқимиизда бежиз “Соғлом турмуш тарзи мустахкам оиланинг гаровидир” деб айтилмаган. Соғлом турмуш тарзи деганда биз нафақат оиладаги эр ва хотиннинг бир – бирига бўлган муносабати балки, улардаги ахлоқий фазилатлар, имонлилик, поклик, ҳалоллик, ростгўйлик, ширинсўзлик, каби ахлоқий меъёрларга амал қилган холда урф – одатларга асосланган, замонавий оиладаги иқлимини тушунамиз. Бундай иқлимда тарбия топган бола маънавий ва ахлоқан етук инсон бўлиб шакилланади.

ОИЛА МАДАНИЯТИ – жамиятининг муҳим ижтимоий институти бўлган оиланинг тўлақонли ва мукаммал фаолият юритиши учун унинг

аъзолари (ер ва хотин, ота-она ва фарзандлар) ўртасида биргаликда ҳаёт кечириш ва зарур муносабатлар ўрнатиш кўникмаларининг мажмуаси.

Оила маданияти - Оиланинг тарбия муҳити сифатидаги хусусияти, унинг ўзига ҳослиги ва тамойилан муҳимлиги, ундаги муносабатларнинг бевоситалиги ва мустаҳкамлигини умумий муҳитнинг эмоСионаллиги б-н ўйғунликда эканлиги б-н шартланади.Faқат оилада фарзандлар катталардан малака, билимларни ўзлаштирадилар, катталар эса ўз ҳаётларида босиб ўтган йўлларини фарзандлари орқали қайта барпо этадилар. Оилавий муҳит ўзига хос, уникал бўлиб, унинг ҳар бир аъзоси янги авлодда мустаҳкам ва барқарор соғлом оилани барпо этишга масъулдир.

ОИЛА МАЊНАВИЯТИ – оиланинг тўлақонли ва баркамол ривожланиши ва фаолият юритишини белгилаб берувчи ахлоқий, руҳий, психологик ва ғоявий омилларнинг бирлиги, оила аъзолари ички дунёсининг уйғун тарзда намоён бўлиши.

Оила мањнавияти - Жамиятнинг асосий ижтимоий вазифаларидан бири бўлган соғлом авлодни тарбиялаш, оиланинг фаолияти б-н чамбарчас боғлиқдир. Жисмонан соғлом, мањнан кучли ва ақлан етук соғлом авлодни яратиш – оиланинг энг асосий ижтимоий вазифаларидан биридир.

САМИМИЙЛИК - “бошқалар гапини тинглайдиган, ҳамфир бўла оладиган, хабардор” деган мањони англатади. Самимиийлик - тўғрилигига ўзи ишонган, бу ҳақда ўзига ва бошқаларга икрор бўла оладиган нарсаларни қиласидиган одамнинг мањнавий ижобий сифати. Самимиј - самимијат б-н иш тутувчи, муомала қилувчи, сидқидиллик б-н чин қалдан қилинган, дилдан чиқкан. Самимијат - кишиларга қалбан ҳайриҳоҳлик, покдиллик, самимиийлик, сидқидиллик. С. инсондаги энг яхши хислат, олий инсоний фазилатлардан бири бўлиб, ахлоқнинг муҳим меъёрларидан хисобланади.

ТАКАББУР(ЛИК). Такаббур – ўзини катта оладиган, кибр-ҳаволи. Такаббурлик - 1. Такаббур бўлиш. 2. Такаббур одамларга хос ҳатти-ҳаракат. Т.лик - салбий ахлоқий сифат бўлиб, бошқаларга кибр-ҳаволик б-н муносабатда бўлиш, уларнинг тажрибаси ва мањнавий бойликларни

менсимаслик, ўзининг жамиятда тутган ўрнидан, миллатидан мағурланишни англатади. Т.лик - манманликнинг бир кўриниши бўлиб, кишининг ўзини яхши кўриш ва имкониятларига ортиқча ишониши асосида бошқаларга беҳурматлиқда бўлишини ифодаловчи салбий ахлоқий сифат. Т.лик - иллат. Т.лик камтарлик ва одамларга хурмат сифатларига зиддир. Т.лик кибр, манманлик, мағурлик, мақтанчоқлик, кеккайиш, калтабинлик, жамоадан ўзини юқори қўйиш, бошқалардан устунлигини намоён этиш каби иллатлар йиғиндисидан иборат.

ТАРБИЯ – инсоннинг шахс бўлиб етишувини таъминлайдиган узлуксиз жараёнларидан бири. Гўзал фазилатлар инсонга хос нарса, фақат унинг мулки эмас. Яхши фазилат жамиятнинг бойлиги, умуминсоний маънога эга. Ижобий фазилатга эга бўлган кишилар жамиятга таъсир қиласи, унинг ривожланишини тезлаштиради. Инсон боласи ҳам бу ёруғ оламга шунчаки келмайди.Ҳазрат Навоий таъбирича, инсон оламга камолотга эришиш учун келади. Инсон тўғри тарбия топмаса, унинг хатти-харакатлари жамиятга заар келтиради.

ЗИНО– бузуқлик, фаҳш. Шаръий никоҳда бўлмаган эркак ва аёлнинг жинсий алоқада бўлиши, исломда катта гуноҳ саналади. Зинокор одам жамият ахлоқини бузадиган одам қаралган ва тегишли жазо белгиланган. Шариатда зино ҳақида ҳукм чиқариш учун шу иш б-н шуғулланган ҳар икки томоннинг иқоро бўлиши талаб қилинган. Тухмат ва ёлғон гувоҳликка қараб ҳукм чиқарилмаган

СЕВГИ – 1) эмоционал жиҳатдан ижобий бўлган муносабатнинг юксак кўриниши бўлиб, бунда субъект ўз обектини бошқалардан ажратиб олади ва ўз ҳаётий эҳтиёжларининг диққат марказига қўяди; 2) субъектнинг турғун, интенсив ва кучайган ҳиссиёт бўлиб, бунда организмнинг физиологик жараёнларида ва хусусан шахснинг жинсий майлида фаоллик кузатилади. С.да бир шахс бошқа инсоннинг ҳаётида ўзлигини бутунлай намоён қилиш ва бу орқали унда ўзига нисбатан худди шундай ҳисларни

үйғотиши ниятида бўлади. Бу ҳислар ҳам ўзиники сингари турғун, интенсив ва кучайган бўлишини ҳоҳлайди. С. ҳисси ўта интим мазмунга эга бўлади.

ШАХСНИНГ АХЛОҚИЙ МАДАНИЯТИ – Индивид томонидан ахлоқий онг оркали жамият маданиятини идрок этиш даражаси; ахлоқ талаблари инсон хатти-ҳаракатлари жамиятнинг шакллантирувчи таъсири остида қай даражада чуқур ва уйғун эканлиги кўрсаткичидир. Турли омиллар таъсири остида: ҳаётий тажриба ва тарбия; билим ва санъат шахс жамиятнинг ахлоқий маданияти ютуқларини турли даражада ўз онги ва хатти-ҳаракатларида жамлайди. Ш.а.м. мураккаб дастур бўлиб, ўз ичига инсониятнинг шундай тажрибасини оладики, унга кўра инсон анъанавий вазиятларда ахлоқан иш юритади, ҳамда онгнинг ижодий элементларини – ахлоқий ақл, интиуиСияни ҳам ўз ичига олади ва улар ёрдамида муаммоли вазиятларда ахлоқий қарорлар қабул қила олади.

ШАРҚОНА АХЛОҚ – хулқ-атвор, юриш-туриш, тарбия, хушахлоқлилик, боадаблилик, ота-онага, устозларга ҳурмат-еҳтиром, хушмуомалалик, очиқ юзлилилк, вазминлик, камтарлик, ваъдага вафодорлик, тўғрисўзлик ва х.к.

ФУҚАРОЛИК ЖАМИЯТИНИНГ МАЬНАВИЙ АХЛОҚИЙ НЕГИЗИ -Фуқаролик жамияти – ижтимоий ҳаётнинг давлат таъсири ва аралашувидан, маъмурий тазииклардан ҳоли бўлган ҳамда инсонларининг ҳусусий турмуш соҳасини ташкил этувчи муносабатлар мажмуидир. Фуқаролик жамияти чуқур маънавий, юксак маданий инсоний муносабатлар замирига таянади. Бу жамиятнинг маънавий ҳаётида бир нарса устуворлик қиласи, яъни инсон бениҳоя даражада улуғланади, умумисоний қадриятлар эъзозланади, улар мўътабар ва муқаддас саналади. Бунда инсоннинг қадр – қиммати, меҳр – оқибат, ахлоқий поклик, адолатпарварлик ва инсонпарварлик каби олий қадриятлар инсонлар ўртасидаги муносабатларни белгиловчи мезондир.

ҲАЛОЛЛИК - соғ, покиза бўлишни талаб қиласидиган ахлоқий меъёрдир. Даставвал у диний тушунча сифатида вужудга келиб, ҳар бир

мусулмоннинг емак-ичмаги, жинсий ва иқтисодий хатти-ҳаракатлари сифатини белгилаб берувчи шаръий меъёр бўлиб амал қилган. Инсонни маънавий, ахлоқий жиҳатдан безайдиган ажойиб фазилатлардан бири - ҳалол, покиза яшаш, бирорларнинг хақига заррача бўлсада ҳиёнат қилмасликдан иборатдир.

ҲАЁ – шахснинг ахлоқий ўзини-ўзи англаши кўринишларидан бири; ҳаё туйғусида инсоннинг ўз хатти-ҳаракатларини, ахлоқий сифатлари ва мотивларини англаши тушунилади. Инсон ўз хатти-ҳаракатларининг ахлоққа зид эканлигини мустақил равища ёки бўлсамаса атрофдагиларнинг қоралashi натижасида англаб этиши мумкин. Ҳаё виждон б-н бевосита боғлиқ бўлади. Виждонсиз одамларда ҳаё бўлмайди. Шу б-н бирга, ҳаёнинг виждондан фарқ қилувчи жиҳатлари ҳам мавжуд. Ҳаё қўпроқ ташқи муҳит б-н боғлиқ бўлади. Ҳаё туйғуси инсоннинг ўз хатти-ҳаракатларини бошқалар нуқати назаридан баҳолаши б-н боғлиқ бўлади. Ҳаё туйғуси маънавиятли ва маънавий юксак инсонларга хос ахлоқий фазилатдир.

ҲАСАД - ўзида йўқ бўлган нарсанинг бошқаларда бўлишини истамаслик, ўзгаларнинг ютуқлари ва муваффақиятларини кўра олмаслик. Ҳасад туйғуси мавжуд бўлган одам бошқаларнинг яхши турмуш кечиришидан, ўқища, меҳнат фаолиятида эришган ютуқларидан қийин аҳволга тушади. Ҳасад турли оламшумул динларда қораланади. Масалан христиан динида ҳасад еттига гуноҳи кабиралардан бири ҳисобланади. Чунки бу динда айтилишича, ҳасад қилиш худо томонидан ўрнатилган тартибдан норозиликни билдиради.

ЕЗГУЛИК ВА ЁВУЗЛИК — маънавий ахлоқий тушунчалар орасидаги энг муҳим жуфтликлариdir. Э. инсонни фаолиятнинг асл моҳиятини англатади – Тангри иродасининг инсон қалбидағи тажассуми сифатида намоён бўлади. «Езгу ўй, эзгу сўз, эзгу аъмол» учлиги «Авесто» дан тортиб барча муқаддас китобларда етакчи ўринни эгаллаши ҳам шундан. Э. инсонга энг кучли маънавий лаззат бағишлийдиган, уни ижтимоий шахсга айлантириб, ҳақиқий баҳтга олиб борувчи фазилат; шахсни комилликка,

жамиятни эса юксак тараққиётга етказувчи юксак қадрият. У инсоннинг ахлоқий фаолияти туфайли муайянлашади, юзага чиқади.

ЕТИКЕТ - такаллуфнинг майда-чуйда жиҳатларигача ишлаб чиқилган одоб қоидалари сифатида ижобий, кишининг кўзини қувонтирадиган муносабат ҳодисасидир. Этикетнинг қамрови кенг, у маълум маънода халқаро миқёсда қабул қилинган муомала қонун-қоидаларини ўз ичига олади. У кўпроқ инсоннинг ташқи маданиятини, ўзаро муносабатлардаги ўзни тутиш қонун-қоидаларининг бажарилишини бошқаради. Муомала одобида инсон ўз муносабатларига ижодий ёндошса, яъни бир ҳолатда бир неча муомала қилиш имконига эга бўлса, этикет муайян ҳолат учун фақат бир хил қоидалаштириб қўйилган хатти-ҳаракатни тақазо этади.

ЯХШИЛИК ВА ЁМОНЛИК — асосий маънавий ахлоқий жуфт тушунчалардан. У яқин яқингача э. ва Ё. нинг синоними тарзида қўлланиб келинар эди, аслида улар асос эътибори б-н бирқиридан фарқ қиласди. Э. ва Ё. ўзини чексизликда, Я. ва Ё. ўзини чегаралангандикда ифода этади. Э. ижтимоийлик хусусиятига эга, Я. Эса асосан шахснинг одобига, хулқига боғлик бўлган ижобий ҳодиса; унда мардлик, очиққўнгиллилик, ҳалоллик сингари ахлоқий меъёрлар тажассум топади. Бироқ унга асос бўлган амалий хаттиқҳаракатлар қаҳрамонлик, жасорат, ватанпарварлик каби ахлоқий тамойиллар даражасига кўтарила олмайди.

ФОЙДАЛАНИЛГАН АДАБИЁТЛАР РҮЙХАТИ

1. Абдулла Авлоний, Туркий гулистон ёхуд ахлоқ, Т., “Ўқитувчи”, 1992
2. Абу Лайс Самарқандий, Танбех ул-ғоғилийн, Т., “Мавороуннахр”, 2007
3. Мухаммад Содиқ Мухаммад Юсуф, Рухий тарбия, Т., “Шарқ”, 2010, 241-бет
4. Абу Хомид Фаззолий, Мукошафат ул-қулуб, I том Т., “Янги аср авлоди”, 2004, 275-бет
5. Н.Макиавелли, Избранные сочинения, М., ИХЛ, 1982, с 384
6. Машриқ замин-ҳикмат бўстони, Т., “Шарқ”, 1997, 161-бет
7. Ахмад Яссавий, Девони ҳикмат, “Фоғур Ғулом”, 1992, 35 бет
8. Абдулла Шер, Ахлоқ шунослиқ, Т., “Янги аср авлоди”, 2003, 141-бет
9. Маҳмуд Асьад Жўшон, Тасаввуф ва нафс тарбияси, Т., “Чўлпон”, 1998, 79-бет
10. Абу Хомид Фаззолий, Кимиёи саодат, II- Т., “Минхож”, 2004
11. 100 мумтоз файласуф, Т., “Янги аср авлоди”, 2007, 1976
12. Мухаммад Содиқ Мухаммад Юсуф, Имон, Т., “Камалак”, 1991, 160-бет
13. Н.Комилов, Хизр чашмаси, Т., “Маънавият”, 2005, 320-бет
14. А.Навоий, “Маҳбубул қулуб”, Асарлар, 13-жилд, Т., 66-67-бет
15. Н.Комилов, Хизр чашмаси, Т., “Маънавият”, 2005
16. А.Навоий, Асарлар, 17-жилд: “Нисоимул муҳаббат”, Т., 2001
17. А.Навоий, Асарлар, 5-жилд: “Тухфатул афкор”, Т., 1965 ёки А.Навоий, Девони Фоний, Душанбе, “Ирфон”, 1993

МУНДАРИЖА

Кириш.....	3
Олийжаноблик, шириңсүзлик, захархандалик.....	5
Исёнкор қалб ва мусафро қалб.....	8
Мағурланиш ва викор.....	13
Илм талаб қилмоқлик ва илмига амал қилмоқлик.....	18
Ихлос ва тилга эҳтиёткорлик.....	21
Ичкилик, қиморбозлик ва ўғрилик.....	25
Чақимчилик ва адоват.....	29
Ёлғончилик ва ростгүйлик.....	35
Тил ва дил номувофиқлиги.....	38
Ҳаё ва ҳаёсизлик, иффат.....	42
Кибрланиш ва хокисорлик.....	47
Риёкорлик ва риёсизлик.....	53
Ҳасад гўйлик ва ичиқоралик.....	58
Ҳалол ва ҳаром.....	62
Сабрлилик ва сабрсизлик.....	66
Омонатга хиёнат ва омонатга садоқат.....	73
Раҳмат ва шафқат.....	77
Фосиқлик ва баҳиллик.....	79
Фийбатчилик ва ифвогарлик.....	84
Олийҳимматлилик ва хасислик (зиқналиқ).....	87
Тафаккур ва ғафлат.....	92
Иймон ҳаловати ва таваккул.....	97
Тама, ҳақорат, диёнат.....	104
Шукр, ғазаб, қаноат.....	107
Кечиримлилик, шахват ва жаҳолат.....	112
Иккиюзламачилик (нифоқ) ва мунофиқлик.....	117
Зикр ва ахлоқ	120
Илм излаш фазилати.....	123
Адолатпарварлик ва золимлик (А.Навоий мамнунияти ва нафроти).....	133
Хулоса.....	145
Глоссарий.....	146
Фойдаланилган адабиётлар рўйхати.....	163

Оглавление

Введение	3
Великодушие, приветливость, злословие	5
Бунтарность и добродушие	9
Гордыня и гордость	13
Склонность и осторожность к языку	18
Любознательность и следование знаниям	21
Пьянство, тяго к азартным играм и воровство	25
Доносительство и неприязнь	29
Лживость и правдивость	34
Несоответствие слова и дела	37
Благочестие и пощлость	41
Высокомерие и скромность	46
«Халол» и «харом»	62
Терпиловость и нетерпимость	66
Измена сбережениям и верность к сбережениям	73
Благодарность и милосердие	77
Скупость и зависть	79
Осуждение и сплетня	84
Щедрость и жадность	88
Мышление и беспечность	93
Спокойство души и опора	98
Коррупция, оскорблениe, честность	105
Признательность, злость, терпимость	108
Прощение и невежество	113
Двуличие и лицемерие	118
Благоверие и мораль	121
Качество любознательности	124
Праведность и жестокость	134
Заключение	145
Глоссарий	146
Список использованной литературы	163

